

咧



清 張廷玉 等撰

中 華 書 局

卷三二三至卷三三二(傳)第二八明

圖書在版編目(CIP)數據

點校本二十四史精裝版/顧頡剛等點校.一北京:中華 書局,2011.7

ISBN 978 - 7 - 101 - 07986 - 9

I. 點… II. 顧… III. 中國歷史:古代史 - 紀傳體 IV. K204.2

中國版本圖書館 CIP 數據核字(2011)第 088685 號

责任編輯:李 静

點校本二十四史精裝版

(全二四一册) 司馬遷等 著 顧頡剛等 點校

*

中 華 書 局 出 版 發 行 (北京市豐產區太平橋西里 38 號 100073)

http://www.zhbc.com.cn E-mail:zhbc@zhbc.com.cn 北京市白帆印務有限公司印刷

*

850×1168 毫米 1/32·2545%印張·486 插頁·60000 千字 2011年7月第1版 2011年7月北京第1次印刷 印數:1-3000 班 定價:7900.00 元

ISBN 978 -7 -101 -07986 -9

明史卷三百二十三

列傳第二百十一

外國四

麻葉甕 琉球 呂宋 古麻剌朗 合貓里 馮嘉施蘭 美洛居 文郎馬神 沙瑤吶嗶嘽 雞籠

器、鐵釜,自是賞賚多用諸物。 萬、鐵器千就其國市馬。 詔告其國,其中山王察度遣弟泰期等隨載入朝,貢方物。 王,日中山,日山南,日山北,皆以尚爲姓,而中山最强。 七年冬,泰期復來貢,幷上皇太子箋。 琉球居東南大海中,自古不通中國。 九年夏,泰期隨浩入貢,得馬四十匹。浩言其國不貴紈綺,惟貴磁 明年遣使賀正旦,貢馬十六匹、硫黃千斤。 元世祖遣官招諭之,不能達。 命刑部侍郎李浩齎賜文綺、陶鐵器,且以陶器七 五年正月命行人楊載以即位 帝喜,賜大統曆及文綺、紗羅有 洪武初,其國有三 又明年復貢。 建元 Щ

列

傅

第二百十

外國

四

以鈔。 北王鍍金銀印如二王,而賜二王海舟各一。自是,三王屢遣使奉貢,中山王尤數。二十三 之敕,令罷兵息民,三王並奉命。 年,中山來貢,其通事私攜乳香十斤、胡椒三百斤人都:爲門者所獲,當入官。 詔還之,仍賜 Щ 南王承察度亦遣使朝貢,禮賜 南王 並來貢,詔賜二王鍍金銀印。 如中山。十五年春,中山來貢,遣內官送其使還國。 山北王怕尼芝卽遣使偕二王使朝貢。 時二王與山北王爭雄,互相攻伐。 命內史監丞梁民 十八年又貢,賜山 明 年與

帝聞,置之死,而待其國如故。山北王怕尼芝已卒,其嗣王攀安知,二十九年春遣使來貢。 令山南生肄國學者歸省,其冬復來。中山亦遣寨官子二人及女官生姑、魯妹二人,先後來 官以登極韶 肄業,其處慕華風如此。 明年,中山兩入貢,又遣寨官子肄業國學。是時,國法嚴,中山生與山南生有非議詔書者。 一襲。其冬,山南王亦遣從子及寨官子入國學,賜賚如之。自是,歲賜冬夏衣以爲常。 二十五年夏,中山貢使以其王從子及寨官子偕來,請肄業國學。從之,賜衣巾靴襪幷 **渝其國,三王亦奉貢不** 中山又遣使請賜冠帶,命禮部繪圖,令自製。其王固以請,乃賜之, 絕

成祖承大統、詔諭如前。

永樂元年春,三王並來貢。

山北王請賜冠帶、詔給賜如中山。

册封如 貰之。三年,山南遣寨官子入國學。明年,中山亦遣寨官子六人入國學,幷獻奄豎數人。帝 使臣 度之喪,行 父喪, 物爲心,帝王乃可絕人類乎。」竟還之。五年四月,中山王世子思紹遣使告父喪,諭祭,賜賻 止 曰:「彼亦人子,無罪刑之,何忍。」命禮部還之。 命行人邊信、劉亢齎敕使三國,賜以絨錦、文綺、紗羅。 |其再進。| 帝曰:「諭以空言,不若示以實事。 今不遣還,彼欲獻媚,必將繼進。 天地以生 私 命禮部遣官諭祭,賻以布帛,遂命武寧襲位。 **齎白金詣處州市磁器,事發,當論罪。** 謂前王無子,傳位 應祖,乞加朝命,且賜冠帶。 帝曰:「遠方之人,知求利而已,安知禁令。」悉 部臣言:「還之,慮阻歸化之心,請但賜敕, 四月,山南 明年二月,中山王世子武寧遣使告 帝並從之,遂遣官册封。 王從弟汪 應 祖 亦 遣使: 告承察 時 Щ

鄉。 未若今 股安 或 臣 語 相 得 從之,乃 及 艺。 年,山南 左長史朱復,本江西饒州 違之。」 日賜予之周 禮部尚書呂震曰: 命復、茂並 明年 遣官生三人入 - , 中山 也。」帝曰:「蠻夷子弟慕義而來,必衣 一爲國 遣 國相子及寨官子入國學, [相, 復棄左長史致仕, 茂兼右長史任其國 國學,賜巾服靴條、衾褥帷帳,已復頻有所 「昔唐太宗興庠序,新羅 人,輔臣祖 |察度四十餘年,不懈。 因言:「右長史王茂輔 、百濟並遣子 .食常充,然後嚮學。此我 今年踰 來 事。 學。 賜。 八 + 十 翼 爾 有 時 請令致 日, 年, 僅給 太祖美意 年,請擢爲 帝 廩餼 仕 還

前

列

傳 第

寨官子十三人入國學。 爲主,以十三年三月請封。 時山南王應祖爲其兄達勃期所弑,諸寨官討誅之,推 命行人陳季若等封爲山南王,賜誥命冠服及寶鈔萬 應祖 五 千 子他魯每

入貢。 王世子尚巴志來告父喪,渝祭賜賻如常儀 者,餘六十七人付其主自治。 能却也。 琉球之分三王也,惟山北最弱,故其朝貢亦最稀。 其後,竟爲二王所併,而中山益强, 其冬,貢使還至福建,擅奪海舶,殺官軍,且毆傷中官,掠其衣物。 明年遣使謝罪,帝待之如初,其修貢益謹。二十二年春,中山 以其國富, 一歲常再貢三貢。 自永樂三年入貢後,至是年四 天朝雖厭其繁,不 事聞、戮其爲首 月 始

其王以冠服未給,遣使來請,命製皮弁服賜之。三年八月,帝以中山王朝貢彌謹,遣官齎 嗣位,命行人方彝詔告其國。 洪熙元年命中官齎敕封巴志爲中山王。 宣德元年,

Щ 「南自四年兩貢,終帝世不復至,亦爲中山所併矣。自是,惟中山一國朝貢不 絕。 敕往勞,賜羅錦諸物。

臣 爲官司所沒入,致來往乏資,乞賜垂憫。」命給直如例。 **其所齎**, .冠服,皆國初所賜,歲久敝壞,乞再給。」又言:「小邦遵奉正朔,海道險遠,受曆之使,或半 正 |統元年,其使者言:「初入閩時,止具貢物報聞。 下人所齎海肥、 螺殼,失於開報,悉 帝曰:「番人以貿易爲利,此二物取之何用,其悉還之,著爲令。」使者奏:「本國陪 明年,貢使至浙江,典市舶者復請籍

月,中山 月,世子尚思達來告父喪,命給事中陳傳、行人萬祥往封 嵗 茲始也。 歲始返,常懼後時。」帝曰:「冠服令本邦自製。 世子尚忠來告父喪,命給事中余忭、行人劉遜封忠爲中山 ||作等還,受其黃金、沉香、倭扇之贈,爲偵事者所覺,並下吏,杖而釋之。 十二年二 大統曆,福建布政司給予之。」七年正 美 敕使之用給事 中, 自

給事中嚴誠、行人劉儉封泰久爲王。天順六年三月,世子尚德來告父喪,命給事中潘榮、行 宏封金福為王。 傷俱殞,所賜印 於哲封爲王。 景泰二年, 亦毀壞。國中臣民推臣權攝國事,乞再賜印鎭撫遠藩。」從之。 [1] 五年二月,金福弟泰久奏:「長兄金福殂,次兄布里與兄子志魯爭立,兩 思達卒, 無子, 其叔父金福攝國事,遣使告喪。命給事中喬毅、行人童守 明年四月命

賜 行人韓文封爲王。 劉玉私通貨賄,並宜究治。」命治玉 騷擾道途。 二人,焚屋劫財,捕之不獲。 語贈封其父母。」章下禮官,以無例而止。明年,福建按察司言:「貢使程鵬至福州,與指揮 成化五年,其貢使蔡璟言:「祖父本福建南安人,爲琉球通事,傳至璟,擢長史。乞如制 帝從之,賜敕戒王。 弘至山東病卒, 明年復貢,禮官因請定令二年一貢,毋過百人,不得附攜 其使者請如祖制,比年一貢,不許。 而宥鵬。 命給事中官榮代之。 七年三月,世子尚圓來告父喪,命給事中丘弘、 十年,貢使至福建,殺懷安民夫婦 又明年, 貢使至, 會册 私物,

乃命給 立 帝賜敕戒約之。十八年,使者至,復以爲言,賜敕如初。 京國子監。二十二年,貢使來,其王移咨禮部,請遣五人歸省,從之。 使,多係屆中逋逃罪人,殺人縱火,奸狡百端,專貿中國之貨,以擅外蕃之利, **尙眞來告喪,乞嗣** 以文錦 東宮 、綵幣 事中董曼、行人張祥往封,而不從其請。 如 賜其王及妃。 朝 鮮 爵,復請比年一**貢**。禮官言,其國連章奏請,不過欲圖市易。 安南,賜詔 十三年,使臣來, 齎回。 禮官議琉球與日本、占城並居海外,例不 復請比年一貢,不許。 十六年,使來,復引祖訓條章 使者攜陪臣子五人來受學,命隸南 明年四 月, ·請比年一貢, 所請不可許。 頒 近年所遣之 王卒 詔,乃降敕 世

時貢 官乃請納之,而稍減傔從賜賚,以示裁抑之意。三年,使者至,言近歲貢使止許二十五人入 之,韶可。 者來,請比年一貢。 十七年遣 都,物多人少,慮致疏虞。 使所攜土 弘治元年七月,其貢使自浙江來。禮官言貢道向由福建,今旣非正道,又非貢期,宜却 使補 其使臣復以國王移禮部文來,上言舊歲知東宮册妃,故遣使來賀,非敢違制。 貢,謂小 物,與閩人互市者,爲奸商抑勸,有司又從而侵削之。使者訴於朝,有詔禁止 禮官言不可許,是時劉瑾亂政,特許之。 邦貢物常市之滿 韶許增五人,其傔從在閩者,幷增給二十人廩食,爲一百七十人。 刺加, 因遭 風致失期, 五年遣官生蔡進等五人入南 命宴 賚 如 制。 正德二年,使

京國學。

贈。 報。 尚清 + 十四年,貢使至,仍以所贈黃金四十兩進於朝,乃敕侃等受之。 嘉靖 以六年來貢, 年,世子以國中臣民狀來上,乃命給事中陳侃、行人高澄持節往封。 二年從禮官議,敕琉球二年一貢如舊制,不得過百五十人。五年,尙眞卒,其世 因報計,使者還至海,溺死。 九年遣他使來貢,幷請封。 二十九年來貢,攜陪臣 命 及還, 福建守 却 臣 勘 其

子五

人入國

物,而 領封 之警、 邀擊,大殲之,獲中國被掠者六人,至是送還。 出 是 祖 海中風濤叵測,倭寇又出沒無時,恐天使有他慮,請如正德中封占城故事,遣人代進表文方 行人李際春封尚元爲王。 棄世 制 時權宜。 也。 三十六年,貢使來,告王尚淸之喪。 身偕本國長史齎回封册,不煩天使遠臨。 其王 風 子 濤 專遣之命,不可二。 今使者欲遙受册命,是委君貺於草莽,不可一。使者本奉表朝貢,乃求遣官代進, 之險爾,不 猶 懇 今援失國之事,以儗其君,不可三。 請 遣使。 知 琛竇之輸納,使臣之往來,果何 至福建,阻風未行。 今使者非世子 昔正 一德中,占城王爲安南所侵, 面 先是,倭寇自浙江敗還,抵琉球境。 命, 帝嘉其忠順,賜賚有加,即命給事中郭汝霖 又無印信文移。 三十九年,其貢使亦至福建,稱受世子命,以 巡按御史樊獻科以聞,禮官言:「遣使册封, 梯航 曲 通道, 而 得 **竄居他所**, 柔服之常。 若輕信: 無患乎? 洪言, 不 故使者齎 可 彼 世子尚元遣兵 倘 四 所 世 藉 曩占 子以遣使 口 回 者倭寇 一敕命, 城 雖

詔 爲 上進,庶中國之大體以全。」帝如其言。 從 至榮,遙拜爲 隆慶中,凡三貢,皆送還中國飄流人口。 事 至未受封而 非禮,不肯受封,復上書請使,將誰執其咎?不可五。 先謝 恩,亦非故事。 四十一年夏,遣使入貢謝恩。 宜止聽其入貢, 其謝恩表文, 俟世子受封後 天子嘉其忠誠,賜敕獎勵,加 明年及 乞命 登銀幣 福 四十四年並 建守臣 (T) 遺使 以前

境,琉球不可無王,乞令世子速請襲封,用資鎭壓。從之。 八年冬,遣陪臣子三人入南京國學。十九年遣使來貢,而尚永隨卒。禮官以日本方侵噬鄰 冠服、玉珪、封尚永爲中山王。明年冬、崇業等未至,世子復遣使入貢。其後,修貢如常儀 遣使賀登極。三年入貢。四年春,再貢。七月命戶科給事中蕭崇業、行人謝杰齎敕及皮弁 萬曆元年冬,其國世子尚永遣使告父喪,請襲爵。 章下禮部,行福 建守臣覈奏。 明年

繼登言:「累朝册封琉球,伐木造舟, 議 請遣官一員齎敕至福 如 一,禮儀 如 前 《其言,且請待世子表至乃許。二十八年,世子以表至,其陪臣 議 二十三年,世子尚寧遣人請襲。 從 一如舊章,仍命俟彼國大臣結狀至乃行。 事。」帝可之, 建,聽其陪臣面 命今後 分册封, 動經數歲。 止遣 領歸國,或遣習海武臣一人,偕陪臣同 福建巡撫許孚遠以倭氛未息,據先臣鄭曉領封之議, 廉勇武臣 使者蹈風濤之險, 明年秋,貢使以狀至, 人偕請封陪臣前 一請如 小國苦供億 往, 祖 仍請遣文臣。 制 其 祭 遣官。 往。 之煩。 前 禮官范謙 王, 禮官余 封新 宜 功

守。」帝納之。 聚疏 未 **悞今歲渡海之期**。 交章爭其 事 命 報 中夏子陽,以三十一年二月抵 請仍 ,禮部侍郎李廷機言:「宜行領封初旨,幷武臣不必遣。」於是御史錢桓、給事中 事中洪瞻祖、行人王士禎往,且命待海寇息警,乃渡海行事。 遺武臣。 不可,謂:「此事當在欽命未定之前,不當在册使旣遣之後,宜敕所司 三十三年七月,乃命子陽等速渡海竣事 子陽、士禛則以屬國言不 俟竣事復命,然後定爲畫一之規,先之以文告,令其領封海上,永爲遵 福 建。 按臣 ·可爽, 方元彦復以海 使臣義當有終, 上 一多事, 已而 乞堅成命慰遠人。 警報頻仍, 瞻祖以憂去,改命給 速成海艘,勿 會巡 漁無徐 蕭 章俱 近 學

如故。 從之。 山之謀,其地名臺灣,密邇福建,尚寧遣使以聞,詔海上警備 三千入其國,「三擴其王,遷其宗器,大掠而去。浙江總兵官楊宗業以聞,乞嚴飭海上兵備, 當是時,日本方强,有吞滅之意。琉球外禦强鄰,內修貢不絕。四十年,日本果以勁兵 已而 又明年再貢,福建守臣遵朝命却還之,其使者怏怏而去。四十四年,日本有取雞籠 :其王釋歸,復遣使修貢,然其國殘破已甚,禮官乃定十年一貢之例。 明年修貢

使 倭寇所破,改期十年。 入貢請封。 天啓三年,尚寧已卒,其世子尙豐遣使請貢請封。禮官言:「舊制,琉球二年一貢,後爲 六年再貢。 今其國休養未久, 暫擬五年一貢, 俟新王册封更議。」從之。 五年遣 是時中國多事,而科臣應使者亦憚行,故封典久稽。

列

傳

第

_

百

+

迄崇禎末, 並修貢如儀。 帝 不從,乃命戶科給事中杜三策、行人楊倫往,成禮 崇禎二年,貢使又至請封,命遣官如故事。 後兩京繼沒,唐王立於福建,猶遣使奉貢。 禮官何如寵復以履險糜費,請令陪臣 而還。 四年秋,遣使賀東宮册立。自是, 其虔事天朝,爲外藩 領封。

王,乞地如牛皮大,建屋以居。王不虞其詐而許之,其人乃裂牛皮,聯屬至數千丈,圍呂宋 長子孫。 名仍呂宋,實佛郞機也。先是,閩人以其地近且饒富,商販者至數萬人,往往久居不返,至 營室築城,列火器,設守禦具,爲窺伺計。已,竟乘其無備,襲殺其王,逐其人民,而據其國 地,乞如約。 其國,國人助討有功,復朝貢。時佛郎機强,與呂宋互市,久之見其國弱可取,乃奉 官齎詔,撫諭其國。八年與馮嘉施蘭入貢,自後久不至。 呂宋居南海中, 佛郎機旣奪其國,其王遣一酋來鎭,慮華人爲變,多逐之歸,留者悉被其侵辱 王大駭,然業已許諾,無可奈何,遂聽之,而稍徵其稅如國法。其人旣得地,卽 去漳州甚近。洪武五年正月遣使偕瑣里諸國來貢。永樂三年十月遣 萬曆四年,官軍追海寇林道乾至 厚賄遺

一十一年八月,會郎雷敞裏系勝侵美洛居,役華人二百五十助戰。

有潘和五者為其哨

駐朔霧,聞之,率衆馳至,遣僧陳父冤,乞還其戰艦、金寶,戮仇人以償父命。 舟以歸。 其角,持盾首大呼。 官。蠻人日酣臥,而令華人操舟,稍怠,輒鞭撻,有至死者。一和五曰:「叛死,箠死,等死耳,否 亦且戰死,曷若刺殺此酋以救死。 失路之安南,爲其國人所掠,惟郭惟太等三十二人附他舟獲返。 諸蠻驚起,不知所爲,悉被刃,或落水死。 勝則揚帆歸,不勝而見縛,死未晚也。」衆然之,乃夜刺殺 和五等盡收其金寶、甲仗,駕 時

音

引

即

雷

猫

各 巡撫許孚遠聞

遣之。 以居。 初,酋之被戮也,其部下居呂宋者,盡逐華人於城外,毀其廬。及貓吝歸, 然華商嗜利,趨死不顧,久之復成聚。 會有傳日本來寇者,貓客懼交通爲患,復議驅逐。而孚遠適遣人招還,蠻乃給行糧 令城外築室

於朝,檄

兩廣督撫以禮遣僧,置惟太於理,和五竟留安南不敢返。

之,歲可得金十萬兩、銀三十萬兩,以三十年七月詣闕奏聞,帝卽納之。命下,舉朝駭異。 其 時礦稅使者四出,奸宄蠭起言利,有閻應龍、張嶷者,回言呂宋機易山素產金銀,採

都御史溫純疏言:

縱之柄。 運財賄至三十巨舟、三百大扛,勢必見戮於積怒之衆。何如及今撤之,猶不失威福操 近中外諸臣爭言礦稅之害,天聽彌高。今廣東李鳳至汚辱婦女六十六人,至私 緬曾以實井故,提兵十萬將犯內地,西南之蠻,岌岌可憂。而閩中奸徒又以

列

傳

第

二百十

外國四

機易 山 事見告。 異時變興禍起,費國家之財不知幾百萬,倘或剪滅不早,其患又不止費財矣。 此其妄言,眞如戲劇,不意皇上之聰明而悞聽之。臣等驚魂搖曳,寢

禁物,勾引諸番,以逞不軌之謀,豈止煩擾公私,貽害海澄一邑而已哉。 偏 :地金銀,任人採取之理,安所得金十萬、銀三十萬,以實其言。 不過假借朝命,闌出

海澄市舶高寀已歲徵三萬金,決不遺餘力而讓利。即機易越在海外,亦決無

臣

聞

寨,近可以規重利,遠不失爲尉佗。 命行之,害當彌大。及乎兵連禍結,諸奸且效汪直、曾一本輩故智,負海稱王,擁兵列 昔年|倭患,正緣奸民下海,私通大姓,設計勒價,致倭賊憤恨,稱兵犯順。 於諸亡命之計得矣,如國家大患何!乞急置於理, 今以朝

言官金忠士、曹于汴、朱吾弼等亦連章力爭,皆不用消禍本。

事 下 福 建守臣,持不欲行,而迫於朝命,乃遣海澄丞王時和、百戶干一成偕處往勘。

聽

華人流寓者謂之曰:「天朝無他意,特是奸徒橫生事端。

今遣使者按驗,俾

宋

人聞之大駭。

耶。」且言:「樹生金豆,是何樹所生。」時和不能對,數視處,處曰:「此地皆金,何必問豆所 等入,酋爲置宴,問曰:「天朝欲遣人開 奸徒自窮,便於還報耳。」其酋意稍解,命諸僧散花道旁,若敬朝使,而盛陳兵衞迓之。 Щ 山各有主,安得開? 譬中華有山, 可容我 時和 國

請治嶷妄言罪。 自。」上下皆大笑,留嶷,欲殺之。 事已止矣,而呂宋人終自疑,謂天朝將襲取其國,諸流寓者爲內應,潛謀 諸華人共解,乃獲釋歸。 時和還任,卽病悸死。守臣以聞,

以擅殺罪,令送死者妻子歸,竟不能討也。其後,華人復稍稍往,而蠻人利中國互市,亦不 死有餘辜,卽梟首傳示海上。呂宋酋擅殺商民,撫按官議罪以聞。」學聚等乃移檄呂宋,數 之,請令死者家屬往取其孥與帑。 三十二年十二月議上,帝曰:「處等欺誑朝廷,生釁海外,致二萬商民盡膏鋒刃,損威辱國, 華人姓名,分三百人爲一院,入卽殲之。 無算,奔大崙山。蠻人復來攻,衆殊死鬭,蠻兵少挫。 **酋大怒**, 斂衆入城,設伏城旁。 明 年,聲言發兵侵旁國,厚價市鐵器。 巡撫徐學聚等亟告變於朝,帝驚悼, 衆飢甚,悉下山攻城。 事稍露,華人羣走菜園。 華人貪利盡鬻之,於是家無寸鐵。 移書閩中守臣,言華人將謀亂, 伏發, 衆大敗,先後死者二萬五 下法司 衆疑其僞, **6**万下令錄 議奸徒罪。 不得已先 撲殺

時佛郎機已併滿刺加,益以呂宋,勢愈强,橫行海外,遂據廣東香山澳,築城以居,與民

列傳第二百十一 外國四

互市,而患復中於**粤**矣

死傷,地亦貧困。 若飄風,遇之無免者。然特惡商舶不至其地,偶有至者,待之甚善。 市法最平,故華人爲之語曰:「若要富,須往貓里務。」有網巾礁老者,最兇悍,海上行劫,舟 爪哇使臣朝貢。 合貓里,海中小國也。 其國又名貓里務,近呂宋, 商舶往來, 漸成富壤。 華人入其國, 不敢欺陵, 商人慮爲礁老所劫,鮮有赴者。 土瘠多山,山外大海,饒魚蟲,人知耕稼。 貓里務後遭寇掠,人多 永樂三年九月遣使附

子削髮,女椎結。 之售。 美洛居,俗訛爲米六合,居東海中,頗稱饒富。 東洋不產丁香,獨此地有之,可以辟邪,故華人多市易。 地有香山、雨後香墮、沿流滿地, 居民拾取不竭。 **酋出,威儀甚備,所部合掌伏道旁。** 其角委積充棟, 以待商 男

勝 紅 毛番横 萬曆時,佛郎機來攻,其角戰敗請降,乃宥令復位,歲以丁香充貢,不設戍兵而 海 上,知佛郎機兵已退,乘虛直抵城下,執其會,語之曰:「若善事我,我爲若主,殊 佛郎機

僧聞之大怒,率兵來攻,道爲華人所殺,語 去。

居竟為兩國所分。 說兩國,令各罷兵,分國中萬老高山爲界,山以北屬紅毛番,南屬佛郎機,始稍休息,而美洛 其城,逐佛郎機所立會,而立美洛居故王之子。 大舉兵來襲,值紅毛番已去,遂破美洛居,殺其酋,立已所親信主之。 時紅毛番雖據美洛居,率一二歲率衆返國,旣返復來。 自是, 歲搆兵, 人不堪命。 無何,紅毛番至,又破 華人流寓者,遊

孕婦將產,以水灌之,且以水滌其子,置水中,生而與水習矣。物產甚薄,華人商其地,所攜 僅磁器、鍋釜之類,重者至布而止。後佛郎機據呂宋,多侵奪鄰境,惟二國號令不能及。 行在前,其婦與人嘲笑,夫卽刃其婦,所嘲笑之人不敢逃,任其刺割。盜不問大小,輒論死。 男子用履,婦女跣足。以板爲城,豎木覆茅爲室。崇釋教,多建禮拜寺。男女之禁甚嚴,夫 沙瑤,與吶嗶嘽連壤。 吶嗶嘽在海畔,沙瑤稍紆入山隈,皆與呂宋近。 男女蓄髮推結,

無君 長,有十五 雞 籠 山 在彭湖嶼東北,故名北港,又名東番,去泉州甚邇。 社 一,社多者千人,少或五六百人。 無徭賦,以子女多者爲雄,聽其號令。 地多深山大澤,聚落星散。 雖

居 海中,酷畏海,不善操舟,老死不與鄰國往來。

挂 諸 項,蓋擬之狗國也。其後,人反寶之,富者至掇數枚,曰:「此祖宗所遺。」 永 樂時,鄭和偏歷東西洋,靡不獻琛恐後,獨東番遠避不至。和惡之,家貽一銅鈴,俾

性旣 也。 殺 卽標竹竿於道,謂之插青,此時逢外人便殺矣。 青爲歲首。土宜五穀,而不善水田。穀種落地,則止殺,謂行好事,助天公,乞飯食。旣收穫, 斷唇旁齒以爲飾,手足皆刺文,衆社畢賀,費不貲。貧者不任受賀,則不敢刺。 裸逐無所避。 則立散。 畏海 次日 無曆 俗尙勇,暇卽習走,日可數百里,不讓奔馬。足皮厚數分,履荆棘如平地。 中多大溪,流入海,水澹,故其外名淡水洋。 捕 日、文字,有大事集衆議之。 卽 其勝者,衆賀之,曰:「壯士能 和好 魚則 女或結草裙蔽體,遇長老則背身而立,俟過乃行。男子穿耳。女子年十五, 如初。 於溪澗 地多竹,大至數拱,長十丈,以竹搆屋,覆之以茅,廣 冬月聚衆捕鹿,鏢發輒 善用 殺 鏢鎗,竹柄鐵鏃,銛甚,試鹿鹿斃,試虎虎亦 人也。」其負者,家衆亦賀之,曰:「壯士不畏死 村落相仇,刻期而 中,積 如 丘山。 獨不食雞雉,但取其毛以 後戰,勇者數人 且 長,聚族而 四序,以草 男女椎結, 前 深,被

爲

飾。

爲倭

列 傅

第

金門,

水道,

十月遣使者齎璽書、綵幣撫諭其王。 婆羅,又名文萊,東洋盡處,西洋所自起也。 四年十二月,其國東、西二王並遣使奉表朝貢。 唐時有婆羅國,高宗時常入貢。 永樂三年 明年

布、降眞香、黃蠟、黑小厮。 出入徒步,從者二百餘人。 其地負山面海,崇釋教,惡殺喜施。禁食豕肉,犯者罪死。王薙髮,裹金繡巾,佩雙劍, 有禮拜寺,每祭用犧。厥貢玳瑁、瑪瑙、硨磲、珠、白焦布、花焦

印印背上,以爲榮。 人無算,王得返國。 而王之。邸旁有中國碑。王有金印一,篆文,上作獸形,言永樂朝所賜。民間嫁娶,必請此 萬曆時,爲王者閩人也。 後佛郎機橫、舉兵來擊。 佛郎機遂犯呂宋。 或言鄭和使婆羅,有閩人從之,因留居其地,其後人竟據其國 王率國人走入山谷中,放藥水,流出,毒殺其

霊 山放舟,順風十晝夜至交欄山,其西南即麻葉甕。 麻 葉甕,在西南海中。 永樂三年十月遣使齎璽書賜物,招諭其國,迄不朝貢。 山峻地平,田膏腴,收穫倍他國 自占城 煑海

與屍 爲鹽,釀蔗爲酒。 同寢,多死。 七日不死,則親戚勸以飲食,終身不再嫁。 男女椎結,衣長衫,圍之以布。俗尚節義,婦喪夫,剺面剃髮,絕粒七 或於焚屍日,亦赴火自焚。產 Ē,

玳瑁、木棉、黃蠟、檳榔、花布之屬。

造,遂破爪哇。其病卒百餘,留養不歸,後益蕃衍,故其地多華人。 交欄山甚高廣,饒竹木。元史弼、高興伐爪哇,遭風至此山下,舟多壞,乃登山伐木重

又有萬卜及速兒米囊二國,亦永樂三年遣使持璽書賜物招諭,竟不至。

祭,諡曰康靖,有司治墳,葬以王禮。 誥、冠帶、儀仗、鞍馬及文綺、金織襲衣,妃以下並有賜。 敦,賜之絨錦、紵絲、紗羅。十八年八月,王率妻子、陪臣隨賺來朝,貢方物, 紗羅、綵帛、金織襲衣、麒麟衣,妃以下賜有差。 王。王言:「臣愚無知,雖爲國人所推,然未受朝命,幸賜封誥,仍其國號。」 古麻剌朗, 東南海中小國也。 永樂十五年九月遣中官張謙齎敕撫諭其王幹刺義亦奔 命其子刺苾嗣爲王,率衆歸,賜鈔幣。 王還至福建,遘疾卒。 明年正月辭還,復賜金銀錢、文綺、 遣禮部主事楊善諭 從之, 禮之如 乃賜 蘇 以印 祿 或

八三七九

六年四月,其角玳瑁、里欲二人,各率其屬朝貢,賜二人鈔各百錠、文綺六表裏,其從者亦有 馮嘉施蘭,亦東洋中小國。 永樂四年八月,其貧嘉馬銀等來朝,貢方物,賜鈔幣有差。

賜。

八年復來貢。

通者。 葬。 體圍 縛木水上,築室以居,如三佛齊。 榔 以爲笑端。 人何以致長,給之曰:「我用華水沐之,故長耳。」其女信之,競市船中水以沐。 盤以從。 以幔。 其俗惡淫,奸者論死。 文郞馬神,以木爲城,其半倚山。 女或悅華人,持香蕉、甘蔗、茉莉相贈遺,多與之調笑。 初用蕉葉爲食器,後與華人市,漸用 華人與女通,輒削其髮,以女配之,永不聽歸。 男女用五色布纏頭,腹背多袒,或著小袖衣,蒙頭而 磁器。 尤好磁甕,畫龍其外,死則貯甕中以 出乘象,則繡女執衣履、刀劍及檳 然憚其法嚴, 女苦髮短,問華 華人故靳之, 無敢私 民多

其深山中有村名烏籠里憚,其人盡生尾,見人輒掩面走避。 然地饒沙金,商人持貨往

欲售,則持貨去,否則懷金以歸,不交言也。 市者,擊小銅鼓爲號,置貨地上,即引退丈許。 所產有犀牛、孔雀、鸚鵡、沙金、鶴頂、降香、蠟 其人乃前視, 當意者, 置金於旁。 主者遙語

藤席、萪藤、蓽撥、血竭、肉荳蔲、獐皮諸物。

以待。

鄰境有買哇柔者,性兇狠,每夜半盜斬人頭以去,裝之以金。 故商人畏之, 夜必嚴更

始,文郎馬神酋有賢德,待商人以恩信。 子三十一人,恐擾商舶,不令外出。 其妻乃買

校勘記

山南王從弟汪應祖亦遣使告承察度之喪 實錄卷二八永樂二年四月壬午條改 汪應祖,原作「王應祖」,據本書卷六成祖紀及太宗

(張) 後二○六景泰二年七月戊戌條、國權卷三○頁一九○四都作「童守宏」。 命給事中喬毅行 人童守宏封金福 為王 童守宏,原作「董守宏」,明史稿傳一九七號珠傳、英宗 據改

二 四十年日本果以勁兵三千入其國 本書卷二一神宗紀繫此事於三十七年。

四 有閻 應龍 張嶷者 閻應龍,神宗實錄卷三七五萬曆三十年八月丙戌條及國權卷七九頁四九〇

列

傅

第

二百

+

校勘記

○都作「閻應隆」。

【五〕廣東李鳳至汚辱婦女六十六人 廣東,原作「雲南」,據本書卷二二○溫純傳,又卷三○五陳增

傳、梁永傳改。按神宗實錄卷三七五萬曆三十年八月甲寅條有廣東巡按李時華論稅使李鳳疏。

八三八二

明史卷三百二十四

列傳第二百十二

外國五

占城 賓童龍 眞臘 暹羅 爪哇 闍婆 蘇吉丹 碟里 日羅夏治

三佛齊

秦爲林邑,漢爲象林縣。後漢末,區連據其地,始稱林邑王。自晉至隋仍之。唐時,或稱占 不勞,或稱占婆,其王所居曰占城。至德後,改國號曰環。迄周、宋,遂以占城爲號,朝貢不 占城居南海中,自瓊州航海順風一畫夜可至,自福州西南行十晝夜可至,即周越裳地

物。 帝喜,即遣官齎璽書、大統曆、文綺、紗羅,偕其使者往賜,其王復遣使來貢。 洪武二年,太祖遣官以卽位詔諭其國。其王阿荅阿者先已遣使奉表來朝, 元世祖惡其阻命,大舉兵擊破之,亦不能定。

列

傅第

百十二

外國五

貢象虎方

自後或

比 阿 者爲 歲 貢 占城國王,賜綵幣四十、大統曆三千。 ,或間歲,或一 歲再 貢。 未幾,命中書省管勾甘垣、會同館副使路景賢齎詔,封阿荅 三年遣使往祀其山 川,尋願 科 舉詔 於其國

南 安之義。 宜 擅 聲教所被,輸貢之地,庶不敢欺陵。」帝命禮部諭之曰:「占城、安南並事朝廷,同 月 餘,廣五 照 福 講信修睦,各保疆 自搆兵,毒害生靈,旣失事君之禮,又乖交鄰之道。已咨安南國王,令卽日罷兵。 用兵,侵擾疆域,殺掠吏民。 臨。 建省 初 了安南與占城構兵,天子遣使諭解,而安南復相侵。 寸,刻本國字。 臣 樂器、樂人,語音殊異,難以遣發。 阿荅阿者譬一草木爾,欽蒙遣使,以金印封爲國王,感戴忻悅,倍萬恒情。 一勿徵 其稅,示懷柔之意 丰。 館人譯之,其意曰:「大明皇帝登大寶位,撫有四海,如天 所請兵器,於王何吝,但兩國互 **伏願皇帝垂慈,賜以兵器及樂器、樂人,俾安南知我占城** 爾國有曉華言者,其選擇以來,當令肄習。」 構 四年,其王奉金葉表來朝,長尺 而 賜占城, 是助 爾 相 攻, 奉正 地覆載,日 惟是安 甚非 本國 朔 亦 因 撫 乃 乃

其舟二 册: 日 相侵擾。」十年與安南王陳煓大戰,煓敗死。 一去冬,安南 六年, 貢使言: 「海寇張汝厚、林福 一十艘 (、蘇木 言占城犯 七萬斤 ´·, 謹 境,今年,占城謂安南擾邊,未 奉獻 。」帝嘉之,命給賜 等自稱元帥,剽劫 十二年、貢使至都, 加等。 審曲直。 海 上。 冬,遣使獻 國主擊破之, 可遭 中書不以時奏。 安南 人往 之捷。 諭 各 賊魁溺 罷 帝謂省 兵息民, 帝切責 死, 臣 獲

丞相胡惟庸、汪廣洋,二人遂獲罪。遣官賜王大統曆及衣幣,令與安南修好罷兵。

城。 占城乘勝入安南,安南之辱已甚。 十三年遣使賀萬壽節。 帝聞其與安南水戰不利, 王能保境息民,則福可長享,如必驅兵苦戰,勝負不 賜敕 諭 曰:「曩者安南兵出, 敗於占

可知

,而鷸蚌相持,漁人得利,他**日悔之,不亦**晚乎。j

十九年遣子寶部領詩那日忽來朝,賀萬壽節,獻象五十四,皇太子亦有獻。帝嘉其誠,賜賚 宴餞,給道里費。 優渥,命中官送還。 十六年貢象牙二百枝及方物。 明年復貢象五十一及伽南、犀角諸物、帝加宴賚。還至廣東、復命中官 遣官賜以勘合、文册及織金文綺三十二、磁器萬九千。

紹敕責之。紹未至,而其貢使抵京。尋復遣使謝罪,乃命宴賜如制。 真臘貢象,占城王奪其四之一,其他失德事甚多。帝聞之,怒。二十一年夏,命行人董

惡其悖逆,却之。三十年後,復連入貢。 時阿荅阿者失道,大臣閣勝懷不軌謀,二十三年弑王自立。明年遣太師奉表來貢,帝

胡笠奏、韶戢兵、遣官諭占城王。 戒諭 成祖 帝可之,遣行人蔣賓興、王樞使其國,賜以絨、錦、織金文綺、紗羅。 即位,韶諭 其國。永樂元年,其王占巴的賴奉金葉表朝貢,且告安南侵掠,請降敕 而王遣使奏三安南不遵詔旨,以舟師來侵, 明年,以安南王 朝貢 人回,賜

Ηī

物悉遭奪掠。 又畀臣冠服、印章,俾爲臣屬。 且已據臣沙離牙諸地,更侵掠未已,臣恐不能

自 乞隸版圖,遣官往治。」帝怒,敕賣胡登,而賜占城王鈔幣。

兵討逆,遣中官王貴通齎敕及銀幣賜之。 送京師。 四 .年貢白象方物,復告安南之難。帝大發兵往討,敕占城嚴兵境上,遏其越逸,獲者即 五年攻取安南所侵地,獲賊黨胡烈、潘麻休等獻俘闕下,貢方物謝恩。帝嘉其助

六年,鄭和使其國。 王遣其孫舍楊該貢象及方物謝恩。 十年,其貢使乞冠帶,予之,復

十三年,王師方征陳季擴,命占城助兵。尚書陳洽言:「其王陰懷二心,愆期不進,反以

命

鄭和使

以其國

厥罪維均,宜遣兵致討。」帝以交趾初平,不欲勞師,但賜敕切責,俾還侵地,王卽遣使謝罪。 金帛、戰象資季擴,季擴以黎蒼女遺之,復約季擴舅陳翁挺侵升華府所 轄 四 州十 縣地。

十六年,遣其孫舍那挫來朝。 命中官林貴、行人倪俊送歸,有賜

宣德元年,行人黄原昌往頒正朔,繩其王不恪,却所酬金幣以歸,擢戶部員外郎

IE

統

元

年,

瓊州知府程瑩言「占城比年一貢,

勞費實多。

乞如暹羅諸國

例

三年一

貢。」帝是之,敕其使如<u>瑩言,賜王及妃綵幣</u>。 然番人利中國市易,雖有此令,迄不遵

六年,王占巴的賴卒,其孫摩訶賁該以遺命遣王孫述提昆來朝貢,自且乞嗣位。乃遣

給 事中管瞳、ᠬ行人吳惠齎詔,封爲王,新王及妃並有賜。 七年春,述提昆卒於途,帝憫

遣官賜祭。八年遣從子且揚樂催貢舞牌旗黑象 年敕諭摩訶賁該曰:「邇者,安南王黎濬遣使奏王欺其孤幼,曩已侵升、華、思、義

復。先是,定三年一貢之例,其國不遵。及詰其使者,則云:「先王已逝,前敕無存,故不知 此令。」是歲,貢使復至,再敕王遵制,賜王及妃綵幣。 冬復遣使來貢。 四州,今又屢攻化州,掠其人畜財物。二國俱受朝命,各有分疆,豈可興兵搆怨,乖睦隣保 境之義。 王宜祗循禮分,嚴飭邊臣,毋恣肆侵軼,貽禍生靈。」幷諭安南嚴行備禦,毋挾私 報

以保國交鄰 古壘等處,殺掠人畜殆盡,王亦被擒。 臣爲 三,不得已始於府前治事。 世子,欲令嗣位。 十二年,王與安南戰,大敗被執。 7, 幷諭 國中臣民共相 臣時年幼,遜位於舅氏摩訶賁該。後屢興兵伐安南,致敵兵入舊州 臣不敢自專,伏候朝命。」乃遣給事中陳誼、行人薛幹封爲王,諭 輔翼。 故王占巴的賴姪摩訶貴來遣使奏:「先王抱疾,曾以 十三年敕安南送摩訶賁該還國,不奉命 國人以臣先王之姪,且有遺命,請臣代位。 辭之再

景泰 天 順 三年遣使來貢,三且告王訃。 元年入 貢 賜其正副 使鈒花金帶。 命給事 二年,王 中潘本愚、行人邊永封其弟摩訶 摩訶槃羅悅新 立,遣使奉表 貴 ,朝貢。 由 爲 几

年 - 復貢, 自 E 使 以下 賜紗 帽及金銀角帶有差。 使者訴安南見侵,因敕 諭安南王。 九月,使

明

來,告王喪。 命給事中黃汝霖、行人劉恕封王弟槃羅茶全爲王。

使,乞令使臣歸諭國王,務循禮法,固封疆,捍外侮,毋輕搆禍,從之。 侵,求索白象。 八年入貢。 乞如永樂時,遣官安撫,建立界牌石,以杜侵陵。兵部以兩國方爭,不便遣 憲宗嗣位, 應頒賜蕃國錦幣,禮官請付使臣齎回,從之。使者復訴安南見

茶倪 伐。 敕責之。 啓安南跋扈之志。宜遣官齎敕宣諭,還其國王及眷屬。」帝慮安南逆命,令俟貢使至日,賜 逃山中,遣使告難。兵部言:「安南吞幷與國,若不爲處分,非惟失占城歸附之心,抑恐 七年破其國,執王槃羅茶全及家屬五十餘人,劫印符,大肆焚掠,遂據其地。 成化五年入貢。時安南索占城犀象、寶貨,令以事天朝之禮事之。 占城不從,大舉往 王弟槃羅

知其國已爲安南所據,改爲交南州,乃不敢入。十年冬還朝。 八年,以槃羅茶悅請封,命給事中陳峻、行人李珊持節往。 峻等至新州港,守者拒之,

即爲古來所殺, 麻弗菴已死,其弟古來遣使乞封。 四 年,遣使朝貢請封,命給事中馮義、行人張瑾往封之。 安南旣破占城,復遣兵執槃羅茶悅,立前王孫齋亞麻弗菴爲王,以國南邊地予之。十 安南以偽敕立其國人提婆苔爲王。義等不俟奏報, 義等慮空還失利,亟至占城。 義等多攜私物,旣至廣東,聞齋亞 占城 輒以印幣授提婆苔封 人言,王孫請封之後,

之,得所賂黃金百餘兩,又往滿剌加國盡貨其私物以歸。 義至海洋病死。 **谨具其事**, 幷上

偽敕於朝⁸

張懋等請特遣近臣有威望者二人往使。時安南貢使方歸,卽賜敕詰責黎灝,令速還地,毋 誠僞處之。 抗朝命。 西至黎人山,北至阿本喇補,凡三千五百餘里。乞特諭交人,盡還本國。」章下廷議,英國公 「古來實王弟,其王病死,非弑。提婆苔不知何人。」乃命使臣暫歸廣東,俟提婆苔使至,審 望天恩,賜之册印。 還以故 封 苦至,已爲賊人執去,臣與兄齋亞麻弗菴潛竄 十七年,古來遣使朝貢,言:「安南破臣國時,故王弟槃羅茶悅逃居佛靈山。 地。 禮官乃劾瑾擅封,執下詔獄,具得其情,論死。 使臣候命經年,提婆苔使者不至,乃令還國。 然自邦都郎至占臘止五處,臣兄權國未幾,遽爾隕歿。 臣國所有土地本二十七處,四府、一州、二十二縣。東至海,南至占臘, 山谷。 時古來所遣使臣在館,召問之,云: 後賊人畏懼天威, 遣人訪覓至兄, 臣當嗣立,不敢自專,仰 比天使齎

悔禍。」從之。 已,提婆苔又竊據其地,稍或不愼,反損國威。 受命,乃遣給事 二十年敕古來撫諭提婆苔,使納原降國王印,宥其受僞封之罪,仍爲頭目。 古來 中 李孟暘、行人葉應册封古來爲國 · 乃自 老撾挈家赴崖州, 孟暘竣封事而返。 宜令來使傳諭古來, 詣廣東受封, 玉。 孟暘等言:「占城 古來又欲躬詣闕廷,奏安南之 險遠,安南構兵未 **幷敕安南** 提婆苔不

罪。 十艘,護古來還國。安南以瀟大臣奉特遣,不敢抗,古來乃得入。 報可,命南京右都御史屠滽往。 二十三年,總督宋旻以聞。 至廣東,即傳檄安南,宣示禍福。 廷議遣大臣一人往勞,檄安南存亡繼絕,迎古來返占城。帝 募健卒二千人,駕海升一

之,仇恥已雪。王宜自强修政,撫卹國人,保固疆圉,仍與安南敦睦修好。其餘嫌細故,悉 情,不可信其單詞,勞師不征之國。宜令守臣回咨,言近交人殺害王子古蘇麻,王卽率衆敗 將出師,乃正黎賊弑逆之罪,非以隣境交惡之故。今黎灝修貢惟謹,古來膚受之愬,容有過 宜捐除。 遣將督兵守護。」總督秦紘等以聞。兵部言:「安南、占城皆祖訓所載不征之國。 其國自殘破後,民物蕭條,貢使漸稀。 明年 倘不能自强,專藉朝廷發兵渡海,代王守國,古無是理。」帝如其言。三年遣使謝 ,弘治改元,遣使入貢。二年遣弟卜古良赴廣東,言:「安南仍肆侵陵,乞如永樂時 永樂間命

土地, 辨釋之語方至, 之愬,累降璽書,曲垂 命長子沙古卜洛襲封,庶他日可保國土。」廷議:「安南爲占城患,已非一 十二年遣使奏:「本國新州港之地,仍爲安南侵奪,患方未息。 自貽禍殃,否則議遣偏師往問其罪。 而占城控訴之詞又聞,恐眞有不獲已之情。 一海諭。 安南前後奏報,皆言祗承朝命,土地人民,悉已退還。 至占城王長子,無父在襲封之理。 宜仍令守臣切諭 臣年已老,請及臣未死, 日。 朝廷嘗因占城 安南,毋貪人 請令先立爲 然安南

世 ·子 攝國事,俟他日當襲位時,如例請封。」帝報允。 尋遺王孫沙不登古魯來貢

以應。 實難 故。 急於 廣 處。 乞封,仰仗天威,警伏隣國。其實國王之立不立,不係朝廷之封不封也。 從之,旣而 地 可不慎。 東 封之。 《求封,不過欲復安南之侵地,還粵東之逃人耳。 知。 事 今若再諭 如往 ,令其領 又或拘我使者,令索逃人,是以天朝之貴臣,質於海外之蠻邦。 別有占奪方輿之奏,微及父卒事。 萬一我使至彼,古來尚存,將遂封其子乎? 時科臣林霄之使滿刺加,不肯北面屈膝,幽餓而死,迄不能問其罪。 年,古來卒。 大都海外諸蕃,無事則廢朝貢 封 事 ,彼將玩視之, 天威褻矣。 人 敕 不行 歸國,於計爲便。」禮部亦以古來存亡未明,請令廣東守臣移文占城勘報 子沙古卜洛遣使來貢,不告父喪,但乞命大臣往其國,仍以新州港諸 而 倘我使往封占城,羈留 自立,有事 給事中任良弼等言:「占城前因 抑義不可而已乎? 夫安南侵地,璽書屢諭 則假朝貢而請封。 不遺, 求爲處分, 宜如 今者貢使之來, 豈 迫脅之間,事極難 今稱古來已歿,虛 國土削弱,假貢 往年 歸還,占據 君命 古來就封 朝 國威,不 廷 將 如 何

繼 貫 絕 抵 義 廣東憚行 IE 德 倘 五. 其 年,回 使不 詩 如往年古來故事,令其 願 沙古卜洛遣叔父沙係把麻 領 (封)或領歸而受非其人,重起事端,益傷國體,宜令貫等亟往。」貫 使臣 領封。 入貢,因請封。命給事中李貫、行 廷議:「遣官已二年,今若中 人劉 止 一,非 廷瑞往 興滅

列

傳

第

百

+

外國五

月,於事無益。」廣東巡按丁楷亦附會具奏,廷議從之。十年令其使臣齎敕往,自是遂爲故 又不可。律以春秋之法,雖不興問罪之師,亦必絕朝貢之使。奈何又爲采訪之議,徒延歲 疆,勢不可往。況古來乃前王齋亞麻弗菴之頭目,殺王而奪其位。王有三子,其一尙存,義 詞言:「臣奉命五載,似憚風波之險,殊不知占城自古來被逐後,竄居亦坎邦都郎,國 終憚行,以乏通事、火長爲詞。 了,其國貢使亦不常至。 廷議令廣東守臣采訪其人,如終不得,則如舊例行。 貫復設 「非舊

嘉靖二十二年遣王叔沙不登古魯來貢, 訴數爲安南侵擾, 道阻難歸。 乞遣官護送還

國,報可。

灰爲字,狀若 非日中不起,非夜分不臥,見月則飲酒、歌舞爲樂。 不得過三尺。 人皆食檳榔,終日不離 其國 .無霜雪,四時皆似夏,草木常青。 蚯 部領分差等,門高卑亦有限。 蚓。 有城郭甲兵,人性狠而狡,貿易多不平。 口。 不解朔望,但以月生爲初,月晦爲盡,不置閨。 民以漁爲業,無二麥,力穡者少,故收 飲食穢汚,魚非腐爛不食,釀不生蛆不爲美。人 無紙筆, 用羊皮槌薄熏黑,削細 戶皆北向,民居悉覆茅檐,高 分晝夜爲十更, 穫 薄。 竹蘸白 或

王,瑣里人,崇釋敎。 歲時采生人膽入酒中,與家人同飲,且以浴身,曰「通身是膽」。其 體黑,男蓬頭,女椎結,俱跣足。

虎食我,或病死。」居一年無恙,則復位如初。 在位三十年,則避位入深山,以兄弟子姪代,而己持齋受戒,告於天曰:「我爲君無道, 先裂,不足用矣。 或 人采以獻王,又以洗象目。 置衆膽於器。華人膽輒居 每伺人於道,出不意急殺之,取膽以去。 上,故尤貴之。五六月間,商人出, 國中呼爲「昔嚟馬哈剌」,乃至尊至聖之稱也。 若其 、人驚覺, 必戒備 則 願狼 膽 王 已

之,民不得采,犯者至斷手。 國不甚富,惟犀象最多。 烏木、降香,樵以爲薪。 棋枏香獨產其地一山,酋長遣人守

食也。 物,來即復活。 有鰐魚潭,獄疑不決者,令兩造騎牛過其旁,曲者,魚輒躍而食之,直者,卽數往返,不 有尸頭蠻者,一名屍致魚,本婦人,惟無瞳神爲異。 若人知而封其頸,或移之他所,其婦卽死。 夜中與人同寢,忽飛頭食人穢 國設厲禁, 有而不告者,罪及

類占城、惟遭喪能持服、葬以僻地、設齋禮佛、婚姻偶合。 賓童龍國,與占城接壤。 或言如來入舍衞國乞食,卽其地。 **酋出入乘象或馬,從者百餘人,前** 氣候、草木、人物、風土,大

有崑崙山,節然大海中,與占城及東、西竺鼎峙相望。 列 傳 第 百 + 外 或 Ŧi. 其山方廣 而高,其海卽曰崑崙 後讚唱。

民編茅覆屋。

貨用

金、銀、花布。

八三九四

諸往西洋者,必待順風,七晝夜始得過,故舟人爲之諺曰:「上怕七州,下怕崑崙,針迷

人皆穴居巢處,食果實魚蝦,無室廬井竈。

舵失,人船莫存。」此山無異產。

眞臘,在占城南,順風三晝夜可至。 隋、唐及宋皆朝貢。 宋慶元中, 滅占城而幷其地,

因改國名曰占臘。元時仍稱眞臘。

萬斤。 明年復貢象二十八、象奴三十四人、番奴四十五人, 貢。 達志遣使來貢,宴賜如前。 賀明年正 合不符者,卽屬矯偽,許縶縛以聞。 十九年遣行 洪武三年遣使臣郭徵等齎詔撫諭其國。 葬遣 旦。 使賜 詔賜大統曆 其王鍍金銀印,王及妃皆有賜。 人劉敏、唐敬偕中官齎磁器往賜。 及綵幣,使者亦給賜有差。 十三年復貢。十六年遣使齎勘合文册賜其王。凡國中使至,勘 復遣使賜織金文綺三十二、磁器萬九千。 四年,其國巴山王忽爾那遣使進表,貢方物, 其王參烈寶毘邪甘菩者遣使貢象及方物。 明年,敬等還,王遣使貢象五十九、香六 六年進貢。十二年,王參答甘武者持 謝賜印之恩。二十二年三貢。 其王遣使來 明年

復貢。

被占 嗣子 物。 華人自逃,於彼何預 参烈昭 城侵擾,久留不去。 三年遣 初,中官使真臘, 永樂元年遣行人蔣賓興、王樞以卽位詔諭 使 平牙為王。 來貢,告故王之喪。 而責償? 有部卒三人潛遁,索之不得, 進等還,嗣 帝遣中官送之還,幷敕占城王罷兵修好。 且語言不通,風土不習, 命鴻臚序班王孜致祭,給事中畢 王遣使偕來謝恩。 其 國。 王以其國三人代之, 六年、十二年再入貢。 明年, 吾焉用之。」命賜衣服及道 王參烈婆毘牙遣使來朝, 十五年、十七年並入貢。 進、 中官王琮齎 至是引 使者以 見。 里費, 詔 其 帝 〈國數 貢方 封 其

宣德、景泰中,亦遣使入貢。

自後不常至

四更。 番呼華人之稱也,凡海外諸國盡然。 文字以 任烏鳶食,俄頃食盡者,謂爲福 別、刺配、盜則去手足。番人殺唐人罪死,唐人殺番人則罰金,無金則鬻身贖罪。唐人者,諸 會,羅列玉猿、孔雀、白象、犀牛於前,名曰百塔洲。 民俗富饒。 麂鹿雜 國城隍周七十餘里,幅員廣數千里。 亦有 曉天文者 皮染黑,用 天時常熱,不識霜雪,禾一歲數稔。 ,能算日月薄 粉爲 小條 報。 蝕。 畫於上,永不脫落。 居喪,但髠其髮,女子則額上剪髮如錢大,曰用 婚嫁,兩家俱八日不出門,晝夜燃燈。至人死置於野, 其地謂儒爲班詰,僧爲苧姑,道爲八思。 國中有金塔、金橋、殿宇三十餘所。 盛食以金盤、金椀,故有「富貴眞 男女維結,穿短衫,圍梢布。 以十月爲歲首,閨 恋 用 九月。 王歲 班詰不知 此 刑有 八臘」之 報親。 夜分 時

五

讀 魚、肉,或以供佛,惟不飮酒。 何書, 由 此入仕者為 **沁華貫。** 其國自稱甘字智,後訛爲甘破蔗,萬曆後又改爲柬埔寨。 先時 項掛一白線以自別,旣貴曳白如故。 俗尚 釋教,僧皆食

不宜 暹 羅斛 一稼,羅斛 暹 羅 國 ,在占城 地 平衍,種多穫,暹仰給焉。 西 南,順風 十晝夜 可至, 元時,暹常入貢。 即隋、唐赤 、土國。 其後,羅斛强, 後分 爲羅斛、暹二國 併有暹 地, 遙土瘠 逐

賜大統 來, 而 而 金葉表,貢方物於中宮,却之。 新 不武,國 貢馴象、六足龜及方物, 洪武 王遣使來貢、謝恩,其使者亦有獻,帝不納。 層及 三年命使臣呂宗俊等齎詔諭其國。 人推其伯父參烈寶毘邪嗯哩哆囉祿主國事,遣使來告,貢方物,宴賚 **紅綵幣**。 五年貢黑熊、白猿及方物。 詔 問期其王 已而其姊復遣使來貢,帝仍却之, 錦 綺及使者幣帛 四年,其王參烈昭毘牙遣使奉表,與宗俊等偕 明年復 已,遣使賀明年正旦,貢方物,且獻 來貢。 育差。 其王 已, 之姊參烈 而宴賚其使。 復遣使賀明 思寧別 年正旦,詔 如 時 制。 遣 其王儒 本國 使 E 進

-1 年,使臣沙里拔來貢。 言去年舟次烏猪洋,遭風壞舟,飄至海南,賴官司救護,尚存 地

圖

甚。 羅局亦遣使奉表朝貢,宴齊如王使。 遠國,如占城、安南、西洋瑣里、爪哇、浡泥、三佛齊、暹羅斛、眞臘諸國,入貢旣頻,勞費太 上箋於皇太子,貢方物。 存者,疑其爲番商,命却之。 **飄餘兜羅綿、降香、蘇木諸物進獻,廣東省臣以聞。** 今不必復爾,其移牒諸國俾知之。」然而來者不止。 九州之外,則每世一朝,所貢方物,表誠敬而已。惟高麗頗知禮樂,故令三年一貢。 命引其使朝東宮,宴賚遣之。八年再入貢。 諭中書及禮部臣曰:「古諸侯於天子,比年一 帝怪其無表,旣言舟覆,而方物乃有 其世子蘇門邦王昭祿羣膺亦遣使 其舊明臺王世子昭孛 小聘,三年一大 他

貢。 國王之印」,幷賜世子衣幣及道里費。 至正統後,或數年一 十年,昭祿羣膺承其父命來 一貢云。 朝。 帝喜,命禮部員外郎王恒等齎詔及印賜之,文曰 自是,其國遵朝命,始稱暹羅,比年一貢,或一 年兩 暹羅

年,世子昭祿 必經 帝遣官厚報之。 之 十六年 地 因 賜勘合文册及交綺、磁器, 羣膺遣使來貢。 其往來 時溫州民有市其沉香諸物者,所司 而市之, 非通番也。」乃獲宥。 二十三年貢蘇木 與眞臘等。 、胡椒、降香十七萬斤。 二十年貢胡椒一萬斤、蘇木 坐以通 年貢象三十、番 番、當 棄市 帝 自二 奴六十。 溫州 一萬斤。 二十二 乃暹羅

一十八年 ·, 昭 **祿羣膺遣使朝貢**,且告父喪。 命中官趙達等往祭,敕世子嗣王位,賜賚有

已逝。 以 加 光前 諭 烈。 風殊俗異。 王紹先王之緒,有道於邦家,臣民懽懌。 一:一段 欽哉。」 自即位 大國十有八,小國百四十九,較之於今,暹羅最近。 以來, 命使出疆, 周於四維, 茲特遣人錫命, 王其罔失法度, 罔淫於樂, 足履其境者三十六,聲聞於耳者三十 邇者使至,知爾先王

綺。 謝 恩。 九月命 成 加 六月,以上高皇帝尊諡,遣官頒詔,有賜。 卽 中官李興等齎敕,勞賜其王,其文武諸臣並 位,詔諭 其國。 水樂元年賜其王昭祿羣膺哆囉諦剌駝紐鍍金銀印,其王卽遣使 八月復 一有賜。 命給事 中王哲、行人成務賜其王錦

頒量 球。」是月,其王以帝降璽書勞賜,遣使來謝,貢方物。 國 修 衡 好,乃甚美事,不幸遭風,正宜憐惜, 二年有 爲國永式,從之。 香船飄 至 福建海岸, 詰之, 乃暹羅 豈可因 與琉球通好者。 以 爲利。 賜賚有 所司 加,幷賜列女傳 其治舟給粟,俟風 所司籍其貨以聞,帝曰 百 册。 便 遣 使者請 赴琉

使者、還蘇門答刺、滿刺加印誥。 訴 命 暹羅恃强發兵奪天朝所賜印誥。 ,安得逞威拘其貢使,奪其誥印。 先是,占城貢 、使返,風飄其舟至彭亨,暹羅索取其使,羈留不遣。 自今奉法循理,保境睦隣,庶永享太平之福。」時暹羅所遣 帝降敕責之曰:占城、蘇門答刺、 天有顯道,福善禍淫,安南黎賊 可爲 蘇門答刺及滿 鑒戒。 滿 刺 加 其 與 刨 爾 俱 返 刺 占城 受朝 加又

貢 六年八月命中官張原送還國,賜王幣帛,令厚恤被殺者之家。 使, 失風 方物,謝前 飄至安南 罪。 ,盡爲黎賊所殺, 止餘孛黑一人。 後官軍 一征安南、 九月,中官鄭和使其國 獲之以 歸 帝憫之,

遣使貢

其 命 中官洪保等往賜 主,毋納 年,使來祭仁孝皇后 逋 逃。 其王 幣。 刨 奉 命遣使貢馬及方物, , 命 中官告之几筵。 時奸 幷送八觀等還, 民 何八觀等逃入暹 命張原齎敕幣獎之。 羅 帝 命 使者 還 告

責令輯 子 爲王,賜以 十 陸、王 四年,王子三賴波羅摩剌劄 素錦 復遣 使謝罪。 、素羅,隨遺 宣德 使 謝 八 的賴 年,王 恩。 十七 遣使告父之喪。 悉里麻 年命中官楊敏 哈賴遣使朝貢。 命中官郭文往祭,別遣官齎 等護 歸 以 暹羅侵滿刺 加 詔 遣 封 使 其

人物。 所掠,本國不敢不還。」三年,暹羅貢使又至,賜敕曉以此意,令亟還占城 舟 來京,訴 初 英 已,占城 占 國陪 城 移咨禮部言一本國前歲遣使往須文達那,亦爲暹羅 劫掠狀。 臣柰三 鐸等貢 帝命召占城使 分分次 占城 新州 者與相 港、盡爲其國 質。 使者無以對, 人所掠。正統 乃敕 贼 占城 人掠去, 元年,柰三鐸潛附 人物。 王, 令盡 必暹羅先還 十一年,王 還 所掠 小

景泰 四 年 命給 事 ,中劉洙、行人劉泰祭其故王波羅摩剌劄的賴,封其嗣子把羅蘭米孫剌 思利波羅

麻那惹智刺遣使入貢。

爲 王。 天順 元 年賜其貢使鈒花金帶。 六年,王孛剌藍羅者直波智遣使朝貢

或 中途竊買子女,且多載私鹽, , 仕至坤岳, 猶天朝學士也。 成 化 九 (年,貢使言|天順元年所頒勘合, 命遣官戒諭諸番。 後充使來朝,貿易禁物,事覺下 爲蟲所蝕,乞改給, 先是,汀州 人謝文彬,以販鹽 吏。 從之。 十七年, 下海,飄入其 貢使還,至

閣 其牙,盛以金盤,幷尾來獻。 中官牛榮縱家人私市,論死如律。三十二年遣使貢白象及方物,象死於途,使者以珠寶飾 稅其物供軍需。 言語文字者,赴京備用,從之。 地爲王。弘治十年入貢。時四夷館無暹羅譯字官,閣臣徐溥等請移牒廣東,訪 !臣梁儲等請選留其使一二人入館肄習,報可。 十八年遣使朝貢,且告父喪,命給事中林霄、行人姚隆往封其子國隆勃剌略坤息剌尤 事聞,詔斥宣妄攬事柄,撤還南京。 帝嘉其意,厚遣之。 正德四年,暹羅船有飄至廣東者,市舶中官熊宣與守臣議, 嘉靖元年,暹羅、占城貨船至廣東。 十年進金葉表朝貢,館中無識其字者。 取能 通彼國 市舶

兵復 賜 印 以歸。 至,王整兵奮擊, 隆慶中,其隣國東蠻牛求婚不得,慙怒,大發兵攻破其國。 次子 ·嗣位,奉表 大破之,殺其子,餘衆宵遁,暹羅由是雄海上。 公請 印, 予之。 自是為東蠻牛所制, 嗣王勵志復仇。 王自 經,擴其世 移兵攻破眞臘,降其 子及天朝所 萬曆間 敵

玉。

從此,歲歲用兵,遂霸諸國。

六年遣使入貢。二十年,日本破朝鮮,暹羅請潛師直擣日本,牽其後。 中樞石星議從

之, 兩廣督臣蕭彥持不可,乃已。 其後,奉貢不替。 崇禎十六年猶入貢。

葬。 刺、西洋諸布。 私華人,則夫置酒同飲,恬不爲怪,曰:「我婦美,而爲華人所悅也。」崇信釋教,男女多爲僧 也。王,瑣里人。官分十等。 香、乳香、樹香、木香、丁香、烏香、胡椒、蘇木、肉荳蔻、白荳蔻、蓽茇、烏木、大楓子及撒哈 皮、阿魏、紫梗、藤竭、藤黄、硫黄、沒藥、烏爹泥、安息香、羅斛香、速香、檀香、黃熟香、降眞 角、孔雀尾、翠羽、龜筒、六足龜、寶石、珊瑚、片腦、米腦、糠腦、腦油、腦柴、薔薇水、碗石、丁 而葬之。貧者則移置海濱,卽有羣鴉飛啄,俄頃而盡,家人拾其骨號泣而棄之於海,謂之鳥 候不正,或寒或熱,地卑濕,人皆樓居。男女椎結,以白布裹首。富貴者死,用水銀灌其口 尼,亦居菴寺,持齋受戒。衣服頗類中國。富貴者,尤敬佛,百金之產,卽以其半施之。 亦延僧設齋禮佛。 其 (國)周千里,風俗勁悍,習於水戰。 其國有三寶廟,祀中官鄭和。 交易用海肌。是年不用肌,則國必大疫。其貢物,有象、象牙、犀 自王至庶民,有事皆決於其婦。其婦人志量,實出男子上。婦 大將用聖鐵裹身,刀矢不能入。 聖鐵者,人腦骨 氣

爪 哇 在 占城 西南。 元世祖時, 遣使臣孟琪往, 黥其面。 世祖大舉兵伐之, 破其國而

影

僻 買的里八剌,封爲崇禮侯。 天地所覆載,日月所照臨,若遠若近,生人之類,莫不欲其安土而樂生。然必中國安,而後 京 朝,貢方物,宴賚如禮。 元都,四方底定。 民之塗炭,興舉義兵,攘除亂略。天下軍民共尊朕居帝位,國號大明,建元洪武。 四方萬國順附。 (在遠方、未悉朕意、故遣使者往諭、咸使聞知。」九月、其王十里八達刺蒲遣使奉金葉表來 師 洪 太祖復遣使送之還,且賜以大統曆。 武二年,太祖遣使以卽位詔諭其國。 **邇元君妥懽帖木兒,荒淫昏弱,志不在民。天下英雄,分裂疆宇。** 占城、安南、高麗諸國,俱來朝貢。今年遣將北征,始知元君已沒,獲其孫 朕傲前代帝王,治理天下,惟欲中外人民,各安其所。 其使臣先奉貢於元,還至福建而元亡,因入居 三年以平定沙漠頒詔曰:「自古爲天下主者,視 又慮諸 前年克 股 憫 生 蕃

務遣 子以其 時遣使賜三佛齊王印綬,爪哇誘而殺之。 使朝貢。 五年又遣使隨朝使常克敬來貢,上元所授宣敕三道。 禮 意 不誠,詔留其使,已而釋還之。 其國又有東、西二王,東蕃王勿院勞網結,西蕃王勿勞波務,各遣使朝貢。 天子怒,留其使月餘,將加罪, 十二年,王八達那巴那務遣使朝貢。 八年又貢。 十年,王八達那巴那 已,遺還,賜敕責 明年又貢。

之。 十四年遣使貢黑奴三百人及他方物。 明年又貢黑奴男女百人、大珠八顆、胡椒七萬五

华斤。二十六年再貢。明年又貢。

紗羅。 印,貢方物。 成祖卽位、詔諭其國。 使者旣行,其西王都馬板遣使入賀,復命中官馬彬等賜以鍍金銀印。 而東王孛令達哈亦遣使朝貢,請印,命遣官賜之。 永樂元年又遣副使聞良輔、行人甯善,賜其王絨、錦、織金文綺、 自後,二王並貢。 西王遣使謝賜

|舊港之地,王甚疑懼。朕推誠待人,若果許之,必有敕諭,王何疑焉。小人浮詞, 朝命索之。帝乃賜敕曰:「前中官尹慶還,云言王恭待敕使,有加無替。 貢,或一歲數頁。中官吳賓、鄭和先後使其國。時舊港地有爲<u>爪哇</u>侵據者,滿刺加國 獄。帝曰:「朕於遠人,欲其畏罪而已,寧利其金耶。」悉捐之。 自後,比年一貢,或間歲一 金六萬兩以贖。六年再遣鄭和使其國。西王獻黃金萬兩,禮官以輸數不足,請下其使於 地,部卒入市,西王國人殺之,凡百七十人。西王懼,遣使謝罪。 三年遣中官鄭和使其國。明年,西王與東王搆兵,東王戰敗,國被滅。適朝使經東王 帝賜敕切責之, 比聞滿剌加國索 愼勿輕 命輸黃 王矯

者,爪哇人珍班聞之,用金贖還,歸之王所。 十三年,其王改名揚惟西沙,遣使謝恩,貢方物。 十六年,王遣使朝貢,因送還諸卒。 時朝使所攜卒有遭風飄 至班卒兒國 帝嘉之,賜

敕獎王,幷優賜珍班。 自是,朝貢使臣大率每歲一至。

往。 兒、甘巴里、眞臘使臣偕爪哇使臣郭信等同往。 帶。」從之。 今嗣服,復遣使來朝,意誠具悉。宣德時,有古里等十一國來貢,今因王使者歸,令諸使同 十三人,仍返廣東。命所司廩給,俟便舟附歸。 王其加意撫卹,分遣還國,副朕懷遠之忱。」五年,使臣回,遭風溺死五十六人,存者八 IE |統元年, 使臣馬用良言: 「先任八諦來朝, 蒙恩賜銀帶。 閏六月遣古里、蘇門答剌、錫蘭山、柯枝、天方、加異勒、阿丹、 忽魯謨斯、祖法 賜爪哇敕曰:「王自我先朝,修職勿怠。 今為亞烈, 秩四品, 乞賜金 股

乃漸稀。 其使還,賜敕曰:「海外諸邦,並三年一貢。 王亦宜體恤軍民,一遵此制。」十一年復三貢,後 八年,廣東參政張琰言:「爪哇朝貢頻數,供億費煩,敝中國以事遠人,非計。」帝納之。

貢。 物仍進京師,制可。 與入貢番僧鬭,僧死者六人。 弘治十二年,貢使遭風舟壞,止通事一舟達廣東。 景泰三年,王巴剌武遣使朝貢。 自是貢使鮮有至者 禮官請治伴送行人罪,使者敕國王自治,從之。 天順四年,王都馬班遣使入貢。使者還至安慶,酗酒, 禮官請敕所司,量予賜賚遣還,其貢 成化元年入

其國近占城,二十晝夜可至。 元師西征,以至元二十九年十二月發泉州,明年正月即

之最。 華人流寓者,服食鮮華,他國賈人居久者,亦尙雅潔,其本國人最汚穢,好啖蛇蟻虫蚓,與犬 建國之始也。 同寢食,狀黝黑,猱頭赤脚。 抵其國,相去止月餘。 字類瑣里,無紙筆,刻於茭蔁葉。 地廣人稠。 宣德七年入貢,表書「一千三百七十六年」,蓋漢宣帝元康元年,乃其 性兇悍,男子無少長貴賤皆佩刀,稍忤輒相賊,故其甲兵爲諸蕃 崇信鬼道。 氣候常似夏,稻歲二稔。 殺人者避之三日卽免罪。 無几榻匕箸。 父母死,异至野,縱犬食 人有三種:

澗西,歲歲互市。 其地,寶貨填溢。 其國一名莆家龍,又曰下港,曰順塔。 其村主卽廣東人,永樂九年自遣使表貢方物。 中國商旅亦往來不絕。其國有新村,最號饒富。 萬曆時,紅毛番築土庫於大澗東,佛郎機築於大 中華及諸番商舶,輻輳

之,不盡,則大戚,燔其餘。

妻妾多燔以殉。

婆。 閣婆,皆入貢。洪武十一年,其王摩那駝喃遣使奉表,貢方物,其後不復至。或曰爪哇卽闍 同。 或本爲二國,其後爲爪哇所滅,然不可考。 然元史爪哇傳不言,且曰:「其風俗、物產無所考。」太祖時,兩國並時入貢,其王之名不 宋元嘉時,始朝中國。唐曰訶陵,又曰社婆,其王居闍婆城,

闍婆,古曰闍婆達。

蘇吉丹,爪哇屬國,後訛爲思吉港。 國在山中,止數聚落。 其水潏,舟不

列 傳 第 百 + 外 國 Ŧi.

八四〇六

可泊。 商船但往饒洞,其地平衍, 國人皆就此貿易。 其與國有思魯瓦及猪蠻。 猪蠻多盗,

華人鮮至。

碟里,近爪哇。永樂三年遣使附其使臣來貢。其地尚釋教,俗淳少訟,物產甚薄。

日羅夏治,近爪哇。 永樂三年遣使附其使臣入貢。國小,知種藝,無盜賊。 亦尚釋教,

所產止蘇木、胡椒。

佛齊,古名干陀利。 劉宋孝武帝時, 常遣使奉貢。 梁武帝時數至。 宋名三佛齊,修

貢不絕。

入貢黑熊、火雞、孔雀、五色鸚鵡、諸香、苾布、兜羅被諸物。 洪武 三年,太祖遣 行人趙述詔諭其國。 明年,其王馬哈剌札八剌卜遣使奉金葉表,隨 詔賜大統曆及錦綺有差。 戶部

言其貨舶至泉州,宜徵稅,命勿徵。

六年,王怛麻 沙那 阿者遣使朝貢,又一表賀明年正旦。 時其國有三王。 七年,王麻那

哈寶林邦遣使來貢。 九 八年正月復貢。 九月,王僧伽烈字蘭遣使,隨招諭拂森國朝使 入貢。

年,但麻沙那阿者卒,子麻那者巫里嗣。 明年遣使貢犀牛、黑熊、火雞、白猴、紅綠鸚

印, 鵡、 怒,遣人誘朝使邀殺之。 敕 龜筒及丁香、米腦諸物。 封 爲 一佛齊 國 丟。 時爪 天子亦不能問罪,其國益衰,貢使遂絕。 使者言:「嗣子不敢擅立,請命於朝。」天子嘉其義, 哇强,已威服三佛齊而役屬之,聞天 朝封為國王 與己埓,則大 命使臣齎

哇, 敎。 意胡 諸國之意不通。惟安南、占城、眞臘、暹羅、大琉球朝貢如故,大琉球且遣子弟入學。 中途沮之。聞三佛齊本爪哇屬國,可述朕意,移咨暹羅,俾轉達爪哇。」於是部臣移牒曰:「自 蕃國使臣來者,皆以禮待之。我視諸國不薄,未知諸國心若何。今欲遣使爪哇,恐三佛齊 敢背大恩,失君臣之禮。 亂,三佛齊乃生間諜,紿我使臣至彼。爪哇王聞知,遣人戒飭,禮逘還朝。 眞 何 有天地以來,卽有君臣上下之分,中國四裔之防。 臘 令以大義告諭三 彼以 思之甚。 、暹羅、爪哇、大琉球、三佛齊、浡泥、彭亨、百花、蘇門答刺、西洋等三十國,以胡惟庸作 惟庸謀亂 三十年,禮官以諸蕃久缺貢,奏聞。 蕞 爾 我聖天子嘗曰:『安南、占城、眞臘 之國,敢倔强不服,自 ,三佛齊遂生異心,紿我信使,肆行巧詐。 一佛齊? 倘天子震怒,遣一 誠能省愆從善,則禮待如初。」 取滅亡。』爾暹羅恪守臣節, 帝曰:「洪武 偏將將十萬之師,恭行天罰,易如 、暹羅 我朝混一之初,海外諸蕃,莫不來享。豈 、初,諸蕃貢使不絕。 、大琉球皆修臣 我聖天子一以仁義待諸蕃,何諸蕃 天朝眷禮有加, 職,惟三佛齊 邇者安南、占城、 由是商旅阻遏, 覆手,爾 可轉達爪 梗 凡諸 我聲 諸

列

傳

從之者數千家,推道 其 地,華人流 時 爪哇 寓者往往起而 破三佛齊,據其國,改其名曰舊港,三佛齊遂亡。 明爲首 據之。 ,雄視一方。 有梁道明者, 會指揮孫鉉 廣州南海縣 使海 外,遇其子,挾與 人,久居 國中 其 大 國。 亂,爪哇 倶來 閩 一。粤軍 亦 不 能盡 民泛海 有

永樂三年,成祖以行人譚勝受與道 明同邑,命偕千戶楊信等齎敕招之。 道明及其黨鄭

伯可隨入朝,貢方物,受賜而還。

宣慰司,以進卿爲使,錫誥印及冠帶。 狹 貢 有施進卿者,告於和。 而 () 訴舊印爲 (小,非故時三佛齊比也。二十二年,進卿子濟孫告父訃,乞嗣職,許之。 爲盜海上,貢使往來者苦之。五年,鄭和自西洋還,遣人招諭之。 四 年,舊港 火燬,帝命重給。 頭 目陳祖義遣子士良,道明遣從子觀政並來朝。 祖義來襲被擒,獻於朝,伏誅。 其後,朝貢漸 自是,屢入貢。 稀 時進卿適遣壻丘彦誠朝貢,命設舊港 然進卿雖受朝命, 祖義,亦廣東人,雖朝貢, 祖義詐降,潛謀邀劫。 猶服屬爪哇, 其 洪熙元年遣使入 地

舶 長,漳、泉 嘉靖末,廣東大盜張璉作 人多附 之,猶 中國 一市舶 亂,官 官 軍已報克獲。 云 萬曆五年商人詣舊港者, 見璉列肆為蕃

種穀,三年生金。」言收穫盛而貿金多也。 其 地爲諸蕃 要會,在爪哇之)西,順 風 八晝夜可 俗富好淫。 至。 習於水戰, 轄 十五洲 隣國畏之。 土 沃 宜 稼。 地多水, 語云: 惟部 年

費財 饒,自爪哇破滅,後漸致蕭索,商舶鮮至。 領 陸 力。 居,庶民皆水居。 下稱其 、上日詹卑,猶國君 編筏築室,繫之於樁。 也。 後大 其他風俗、物產,具詳宏史。 水漲則筏浮,無沉溺患。 卽 號詹卑國, 改故都爲舊港。 欲徙則拔樁去之,不 初本富

校勘記

其孫摩訶賁該以遺命遣王孫述提昆來朝貢 宗實錄卷一五六正統十二年七月己亥條、 訶賁該爲占巴的賴姪摩訶貴來之舅,即摩訶賁該爲占巴的賴之妻弟,與作「其孫」不合。 國權卷二五頁一六一一及卷二六頁一七二五都稱占 其 孫, 指摩訶賁該爲占巴的賴之孫。 下文又言摩 按英

乃遣給事中管瞳 管疃,英宗實錄卷八一正統六年七月丙午條、國権卷二五頁一六一三作「舒

巴的賴

姪摩訶貴來幼,遜國於舅摩訶賁該,疑作「其孫」誤。

疃」。

- = 景泰三年遣使來貢 本書卷一一景帝紀繫於景泰四年。
- 29 正 德 五 年 原脫「正 德」年號, 據武宗實錄卷六六正德五年八月丙戌條
- 三 畫 夜 \燃燈 原脫 「夜」字,據寰宇通志卷一 一八眞臘國、殊域周咨錄卷八眞臘 補
- , · 蘇木 萬斤 太祖 實錄卷一八三洪武二十年七月乙巳條、 國權卷八頁六七四、 }殊 {域 周容錄卷

列傳第二百十二 校勘記

[+] 擊聞於耳者三十一 聞,原作「同」,據太祖實錄卷二四三洪武二十八年十二月戊午條改。

「ペ」前中官尹慶還

尹慶,原作「吳慶」,據本書卷三二五蘇門答剌傳、卷三二六古里傳改。

八四一〇

明史卷三百二十五

列傳第二百十三

外國六

覽邦 浡泥 滿刺加 淡巴 百花 蘇門答刺 彭亨 一作湓亭叉作彭坑 須文達那 蘇 禄 那孤兒 西洋瑣里 瑣里

南渤利

阿魯

柔佛

丁機宜

巴喇西

佛郎機

和蘭

邪。」 詔。 泉州航海,閱半年抵闍婆,又踰月至其國。王馬合謨沙傲慢不爲禮,秩責之,始下座拜受 素屬闍婆,闍婆人間之,王意中沮。 時其國爲蘇祿所侵,頗衰耗,王辭以貧,請三年後入貢。秩曉以大義,王旣許諾, 乃遣使奉表箋, 浡泥,宋太宗時始通中國。洪武三年八月命御史張敬之、福建行省都事沈秩往使。 **貢鶴頂、生玳瑁、孔雀、梅花大片龍腦、米龍腦、西洋布、降眞諸香。** 秩折之曰:「闍婆久稱臣奉貢,爾畏闍婆, 反不畏天朝 其 國 自

月從敬之等入朝。 表用金,箋用銀,字近回鶻,皆鏤之以進。帝喜,宴賚甚厚。 八年命其國

山川附祀福建山川之次。

神道。 華殿。 誠,不 畢露, 遠在 銷金鞍馬、金織文綺、紗羅、綾絹衣十襲,餘賜賚有差。十月,王卒於館。帝哀悼,輟朝三 日,遣官致祭,賻以繒帛。東宮親王皆遣祭,有司具棺槨、明器,葬之安德門外石子岡,樹碑 綵幣。 所,禮訖送歸會同館。 州縣皆宴。 海 永樂三年冬,其王麻那惹加那遣使入貢,乃遣官封爲國王,賜印誥、敕符、勘合、錦綺、 憚險遠、躬率家屬陪臣、詣闕獻謝。」帝慰勞再三,命王妃所進中宮箋及方物,陳之文 草木鳥獸,亦悉蕃育。 王詣 又建祠墓側,有司春秋祀以少牢,諡曰恭順。賜敕慰其子遐旺,命襲封國王 島,荷蒙天恩,賜以封爵。 王大悅,率妃及弟妹子女陪臣泛海來朝。 殿進獻畢,自王及妃以下悉賜冠帶、襲衣。 六年八月入都朝見, 帝獎勞之。王跪致詞曰:「陛下膺天寶命, 禮官請王見親王儀,帝令準公侯禮。尋賜王儀仗、交椅、銀器、傘扇、 國中耆老咸謂此聖天子覆冒所致。 自是國中雨場時順,歲屢豐登,民無災厲,山 次福建,守臣以聞。 帝乃饗王於奉天門,妃以下饗於他 臣願睹天日之表,少輸悃 遣中官往宴賚,所過 統一萬方。 川之間,珍奇 臣

國,乞命護送,就留鎮一年,慰國人之望。幷乞定朝貢期及傔從人數。」帝悉從之,命三年一 退旺 與其叔父上言:「臣國歲供爪哇片腦四十斤,乞敕爪哇罷歲供,歲進天朝。 臣今歸

貢,傔從惟王所遣,逐敕爪哇國発其歲供。 王辭歸,賜玉帶一、金百兩、銀三千兩及錢鈔、錦

綺、紗羅、衾褥、帳幔、器物,餘皆有賜。 以中官張謙、行人周航護行。

乃封爲長寧鎭國之山。御製碑文,令謙等勒碑其上。其文曰 初,故王言:「臣蒙恩賜爵,臣境土悉屬職方,乞封國之後山爲一方鎭。」新王復以爲言,

朕嗣守鴻圖,率由典式。嚴恭祗畏,協和所統。無間內外,均視一體。遐邇綏寧,亦克 毅,仁聲義問,薄極照臨,四方萬國,奔走臣服,充湊於廷。 神化感動之機,其妙如此。 上天佑啓我國家萬世無疆之基,誕命我太祖高皇帝全撫天下,休養生息,以治以

承予意。

詣闕廷,以伸其悃。」朕曰:「惟天,惟皇考,付予以天下,子養庶民。 使我有土地人民之奉,田疇邑井之聚,宮室之居,妻妾之樂,和味宜服,利用備器,以資 見,地蹐則履,惟天子遠而難見,誠有所不通。是以遠方臣妾,不敢自外,踰 其生,强罔敢侵,衆罔敢暴,實惟天子之賜。 是天子功德所加, 息、既庶且安。思見日月之光,故不憚險遠,輒敢造廷。」又曰:「覆我者天,載我者地。 數萬里,浮海來朝,達其志,通其欲,稽顙陳辭曰:「遠方臣妾,丕冒天子之恩,以養以 乃者浡泥國王,誠敬之至,知所尊崇,慕尙聲敎,益謹益虔,率其眷屬、陪臣,不遠 與天地並。 天與皇考,視民同 歷山海,躬 然天仰則

列仰

載籍,自古逷遠之國,奉若天道,仰服聲敎,身致帝廷者有之。 至於舉妻子、兄弟、親 舞。 戚、陪臣頓首稱臣妾於階陛之下者,惟浡泥國王一人,西南諸蕃國長,未有如王賢者。 王之至誠實於金石,達於神明,而令名傳於悠久,可謂有光顯矣。 來觀也。」股觀其言文貌恭,動不踰則,悅喜禮教,脫略夷習,非超然卓異者不能。 臣國時和歲豐,山川之藏,珍寶流溢,草木之無葩蘤者皆華而實,異禽和鳴,走獸蹌 仁,予其承天與皇考之德,惟恐弗堪,弗若汝言。」乃又拜手稽首曰:「自天子建元之載, 國之黃叟咸曰,中國聖人德化漸暨,斯多嘉應。臣土雖遠,實天子之氓,故奮然而 稽之

下皆有賜。十年九月,遐旺偕其母來朝。 斁。 樂,一視同仁,匪偏厚薄。顧茲鮮德,弗稱所云。浪舶風檣,實勞懇勤。稽古遠臣,順 導以象胥,適來奔赴。同其婦子、兄弟、陪臣,稽顙闕下,有言以陳。謂君猶天,遺以休 八年九月遣使從謙等入貢謝恩。 山,以鎭王國。鑱文於石,懋昭王德。王德克昭,王國攸寧。 來怒趌。 系之詩曰:「炎海之墟,浡泥所處。煦仁漸義,有順無迕。慺慺賢王,惟化之慕。 茲特錫封王國中之山爲長寧鎭國之山,賜文刻石,以著王休,於昭萬年,其永無 以躬或難,矧曰家室。王心亶誠,金石其堅。西南蕃長,疇與王賢。麢矗高 明年復命謙賜其王錦綺、紗羅、綵絹凡百二十匹,其 命禮官宴之會同館,光祿寺旦暮給酒饌。 於萬斯年,仰我大明。」 明日,

明年二月辭歸。 帝饗之奉天門,王母亦有宴。越二日,再宴,賜王冠帶、襲衣,王母、王叔父以下,分賜有差。 賜金百、銀五百、鈔三千錠、錢千五百緡、錦四、綺帛紗羅八十、金織文繡、

文綺衣各一,衾褥、幃幔、器物咸具。 自十三年至洪熙元年四入貢,後貢使漸稀。

私 騰賈客,多絕其貢。正德間,佛郎機闌入流毒,概行屛絕。曾未幾年,遽爾議復,損威已 嘉靖九年,給事中王希文言:「暹羅、占城、琉球、爪哇、浡泥五國來貢,並道東莞。 後因

甚。」章下都察院,請悉遵舊制,毋許混冒。

反謀。 爲其 不復朝貢,而商人往來不 萬曆中,其王卒,無嗣,族人爭立。 國那督,華言尊官也,因亂出奔。 女主懼,遺人按問其家,那督自殺。 絕 女主立,迎還之。 國中殺戮幾盡,乃立其女爲王。 國人爲訟冤,女主悔,絞殺其女,授其子官。後雖 其女出入王宫,得心疾,妄言父有 漳州人張姓者,初

築土庫以居。 多 流 寓 國 其 統 地。 十四洲,在舊港之西,自占城四十日可至。 其入彭湖互市者,所攜乃大泥國文也。 嘉靖末,閩、粤海寇遺摩逋逃至此,積 初屬爪哇,後屬暹羅,改名大泥。 二千餘人。 諸風俗、物產,具詳宋史。 萬曆時,紅毛番强商 其境,

滿 刺 加 在 占 城 南 順 風 八日至龍牙門, 又西行二日卽至。 或云即 古頓 遜, 唐哥羅

富沙。

風。 之。 待 扈從,[] 雨崖露石草木濃。 蓋,復命慶往。 使 國 有加 隨慶入朝貢 ,服屬暹羅,歲輸 出入導從張蓋 製碑文,勒山上,末綴以詩曰:「四南巨海中國通,輸天灌地億載同。 永樂元年十月遣中官尹慶使其地,賜以織金文綺、銷金帳幔諸物。 皇考陟降在彼穹。 方物, 其使者言:「王慕義,願同中國列郡,歲効 重,儀文裼襲禮虔恭。 金花寶鈿生青紅, 金四十兩 三年九月至京師。 後天監視久彌隆,爾衆子孫萬福崇。」慶等再至,其王 爲賦。 慶至,宣示威德及招徠之意。 有國於此民俗雍。 帝嘉之,封爲滿刺加 大書貞石表爾忠,爾國西山永鎭封。 職貢、請封其山 王好善義思朝宗, 國王,賜誥印、 爲一 洗 其地. 日浴月光景融, 國之鎭。」帝從 綵幣、襲衣、黄 願比內郡依 無王, Щ 君海伯 益喜,禮 大喜,遣 亦不 ·稱

宴之,妃 衾襉悉具,妃以下皆有賜。 朝。 五. 年 以下宴他 抵 九月遣 近 郊,命中官海壽 使入貢。 所。 光 祿 明年,鄭和使其國,旋入貢。 將歸,賜王玉帶、儀仗、鞍馬, 日 禮 致牲牢 部 郎 上算, 中 ·黃裳等宴勞,有司 賜 王 金繡龍 九年,其王率妻子陪臣 衣 賜妃冠服。 供 二襲、麒 張 會同 麟衣 館 瀕行, 入朝 襲 賜宴奉天門, 奉天 金銀 五. 白 殿 器 四 帝 帷 一十餘 再 幔 親

賜 匹、渾金文綺二、金織通袖膝襴二;妃及子姪陪臣以下, 玉帶、儀仗、鞍馬、黃金百、白金五百、鈔四十萬貫、錢二千六百貫、錦綺紗羅三百匹、帛千 宴賜 有差。 禮官餞於龍江驛,復賜

宴龍潭驛。 十年夏,其姪入謝。 及辭歸,命中官甘泉偕往,旋又入貢。

十二年,王子母幹撒于的兒沙來朝,告其父訃。 即命襲封,賜金幣。 嗣後, 或連歲,或

間歲入貢以爲常。

奉詔。二十二年,西里麻哈剌以父沒嗣位,率妻子陪臣 十七年,王率妻子陪臣來朝謝恩。 及辭歸,訴暹羅見侵狀。 一來朝 帝爲賜敕諭暹羅,暹羅乃

朝命。 三人附蘇門答刺貢舟入訴。」帝命附鄭和舟歸國,因令和齎敕諭暹羅,責以輯睦鄰封,毋違 宣德六年遣使者來言:「暹羅謀侵本國,王欲入朝,懼爲所阻,欲奏聞,無能書者, 初,三人至,無貢物,禮官言例不當賞。 帝曰:「遠人越數萬里來愬不平,豈可無賜。」 令臣

遂賜襲衣、綵幣,如貢使例。

洎 在廣 入 東。 朝,宴賚如 年,王率妻子陪臣來 賜 敕 獎王,命守臣送還國。 禮。 及還, 有司 朝。 爲治舟。 抵南京,天已寒, 因遣古里、眞臘等十一 王復遣其弟貢駝馬方物。 命俟春 和北上,別遣 國使臣,附 時英宗已嗣位 載偕還 人齎敕勞賜 ,而王猶 王及妃。

正統十 年,其使者請賜王息力八密息瓦兒丟八沙護國敕書及蟒服、傘蓋,以鎭服 國

列

傅

第

明

又言:「王欲親 詣闕下,從 人多,乞賜一巨舟,以便遠涉。」帝悉從之。

賜冠帶燬 景泰六年,速魯檀無答佛哪沙貢馬及方物,請封爲王。 於火。 命製皮弁服、紅羅常服及犀帶紗帽予之。 詔給事 中王暉往。 已,復入貢,

「嘉猷等浮海二日,至烏猪洋,遇颶風,舟壞,飄六日至淸瀾守禦所獲救。 天順 三年,王子蘇丹芒速沙遣使入貢,命給事中陳嘉猷等往封之。 越二年, 敕書無失,諸賜物 禮官言:

悉沾水。乞重給,令使臣復往。」從之。

封王子馬哈木沙為王。二人溺死,贈官賜祭,予廕,恤其家,餘敕有司海濱招魂祭,亦恤 使還,敕責其王,幷諭滿刺加,安南復侵陵,卽整兵待戰。 與戰。」適安南貢使亦至,滿剌加使臣請與廷辯。兵部言事屬旣往,不足深較。帝乃因安南 境,多被殺,餘黥爲奴,幼者加宮刑。今已據占城地,又欲吞本國。本國以皆爲王臣,未敢 入貢。其使者至,帝喜,賜敕嘉獎。十七年九月,貢使言:「成化五年,貢使還,飄抵安南 復遣給事中張晟、行人左輔往。 成化十年,給事中陳峻册封占城王,遇安南兵據占城不得入,以所齎物至滿刺加,諭 晟卒於廣東,命守臣擇一官爲輔副,以 尋遣給事中林榮、行人黃乾亨册 終封 其 其

大通事王永、序班張字,謀往浡泥索寶。 正 德三年,使臣端亞智等入貢。 其通事 而禮部吏侯永等亦受賂,僞爲符印,擾郵傳。 ·亞劉,本江 |西萬安人 蕭明舉,負罪逃 其 國,賂 還至

凌遲, 廣 東 明 萬春 舉與端亞智輩爭言,遂與同事彭萬春等劫殺之,盡取其財物。 等斬,王永滅死罰米三百石,與張字、侯永並戍邊,尚書白鉞以下皆 事覺, 逮 議 入京。 罰 劉瑾 明

因 此罪江西 **「人,滅** 《其解額五十名,仕者不得任京 職

六甲云。 使朝貢請封,抵廣東,守臣以其國素不列王會,羈其使以聞。 令還其故土。 後 佛郎機强, 諭暹羅諸 舉兵侵奪其地,王蘇端媽末出奔,遣使告難。 國 王以救災恤鄰之義,迄無應者,滿剌加 韶子方物之直遣歸,後改名麻 竟爲所滅。 時世宗嗣位,敕責佛郎機, 時佛 郎機 亦遣

哈 香、速香、金銀香、阿魏 刺 犀 滿 刺 角、 加 が所貢 象牙、黑熊、黑猿、 、物有瑪瑙、珍珠、玳 之屬。 白麂、火雞、鸚鵡、片腦、薔薇露、蘇 瑁 珊 瑚樹 、鶴頂、金母 鶴頂、 合油、 · 瑣服、 白苾 梔子花、 布 鳥爹 西 洋 泥、 布、 沉 撒

破,其 於中國 朝 熱暮寒。 有 風 者 山 頓 出 則 殔 男 泉流 直 女椎髻,身體 達 商 爲溪, 廣 舶 東 稀 香山 土人 至,多直詣 澳、接 黝黑, 淘 沙 取 跡 蘇門答刺。 間 錫 不 有白 煎成 絕云 者 塊 唐 日 然 斗 人 必 種 錫。 取 也 道 田 其國 瘠 俗淳厚,市道 少收,民皆淘 率被邀劫,海 頗 平。 沙 捕 路幾斷 自 魚 爲業。 爲 佛 其 郞 (自販 機 氣 所

候

蘇門答刺,在滿刺加之西。 順風九畫夜可至。 或言即漢條枝、唐波斯、大食二國地、西

洋要會也。

衣。遂比年入貢,終成祖世不絕。鄭和凡三使其國 至,其會宰奴里阿必丁已遣使隨慶入朝,貢方物。詔封爲蘇門答剌國王,賜印誥、綵幣、襲 絨錦、紗羅、招徠之。 中官尹慶使爪哇,便道復使其國。 三年,鄭和下西洋,復有賜。 成祖初,遣使以卽位詔諭其國。永樂二年遣副使聞良輔、行人甯善賜其會織金文綺、 和未

十三年,和復至其國,蘇幹刺以頒賜不及己,怒,統數萬人邀擊。 王。旣而王子年長,潛與部領謀,殺老王而襲其位。 者,我以爲夫,與共國事。」有漁翁聞之,率國人往擊,馘其王而還。王妻遂與之合,稱爲老 破賊衆,追至南渤利國,俘以歸。 先是,其王之父與鄰國花面王戰,中矢死。王子年幼,王妻號於衆曰:「孰能爲我報讐 其王遣使入謝。 老王弟蘇幹刺逃山中,連年率衆侵擾。 和勒部卒及國人禦之,大

普輯寧於庶類。 「朕恭膺天命,祗承太祖高 宣德元年遣使入賀。 已大赦天下,紀元宣德。 皇帝、太宗文皇帝、仁宗昭皇帝大統,君臨萬邦, 五年,帝以外蕃貢使多不至,遣和及王景弘遍歷諸國, 爾諸蕃國,遠在海外,未有聞知。 茲遣太監鄭和、 體祖宗之至仁, 頒詔

王景弘等齎詔往諭,其各敬天道,撫人民,共享太平之福。」凡歷二十餘國,蘇門答刺與焉。

明年遣使入貢者再。八年貢麒麟。

戶。時景弘再使其國,王遣弟哈尼者罕隨入朝。 九 年,王弟哈利之漢來朝,卒於京。帝憫之,贈鴻臚少卿,賜誥,有司治喪葬,置守塚 明年至,言王老不能治事,請傳位於子。

成化二十二年,其使者至廣東,有司驗無印信勘合,乃藏其表於庫,却還其使。 別遺番

人輸貢物京師,稍有給賜。自後貢使不至。

乃封其子阿卜賽亦的為國王,自是貢使漸稀。

之,奴果殺王,大呼曰:「王不道,吾殺之。 六門,不得闌入,雖 動,其主遂篡位,任奴爲 欲之,主卽王矣。」主詫,叱退之。他日又進曰:「王左右侍衞少,主擁重兵出鎮,必入辭,請 若神,主鞠躬惟謹,出謂主曰:「主何恭之甚。」主曰:「彼王也,焉敢抗。」曰:「主第不欲王爾, 以奴從。 牧象,象肥。 **迨萬曆間,國兩易姓。** 主言有機事, 乞屛左右, 王必不疑。 俾監魚稅,日以大魚奉其主。主大喜,俾給事左右。一日隨主入朝,見王尊嚴 勳貴 不得帶刀上殿。 心腹,委以兵柄。 其時爲王者,人奴也。 出乘象, 象駕亭而帷其外, 未幾,奴復殺主而代之。 吾主卽王矣。 奴乘間刺殺之,奉主爲王,猶反掌耳。」主從 奴之主爲國大臣,握兵柄。 敢異議者, 齒此刃! 衆懾服不敢 乃大爲防衞,拓其宮,建 如是者百餘,俾人莫測 奴桀黠,主使

六

王所在。

方商賈輻輳。華人往者,以地遠價高,獲利倍他國。其氣候朝如夏,暮如秋,夏有瘴氣。 錫、鎖服、胡椒、蘇木、硫黃之屬。 貨舶至,貿易稱平。 人裸體,惟腰圍一布。其他風俗類滿剌加。 石、瑪瑙、水晶、石青、回回青、善馬、犀牛、龍涎香、沉香、速香、木香、丁香、降眞香、刀、弓、 **其國俗頗淳,出言柔媚,惟王好殺。歲殺十餘人,取其血浴身,謂可除疾。** 篡弑後,易國名曰啞齊。 地本瘠,無麥有禾,禾一歲二稔。 貢物有寶 四 婦

草著一箇,撒哈刺一箇,及薔薇水、沉香、降香、速香諸物。 匹,隔著布、入的力布各二匹,花滿直地二,番緜紬直地二,兜羅緜二斤,撒剌八二箇,幼賴 須文達那,洪武十六年,國王殊旦麻勒兀達盼遣使俺八兒來朝,貢馬二匹,幼苾布十五 或言須文達那卽蘇門答刺,洪武時所更,然其貢物與王之名皆不同,無可考。 命賜王大統曆、綺羅、寶鈔,使臣

蘇祿、地近浡泥、闍婆。 洪武初,發兵侵浡泥,大獲,以闍婆援兵至,乃還。

永樂十五年,其國東王巴都萬叭哈刺、西王麻哈刺叱葛刺麻丁、峒王妻叭都葛巴剌卜

屬,宜卽繼承,用綏藩服。 錢二千緡,金繡蟒龍、麒麟衣各一。東王次德州,卒於館。帝遣官賜祭,命有司營葬,勒碑 遣官護歸。 墓道,諡曰恭定,留妻妾傔從十人守墓,俟畢三年喪遣歸。 以繼爾父之志。 居二十七日,三王辭歸。各賜玉帶一,黃金百,白金二千,羅錦文綺二百,帛三百,鈔萬錠, 並 .爾父知尊中國,躬率家屬陪臣,遠涉海道,萬里來朝。 滿刺加 率 其家屬頭目凡三百四十餘人,浮海朝貢,進金鏤表文,獻珍珠、寶石、玳瑁諸物。 "。奉並 **舟**次德州,遭疾殞歿。 封爲國王。 欽哉 今特封爾爲蘇祿國東王。 賜印誥、襲衣、冠帶及鞍馬、儀仗器物,其從者亦賜冠帶有差。 **朕聞之,深爲哀悼,已葬祭如禮。** 爾尙益篤忠貞,敬承天道,以副眷懷, **股眷其誠悃,已錫王封,優加賜賚,** 乃遣使齎敕諭其長子都馬含曰: 爾以嫡長,爲國人所 禮之

有奇。 二十一年,東王妃還國,厚賜遣之。 八年,西王遣使入貢。 十九年,東王母遣王叔叭都加蘇里來朝,貢大珠一,其重 明年入貢,自後不復至。 萬曆時, 佛郎機屢攻 七兩

之,城據山險,迄不能

常熱。 其 有珠 國,於古 池 ,夜望之, 無所考。 光浮 地瘠寡粟麥,民率食魚蝦,煮海爲鹽,釀蔗爲酒,織竹爲布。 水面。 土人以珠與華人市易,大者利數十倍。 商舶將返,輒留 氣候

數人爲質,冀其再來。其旁近國名高藥,出玳瑁。

西洋瑣里,洪武二年命使臣劉叔勉以卽位詔諭其國。 三年平定沙漠,復遣使臣頒詔

其王 別里提遣使奉金葉表,從叔勉獻方物。 成 祖 頒卽位詔於海外諸國,西洋亦與焉。 賜文綺、紗羅諸物甚厚,幷賜大統曆 永樂元年命副使聞良輔、行人甯善使

其

國,

有司請徵稅,命勿徵。 賜絨錦、文綺、紗羅。 二十一年偕古里、阿丹等十五國來貢。 已復命中官馬彬往使,賜如 前。 其王卽遣使來貢,附載胡椒與民市。

納的遣使奉表朝貢,幷獻其國土 瑣里,近西洋瑣里而差小。 地山 洪武三年,命使臣塔海帖木兒齎詔撫諭其國。 川圖。 帝顧中書省臣曰:「西洋諸國素稱遠蕃 五年,王卜 一, 涉 海而

來,難計歲月。 其朝貢無論疏數,厚往薄來可也。」乃賜大統曆及金織文綺、紗羅各四匹,使

者亦賜幣帛有差。

商賈鮮至。 文綺、紗羅,使者宴賜如制。 覽邦,在西南海中。 山坦迤無峯巒,水亦淺濁。俗好佛,勤賽祀。厥貢,孔雀、馬、檀香、降香、胡椒 洪武九年,王昔里馬哈剌札的剌札遣使奉表來貢。 永樂、宣德中,嘗附鄰國朝貢。 其地多沙礫,麻麥之外無他 詔賜其王織金 種

蘇木。

交易用錢。

織,市有貿易,野無寇盜,稱樂土焉。厥貢,苾布、兜羅縣被、沉香、速香、檀香、胡椒 石城瓦屋。王乘輿,官跨馬,有中國威儀。土衍水淸,草木暢茂,畜產甚夥。男女勤於耕 淡巴,亦西南海中國。洪武十年,其王佛喝思羅遣使上表,貢方物,賜賚有差。 其國,

筒、玳瑁、孔雀、鸚鵡、哇哇倒掛鳥及胡椒、香、蠟諸物。 中氣候恒燠,無霜雪,多奇花異卉,故名百花。 百花,居西南海中。 洪武十一年,其王刺丁刺者望沙遣使奉金葉表,貢白鹿、 民富饒,尙釋教。 韶賜王及使者綺、幣、襲衣有差。 紅猴、龜 國

列傳第二百十三 外國六

物,宴資如禮。 彭亨,在暹羅之西。洪武十一年,其王麻哈剌惹答饒遣使齎金葉表,貢番奴六人及方 永樂九年,王巴刺密瑣刺達羅息泥遣使入貢。 十年,鄭和使其國。十二年,

復入貢。十四年,與古里、爪哇諸國偕貢,復令鄭和報之。

於鬼神,刻香木爲像,殺人祭賽,以禳災祈福。所貢有象牙、片腦、乳香、速香、檀香、胡椒、 其國,土田沃,氣候常溫,米栗饒足,煮海爲鹽,釀椰漿爲酒。上下親狎,無寇賊。然惑

蘇木之屬。

殺其父,弑其兄自立。 民半死。 浡泥國王,王妃兄也,聞之,率衆來援。 子靳不予, 婆羅國王子爲彭亨王妹壻,舉觴獻副王,而手指有巨珠甚美,副王欲之,許以重賄。 至萬曆時,有柔佛國副王子娶彭亨王女,將婚,副王送子至彭亨,彭亨王置酒,親戚畢 浡泥王迎其妹歸,彭亨王隨之,而命其長子攝國。 副王怒,卽歸國發兵來攻。 彭亨人出不意,不戰自潰。王與婆羅王子奔金山。 副王乃大肆焚掠而去。 已,王復位,次子素凶悍,遂毒 當是時,國中鬼哭三日,人

耕而食,無寇盜。 又名花面國。 那 孤兒,在蘇門答剌之西,壤相接。 猱頭裸體,男女止單布圍腰。 永樂中,鄭和使其國。 其酋長常入貢方物。 地狹,止千餘家。 然俗淳,田足稻禾,强不侵弱,富不驕貧,悉自 男子皆以墨刺面爲花獸之狀,故

門答刺,聲音風俗多與之同。 黎伐,在那孤兒之西。 南大山,北大海,西接南渤利。 永樂中,嘗隨其使臣入貢。 居民三千家,推一人爲主。 隸|蘇

時,比年入貢,其王子沙者罕亦遣使入貢。 蘇門答刺使入貢。 船俱望此山為準。 實,地少穀,人多食魚蝦。 南渤利, 在蘇門答剌之西。順風三日夜可至。 近山淺水內,生珊瑚樹,高者三尺許。永樂十年,其王馬哈麻沙,遣使附 賜其使襲衣,賜王印誥、錦綺、羅紗、綵幣。 西北海中有山甚高大,曰帽山,其西復大海,名那沒黎洋,西來洋 宣德五年,鄭和遍賜諸國,南渤利亦與焉 王及居民皆回回人,僅千餘家。俗朴 遺鄭和 撫諭其國。 終成祖

傳第二百十三 外國六

列

收,盛藝芭蕉、椰子爲食。男女皆裸體,以布圍腰。 刺沙遣使入貢。十九年、二十一年,再入貢。 諸國入貢。賜其使冠帶、綵幣、寶鈔,其王亦有賜。 阿魯,一名啞魯,近滿剌加。順風三日夜可達。 宣德五年,鄭和使諸蕃,亦有賜。 十年,鄭和使其國。 永樂九年,王速魯唐忽先遣使附古里 風俗、氣候,大類蘇門答刺。 十七年,王子段阿 其後貢使 田瘠少

山,今此山正在其地,疑即東西竺。 人販他國者多就之貿易,時或邀至其國 柔佛,近彭亨,一名烏丁礁林。 萬曆間, 永樂中,鄭和遍歷西洋,無柔佛名。 其酋好搆兵,鄰國丁機宜、彭亨屢被其患。 或言和曾經東西竺

以刀刺之。 產穀,常易米於鄰壤。 國中覆茅爲屋,列木爲城,環以池。 婚姻亦論門閥。 男子薙髮徒跣,佩刀,女子蓄髮椎結,其脅則佩雙刀。 王用金銀爲食器,羣下則用磁。無匕筯。俗好持齋,見星方食。 無事通商於外,有事則召募爲兵,稱强國焉。 字用茭蔁葉,

節序以四月爲歲首。 腦、沒藥、血竭、錫、蠟、嘉文簟、木棉花、檳榔、海菜、窩燕、西國米、蛬吉柿之屬 居喪,婦人薙髮,男子則重薙,死者皆火葬。 所產有犀、象、玳瑁、片

左右咸見古寧仁爲祟,自是家家祀之。 始其國吉寧仁爲大庫,忠於王,爲王所倚信。 王弟以兄疏己,潛殺之。 後出行墮馬死,

後以 首。 喪用 大家皆不飲,維細民無籍者飲之,其曹偶咸非笑。 火葬。 厚幣求婚,稍獲寧處。 性好潔,

,

,

,

皆

明

,

自

則

京

。

。 1, 機宜,爪哇屬國也, 華人往商,交易甚平。 幅員甚狹, 僅千餘家。 其國以木爲城。 自爲柔佛所破,往者亦鮮。 民俗類爪哇,物產悉如柔佛。 **酋所居,旁列鐘鼓樓,** 婚者,男往女家持其門戶,故生女勝男。 柔佛點而雄,丁 機宜 出入乘象。 酒禁甚嚴,有常稅。 與接壤, 以十月爲歲 時被其 患。

行 四年半,遭風飄至 巴喇西,去中國絕遠。 |西瀾海,舟壞,止存一小艇,又飄流八日,至得吉零國,居一年。 正德六年遣使臣沙地白入貢,言其國在南海,始奉王命來朝,舟 至秘

六

得,居八月 各四,及瑪瑙珠、胡黑丹諸物。 迄今年五月始附 乃遵陸行,閱 番舶入廣東,得達闕 二十六日抵暹羅,以情告王,獲賜日給, 帝嘉其遠來,賜賚有加 下。 進 金葉表, 貢祖 母綠一, 且賜婦女四 珊瑚樹、琉璃瓶、玻璃盞 人, 居四年。

留懷遠驛者,益掠買良民,築室立寨,爲久居計 緣鎭守中貴,許入京。 請 封 一,始知 佛 郎機、近滿剌加。 其 名。 詔給方物之直 武宗南巡,其使火者亞三因江彬侍帝左右。 正德中,據滿刺加地,逐其王。 ,遺還。 其人 **人留不去**,剽劫 十三年遣使臣加必丹末等貢方物, 行旅 ,至掠小兒爲食。 帝時學其語以爲戲。 已而夤 其

物,不問何年,來卽取貨。 之禍殆無紀極。 城, 酸聲殷地。 貢,決不可許。 聲罪致討。」御史何鰲言:「佛郎機最凶狡,兵械較諸蕃獨精。前歲駕大舶突入廣東會 五年,御史丘道隆言:「滿剌加乃敕封之國,而佛郎機敢倂之, 留驛者違制交通,入都者桀驁爭長。 宜却其使臣,明示順逆,令還滿剌加疆土,方許朝貢。 祖宗朝貢有定期, 致番舶不絕於海澨,蠻人雜遝於州城。 防有常制, 故來者不多。 今聽其往來貿易,勢必爭鬭殺傷,南 近因布政吳廷舉謂缺上供香 禁防旣疏,水道益熟。 且啗我以利,邀求封 倘執迷不悛,必檄告 此

疏 佛 下 郞 禮部,言「道隆先宰順德,鰲卽順德人,故深晰利害。 機所以乘機突至也。 乞悉驅在澳番舶及番人潛居者,禁私通,嚴守備,庶一方獲安。」 宜俟滿 刺加使臣至,廷詰佛郎機

侵奪鄰邦、擾亂內地之罪,奏請處置。 其他悉如御史言。」報可。

詬 五 韶復拒之。 使,乃伏法。 一舟,擊破 日 :「彼嘗與天子嬉戲,肯跪汝 亞三侍帝驕甚。 巴西國 其將別 絕其朝貢。 都盧旣以巨礮利兵肆掠滿剌加諸國, 從駕入都,居會同館。 其年七月,又以接濟朝使爲詞,攜土物求市。 小官邪。」明年,武宗崩,亞三下吏。 見提督主事梁焯,不屈 横行海上, 自言本華人,爲番 膝。 復率其屬疎世利等駕 守臣請抽 焯怒, 撻之。 分如故 彬大 事

叉無 舟 尚先登,衆齊進,生擒別都盧、疎世利等四十二人,斬首三十五級,獲其二舟。 堡 之墩臺。 累官右都 接戰。 用其三,以十人守之。 制遠之具,故往往受困。當用臣 嘉靖二 每墩用其一,以三人守之。其大至七十斤以上,遠可五六里者,則用之城堡。每 應恩陣亡,賊亦敗遁。 御史,上言:「今塞上墩臺城堡未嘗不設,乃寇來輒遭蹂躪者,蓋墩臺 一年遂寇新會之西草灣,指揮柯榮、百戶王應恩禦之。 五里一墩,十里一堡,大小相依,遠近相應,寇將無所容足,可坐收 官軍得其職,即名爲佛郎機,副使汪鋐進之朝。 .所進佛郞機,其小止二十斤以下,遠可六百步者,則用 轉戰至稍州,向化 止 餘賊復率三 瞭望,城堡 九年秋,鋐 人潘丁

不 戰之功。」帝 悅, 即從之。 火礮之有佛郎機自此始。 然將士不善用,迄莫能制 寇 也

越 三。 希文 此因民之利 番常貢外,原有抽分之法,稍取其餘,足供御用,利 餉,備不虞,利二。 言:「粤中公私諸費多資商稅,番舶不至,則公私皆窘。)境商 力爭, 小民以懋遷爲生,持一錢之貨,卽得展轉販易,衣食其中,利四。 初,廣 於福建,往來不絕 東文武官月俸多以番貨代,至是貨至者寡, 乃定令,諸番貢不以時及勘合差失者,悉行禁止,由是番舶幾絕。 而利之,非開利孔爲民梯禍也。」從之。 粤西素仰給粤東,小有徵發,即措辦 0 自是佛郎機得入香山澳為市,而其徒又 不前, 有議復許佛郎 今許佛郎機互市有四利 兩粤比歲用兵,庫藏耗竭,籍 若番舶流通,則上下交濟,利 助國裕民,兩有所賴, 機通市 者。 巡撫 給事 祖宗時諸 以充 林富 中王 軍

此 納遂被逮,自殺。 人, 副使柯喬等禦却之。二十八年又犯詔安。官軍迎擊於走馬溪, 滿刺 餘遁去。 至二十六年,朱紈爲巡撫,嚴禁通番。其人無所獲利,則整衆犯漳州之月港、浯嶼。 加 商人,歲招海濱無賴之徒,往來鬻販,無僭號流劫事,啟擅自行誅,誠如御史所劾。 納用便宜斬之,怨納者御史陳九德遂劾其專擅。 蓋不知滿刺加即佛郎機 也 帝遣給事中杜汝禛往驗,言 生擒賊首李光頭等九十六

自 一級死,海禁復弛,佛郎機遂縱橫海上無所忌。而其市香山澳、壕鏡者,至築室建城,雄

飛甍, 四十四 嘉靖十 占城 踞 海 、爪哇、琉球、浡泥諸國互市,俱在廣州,設市 畔, 年 四 若一國然, [年,指揮黃慶納賄,請於上官,移之壕鏡, 爲稱滿剌加入貢。 閩、粤商人趨之若鶩。久之,其來益衆。 將東不肖者反視爲外府矣。 已,改稱蒲都麗家。 守臣以聞,下部議,言必佛郎機假託,乃 壕鏡在香山縣南虎跳門外。 船司 歲輸課二萬金, 領之。 諸國人畏而避之,遂專爲所據 正德時,移於高州之電白縣。 佛郎機遂得混入。 先是, 暹羅

却

之浪 仰 尚 者。 六七 海 會試 於 檄 外 我,一懷 且 雜 白 番 總 入 萬 番, 都 外 驅 督 曆 人 閎敞 戴燿在 洋就 斥,不 驅 中 請 廣通貿易, 倭 異 破滅呂宋、盡 盡 奇 船貿易者,顧兵難輕 出 志,我即 費一 逐澳 閟 海 事 十 矢,此聖天子威德所致。 中 非 因 至萬 $\stackrel{\cdot}{=}$ - 諸番, 中 上言:「粤之有澳夷, 制其死命。 年,養成其患。 國 擅闖 餘 所 人。 出居浪白 有 、粤海上之利,勢益 吏其 動。 知縣 若移之外洋,則巨海茫茫,奸宄安詰,制禦安施。 外海, 土者,皆畏懼莫敢詰, 番人 張大猷請毁其高 而 壕鏡在 又潛匿倭賊, 還我壕鏡故 **猶**疽之在背 惟是倭去 香山內地,官軍 熾。 而番 至三十四年 塘, 地, 也。 敵 尙 甚 不果。 殺官軍。 當 澳之有倭賊, 存,有謂宜剿 有 事 環海 利其 不 ·, 叉 明年, 能 へ寶貨, 而守,彼 四十二年, /於隔 用。 番禺 除 番人 猶虎 水 佯禁 者, 靑 日 舉 州 之傅翼也。 食所需,咸 既築城,聚 總 有謂宜 而 人盧廷 建寺 督張鳴 陰許之 龍

列

議從之。居三年,設參將於中路雍陌營,調千人戍之,防禦漸密。 患,遣監司馮從龍等毀其所築靑州城,番亦不敢拒。 如申明約束,內不許一奸闌出,外不許一怪闌入,無啓釁,無弛防,相安無患之爲愈也。」部 天啓元年,守臣慮其終爲

珠貝。衣服華潔,貴者冠,賤者笠,見尊長輒去之。 鼻,貓睛鷹嘴,拳髮赤鬚,好經商,恃强陵轢諸國,無所不往。 敢與抗者。 不許其朝貢,又無力以制之,故議者紛然。 ,雖累千金不立約契,有事指天爲誓,不相負。 其時,大西洋人來中國,亦居此澳。 蓋番人本求市易,初無不軌謀,中朝疑之過甚,迄 然終明之世,此番固未嘗爲變也。 自滅滿刺加、巴西、呂宋三國,海外諸蕃無 初奉佛教,後奉天主教。 後又稱干系臘國。所產 市易但伸指示 其人長身高 多犀象

和蘭者。其人深目長鼻,髮眉鬚皆赤,足長尺二寸,頎偉倍常。 和蘭,又名紅毛番,地近佛郎機。永樂、宣德時,鄭和七下西洋,歷諸番數十國,無所謂

也。 自佛郎機市香山,據呂宋,和蘭聞而慕之。二十九年駕大艦,攜巨礮,直薄呂宋。 萬 曆中、福建商人歲給引往販大泥、呂宋及咬噹吧者、和蘭人就諸國轉販、未敢窺中國 呂宋

即召其酋入城,遊處一月,不敢聞於朝,乃遣還。 人力拒之,則轉薄香山澳。 澳中人數詰問,言欲通貢市,不敢爲寇。 澳中人慮其登陸,謹防禦,始引 當事難之。 稅使李道

慢。 「守臣 施德 酬。 第云「我國尙依違未定」。而當事所遣將校詹獻忠齎檄往諭者,乃多攜幣帛、食物,覬其厚 獄。 舟相聞,而酋卞急不能待,卽駕二大艦,直抵彭湖。時三十二年之七月。汛兵已撤,如入無 市,無若漳州者。 其下人露刃 來。守將陶拱聖大駭,亟白當事,繫秀於獄,震遂不敢入。初,秀與酋約,入閩有成議,當遣 旨哉。」會曰:「善。」錦乃代爲大泥國王書,一移寀,一移兵備副使,一移守將,俾秀、震齎以 人之墟,遂伐木築舍爲久居計。歸亦潛入漳州偵探,詭言被獲逃還,當事已廉知其狀,幷繫 而寀 海濱 政 已而議遣二人諭其角還國,許以自贖,且拘震與俱。三人旣與角成約,不欲自彰其失, 海澄 「不許,奈何。」曰:「稅使高寀嗜金銀甚,若厚賄之,彼特疏上聞,天子必報可,守臣敢抗 都司沈 (已遺心腹周之範詣酋,說以三萬金餽寀,卽許貢市, 人又潛載貨物往市,質益觀望不肯去。當事屢遣使諭之,見酋語輒不競, 人李錦及奸商潘秀、郭震,久居大泥,與和蘭 相 詩,有容無所懾,盛氣與辨,角乃悔悟,令之範還所贈金,止以哆囉嗹、玻璃器 有容將兵往諭。 有容負膽智,大聲論說,

,乃曰:「我從不聞 人習。 語及中國 **酋喜與之。盟已就矣,會總兵** 事,錦曰「若欲 此言。」 百: 三 愈爲所 近通貢

及番 窮,番人無所得食,十月末揚帆去。 刀、番酒餽寀,乞代奏通市。 寀不敢應,而撫、按嚴禁奸民下海,犯者必誅,由是接濟路 巡撫徐學聚劾秀、錦等罪,論死、遣戍有差

舟去。 <u>嶼、沙洲、甲洲間,要求互市。</u> 款。再許毁城遠徙,而修築如故。已又泊舟風櫃仔,出沒浯嶼、白坑、東椗、莆頭、古雷、洪 彭湖,掠漁舟六百餘艘,俾華人運土石助築。尋犯厦門,官軍禦之,俘斬數十人,乃詭詞求 守,漸爲求市計。 後又侵奪臺灣地,築室耕田,外留不去,海上奸民,闌出貨物與市。已,又出據彭湖,築城設 然是時佛郎機橫海上,紅毛與爭雄,復汎舟東來,攻破美洛居國,與佛郎機分地而守。 巡撫商周祚以遵諭遠徙上聞,然其據臺灣自若也。已而互市不成,番人怨,復築城 守臣懼禍,說以毁城遠徙,卽許互市。番人從之,天啓三年果毀其城,移 而海寇李旦復助之,濱海郡邑爲戒嚴。

往彭湖 可以 鎭海港而城之,且築且戰,番人乃退守風櫃城。 船,言咬噹吧王已往阿南國,因與土瑛偕至大泥,謁其王。王言咬噹吧國主已大集戰艦,議 合,凡十有一艘,其勢愈熾。 理 其年,巡撫南居益初至,謀討之。上言:「臣入境以來,聞番船五艘續至,與風櫃仔船 諭 求互市,若不見許,必至搆兵。 爲今日計,非用兵不可。」因列 有小校陳士瑛者,先遣往咬唱吧宣諭其王,至三角嶼遇紅毛 蓋 上調兵足餉方略,部議從之。 阿南卽紅毛番國,而咬噹吧、大泥與之合謀,必不 居益增兵往助,攻擊數月,寇猶不退,乃大 四年正月遣將先奪

揚 發兵,諸軍齊進。 帆 去。 獨渠帥高文律等十二人據高樓自守,諸將破擒之,獻俘於朝。 寇勢窘,兩遣使求緩兵,容運米入舟卽退去。 諸將以窮寇莫追,許之,逐 彭湖之警以息,而

其據臺灣者猶自若也

李葉榮所誘,交通總兵陳謙爲居停出入。 當道鑒壕鏡事,議驅斥,或從中撓之。會總督張鏡心初至,力持不可,乃遁去。已,爲奸民 四 ·舶,由虎跳門薄廣州,聲言求市。 其賲招搖市上, 奸民視之若金穴, 蓋大姓有爲之主者。 崇禎 中,爲鄭芝龍所破,不敢窺內地者數年,乃與香山佛郎機通好,私貿外洋。 事露, 葉榮下吏。 謙自請調用以避禍,爲兵科凌 十年駕

義渠等所劾,坐逮訊。 自是,奸民知事終不成,不復敢勾引,而番人猶據臺灣自若。

嗹。 城、震數十里、世所稱紅夷礮、卽其製也。 數尺,能照數百里。 丈,厚二尺餘,樹五桅,後爲三層樓。 不善戰,故往往 國土旣富,遇中國貨物當意者,不惜厚資,故華人樂與爲市 其本國在西洋者,去中華絕遠,華人未嘗至。其所恃惟巨舟大礮。 挫衄。 其人 其所役使名烏鬼,入水不沉,走海 悉奉天主教。 旁設小牕置銅礮。 所產有金、銀、琥珀、瑪瑙、玻璃、天鵝絨、瑣服、哆囉 然以舟大難轉,或遇淺沙,卽不能動。 桅下置二丈巨鐵廠,發之可洞裂石 面若平地。 其柁後置照海鏡,大徑 舟長三十丈,廣六 而其人

校勘記

(一) 山君海伯翕扈從 山君,原作「山居」,據太宗實録卷三八永樂三年十月壬午條改。

(二) 漳州之月港浯嶼 按浯嶼屬泉州不屬漳州,見本書卷九一兵志及讀史方輿紀要卷九九。

麻韋郎,本書卷二七〇沈有容傳作「韋麻郎」。

(三) 其酋麻韋郎日

明史卷三百二十六

列傳第二百十四

外國七

古里 奇剌泥 沙里灣泥 忽魯謨斯 祖法兒 白葛達 柯枝 黑葛達 窟察泥 木骨都束 底里 溜 小葛蘭 Щ 捨刺齊 拂菻 比刺 千 ・里達 不刺哇 彭加那 大葛蘭 孫剌 意大里亞 失剌比 南巫里 八可意 錫蘭山 竹步 烏沙剌踢 阿丹 古里班卒 加異勒 榜葛刺 刺撒 坎巴 甘巴里 沼納樸兒 剌泥 阿哇 麻林 夏剌比 打回 急蘭

丹

古里,西洋大國。西濱大海,南距柯枝國,北距狼奴兒國,東七百里距坎巴國。 自柯枝

八四三九

列

傳

第二百

+

四

外

戜

七

舟行三日可至,自錫蘭山十日可至, 諸蕃要會也。

物來市者,官酬其直。」 百人入貢。時帝方出塞,敕皇太子曰:「天時向寒,貢使即令禮官宴勞,給賜遣還。 加十七國來貢。十九年又偕忽魯謨斯等國入貢。二十一年復偕忽魯謨斯等國,遣 泥、彭亨諸國入貢。 都束、溜山、南渤利、不刺哇、阿丹、蘇門答刺、麻林、刺撒、忽魯謨斯、柯枝、南巫里、沙 偕柯枝、南渤利、甘巴里、滿剌加諸國入貢。十四年又偕爪哇、滿剌加、占城、錫蘭山、木骨 三年達南京,封爲國王,賜印誥及文綺諸物,遂比年入貢。 永 樂 元年命中官尹慶奉詔撫諭 是時,諸蕃使臣充斥於廷,以古里大國,序其使者於首。十七年偕 其國,賚以綵幣。 鄭和 亦數使其國。 其以土 使千二 滿刺 里灣

附 爪 性貢 宣德 舟西還。 八年,其王比里麻遣使偕蘇門答剌等國使臣入貢。 自是不復 至。 其使久留都下,正統元年乃命

屠 鑿井灌 王老不 或 其國 中 华崇回教,建禮 山多地瘠,有穀 佛亦 傳子而傳甥, 如之。 毎旦, 拜寺數十處。 無甥則傳弟,無弟則傳於國之有德者。 無麥。 王及臣民取牛糞調水塗壁及地, 俗甚淳,行者讓道,道不拾遺。 七日一 醴 ,男女齋沐謝事。 又煅 人分五等,如 國 為 午時拜天於寺, 事皆決於二將領,以回 灰抹額 及股, 柯枝,其敬浮 未 謂 時乃 爲敬

沸湯中,三日不爛卽免罪。 回人爲之。 刑無鞭笞,輕者斷手足,重者罰金珠,尤重者夷族沒產。 **免罪者,將領導以鼓樂,送還家,親戚致賀。** 鞫獄不承,則置其手指

香、蘇合油、花氈單、伯蘭布、苾布之屬。 物有寶石、珊瑚珠、琉璃瓶、 **搆屋,葉可代瓦,殼可製杯,穰可索綯,煅爲灰可鑲金。** 富家多植椰子樹至數千。 琉璃枕、寶鐵刀、拂郎雙刃刀、金繋腰、阿思模達塗兒氣、龍涎 其嫩者漿可飲,亦可釀酒,老者可作油、糖,亦可作飯。 其他蔬果、畜產,多類中國 所貢 幹可

賜 命 FI 鄭 誥 和使其 永樂元年遣中官尹慶齎詔撫諭其國,賜以銷金帳幔、織金文綺、綵帛及 柯枝,或言卽古盤盤國。 ,

封其國中之山。帝遣鄭和齎印賜其王,因撰碑文,命勒石山上。其詞曰: 國。 九年,王可亦里遣使入貢。 宋、梁、隋、唐皆入貢。 十年,鄭和再使其國,連二歲入貢。 自小葛蘭西北行,順風一日夜可至。 華蓋。 其使者請 六年復

民無二心,憂戚喜樂之同情,安逸飽煖之同欲,奚有間於遐邇哉。任君民之寄者,當盡 子民之道。 王化與天地流通,凡覆載之內、舉納於甄陶者,體造化之仁也。 詩云「邦畿千里,惟民所止,肇域彼四海」。書云「東漸于海,西被于流沙,朔 蓋天下無二理,生

列傳

第二

百十

四

道,以合乎天地之心。遠邦異域,咸使各得其所,聞風嚮化者,爭恐後也。 南暨聲教,訖于四海」。朕君臨天下,撫治華夷,一視同仁,無間彼此。推古聖帝明王之

於戲 **其煩敵,時其雨暘,祛彼氛妖,作彼豐穰。** 勒碑其上,垂示無窮。 而系以銘曰:「截彼高山,作鎭海邦,吐烟出雲,爲下國洪龐。 所致歟。乃封可亦里爲國王,賜以印章,俾撫治其民。幷封其國中之山爲鎭國之山, 興,疾雨不作,札沴殄息,靡有害菑。蓋甚盛矣。 朕揆德薄,何能如是,非其長民者之 習無有也。 豐穰,居有室廬,食飽魚鼈,衣足布帛,老者慈幼,少者敬長,熙熙然而樂,凌厲爭競之 跽鼓舞,順附如歸,咸仰天而拜曰:「何幸中國聖人之教,沾及於我!」乃數歲以來,國內 柯枝國遠在西南,距海之濱,出諸蕃國之外,慕中華而歆德化久矣。命令之至,拳 山之嶄兮,海之深矣,勒此銘詩,相爲終始。」 山無猛獸,溪絕惡魚,海出奇珍,林產嘉木,諸物繁盛,倍越尋常。暴風不 靡菑靡沴,永庇斯疆,優游卒歲,室家胥慶。 肅

自後,間歲入貢。

宣德五年,復遣鄭和撫諭其國。八年,王可亦里遣使偕錫蘭山諸國來貢。正統元年,遣

其使者附爪哇貢舶還國,幷賜敕勞王。 王,瑣里人,崇釋教。佛座四旁皆水溝,復穿一井。每旦鳴鐘鼓,汲水灌佛,三浴之,始

羅拜而退。

其國與錫蘭山對峙,中通古里,東界大山,三面距海。 俗頗淳。 築室,以椰子樹爲材,

取葉爲苫以覆屋,風雨皆可蔽。

瓜。 木瓜最貧,為人執賤役者。屋高不得過三尺。 衣上不得過臍,下不得過膝。 人分五等:一日南昆,王族類,二日回回,三日哲地,皆富民,四日革全,皆牙儈,五日木 途遇南昆、

哲地人,輒伏地,俟其過乃起。

街市成河,七月始晴,八月後不復雨,歲歲皆然。 ,獨無鵝與驢云。 氣候常熱。 一歲中,二三月時有少雨,國人皆治舍儲食物以俟。 田精少收,諸穀皆產,獨無麥。 五六月間 大雨不止, 諸畜亦皆

西洋 小國也。 小葛蘭,其國與柯枝接境。 永樂五年遣使附古里、蘇門答刺入貢,賜其王錦綺、紗羅、鞍馬諸物,其使者 自錫蘭山西北行六晝夜可達。 東大山,西大海,南北地窄,

王及羣下皆瑣里人,奉釋敎。 列 傅 第 _ 百 + 四 外 國 七 重牛及他婚喪諸禮,多與錫蘭同。 俗淳。 八四四三 土薄,收穫少, 亦有賜。

仰給榜葛剌 鄭和嘗使其國。 厥貢惟珍珠傘、白棉布、胡椒

賴鳥爹之米以足食。 又有大葛蘭者,波濤湍悍,舟不可泊,故商 風俗、物產,多類小葛蘭 人罕至。 土黑墳,本宜穀麥,民懶事耕作,歲

錫蘭山,或云卽古狼牙修。 梁時曾通中國。 自蘇門答刺順風十二晝夜可達。

永樂中,鄭和使西洋至其地,其王亞烈苦奈兒欲害和,

和覺,去之他國。

王又不睦隣

諸俘囚咸稱其賢,乃遣使齎印誥,封爲王,其舊王亦遣歸。 路。 臣請行戮,帝憫其無知,幷妻子皆釋,且給以衣食。 境,屢邀劫往來使臣,諸蕃皆苦之。 和乃率步卒二千,由間道乘虛攻拔其城,生擒亞烈苦奈兒及妻子、頭目,獻俘於朝。 及和歸,復經其地,乃誘和至國中,發兵五萬劫和,塞歸 命擇其族之賢者立之。 自是海外諸蕃益服天子威德,貢 有邪把乃那者, 廷

使載道,王遂屢入貢。

貢舶歸,賜敕諭之。 宣德五年,鄭和撫諭其國。八年,王不剌葛麻巴忽剌批遣使來貢。 十年偕滿剌加使者來貢。 天順三年,王葛力生夏刺昔利把交刺惹遣使 正統元年命附爪哇

來貢。嗣後不復至。

海旁有浮沙,珠蚌聚其內,光彩瀲灩。王使人撈取,置之地,蚌爛而取其珠,故其國珠寶 紅雅姑、青雅姑、黃雅姑、昔刺泥、窟沒藍等諸色寶石。 錫蘭 側 旁有佛牙及舍利,相傳佛涅槃處也。 蝦 中有淺水,四時不乾,人皆手蘸拭目洗面,曰「佛水淸淨」。山下僧寺有釋迦眞身,側 佛昔經此山,浴於水,或竊其袈裟,佛誓云:「後有穿衣者,必爛其皮肉。」自是,寸布掛身輒 發瘡毒,故男女皆裸體。 門,門皆可通舟。中一山尤高大,番名梭篤蠻山。其人皆巢居穴處,赤身髠髮。 有大山,高出雲漢。 及山芋、波羅密、芭蕉實之屬。自此山西行七日,見鸚哥嘴山。又二三日抵 國 其 境。 國 ,地廣人稠,貨物多聚,亞於爪哇。 海邊山石上有一足跡,長三尺許。 其顚有巨人足跡,入石深二尺,長八尺餘,云是盤古遺跡。 但紉木葉蔽其前後,或圍以布,故又名裸形國。 其寢座以沉香爲之,飾以諸色寶石,莊嚴甚。 東南海中有山三四座,總名曰翠藍嶼。 故老云,佛從翠藍嶼來,踐此,故足跡尚存。 每大雨,衝流山下, 地不生穀,惟啖魚 土人競拾之。 佛堂山,即入 相 臥牀上。 此山產 傳釋迦 王所居 大小七

足直舒,腹貼於地以爲敬,王及庶民皆如之。不食牛肉,止食其乳,死則瘞之,有殺牛者,罪 王,瑣里國人。崇釋教,重牛,日取牛糞燒灰塗其體,又調以水,徧塗地上,乃禮佛。

檀香、沒藥、硫黃、藤竭、蘆薈、烏木、胡椒、碗石、馴象之屬。 毛、悉薙去、惟髮不薙。所貢物有珠、珊瑚、寶石、水晶、撒哈刺、西洋布、乳香、木香、樹香、 氣候常熱,米粟豐足,民富饒,然不喜噉飯。欲噉,則於暗處,不令人見。編體皆毫

賜。 江。 謝,貢麒麟及名馬方物。禮官請表賀,帝勿許。 竺,又名五印度。 宋仍名天竺。 榜葛刺則東印度也。 百三十餘人。帝方招徠絕域,頒賜甚厚。自是比年入貢。十年,貢使將至,遣官宴之於與 旣將事,使者告其王之喪。遣官往祭,封嗣子賽勿丁爲王。十二年,嗣王遣使奉表來 正統三年貢麒麟,百官表賀。 永樂六年,其王靄牙思丁遣使來朝,貢方物,宴賚有差。 榜葛剌,即漢身毒國,東漢曰天竺。 明年又入貢。自是不復至。 其後中天竺貢於梁,南天竺貢於魏。唐亦分五天 明年遺侯顯齎詔使其國,王與妃、大臣皆有 自蘇門答刺順風二十晝夜可至。 七年,其使凡再至,攜從者二

稔,不待耔耘。俗淳龐,有文字,男女勤於耕織。 人,喪祭冠婚,悉用其禮。 其國 ,地大物阜。 城池街市,聚貨通商,繁華類中國。 男子皆薙髮,裹以白布。 容體皆黑,間有白者。 衣從頸貫下,用布圍之。 四時氣候常如夏。 王及官民皆 曆不置閏。 土沃,一歲二 回回回 刑

有笞杖徒流數等。 官司上下,亦有行移。 醫卜、陰陽、百工、技藝悉如中國,蓋皆前世所流

入也。

熠。 叩頭,手加額。開讀受賜訖,設毬毯於殿,宴朝使,不飲酒,以薔薇露和香蜜水飲之。贈使者 使入,令拄銀杖者二人來導,五步一呼,至中則止,又拄金杖者二人,導如初。其王拜迎詔, 右、設孔雀翎傘蓋百餘,又置象隊百餘於殿前。王飾八寶冠,箕踞殿上高座,横劍於膝。 瓷、鶴頂、犀角、翠羽、鸚鵡、洗白苾布、兜羅緜、撒哈剌、糖霜、乳香、熟香、鳥香、麻藤香、鳥 金盔、金繫腰、金瓶、金盆,其副則悉用銀,從者皆有贈。 厥貢,良馬、金銀琉璃器、青花白 爹泥、紫膠、藤竭、烏木、蘇木、胡椒、粗黃。 左右設長廊,內列明甲馬隊千餘,外列巨人,明盔甲,執刀劍弓矢,威儀甚壯。 其王敬天朝。 聞使者至,遣官具儀物,以千騎來迎。 王宮高廣,柱皆黃銅包飾,雕琢花 丹墀左 朝

撫渝 侵擾,詔中官侯顯 其 沼 國 納樸兒,其國在榜葛刺 賜王 亦不 齎 敕諭 刺金 以 一絨錦、金織文綺、綵帛等物。 睦隣保境之義,因賜之綵幣,所過金剛寶座之地,亦 之西。 或言即中印度,古所稱佛 十八年,榜葛剌 國 也。 使者愬其 永樂十年遣使者 有賜。 國 王 數 然其 舉兵 齎敕

列

王以去中國絕遠,朝貢竟不至。

命鄭和齎璽書賜物報之。二十一年,貢使復至。宣德五年,和再使其國,其王阿里即遣使 祖法兒,自古里西北放舟,順風十晝夜可至。 永樂十九年遣使偕阿丹、刺撒諸國入貢,

朝貢,八年達京師。正統元年還國,賜璽書獎王。

有駝雞,頸長類鶴,足高三四尺,毛色若駝,行亦如之,常以充貢。 衣,以薔薇露或沉香油拭面,焚沉、檀、俺八兒諸香土鱸,人立其上以薰衣,然後往拜。 油、安息香諸物,與華人交易。 街市,香經時不散。 臣民悉奉回回教,婚喪亦遵其制。多建禮拜寺。遇禮拜日,市絕貿易,男女長幼皆沐浴更新 其國東南大海,西北重山,天時常若八九月。五穀、蔬果、諸畜咸備。 人體頎碩。 天使至,詔書開讀訖,其王徧諭國人,盡出乳香、血竭、蘆薈、沒藥、蘇合 乳香乃樹脂。 其樹似楡而葉尖長,土人砍樹取其脂爲香。 王及 所過

木骨都東,自小葛蘭舟行二十晝夜可至。 永樂十四年遣使與不刺哇、麻林諸國奉表朝

貢, 命鄭和齎敕及幣偕其使者往報之。 後再入貢,復命和偕行,賜王及妃綵幣。

年,貢使又至。 **比還,其王及妃更有賜。** 宣德五年,和復頒詔其國

亦如忽魯謨斯,壘石爲屋,及用魚腊以飼牛羊馬駝云。 國濱海,山連地曠,磽瘠少收。 歲常旱,或數年不雨。 俗頑囂,時操兵習射。

地不產

十一年,凡四入貢,並與木骨都束偕。 其國,傍海而居,地廣斥鹵,少草木,亦壘石爲屋。有鹽池。 不刺哇,與木骨都束接壤。自錫蘭山別羅里南行,二十一晝夜可至。永樂十四年至二 鄭和亦兩使其國。宣德五年,和復往使。 但投樹枝於中,已而取起,

鹽即疑其上。 福祿,狀如驢,及犀、象、駱駝、沒藥、乳香、龍涎香之類,常以充貢。 俗淳。 田不可耕,蒜葱之外無他種,專捕魚爲食。 所產有馬哈獸,狀如獐,花

,亦與木骨都束接壤。 永樂中,嘗入貢。 其地戶口 不繁,風俗頗淳。 鄭 和 至 其地。

皆與木骨都東同。

所產有獅子、

金錢豹、駝蹄雞、龍涎

列傳第二百十四 外國七

地

亦無草木,

壘石以居,歲多旱暵,

香、乳香、金珀、胡椒之屬。

天朝不復通使,遠番貢使亦不至。前世梁、隋、唐時,並有丹丹國,或言即其地。 復命和齎敕宣諭。 和齎敕及綵幣偕往賜之。自是,凡四入貢,天子亦厚加賜賚。宣德五年,海外諸番久缺貢, 阿丹,在古里之西,順風二十二晝夜可至。 其王抹立克那思兒卽遣使來貢。八年至京師。正統元年始還。 永樂十四年遣使奉表貢方物。 辭還,命鄭 自後,

自有陰陽家推算。 氣候常和,歲不置聞。 其定時之法,以月爲準,如今夜見新月,明日卽爲月朔。 地膏腴,饒栗麥。人性强悍,有馬步銳卒七八千人,鄰邦畏之。王及國人悉奉回回教。 其日爲春首,即有花開,其日爲秋初,即有葉落,及日月交食、風雨潮汐, 四季不定,

皆能

預測

永樂十九年,中官周姓者往,市得貓睛,重二錢許,珊瑚樹高二尺者數枝,又大珠、金珀、諸 ;姑異寶、麒麟、獅子、花貓、鹿、金錢豹、駝雞、白鳩以歸,他國所不及也。 其王甚尊中國。 聞和船至,躬率部領來迎。入國宣詔訖,徧諭其下,盡出珍寶互易。

蔬果、畜產咸備,獨無鵝、豕二者。 市肆有書籍。 工人所製金首飾,絕勝諸蕃。 所少惟

身,食粟豆餅餌。 無草木,其居亦皆壘石爲之。麒麟前足高九尺,後六尺,頸長丈六尺有二,短角,牛尾,鹿 獅子形似虎,黑黃色無斑,首大、口廣、尾尖,聲吼若雷,百獸見之皆伏地。

阿丹,去土魯番西南二千里,其地兩山對峙,自爲雌雄,或自鳴,請如永樂、宣德故事,齎重 賄往購。 嘉靖時製方丘朝日壇玉爵,購紅黃玉於天方、哈密諸蕃,不可得。 帝從部議,已之。 有通事言此玉產於

所產有乳香、龍涎香、千里駝之類。 瘠少收。 與阿丹、不刺哇諸國偕。 刺撒,自古里順風二十晝夜可至。 俗淳,喪葬 有禮 宣德五年,和復齎敕往使,竟不復貢。 有事則禱鬼神。 永樂十四年遣使來貢,命鄭和報之。 草木不生,久旱不雨。 國傍海而居,氣候常熱,田 居室,悉與竹步諸國同。 後凡三貢,皆

儒臣 進五 麻林,去中國絕遠。 經四 書大全, 請上 永樂十三年遣使貢麒麟。 一表,朕許之,以此書有益於治也。 將至,禮部尚書呂震請表賀, 麟之有無, 何所損益, 帝日 [:「往 其已

3)]

傳

第二

百

+

四

外

國七

之。」已而 曰:「此皇考厚德所致,亦賴卿等翊贊,故遠人畢來。 麻林 與諸蕃使者以麟及天馬、神鹿諸物進,帝御奉天門受之。 繼自今,益宜秉德迪股不逮。」十四年 百僚稽首稱賀,帝

又貢方物。

宴賜,酬 羅,妃及大臣皆有賜。 已航海貢琛,稽顙闕下,而遠者猶未賓服,乃命鄭和齎璽書往諸國, 亦不來。 忽魯謨斯,西洋大國也。自古里西北行,二十五日可至。 以馬直。 比還,賜王及妃以下有差。 王卽遣陪臣已卽丁奉金葉表,貢馬及方物。 自是,凡四貢。 和亦再使。 永樂十年,天子以西洋近國 十二年至京師。 賜其王錦綺、綵帛、 後朝使不往,其使 命禮官 紗

元 年附爪哇舟還國。嗣後遂絕。 宣德五年復遣和宣詔其國。 其王賽弗丁乃遣使來貢。八年至京師,宴賜有加。 正統

賤。 氣候有寒暑,春發葩,秋隕葉,有霜無雪,多露少雨。 民富俗厚,或遭禍致貧,衆皆遺以錢帛,共振助之。人多白皙豐偉,婦女出則以紗蔽 其國居西海之極。自東南諸蠻邦及大西洋商舶、西域賈人,皆來貿易,故寶物塡溢。 土瘠穀麥寡,然他方轉輸者多,故價殊

果,有核桃、把耼、松子、石榴、葡萄、花紅、萬年棗之屬。 用 所貢有獅子、麒麟、駝雞、福祿、靈羊,常貢則大珠、寶石之類。 面 石,鑿以爲器,盛食物不加鹽,而味自和,一白土,可塗垣壁,一赤土、一黃土,皆適於用。 旦 ,市列廛肆,百物具備。 牛羊馬駝皆噉魚腊。 「回字。 王及臣下皆遵回教,婚喪悉用其禮。 壘石爲屋,有三四層者,寢處庖廁及待客之所,咸在其上。 惟禁酒,犯者罪至死。 醫卜、技藝, 日齋戒沐浴,虔拜者五。 境內有大山,四面異色。一 皆類中華。 交易用銀錢。 地多鹹,不產草 饒蔬 紅鹽 書

至。 諸 國 偕。 永樂十 溜山 宣德 自 年,鄭 錫 五年,鄭和復使其 關 和往使其 山別羅里南去,順風 國。 十四四 國,後竟不至 年, 七晝夜可至,自蘇門答剌 其王 亦速福遣使來貢。 過小帽山 自後三貢,並與忽魯謨斯 西南行,十 晝夜可

人皆捕 外更有三千溜,升或失風 其山 魚,暴乾以充食。 居海中,有三石門,並 王及羣下蠹回回 入其處,即沉溺。 可通舟。 無城郭,倚山聚居。 人,婚喪諸禮,多類忽魯謨斯。 氣候常熱,土薄穀少,無麥,土 山下有八溜,或言

八四五四

叉有 國日比刺,日孫刺。 鄭和亦嘗齎敕往賜。 以去中華絕遠,二國貢使竟不至。

及傘蓋諸物,命禮官宴賜遣之。 年,其王遣使貢方物,與急贏丹、加異勒諸國偕來。 南巫里,在西南海中。 永樂三年遣使齎璽書、綵幣撫諭其國。 十四年再貢。 命鄭和與其使偕行,後不復至。 賜其王金織文綺、金繡龍衣、銷金韓幔 六年,鄭和復往使。九

宣德五年,和復使其國。日八年又偕阿丹等十一國來貢。 **卜**者麻遺使奉表,貢方物。 加異勒,西洋小國也。 命賜宴及冠帶、綵幣、 永樂六年遺鄭和齎詔招諭, 寶鈔。 賜以錦綺、 十年,和再使其國,後凡三入貢。 紗羅。 九年,其酋長葛

物。 \equiv 廿巴里,亦西洋小國。 十九年再貢,遺鄭和報之。 永樂六年,鄭和使其地,賜其王錦綺、紗羅。 十三年遣使朝貢方

宣德五年,和復招諭其國。 王兜哇刺札遣使來貢,八年抵京師。 正統元年附爪哇舟還

國,賜敕勞王。

其隣境有阿撥把丹、小阿蘭二國,亦以六年命鄭和齎敕招諭,賜亦同。

急蘭丹,永樂九年,王麻哈剌查苦馬兒遣使朝貢。 十年命鄭和齎敕獎其王,賚以錦綺、

紗羅、綵帛。

沙里灣泥,永樂十四年遣使來獻方物,命鄭和齎幣帛還賜之。

底里,永樂十年遺使奉璽書招諭其王馬哈木,賜絨錦、 金織文綺、綵帛諸物。 其地與沼

納樸兒近,幷賜其王亦不刺金。

千里達,永樂十六年遣使貢方物。 賜其使冠帶、紵絲、紗羅、綵帛及寶鈔。 **此還,賜其王**

有加。

失刺比,永樂十六年遣使朝貢。賜其使冠帶、金織文綺、襲衣、綵幣、白金有差, 其王亦

優賜。

古里班卒,永樂中,嘗入貢。 其土瘠穀少,物產亦薄。 氣候不齊,夏多雨,雨即寒。

徵其稅,帝曰:「徵稅以抑逐末之民,豈以爲利。今遠人慕義來,乃取其貨,所得幾何,而虧 刺泥,永樂元年,其國中回回哈只馬哈沒奇刺泥等來貢方物,因攜胡椒與民市。有司請

損國體多矣。其已之。」

烏沙 刺踢,日坎巴,日阿哇,日打回。 刺 泥 而外,有 數國三旦夏刺比,曰奇刺泥,曰窟察泥,曰 永樂中,嘗遣使朝貢。 捨刺齊, 曰彭加那, 其國之風土、物產,無可稽。 日八可意,日

賜路費及衣服。」其國,土地瘠薄,崇釋教,市易用鐵錢。 主,殷嘉王之誠,不在物也。」宴賜悉如禮。及辭歸,帝謂禮官曰:「天時漸寒,海道遼遠,可 詣闕廷,庶幾免責。」帝許之,使附隣國貢舟還國,諭之曰:「倉卒失風,豈人力能制。 倦忠敬之忱,無由上達。 此使臣之罪,惟聖天子恩貸,賜之冠帶,俾得歸見國主,知陪臣實 白葛達,宣德元年遣其臣和者里一思入貢。 其使臣言:「遭風破舟, 貢物盡失, 國主惓 歸語爾

又有黑葛達,亦以宣德時來貢。 國小民貧,尙佛畏刑。 多牛羊,亦以鐵鑄錢。

拂森、即漢大秦、桓帝時始通中國。 晉及魏皆曰大秦, 嘗入貢。 唐曰拂菻, 宋仍之,亦

列傳第二百十四 外國七

數入貢。而宋史謂歷代未嘗朝貢,疑其非大秦也。

知。 後不復至。 朕平定四海之意,故茲詔告。」已而復命使臣普剌等齎敕書、綵幣招諭,其國乃遣使入貢。 號曰大明,建元洪武,於今四年矣。凡四夷諸邦皆遣官告諭,惟爾拂菻隔越西海,未及報 粤,戡定巴蜀,北定幽燕,奠安方夏,復我中國之舊疆。股爲臣民推戴卽皇帝位,定有天下之 文武諸臣,東渡江左,練兵養士,十有四年。西平漢王陳友諒,東縛吳王張士誠,南平閩、 隕絕其命。中原擾亂十有八年,當羣雄初起時,朕爲淮右布衣,起義救民。荷天之靈,授以 書還諭其王曰:「自有宋失馭,天絕其祀。」元興沙漠,入主中國百有餘年,天厭其昏淫,亦用 今遣爾國之民捏古倫齎詔往諭。朕雖未及古先哲王,俾萬方懷德,然不可不使天下知 元末,其國人捏古倫入市中國,元亡不能歸。太祖聞之,以洪武四年八月召見,命齎詔

誕謾不可信。 六千年,史書所載,世代相嬗,及萬事萬物原始, 其物產、珍寶之盛,具見前史。 無不詳悉。 謂爲天主肇生人類之邦,言頗

萬曆時,大西洋人至京師,言天主耶穌生於如德亞,卽古大秦國也。

其國自開闢

以來

七十 以境土 天 餘 下 意 相 國 有 大 而 里亞,居大西洋中,自古不通 五. 連,分爲南北二洲 大洲。 意大 (里亞 第一 居其一 曰 亞 細 o 0 最後 亞 第三 洲, 得 墨 日利未亞洲,亦百餘國。 中凡百餘國,而中國居其一。 中國。 瓦 臘 泥 萬曆時, 加洲為第五 其國 人利瑪竇至京師, 而域中大地盡矣。 第四 日 第二日歐羅巴洲 . 亞墨 利 加 爲萬國全圖 洲,地 其 、說荒 更大,

然其

國

人充斥中土,

則

其

地

固

有

之,

不

可

誣

也

獻 於歐 海 九 自稱大西 羅 萬 大都 巴。 里,抵廣 歐羅 其始 洋 巴 州 諸 生 之香山澳, 在 國 ,悉奉天主耶 漢哀帝元壽二年庚 其教遂沾染中土。 穌教,而 神,閱 耶穌 生於 至二十九年入京師, 千五百八十一 如 德 亞 一,其 年至 國 在 萬曆 亞 中官馬堂以其 細 亞 九 年, 洲 之中 利 瑪 ·, 西 方物 竇 始汎 行 淮 教

等方 物。 必有宴賞,乞給賜 奉旨送部,乃不赴部審譯,而 遠 物,未經 夫 方慕義 禮 既稱 部言:「會典 神 特 臣 仙 來獻 |部譯驗,徑行進獻,則內臣混 冠帶還國,勿令潛居兩京,與中人交往,別生事端。」不報。 自能 深者 止 一有西洋瑣里 飛昇, 不 同。 私寓僧舍,臣等不 安得有骨? 且 其所貢天主及天主母圖,旣屬 國無大西洋,其眞僞不可知。 則唐 進之非, 知 韓愈所謂凶 其 、何意。 與臣等溺職之罪,俱有 但諸番朝貢, 穢之餘,不宜 不 又寄居二十年方行進貢,則 經,而 入宮禁者 所攜 例有回賜,其使臣 不容辭者。 八月叉言。「臣 叉有 也。 神 仙骨 況 及 此 諸

列

傅

等議令利瑪竇還國,候命五月,未賜綸音,毋怪乎遠人之鬱病而思歸也。 頒賜,遣赴江西諸處,聽其深山邃谷,寄跡怡老。」亦不報。 有 不願尚 方錫予,惟欲山棲野宿之意。譬之禽鹿久羈,愈思長林豐草, 人情固然。乞速爲 察其情詞懇切,眞

居不去,以三十八年四月卒於京。 已而 帝嘉其遠來,假館授粲,給賜優厚。公卿以下重其人,咸與晉接。 賜葬西郭外。 瑪竇安之,遂留

化 擇。」禮部 人龐迪我、熊三拔等深明曆法。 其年十一月朔日食。 侍郎翁正春等因請倣洪武初設回回曆科之例,令迪我等同測驗。 曆官推算多謬,朝議將修改。 其所攜曆書,有中國載籍所未及者。 明年,五官正周子愚言:「大西洋歸 當令譯上,以資採 從之。

壕鏡,與澳中諸番通謀,而所司不爲遺斥,國家禁令安在。」 帝納其言,至十二月令豐肅及迪 望朝拜 「自利瑪 文輝等合疏斥其邪說惑衆,且疑其爲佛郎機假託,乞急行驅逐。 授以筆劄,令各書所記憶。 小 民, 自瑪竇 間爲所誘。 動以千計。 竇東來,而 入中國後,其徒來益衆。 禮部郎中徐如珂惡之。 夫通番、左道並有禁。 中國復有天主之敎。 悉舛謬不相合,乃倡議驅斥。 有王豐肅者,居南京,專以天主教惑衆,士大夫暨里巷 乃留都王豐肅、陽瑪諾等,煽惑羣衆不下萬 今公然夜聚曉散,一如白蓮、無爲諸教。 其徒又自誇風土人物遠勝中華, 四十四年,與侍郎 禮 科給事 沈淮 中余懋孳亦言 如 珂 、給事中晏 乃召兩人, 且往來 人,朔

我 等俱遣赴廣東,聽還本國。 命下久之,遷延不行,所司亦不爲督發。

乃怏 惟 官 干 聖 怏 明 有 四 七年。 + 加 垂憐,候風 去。 六 年四月,迪我等奏「巨與先臣利瑪竇等十餘人,涉海 豐肅尋變姓名,復入南京,行敎如故,朝士莫能察也 近南北參劾,議行屏斥。竊念臣等焚修學道,尊奉天主,豈有 便還國。 若寄居海嶼,愈滋猜疑,乞幷南都諸處陪臣, 九萬 里,觀光上國,叨 一體寬假。」不報 邪謀敢 墮惡業。 食大

用 兵,數召澳中人入都,令將士學習,其人亦爲盡 其 國 善製 一酸,視西洋更巨。 旣傳 ス 內地 了華人多效之,而不能用。 力。 天啓、崇禎間, 東北

其法 較, 開 視大統曆 崇禎 局纂修。 時, 曆法益 爲密,識者 報 可。 疏舛,禮部尚書徐光啓請令其徒羅 久之書成, 即以 崇順 元年戊辰爲曆元, 名之曰 崇韻曆。 有 取 焉 雅谷、 湯若望等, 以 其 國 雖未頒行, 新 法 相參

時 好 異 者 咸尙之。 而士大夫如徐光啓、 李之藻輩, 首好其說 且爲潤色其文詞, 故 以其教

驟興。

其

或

人

東

來

者

大都聰明

特達之士,意專行教,不求

禄利。

其所著

書多華

人

所

未道,故

拔 皆意大里 時 著 聲 中土者,更有龍華民、畢方濟、艾如略、鄧玉函 亞 國 人,玉 函 熱 而 瑪 尼國 人,龐 迪我,依 西把尼亞 諸 人。 或 華民、 人, 陽 方濟、 瑪諾, 波 如 而 略 都 及 瓦爾

配

列

國人,皆歐羅巴洲之國也。其所言風俗、物產多夸,且有職方外紀諸書在,不具述。

校勘記

[一] 和復使其國 使,原作「賜」,據明史稿傳二〇〇加異勒傳改。

[1] 十三年遣使朝貢方物 十三年,原作「十二年」,據本書卷三二六古里傳、太宗實錄卷九七永樂

十三年九月癸卯條改。

明史卷三百二十七

列傳第二百十五

外國八

韃靼

居開平, 韃靼,即蒙古,故元後也。 數遣其將也速等擾北邊。 太祖洪武元年,大將軍徐達率師取元,元主自北平遁出塞, 明年,常遇春擊敗之,師進開平,俘宗王慶孫、「三平章

鼎住。

西,李文忠爲左副將軍,馮勝爲右副將軍,使出居庸擣應昌。文忠至興和,擒平章竹貞,復大 其妃嬪、大臣,寶玉圖籍。 破元兵於駱駝山,遂趨應昌。 時元主奔應昌,其將王保保據定西爲邊患。 太子愛猷識理達臘獨以數十騎遁去。而徐達亦大破王保保兵於 未至,知元主已殂,進圍其城,克之。獲元主孫買的里八剌及 三年春,以徐達爲大將軍,使出西安擣定

第二百十五 外國八

列

傳

八四六三

明

沈兒 王子失篤 俗口, 兄等,先後 走之。 太祖 婦附。 封 買的 獨 王保保擁太子愛猷識理達臘居和林,屢詔諭之,不從 里八刺爲崇禮侯,諡元主曰順帝。 於是故元諸將江文清等、

等復 還。 被殘,太祖 河, 合, 中 路 追及阿魯渾河,又追及稱海, 斬其平章不花, 明年 大破王保保兵於懷柔。 文忠東出 出 五 年 雁門,戰不利,守塞。 春,遺達、文忠等備西北 ·春, 乃徙其民於內地 命大將軍徐達、 居庸至口溫,元將棄營遁, 降上都驢等所部吏民八千三百餘戶,遂由亦集乃路至瓜、沙州 勝軍西次蘭州。 時元兵先後犯白登、保德、河曲、輒爲守將所敗,獨撫寧、瑞州 左副將軍李文忠、征 邊。 獲其官屬子孫幷軍士家屬千八百餘, 元兵入犯武、朔、達遣陳德、郭子 乃率輕騎自臚朐河 右副將軍傅友德先進,轉戰至埽 西將軍馮勝 疾馳, 率師三道征之。 進敗蠻子哈刺章 興擊破之。 送京師。 林山, 大將 達等尋召 未幾,達 於土刺 勝等兵 軍達由 復連敗

父子隔絕,未有後嗣,乃遣崇禮侯北歸,以書諭之。又二年,其部下,九住等寇西邊,敗去 斬宗王、大臣朶朶失里等,至氈帽山斬魯王,獲其妃蒙哥秃。秋,太祖以故元太子流離沙漠, 年夏,都督藍玉拔興和。 文忠亦遣裨將擒斬其長,而自以大軍攻高州大石崖,克之,

繼 洪 其丞相驢兒、蠻子哈剌章,國公脫火赤,平章完者不花、乃兒不花,樞密知院愛足等 武 干一 年夏、故元太子愛猷識理達臘卒、太祖自爲文、遺使弔祭。 子脱古思帖木兒

州 擁 ,渡黃河,歷賀蘭 衆於應昌 明年春,徐達及副將軍 和林,時出沒塞下。 山,踐流沙 湯和 了,擒脫 太祖 、傅友德征乃兒不花,至河 火赤、愛足等於和林,盡 **屢賜璽書諭之,不從。** 以其部 北,襲灰山 十三年春,西 曲 歸 平侯 冬, 完者 沐英 示 師 花 出 靈

- ,斬獲

甚

衆

就

擒。

納降。 與同 遣 屬二百餘 百餘 納 ΙЦ! 萬 匹,稱賀。 數 哈出 · 。 臨江 玉 親 征之,還其先所獲元將乃刺 里。 寝食。 何遼。 往受降。 時 因 已,將脫去,爲鄭國公常茂所傷不得去。都督耿忠遂以衆擁之見勝,勝重禮之,使忠 王保保已先卒,諸互魁 侯陳鏞失道,陷 勝班師,都督濮英以三千騎殿,爲潰卒所邀襲,死之。秋,勝等表上納哈出 聞 人,將校三千三百餘人,金銀銅印一百顆,虎符牌面百二十五事,馬二百九十餘 太祖 二十年春,命宋國公馮勝爲大將軍,率潁川侯傅友德、永昌侯藍玉等,將兵二十 先後降其部曲二十餘萬人,及聞納哈出傷,由是驚潰者四萬人,獲輜重畜 乃刺吾之言已心悸,復爲大軍所迫,乃陽使人至大將軍營納款,以覘兵勢。 使者見勝軍還報,納哈出仰天嘆曰:「天弗使吾有此衆矣。」遂率數百騎詣 封納哈出爲海西侯,先後賜予甚厚,幷授乃剌吾千戶。 敵 死。 多以 吾。 乃刺 次平定,或望 勝 吾歸, 軍駐 通州 備以朝廷撫恤恩語其衆,於是全國公觀童來降。 風歸附,獨丞相納 遣藍玉乘大雪襲慶州, 哈出擁 克之。 二十萬 夏, 衆據金 所部官 師踰金 馬亙 山 勝

列 傳 第 ___ 百 + Ŧi. 外 國 八

八四六五

·,帝以故元遺寇終爲邊患,乃卽軍中拜<u>藍玉爲大將軍,唐勝、郭英副之,</u>耿

納哈出

旣

降

担怯來 太祖 侯王 大寧至 保奴出怨言,帝居之琉球 餘,馬駝牛羊十萬,聚鎧仗焚之。 爲 前 夜馳至捕魚兒海。 孫恪 ·鋒,直薄之,遂大破其軍,斬太尉、蠻子數千人。

脫古思帖木兒以其太子天保奴、 大悦,賜 **顾曰:「吾等奉聖主威德,提十萬餘衆,深入至此,無所得,何以復命。」玉乃穴地而爨,** 一慶州 、丞相失烈門等數十騎遁去,獲其次子地保奴及妃主五十餘人、渠率三千、男女七萬 爲左、右參將,率師十五萬往征之。 ,聞脫古思帖木兒在捕魚兒海,從間 地保奴等鈔幣,命有司給供具。 黎明,去敵營八十里。時大風揚沙,晝晦,軍行無知者,敵不設備。 又破其將哈剌章營,盡降其衆。 冬,元將脫脫等降於玉。 既有言玉私元主妃者,帝怒,妃慚懼自殺。 道馳進,至百眼 井哨不見敵,欲引還。 於是漠北削平。 明年春, 玉以大軍由 捷奏至, 知院 定遠 丽 地

失烈 散, 北 兵猝至, 出古北 平兵 獨 門 脫 與 從 古思帖木兒旣遁,將依 口 所襲殺,衆潰,詔 縊殺之, 幷殺天保奴。 捏怯來等十六騎偕。 ,偵知乃兒不花營迤都 燕王,定遠侯 王 杂顏等衛 弼等以 適咬住來迎,欲共往依闊闊 丞相咬住於和林,行至土刺河,爲其下 於是捏怯來、失烈門等來降, 山西兵從晉王,征咬住及乃兒不花、 ,冒大雪馳進,去敵 招撫之,來降者益 衆。 一磧,敵不知 二十三年 帖木 置之全寧衛。 兒, 也。 春,命潁 大雪不 阿魯帖 也速 先遣指揮觀童往, ·得發。 國 未幾, 迭兒 木兒等。 公傅友德等以 所襲, 捏怯 也速 选兒 來爲 衆復

童舊與乃兒不花善,一見相持泣。 頃之,大軍壓其營,乃兒不花驚欲遁,觀童止之,引見王,

益 賜飲食慰諭遣還。 衰。 太祖 亦封燕、晉諸王爲邊藩鎭,更歲遣大將巡行塞下,督諸衞卒屯田,戒以持重,寇 乃兒不花喜過望,遂偕咬住等來降。久之,乃兒不花等以謀叛誅 死,敵

而敵自脫古思帖木兒後,部帥紛拏,五傳至坤帖木兒,咸被弑,不復知帝號。

有

鬼力赤者篡立,稱可汗,去國號,遂稱韃靼云。

來輒敗之。

與瓦剌相 成祖卽位,遣使諭之通好,賜以銀幣幷及其知院阿魯台、丞相馬兒哈咱等。 仇殺 ,數往來塞下,帝敕邊將各嚴兵備之。 時鬼力赤

永樂三年,頭目埽胡兒、察罕達魯花等先後來歸。 久之,阿魯台殺鬼力赤,而迎元之後

本雅失里于別失八里,立爲可汗。

還,如遣脫古思帖木兒歸,嗣爲可汗,此南北人所共知。朕之心卽皇考之心。茲元氏宗祧 傳,瞬息之間,未聞一人善終者。我皇考太祖高皇帝於元氏子孫,加意撫恤,來歸者輒令北 六年春,帝卽以書諭本雅失里曰:「自元運旣訖,順帝後愛猷識理達臘至坤帖木兒凡六

不絕如線,去就之機,禍福由分,爾宜審處之。」不聽。

秋,命淇國公丘福 明年,獲其部曲完者帖木兒等二十二人,帝因復使給事中郭驥齎書往。 爲大將軍,武城侯王聰、同安侯火眞副之,靖安侯王忠、安平侯李遠爲左、 驥被殺,帝怒。

瓦剌所襲破,與阿魯台徙居臚朐河。 右參將,三 將精騎十萬北討,諭以毋失機,毋輕犯敵,一舉未捷,俟再舉。 福率千騎先馳,遇游兵擊破之。軍未集,福 敵衆奄至,圍之,五將軍皆沒。 時本雅失里已爲 乘勝渡河 帝益怒。

靜虜鎭 散, 注,阿魯台墜馬,遂大敗,追奔百餘里乃還。 君臣始各爲部。 明年, ,遇阿魯台,帝使諭之降。 呼敗之。 帝自將五十萬衆出塞。 本雅 本雅失里西奔, 失里 棄輜重孳畜,以七騎遁。 阿魯台欲來,衆不可,遂戰。 本雅失里聞之懼,欲與阿魯台俱西, 阿魯台東奔。 冬,阿魯台使來貢馬,帝納之。 帝追及斡難河,本雅失里拒戰。 斡難 河者,元太祖始 帝率精騎大呼衝 阿魯台不從, 興 地 也。 班師 帝麾兵 矢下如 衆潰 至

俘 天子義之,封爲和 同 產兄妹二人。 越二年,本雅失里爲瓦剌馬哈木等所殺。 寧王。 至是,奏馬哈木等弑其主,又擅立答里巴, 自是,歲或一貢,或再貢,以爲常。 阿魯台已數入貢, 願輸誠內附, 帝俱厚報之,幷還其向所 請爲故主復仇。

四 年,以戰敗瓦剌,使來獻俘。 十二年,帝 征 瓦剌。 阿魯台使部長以下來朝會。 十九年,阿魯台貢使至邊,要劫行旅,帝諭使戒戢之,由是 賜米五十石,乾肉、酒糗、綵幣有差。

驕蹇不至。

阿魯台之內附,困于瓦剌,窮蹙而南,思假息塞外。 帝納而封之,母妻皆爲王太夫人、

窺塞。 明皇帝何負爾,而必爲逆一一于是盡棄其輜重馬畜于濶灤海側,以其孥直北徙。 王 一夫人。數年生聚,畜牧 二十年春,大入興和。 日以蕃盛,遂慢我使者,拘留之。 于是詔親 征 之。 阿魯台聞 大軍出, 其貢使歸,多行劫掠,部落 懼,其母妻皆詈之曰 帝命焚其輜 亦 時 大 來

一,收其馬畜,遂班師

姓 陽侯陳懋爲先鋒,至宿嵬山不見敵,遇王子也先上干率妻子部屬來降。 名曰金忠。 明 年秋,邊將言阿魯台將入寇。 忠勇王至京師,數請擊敵自効。 帝曰:「彼意朕必不復出,當先駐塞下待之。」遂部分寧 帝曰:「姑待之。」 帝封爲忠勇王,賜

者,止勿殺。車駕還,崩於楡木川。 木兒河,[三]得諜者,知阿魯台遠遁。 二十二年春,開平守將奏阿魯台盜邊,羣臣勸帝如忠勇王言。 未幾,阿魯台使來貢馬,仁宗已登極,詔納之。自是,歲 帝意亦厭兵,乃下詔暴阿魯台罪惡,而宥其所部來降 帝復親征,師次荅蘭納

職貢如永樂時。

請 司 給 出兵 供 時 其 掩擊之,帝不 阿魯台數敗 自後來歸者 于瓦剌,部曲離散。 聽 ,悉如例。 阿魯台日益蹙,乃率其屬東走兀良哈,駐牧遼塞。 其屬把的等先後來歸,朝廷皆予官職,賜鈔幣,詔有 諸將

宣德 九 年,阿魯台復 爲脫脫不花所襲,妻子死,孳畜略盡,獨與其子失捏干等徙居母納

列

明

山、察罕腦刺等處。 未幾, 瓦刺脫懽襲殺阿魯台及失捏干,于是阿魯台子阿卜只俺及其孫

妻速木答思等喪敗無依,來乞內附。 帝憐而撫之。

來歸。 溝,出沙漠千里,東西夾擊,敵幾盡,先後獲其部長一百五十人。於是阿台、 路。 年夏,復敗朶兒只伯等于石城。阿台與朶兒合,復敗之兀魯乃地,追及黑泉,又及之己力 有斬獲。 外爲納款,而數入寇甘、凉。 阿 魯台旣死, 二年冬,命都督任禮爲總兵官,蔣貴、趙安副之,尚書王驥督師,以便宜行 其故所立阿台王子及所部朶兒只伯等復爲脫脫不花所窘, 正統元年,將軍陳懋敗朶兒只伯于平川,追及 竄居亦集乃 杂兒只伯等 蘇 武 事。 Щ 明 頗

台衆屬之,自爲丞相,陽推奉之,實不承其號令。 魯台,悉收其部,兼幷賢義、安樂二王之衆,欲自立爲可汗。 未幾,脫脫不花捕阿台等殺之。 脫脫不花者,故元後,韃靼長也。 衆不可,乃立脫脫不花,以阿魯 瓦刺脫權旣擊殺阿

朝貢,天子皆厚報之,比諸蕃有加,書稱之曰達達可汗,賜賚幷及其妃。 吾當自爲。」遂分道,俾脫脫不花侵遼東,而自擁衆從大同入。 大舉入寇,脫脫不花止之曰:「吾儕服食,多資大明,何忍爲此。」 脫懽死,子也先嗣,益桀驁自雄,諸部皆下之,脫脫不花具可汗名而 帝親征之,駕於土木陷焉。景 也先不聽, 已。 十四四 日 一一可 年秋 脫脫不花歲來 汗不爲, 也先謀

皇帝自監 國卽位,尊帝爲太上皇帝。 明年秋,上皇歸自也先所。四事載瓦刺傳。

與中國通 脫脫 ,將害己,遂治兵相攻。 不花自上皇歸後,修貢 〈益勤。 也先殺脫脫不花,收其妻子孳畜,給諸部屬, **嘗妻也先姊,生子,也先欲立之,不從。** 也先亦疑其 而自立爲可

之,號小王子。 未幾 爲所部阿剌 阿剌死,而孛來與其屬毛里孩等皆雄視部中,于是韃靼復 知院所殺。 韃靼部長孛來復攻破阿刺, 求脫脫不花子麻兒可兒立

汗。

時景皇帝二年也。

朝廷稱也先爲瓦剌

可汗

以速爾禍。」時敵數寇威遠諸衛,夏,定遠伯石彪敗之於磨兒山 使入賀,欲獻璽。帝敕之曰:「璽已非眞,卽眞,亦秦不祥物耳,獻否從爾便。第無留我使, 景泰六年遣使入貢。英宗復辟,遣都督馬政往賜故伯顏帖木兒妻幣。孛來留之,而遣

天順二年,孛來大舉寇陝西,安遠侯柳溥禦之輒敗,而飾小捷以聞。

明年春,敵入安邊

復糾其屬 帝使詹昇 城,誘指揮許顒 敗之於金雞峪。云未幾,復大掠陝西諸邊,廷臣請治各守將罪,帝宥之。 營,石彪等破之,都督周賢、四指揮李鑑戰死。 齎敕往諭。 毛里孩等入 等入伏,殺之。 河 字來遣使隨昇 西。 明年春,圭等分巡西邊,圭遇敵於固原川 邊報日亟,命侍郎白圭、都御史王竑往 來貢,請改大同舊貢道,而由 四年復寇楡林,彰武伯楊信拒却之。 陝西蘭縣 一視師。 竑 五 入,許之。 遇 年春,寇入平虜 秋, 孛來求款, 敵 於紅崖子 再入, 未幾,

列

傅

第

百十

Ŧi.

外國

八

明

|]]] ,皆破之。 帝賜璽書獎勵,敕字來使臣,仍從大同入貢。

氛可戢。」報聞。 朝,要我賞宴,窺我虛實,其犯邊之情已露。 要害之處,或益官軍,或設營堡,或用墩臺,咸須處置得宜,歲遣大臣巡視,庶邊防有備,寇 在邊諸臣,痛革前弊。其鎭守、備禦等官,亦宜以時黜陟,庶能者知奮,怠者知警。 利,軍士不操習,甚至富者納月錢而安閒,貧者迫饑寒而逃竄。邊備廢弛,緩急何恃。 乃止。八年春,御史陳選言:「韃靼部落,孛來最强,又密招三衞諸蕃,相結屯住。 往來塞下,以西攻瓦刺爲辭,又數要劫三衞。七年冬,貢使及關,帝却之,以大學士李賢言 是,韃靼部長益各專擅。 時麻兒可兒復與孛來相仇殺。 小王子稀通中國,傳世次,多莫可考。 孛來等每歲入貢,數寇掠, 麻兒可兒死, 而我邊關守臣,因循怠慢,城堡不修,甲仗不 衆共立馬可古兒吉思,行亦號小王子。自 至阨塞 去冬來 乞敕

川堡,官軍力戰,乃引去。 大入。命彰武伯楊信率山西兵,都御史項忠率陝西兵禦之,少却。未幾,復渡河曲,圍黃甫 成化元年春,孛來誘兀良哈九萬騎入遼河,武安侯鄭宏禦却之。秋,散掠延綏。冬,復

景泰初,始犯延慶,然部落少,不敢深入。天順間,有阿羅出者,率屬潛入河套居之,遂逼近 始,韃靼之來也,或在遼東、宣府、大同,或在寧夏、莊浪、甘肅,去來無常,爲患不久。

徙。 西邊。 千里,饒水草,外 河套,古朔方郡,唐張仁愿築三受降城處也。 爲東勝 衞。 東勝 而外,土平衍,敵來,一騎不能隱,明初守之,後以 地在黃河南,自寧夏至偏 人爲鄉導, 抄掠延級 無虚時,而 頭關,延袤 曠絕 內

信先以議事赴闕,未至。 延綏,參將湯胤績戰死。 二年夏,大入延綏。 敵散掠平凉,入靈州及固原,長驅寇靜寧、〔八〕隆德諸處。冬,復入 帝命楊信充總兵官,都督趙勝爲副,率京軍及諸邊卒二萬人討之。 以棘。

年春 之,詔永等駐軍 與 (毛里孩相仇殺,〔己)毛里孩途殺其所立可汗,逐斡羅出,而遣使入貢。 未幾,諸部內爭,孛來弑馬可古兒吉思,毛里孩殺孛來,更立他可汗。 帝命撫寧侯朱永等征之。 塞上。 會毛里孩再乞通貢, 而別部長孛魯乃亦遣人來朝。 尋渡河掠大同。 斡羅出者復 帝許

賞罰,使探毛里 來散逐水 敗 者三。 几 年 -秋,給 草,部落四分,兵力不一,三也。 近我邊地才二三日程,彼客我主,一也。 孩 事 中程 所在 萬里上言:「毛里孩 潛 師擣 之, 破之必矣。」帝壯之, 宜選精兵二萬,每三千人爲 久不朝貢, 窺伺邊疆, 兼幷諸部,馳 而不能用。 驅不息,旣驕且疲,二也。比 其情叵 冬寇延綏 軍,統 測 然臣度其 以 驍將,嚴其 明 年 ·春 再 有 口

列

傅

第

百

十五

外

w.

八

明

入,守將許寧等輒擊敗之。 冬復糾三衞入寇,延綏、榆林大擾。

贊軍務,使禦敵。 羅 出 合別部 六年春,大同 癿加 思蘭、孛羅忽亦入據河套,爲久居計。 冰至,數以捷聞,越等皆陞賞,論功水世侯,而敵據食自 巡撫王越 遺遊擊許寧擊敗之,楊信等亦大破之于胡柴溝。 延綏告急,帝命永爲 加 將軍,以王越參 時孛魯乃與斡

敗績, 套稱可汗,自己此加思關爲太師。 禦,遂召還,以寧晉伯劉聚代之,聚亦未有功。 議,請大發兵搜套。 是 吏部侍郎 + 越等不能救。 年春, 葉盛巡邊,偕延綏巡撫余子俊及越議築邊牆,設立臺堡。 永上戰守二策, 帝以武靖侯趙輔爲將軍,節制諸路,王越仍督師。 兵部尚書白圭請擇遣大將軍專事敵,會盛還, 廷議以糧匱馬乏,難於進剿, 而毛里孩、孛魯乃、斡羅出稍衰,滿都 請命邊將愼守禦以圖萬全。 越亦赴京計事, 冬,敵入塞,參將錢亮 敵大入延綏,輔 魯入河 乃 不能 集廷 于

敗 及遊擊周玉率輕騎畫夜疾馳至,分薄其營,前後夾擊,大破之。 歸,孳畜廬帳蕩盡,妻孥皆喪亡,相顧悲哭去。 九年秋,滿都魯等與孛羅忽並寇韋州。 王越偵知敵盡行,其老弱巢紅鹽池, 自是,不復居河套,邊患少弭, 復邀擊于韋州。 問盜邊, 滿都魯等 乃與許寧 弗

初,癿加思蘭以女妻滿都魯,立爲可汗。 久之殺 孛羅忽, 幷其衆, 益專恣。 滿都魯部脫 敢

大入,亦數遺使朝貢

干、亦思馬因謀殺之。 尋滿都魯亦死,諸强酋相繼略盡,邊人稍得 息肩

許寧禦之,兵敗,以捷聞。敵旣得利,長驅入順聖川,散掠渾源、朔諸州。 思馬 兵周玉力戰却之。 同 將 渡 因等益糾衆盜邊,延及遼塞。秋,敵三萬騎寇大同,連營五十里,殺掠人畜數萬。 永晉公爵,予世襲,三三越 河 時 ,遽以永爲將軍。 中官汪直怙恩用 山西巡撫邊鏞,參將支玉等悉力捍禦,敵去輒復來,迄成化末無寧歲。 事,思以邊功自樹,王越、朱永附之。 直與越督師至邊,未及 封威寧伯,直 增祿至三百石。未幾詔以越代永總兵。于是亦 期,襲敵於威寧海子,大破之,又敗之于大 十六年春,邊將上言, 宣府巡撫秦紘、總 傳聞 總兵 敵

寇。 諸邊患。 稱大元大 八年,北部亦卜剌因王等入套駐牧。 亦 思馬因死,入寇者復稱小王子,又有伯顏猛 河汗。 其年,三入遼東,多殺掠。 朝廷方務優容,許之。 明年,宣、大、延綏諸境俱被殘。 自是,與伯顏猛 于是小王子及脫羅干之子火篩相倚日强,為東西 可王。弘治元年夏,小王子奉書求貢,自 可王等屢入貢,漸往來套中,出沒爲

兵,侍郎許進 同、寧夏境,遊擊王杲敗績,參將秦恭 年秋,王越旣節制諸邊, 一般目 餇 **外無功,被劾去,以保國** 乃率輕兵襲敵 副總兵馬昇逗遛不進, 公朱暉、侍郎史琳代之,太監 于賀蘭 Щ 後, 皆論 破之。 死。 明 甘逵監 時平江伯陳銳爲總 年、二三敵雅 軍 是衆入大

三年冬,小王子復居河套。 明年春,東部侍郎王鏊上禦敵八策一 日定廟算,二日重

列

傳

第

百

+

 \overline{I}

外國

境,三輔震動,戕殺慘酷 **」套,斬首三級,驅孳畜千餘歸,賞甚厚。** 之。 主將,三日嚴法 時敵以八千騎 一令,四曰恤邊民,五曰廣招募,六曰用間,七曰分兵,八曰出奇。 東駐遼塞下, 攻入長勝堡, 殺掠殆盡 小王子以十萬騎從花馬池、鹽池入,散掠固原、寧夏 秋, 暉等以五路之師夜襲敵 帝命所司 手河 知

十五年以戶部尚書秦紘總制陝西。三三夏,敵入遼東淸河堡,至密雲, 旋西掠偏頭關。

秋,復以五千騎犯遼東長安堡,副總兵劉祥禦之,斬首五十一級,敵乃退。 明年,稍 靖

入寇宣府,總兵張俊禦之,大敗,裨將張雄、穆榮戰歿。 玉等禦却之。 十七年春,敵上書請貢,許之,竟不至,仍入大同殺墩軍,犯宣府及莊浪,守將衞勇、白 明年春,敵三萬騎圍靈州,復散掠內地,指揮仇鉞、總兵李祥擊走之。 敵大舉

隆德、靜寧、會寧諸處,關中大擾,以楊一清爲總制。時正德元年春也。 武宗嗣位,復命暉、琳出禦。冬,敵入鎭夷所,指揮劉經死之。 復自花馬池毁垣入,掠

劉瑾用事,監軍皆閹人,一清不得職去,文貴、才寬相繼受事。二年,敵入寧夏、莊浪及

定遼後衞諸境,守將皆遠問。

瓜山,勝之,斬三百六十五級,獲馬畜六百餘,軍器二千九百餘。 四 年 ,敵數寇大同。 冬,才寬禦敵於花馬池,中伏死。 總兵馬昂與別部亦孛來戰于木

寇。 地駐牧修貢。 巡撫 明 年,北部亦卜剌與小王子仇殺。 張翼、總兵王勛不能制,漸深入,邊人苦之。八年夏,擁衆來川,遣使詣翼所,乞邊 翼啗以金帛,令遠徙,亦卜剌遂西掠烏斯臟,據之。 亦卜刺竄西海,阿爾禿厮與合,逼脅洮西屬番,屢入 自是,洮、 岷、松潘無

寧

宼 伏以待。 守禦,京師戒嚴。 兵禦之,戰于萬全衞, 而別遣萬騎掠懷安。 西 北 小 邊。 王子數入寇,殺掠尤慘。 敵至,中毒,伏猝發,多死者。 已,敵踰 總制叢蘭告急,命太監張永督宣、大、延綏兵,都督白玉爲大將, 斬三級,而所失亡十倍,以捷聞 懷安趣蔚州,至平廣城 復以五 其年, 萬騎攻大同,趣朔州, 小王子部長卜兒孩以內難復奔據西海, 南,蘭等預置毒飯於 明年 ·秋,敵連營數十,寇宣、大塞, 掠馬邑。 田 帝命咸寧侯仇鉞總 間 如 農家 餉 協 出沒 而

王唐 死之。 十 一年秋,小王子以七萬騎分道入,與總兵潘浩戰于 張永遇於老營坡 ,被創走居庸。 敵遂犯宣府,凡攻破城堡二十,殺掠 賈家灣。 浩再戰-再敗,裨將朱春、 人畜數萬

浩奪三官,諸將降罰有差。

諸 將往援,殊死 十二年冬,小王子以五 戦,敵 稍 却。 萬騎自楡林入寇,圍總兵王勛等於應州。 明日 復來攻,自辰至酉,戰百餘合,敵引 而西,追 帝幸陽 至 和 平廣、朔州, ,親部署,督

値 大風黑霧, 晝晦 ,帝乃還,命宣捷於朝。 是後歲犯邊,然不敢大入。

西。 亦卜剌復駐牧賀蘭山後, 死。〔1〕〕秋,以數萬騎犯寧夏塞, 夏,入大同中路,參將李蓁禦却之。 嘉靖 四年 春, 以萬騎寇甘肅 數擾 邊。 尚書王憲以總兵鄭卿等敗之,斬三百餘級。 總兵姜奭禦之於苦水墩, 明 年 冬,復寇大同,指揮趙源戰死 春, 小王子兩寇宣府。 斬其魁。 參將王經 明年犯 明年春, 掠山 大同 關 Щ 及宣府, 先後戰

十一年春,小王子乞通貢,未得命,怒,遂擁十萬騎入寇。 總制唐龍請許之,帝不聽。

龍連戰,頗有斬獲。

北邊者甚衆。 時小王子最富强,控弦十餘萬,多畜貨具,稍厭兵,乃徙幕東方,稱土蠻,分諸部落在西 曰吉囊、曰俺答者,於小王子爲從父行,據河套,雄黠喜兵,爲諸部長,相率躪

兒孩 求貢市,朝廷未之許。至是唐龍以卜兒孩衰敗遠徙,西海獲寧,請無更議款事 兩部,大破之。卜兒孩爲莊、寧邊患久,亦郎骨、土魯番諸蕃皆苦之,嘗因屬番帖木哥 十二年春,吉囊擁衆屯套內,將犯延綏,邊臣有備,乃突以五萬騎渡河西,襲亦不刺、卜

震敗之於柳門,又追敗之於蜂窩山,敵溺水死者甚衆。 吉囊等旣破西海,旋竊入宣府永寧境,大掠而去。 冬,犯鎭遠關,總兵王效、副總兵梁 明年春,寇大同。 秋,復由花馬池入

犯,梁震及總兵劉文拒却之。

莊 浪境, 總兵姜奭遇之於分水嶺, 年夏,吉囊以十萬衆屯賀蘭山, 三戰三勝之。 分兵寇凉州, 叉入 延綏 副總兵王輔禦之,斬 及寧夏邊。 冬, 五. 復犯 十七七 大同, 叉入

官 大塞,總制侍郎劉天和 十 九年秋,書以 一總兵白爵等三敗敵於萬全右衞境,斬百餘級。 、總督尙書楊守禮及巡撫都御史楚書悉力禦之。 天和以總兵周尚文 大破

敵於黑水苑,斬吉囊子小十王。 明年春, 守禮以總兵李義禦敵於鎭朔堡,以總兵楊信禦敵

於甘肅,皆勝之。

督宣 衛入掠平定、壽陽諸處。總兵丁璋、遊擊周字戰死,諸將多獲罪,繼祖獨蒙賞。 秋 大兵,懸賞格購俺答、阿不孩首。), 俺答及其屬阿不孩遣使石天爵款大同塞, 巡撫史道以聞, 詔却之。 遂大舉內犯,俺答下石嶺關,趣太原。 以尚書樊繼 古囊 由 平 虜 祖

去。 悦,擢大有兵部侍郎,邊臣陞賞者數十人,磔天爵於市。 原南下,沁、汾、襄垣、長子皆被殘,復從忻、崞、代而 秋,復 二十一年夏,敵復遣天爵求貢。大同巡撫龍大有誘縛之,上之朝,詭言用計擒獲。 自巳至申,所殺傷 入朔州 吉囊死,諸子狼台吉等散處河西,勢旣分,俺答獨盛,歲數擾延綏諸邊。 相當 已而世忠矢盡見殺,百 北, 戶張宣、張臣 屯

市

縣

。 敵怒,入寇,掠朔州,抵廣武, 參將張世忠力戰,敵圍之 [俱死,敵遂從雁門故道 由太

列

傅

一十三年冬,小王子自萬全右衞入,至蔚州及完縣。 京師戒嚴。

去。 欽、 敵以十萬騎西入保安,掠慶陽、環縣 等直擣敵巢於馬梁山後,斬百餘級, 千戶李瓚、生員王邦直等皆戰死。 明年夏,俺答復遣使詣大同塞,求貢,邊卒殺之。 二十四年秋, 俺答犯延綏及大同, 敵始 而 東,以萬騎寇錦、義。 總兵張達拒却之。 會總督侍郎翁萬達、總兵 退。 秋,復來請, 又犯鵓鴿峪, 總督三邊侍郎曾銑率參將李珍 周尚文嚴兵備陽 萬達再疏以聞,帝不許。 參將張鳳、指揮劉 和, 敵引

而 達 帝意中變,言與跳竟得罪,斬 復言:「敵自冬涉春屢求貢,詞恭,似宜許。」不聽,責萬達罔瀆。 銑 議 復 河套,大學士夏言主之。 西市。 帝方嚮 敵益蓄忿思逞,廷臣 用言,令銑圖 上方略 不敢言復套 , 銑鳩 以便宜從 兵繕 事 矣 塞,輒 事。 明 破敵。 年夏,萬 旣

騎 周 追 尚文禦之於曹家莊,大敗之,斬其 擊,復連敗之。 十八年春,犯宣府 是歲,犯西塞者五 滴 水崖。把總指 魁。 揮江瀚 會萬達自懷來赴援,宣府總兵趙國忠聞警,亦率千 、董暘戰死,全軍覆,遂犯永寧 、大同。 總兵

部 遣精騎從間道潰牆入。 大 學。 十九年春,俺答移駐 秋,循潮 河川 南 汝孝兵潰,遂大掠懷柔,圍順義,抵通州, 下至古北口,都御 威寧海子。 夏,犯大同,總兵張達、林椿 史王汝孝 率 薊鎭兵禦之。 分兵四掠,焚湖渠馬房。 死之。 敵陽 引 敵引 滿 內嚮, 去,傳箭諸 而 別

幾甸大震。

守。 拜 意,兵潰,死傷 鸞 敵 爲 敵 焚掠 大 大 將 衆 \equiv 軍 犯 千 日 京 使護 餘 夜 師 人。 , 。 引 諸 大 去。 軍 同 敵 總兵 乃徐 帝誅汝 鸞 與 咸 由 守謙 寧侯 古北口 夔 仇鸞、 反 皆 守 愞 .出塞。 謙 懦 巡撫保定 不 敵將 敢 諸 戰 將收 出 兵部 都御 白羊口 斬遺 尙 史楊守謙 屍,得八十 書 , 鸞尾之。 T 汝夔恇 等, 餘級 各以 擾 敵 猝 不 以以 勤王 東 知 捷 返, 所 兵至。 聞 爲 钀 閉 出 門

延 部 河 不 令 驗 導俺 西 郎 退 寧 諸部 中 屯 方俺答 遂 答 楊 塞 縛 叛 内 爲 繼 外, 芹及 人 盛 薄 犯 患。 蕭 因 都 上 芹、呂 墮 明 邊臣 俺答 疏 城 鎭 諸 争之, 時, 邊垣 以 市 明 而 請 縦所 全 鎭 畢 不 ·,旋 者,故 帝 富 得。 俺答 擄 馬 惡 等竟匿 入 之, 歸 掠。 房內官楊 以 明 年 罪 記罷 遣子脫 邊 亡 春 不 出 入 臣 馬 以 增持 敵 責 侍 市 脫 俺答 之, 挾白蓮 郎 陳 書入 召 史道 以芹 款。 復 道 城 還。 請 邪 涖 時鸞方 等 《求貢。 以 敎 其 爲 自 牛 , 事 詞 是, 馬 與 用 給白 輔臣 其黨 易粟豆 敵 芹 事 日 ٠, 詭 趙全 金十 徐階等謂 乃議 寇 有 , 掠 求 術 一 丘 萬, 開 西 職 , 一邊,邊 富 馬市 能 開 役 當以計款 **墮城** 周 誥 र्ग 以中 敕 大同 人 原 喬 大 叉 敵 敵 , 之,諭 困 潛 試 次 源 及 約 兵 之 諸

常 Щ 禄 <u>一</u> 十 指 殺 揮 傷 姚 相 年 大謨、 當 春 r,敵 敵 劉 二千 舍 棟 去 騎 劉 干 寇 啓 大同 戶 基等 葉延瑞 於三 指 揮 率 道 王 百 溝 恭 人 禦之於 助 四 相。 皆 平 戰 明 Щ 沒。 日 墩 , 相 備 戰 裹創 禦指 死。 復 揮 夏,東 邀 王 敵 相 於蠟 入 赴 遼 援 塞 黎 大戦 Щ 圍 殊 於 百 死 戶

7/1

傅

第

答復以萬騎入大同,縱掠至八角堡。 答復大舉入寇,下渾源、靈丘、廣昌,急攻插箭、浮圖等峪。 編,乃移營中部,以矙涇、原,會久雨乃去。 時小王子亦乘隙爲寇,犯<u>宣府</u>赤城。 鬭,矢竭,遂與麾下將士三百人皆死之。 兵赴援,大戰却之。 三犯遼陽,一犯寧夏。 ,時春僅以身免。 敵分兵東犯蔚,西掠代、繁畤。 明年春,犯宣府及延綏。 巡撫趙時春禦之,遇敵於大蟲嶺,總兵李淶戰死,軍 廷瑞被創死復蘇,敵亦引退。 夏,犯甘肅及大同。守將禦之輒敗。 已,駐鄜、延二十日,延慶諸城屠掠 固原遊擊陳鳳、寧夏遊擊朱玉率 其年,凡四犯大同, 未幾,俺 秋,俺 幾

全所、問計。 獲 並 墾水田,號日 數犯宣、薊,參將趙傾葵、李光啓、丁碧先後戰死。 丘富、周原者三百金,授三品武階。 一進。警報日數十至,京師戒嚴。 三十三年春,入宣府柴溝堡。 . 板升。板升,華言屋也。 總督楊博悉力拒守,募死士夜砍其營,敵驚擾乃遁。 夏,復犯寧夏,大同總兵岳懋中伏死。秋,攻薊鎭牆,百道 趙全教敵、益習攻戰事。 時富等在敵,招集亡命,居豐州,築城自衞,搆宮殿, 朝廷再下賞格,購俺答首,賜萬 俺答愛之甚,每入寇必置酒 金,爵伯; 明年

諸處,守將孫朝、袁正等却之。其年,土蠻再犯遼東。 三十五年夏,敵三萬騎犯宣府。 遊擊張綋迎戰,敗死。冬,掠大同邊,繼掠陝西環、慶

薪 餉, 震動 衞 復入 入河 撫楊選、 之西走, 哥,懼誅 數 而 大同 ,右衛烽火斷絕者六閱月。 匝。 流 明 以兵部侍 年, 來降。 無變志。 陰告辛愛,辛愛執 總兵張 順懼,乃詭言敵願 右 , 犯 敵 衞 永平 以二萬騎分掠大同邊, 境, 總督楊順 郎江東代順。 承勳等各嚴兵進, 攻毁七十餘堡,所殺擄 及遷安,副總兵蔣 表時出兵突戰, 自 而 詡 易我以 戮之。 爲奇功,致之闕下。 時故將尚表以飽餉入 大學士嚴嵩 獲俺答孫 圍乃 趙全、丘富。 敵狎 承 殺守備唐天祿、把總汪淵。 勛 解。 甚衆。 知順無能,圍右衞 力戦 及壻與 與許論 復掠永昌、 死。 冬,俺答子辛愛有妾日 本兵許論以爲便,乃遣桃松寨夜逸出 其部將各一人。 辛愛來索不得,乃縱掠 夏,突犯宣府 議 圍 城 涼州及宣府赤城, 欲 悉 棄右衞。 益急, 力捍 馬尾梁,參 俺答弟 更分兵犯宣、 禦, 會帝 帝不 栗盡 桃 老把都 所 聽,詔諸臣發兵措 大同諸 松寨 遺侍 將 圍甘州十四 食牛馬, 那 薊鎭。 私部 郎江 復擁 勉戰 墩堡,圍右 東 衆數萬 徹 目 死 [塞,紿 收令 .日始 及 屋 西 巡

遽 分 兵 三十八 m 東 年春, 號 令 老把 數易 一、敵 都 辛愛謀 遂 乘 間 入薊 大 舉 鎭 文 潘家 犯, 駐 П 會州 罪。 使其 課詭 夏, 犯 稱 大同 東下。 ,轉掠宣府 總督 王 東 西二 不 能察,

退。

土蠻

亦

數

窓

遼

東

駐 內 地 旬 日 會 人 酮 力 退

九 年 敵 聚 衆 喜 峰 口 外, 窺犯薊鎭。 大同 總兵劉漢出擣其帳 於 灰 河, 敵 稍 遠徙

遼 获,淡復與參將王孟夏等擣豐州,擒斬 邊無虛 冬、掠陝西、寧夏塞。 日 明年春, 敵自 已,復分兵而東,陷 河西踏冰入寇,守備王世臣、千戶李虎戰死。 一百五十人,焚板升略盡。 蓋州 是歲, 寇大同、 秋,犯宣府及居 延綏

俭般掠尤甚。冬,俺答 敦犯山西 № 夏塞。□47 九 東出神木堡,擣敵帳於半坡山,徐執中等西出定邊營,擊敵騎於莜麥湖,皆勝之,斬一百十 四十一年夏,土蠻入撫順,爲總兵黑春所敗。冬,復攻鳳凰城,春力戰二日夜,死之。海、 延綏總兵趙岢分部銳卒, **令裨將李希靖等**

橋 熊禦之於密雲,敗之,敵退。 制辛愛、三衞皆怨。冬、大掠順義、三河。諸將趙溱、孫臏戰死,京師戒嚴。大同總兵姜 水暴漲,敵騎多沒者。 、響閘兒諸處 時薊遼總督楊選囚繁三衞長通罕,令其諸子更迭爲質。通罕者,辛愛妻父也,冀以牽 四 一十二年春,敵入宣府滴水崖,劉漢却之。敵遂引而東,數犯遼塞。秋,總兵楊照敗 帝曰:「海若效靈。」下有司祭告,熹等皆有賞。冬,敵犯陝西,大掠板 詔誅選。明年,土蠻入遼東,都御史劉燾上諸將守禦功,言海 應

業禦之,再戰皆捷。 74 十四年春,犯遼東 秋,俺答子黃台吉帥輕騎,自宣府洗馬林突入,散掠內地。 寧前· 苏 團 山 ,參將線補袞、遊擊楊維藩 死之。夏,犯 肅州 把總姜汝棟 ,總兵 劉承

期日 敵於樊皮嶺,及子大朝、大賓俱戰死。 年,俺答屢犯 以 銳卒二百伏暗莊堡,猝遇台吉,搏之。 上棟,忽大風,棟墜傷數人。惟答懼,不敢復居。兵部侍郎譚綸在薊鎭善治兵,全乃說 東西 **」諸塞。** 夏,清河守備郎 時丘富死, 得功扼之張能峪口,勝之。冬,大同參將崔世榮禦 台吉隨馬,爲所部奪去。 趙全在敵中益 一用事,尊俺答爲帝,治宮殿。 台吉受傷,越日 ·始甦。 明

俺答無輕犯薊,大同兵弱,可以逞。

之,敵出義院口 寇,薊鎭、昌黎、撫寧、樂亭、盧龍,皆被蹂躪。 文水、交城、太谷、隰州 將 不 ·能禦,遂長驅攻岢嵐及汾州,破石州,殺知州王亮采,屠其民,復大掠孝義、介休、平遙 隆慶 元年,俺答數犯山西。秋,復率衆數萬分三道入井坪、朔州、老營、偏頭關諸處。邊 0 會大霧,迷失道,墮棒槌崖 間, 男女死者數萬。 事聞, 中,人馬 遊騎至灤河,京師震動 諸邊臣罰治有差。 枕藉 ,死者頗衆,諸將乃趨 ,三日乃引 而三衞勾 土蠻同時入 割 去。 其 首 諸將追

以 兵邀擊於塞外。 二年,敵 犯 柴溝,守備韓尙忠戰死。 敵 知 有備,入寇稍稀 時兵部侍郎王崇古鎭西邊,總兵李成梁守遼東,數

兒都 漢那吉 司 几 者 女, 4: 秋 刨 俺答第 ,黃台吉寇 俺答外孫 三子鐵背台吉子也,幼孤 錦州 女,貌美,俺答奪之。 ,總兵王治道 、參將郎得功以十餘騎 ,育於俺答 把漢恚,遂率其屬阿力哥等十人來降。 妻所。 旣長,娶婦 入敵死。 比 吉。 冬,俺答有 把漢 復 孫 大同巡 日把 聘襖

漢還,以其衆與台吉抗,我按兵助之。」詔可,授把漢指揮使,阿力哥正千戶 因而 撫方逢時受之,以告總督王崇古。崇古上言:「把漢來歸,非擁衆內附者比,宜給官爵,豐館 餼,飭輿馬,以示俺答。 撫納,如漢置屬國居烏桓故事,使招其故部,徙近塞。俺答老且死,黃台吉立,則令把 俺答急,則使縛送板升諸叛人,不聽,即脅誅把漢牽沮之,又不然,

感泣 古遺譯者鮑崇德往,言朝廷待把漢甚厚,第能縛板升諸叛人趙全等,旦送至, 國鐵鍋、布帛 再 即死,吾孫當襲封,彼衣食中國,忍倍德乎。」乃益發使與崇德來乞封,且請輸馬, 俺答方西掠吐番,聞之亟引還,約諸部入犯,崇古檄諸道嚴兵禦之。 拜去。 大喜,屛人語曰:「我不爲亂,亂由全等。 互市,隨執趙全、李自馨等數人來獻。 俺答得孫 大喜,上表謝。 若天子幸封我爲王,長北方諸部,孰敢爲 崇古乃以帝命遣把漢歸, 敵使來請命,崇 把漢猶戀戀, 把漢卽夕返 與中

年蓄養之財力,從事戰守,愈於終歲奔命,自救不暇者矣。」復條八事以請。一,議封號官爵。 千戶。一,定貢額。每歲一入貢,俺答馬十匹,使十人。老把都、吉能、黃台吉八匹,使四 俱宜授以都督。 諮部行輩,俺答爲尊,宜錫以王號,給印信。其大枝如老把都、黃台吉及吉囊長子吉能等, 崇古因上言「朝廷若允俺答封貢,諸邊有數年之安,可乘時修備。設敵背盟,吾以數 弟姪子孫如兀愼打兒漢等四十六枝,授以指揮。 其**俺答**緒壻十餘枝,授以

犒賞。 歸降。 賞。 初,北部三貢例。蕃以金、銀、牛馬、皮張、馬尾等物,商販以緞紬、布匹、釜鍋等物。 六十人進京,餘待境上。 應於左衞北威遠堡邊外,宣府應於萬全右衞 日,來者以三百人駐邊外,我兵五百駐市場,期盡一月。市場,陝西三邊有原立場堡,大同 匹,使不得 ,議貢期、貢道。以春月及萬壽聖節四方來同之會,使人馬匹及表文自大同左衞驗入,給 諸部長各以部落大小爲差,大者四匹,小者二匹,使各二人。通計歲貢馬不得過五 守市兵人布二匹,部長緞二匹、紬二匹。 駐邊者,分送各城撫鎭驗賞。入京者,押送自居庸關入。一,立互市。 通貢後,降者不分有罪無罪,免收納。 過百五十人。馬分三等,上駟三十進御,餘給價有差,老瘠者不入。 使還,聽以馬價市繒布諸物。 、張家口邊外,山西應於水泉營邊外。 其華人被擴歸正者,查別無竊盜,乃許入。一, 以好至邊者,酌來使大小,量加賞犒。 給酬賞,其賞額視三衞 及西蕃 其規如弘治 其 使, 一,議 歲許 開 百

台吉 台吉等十 恰台吉等二人,授百 授都 疏 入,下廷臣 ル 肾同 人,授指揮 知, 議。 各 賜 紅獅 帝終從崇古言,詔封俺答爲順義王,賜紅蟒 僉事 戶。 "打兒漢台吉等十八人,授正千戶" 子衣一襲、綵幣 昆都 力哈,即老把都也。 四 表 裏; 賓兔台吉等十人, 兵部採崇古議, 阿 拜台吉等十二人, 衣一 定市令。 授指 襲;昆都 揮 同 力哈公司黃 秋市成,凡 知 那木兒 授副千

審

經

權

一,戒狡

飾

營。 得馬 亦漸馴。 日賓兔,居松山,直蘭州之北,日丙兔,居西海,直河州之西,並求互市,多桀鰲。 韶予鍍金銀印。 त्त 五. 成 百 餘匹,賜俺答等綵幣有差。 亦封吉能為都督同 俺答老佞佛, 知。 復請於海南建寺,詔賜 已而俺答請金字經及刺麻 西部吉能及其姪切盡等亦請市、韶予市紅山墩暨清水 寺額仰華。 僧, 詔給之。 俺答常遠處青山, 崇古復請 俺答諭之, 二子, 玉印,

梁敗之於卓山、口巴斬五百八十餘級,守備曹簠復敗之於長勝堡。 自是,約束諸部無入犯,歲來貢市,西塞以寧。 而東部土蠻數擁衆寇遼塞。總兵李成 神宗即位,頻年入 犯

萬曆六年,成梁率遊擊秦得倚等擊敵於東昌堡,斬部長九人,餘級八百八十四,總督梁

略,併力備禦,敵始退。 以聞。 七年冬, 帝大悅,祭告郊廟,御皇極門宣捷。 土蠻四萬騎入錦川營。 自是,敵數入,成梁等數敗之,輒斬其巨魁,又時襲擊於塞外, 夢龍、 成梁及總兵戚繼光等已預受大學士張居正方

多所

斬獲。

敵畏之,少戢,成梁遂以功封寧遠伯

賞賚。 台古等,上表進馬謝,復賜幣布有差。 施 答 既 就 十年春,俺答 市,事朝廷甚謹。 死,帝特賜 祭七壇、綵緞十二表裏、布 部下卒有掠奪邊氓者,必罰治之,且稽首 封黃台吉爲順義王,改名乞慶哈。 百 匹,示優恤 謝罪,朝 立三歲而死,朝廷 其 妻哈屯率 廷亦 子黄 厚 加

給恤典如例。

明安、土昧分犯榆林邊,總兵杜桐禦之,斬獲五百人,殺明安。 克 市 賞。 凉、洮、岷、西寧間。 及擠力克西行遠邊,而套部莊禿賴等據水塘,卜失兔、火落赤等據莽剌、捏工兩川,數犯甘 十五年春,子撦力克嗣。 爲中國守邊保塞,衆畏服之,乃敕封爲忠順夫人,自宣大至甘肅不用兵者二十年。 已而撦力克叩邊輸服,率衆東歸,獨莊禿賴、卜失兔等寇抄如故。 他部落亡慮數十種,出没塞下,順逆不常。帝惡之,十九年詔並停擠力 其妻三娘子,故俺答所奪之外孫女而爲婦者也,歷配三王,主 其年冬,

ト爾 葉夢熊督却之。秋,海部永邵卜犯西寧,總督三邊李旼檄參將達雲、自己遊擊白澤暨馬其撒 勢。敵人犯則血戰,偶或小失,應寬吏議。倘敵真心效順,相機議撫,不可忘戰備也。」帝命 年,延綏巡撫李春光奏:「套部納款已久,自明安被戮而寇恨深,西夏黨逆而貢市絶,延鎮連 兵部傳飭各邊。秋,卜失兔人固原,遊擊史見戰死。延綏總兵麻貴禦之,閱月始退。全陝震 其年,東部炒花犯鎮武堡,總兵董一元與戰,大破之。明年春,松部宰僧等犯陝西,總督 加諸屬番,設伏邀擊,大敗之,斬六百八十三級。捷聞,帝大悦,且以屬番效命,追敍前 二十年,寧夏叛將哱拜等勾卜失兔、莊禿賴等,大舉人寇,總兵李如松擊敗之。 二十二 今東西各部皆乞款,而卜失兔挾私叵測,邊長兵寡, 制禦爲難。 宜察敵情, 審時

總制鄭雒功,賞資並及雒。

總兵李如松遠出擣巢,死之。冬,畋等分道出襲火落赤等於松山,走之,復其地 秋,海部寇甘鎮,官軍擊走之。冬,妙花糾土蠻諸部寇遼東,殺掠無算。明年夏,復寇遼東, 著力兔、阿赤兔、火落赤等合謀犯西邊,炒花亦擁衆犯廣寧,守將皆嚴兵却之。二十五年 火落赤部衆復窺伺洮州,畋遣參將周國柱等擊之於莽剌川腦,斬一百三十六級。秋, 二十四年春,總督李旼以勁兵分三道出塞,襲卜失兔營,共斬四百九級,獲馬畜器械數

年夏,東部字賽誘殺慶雲堡守禦熊鑰,詔革其市賞。 三千。明年,著力兔、宰僧、莊禿賴等乞通款,不許。邊臣王見賓等復爲請,詔復套部貢市 三十一年,海部數入陝西塞,兵備副使李自實,總兵蕭如薰、達雲等,擊走之。三十三 二十七年詔復撦力克市賞。時畋等築松山,諸部紛叛,延、寧守臣共擊之,殺獲甲首幾

勢,納其款,俾先順者獲賞,後至者拒剿。仍須主戰以張國威。」時已許字賽及火落赤諸部 非一日矣。 最無厭,中則擺言太以父明安之死,無歲不犯,東則沙計爭爲監市,與炒花朋逞。西陲搶攘 三十年不變。套部分四十二枝,各相雄長,卜失兔徒建空名於上。西則火落赤最狡,要挾 三十五年夏,總督徐三畏言:「河套之部與河東之部不同。東部事統於一,約誓定,歷 然衆雖號十萬,分爲四十二枝,多者不過二三千騎,少者一二千騎耳。 宜分其

復貢市矣。

失兔爲撦力克孫、襲封時,已少衰,所制止山、大二鎭外十二部。 吉、五路台吉等,各不相下,封號久未定。 台吉等,兵力皆與順義埓。 狀爲請封。 延綏部猛克什力亦以挾賞故,常沿邊抄掠。 未幾,撦力克死,未有嗣,忠順夫人率所部仍效貢職。西部銀定、歹靑數擁衆犯東西邊。 忠順夫人旋卒,詔封卜失兔爲順義王,而以把漢比吉素效恭順,封忠義夫人。卜 朝廷因宣大總督涂宗濬言,各予陞賞如例。 四十一年,卜失兔始婚於忠順,東、西諸部長皆具 下失冤欲婚於忠順,忠順 其部長五路、素囊及兀愼 拒之。 其所部素囊台

至虎墩兔,遂益盛。明年夏,炒花復合字賽、煖兔以三萬騎入掠,至平虜、大寧。旣求撫賞, 祖打來孫始駐牧宣塞外,俺答方强,懼爲所併,乃徙帳於遼,收福餘雜部,數入掠薊西,四傳 其年,炒花糾虎墩兔三犯遼東。虎墩兔者,居插漢兒地,亦曰插漢兒王子,元裔也。 其

許 之 。

年,插部數犯遼東。已,掠義州,攻陷大安堡,兵民死者甚衆 四十二年, 猛克什力寇懷遠及保寧。 延綏總兵官秉忠等破之,斬二百二十一級。 明

歹青、沙計東西諸部皆懼,先後來請貢市。 四十四年,總兵杜文煥數破套部猛克什力等於延綏邊,火落赤、 擺言太及吉能、 切盡、

列傳第二百十五 外國

騎自石塘路入掠薊鎭白馬關及高家、馮家諸堡。 卫 一十六年,我大清兵起,略撫順及開原,插部乘隙擁衆挾賞。 遊擊朱萬良禦之,被圍。 西部阿暈妻滿旦亦以萬 羽書日數十至

中外戒嚴。頃之,滿旦亦叩關乞通貢。

遼總督文球、巡撫周永春等以利啗之,俾聯結炒花諸部, 四 十七年,大清兵滅宰賽及北關金台什、 布羊古等。 以捍大淸兵,給白金四千。 金台什孫女爲虎墩冤婦, 於是薊 明年,

爲 泰昌 元年,加賞至四萬。 虎乃揚言助中國,邀索無厭

下失**兔益衰,號令不行於諸部,部長**干兒罵等歲數犯延綏諸邊。七慶台吉及敖目比吉、毛 巢,犯松山,爲守臣馮任等所敗。夏,遂糾海西古六台吉等犯甘肅,總兵董繼舒擊之,斬三 入六百里,殺掠居民數萬。三年春,銀定糾衆再掠西邊,官軍擊敗之。 乞炭比吉等,亦各擁衆往來窺伺塞下。 百餘級。 萬三千有奇,而虎怏怏,益思颺去。未幾,大淸兵襲破妙花,所部皆散亡,半歸於插漢。時 天啓元年秋,吉能犯延綏邊,榆林總兵杜文煥擊敗之。 其年,歹青以領賞譁於邊,邊人格殺之。 歹青,虎墩兔近屬也,邊臣議歲給償命銀 明年春,復大掠延安黃花峪,深 明年春, 復謀入故

秋,帝御平臺,召總督王象乾,詢以方略,象乾對言「禦插之道,宜令其自相攻。今卜失兔 崇禎元年,虎墩兔攻哈喇嗔及白言台吉、卜失冤諸部,皆破之,遂乘勝入犯宣 大塞。

失冤 西 走 所部 | 「插漢意不受撫,奈何。」對曰:「當從容籠絡。」帝曰:「 食內,白白吉挺身免,而哈喇順所部多被擴,不足用。 往 與督師袁崇煥共計。 并聯絡杂顏三十六家及哈喇嗔餘衆,可以禦插漢。 象乾至邊,與崇煥議合,皆言西靖而東自寧,虎 永邵卜最强,約三十萬人, 如不款何。」象乾復密奏, 然與其搆之,不如撫 不款,而 而用 帝善 兀

並急,因定歲予插金八萬一千兩,以示羈

縻

之,旣示插 **賭聞** 窮乏,插與我等耳。 不啻望歲,而 方急 大同巡撫張宗衡上言:「插來宣 款尚 以 我 不信,亦 (遺之金繒、牛羊、茶果、米穀 如 是。 插特撫金為 非所 使插 以爲國 士馬 豐飽, 命 謀。」 ,兩年 大,駐新 疏 其 不得,資 入,帝是象乾議,詔宗衡 憑 無算,是我適 陵狂逞, 城,去大同僅 用 已竭 可勝 中 ز 道 食盡 · 其 欲 二百里,三閱月 哉。」象乾言 馬乏,暴骨成莽。 也。 册 得 插 異 **魚**然悖慢, 1:「款局 同 未敢 垂 近 成 耳 插 前 之 而 目 望款 復 不忍 飢 梦 餓

虎已卒,乃追至 東附 韃 大清兵攻龍門。 明 年秋 靻 諸 /;|虎 部 上都 先後 復 擁 城 歸附於大清。 衆至延綏 未幾,爲大淸兵所擊。 。盡俘 插漢妻孥部 紅 水灘,乞增賞未遂,即縱掠塞外,總兵 明年, 衆。 大清兵遂大會諸部於兀蘇河 六年夏,插漢聞大淸兵至, 吳自 南岡,頒 盡 驅部衆渡 勉 禦却之。 軍 河 遠 而

其後,套部歲 入寧夏、甘、涼境,巡撫陳奇瑜、總兵馬世龍、督師洪承疇等輒擊敗之。 套

其後也,明未亡,而插先斃,諸部皆折入於大淸。 可爲矣。 貢市之便,見插之恣於東也,謂歲捐金錢數十萬,冀苟安旦夕,且**覬收之爲用,而卒不得**。迫 部 干兒罵,亦爲總兵尤世祿所斬。迄明世,邊陲無寧,致中原盜賊蜂起。當事者狃與俺答等 國計愈困,邊事愈棘,朝議愈紛,明亦遂不

IE. 統後, 韃靼地,東至兀良哈,西至瓦剌。 邊備廢弛, 聲靈不振。 諸部長多以雄傑之姿,恃其暴强,迭出與中夏抗。 當洪、永、宣世、國家全盛、頗受戎索、然畔服亦靡常

校勘記

禍,遂與明終始云。

俘宗 王 一慶孫 慶孫, 本書卷一二五常遇春傳、 太祖實錄卷四二洪武二年六月己卯條都作 「慶

世表、卷一 四五 近福傳附李遠傳,太宗實錄卷六五永樂七年七月癸酉條改 據本書卷六成祖紀、

李遠,

原作「李達」,

卷一〇六班臣

=

生。

靖安侯王忠安平侯李遠爲左右參將

 $\overline{}$ = ※傳、太宗實錄卷一二九永樂二十二年四月庚午條改。 師次荅蘭納木兒河 荅蘭納木兒河,原作「蘭荅納木兒河」,據本書卷七成祖紀、卷一五六<u>金</u>忠

明年秋上皇歸自也先所 成爲十四年之「明年」景帝卽位。 「明年」二字,原置於「十四年秋」之後,「景皇帝自監國卽位」之上,卽 按景帝即位在正統十四年九月癸未, 英宗之歸在景泰元年八

月丙戌了明年」兩字顯係誤置。 今據本書卷一一景帝紀、英宗實録卷一八三改正,移「明年」二

字於「尊帝爲太上皇帝」之下。

天順三年正月甲辰條改。

五. 」都督周賢 周賢,原作「周顔」,據本書卷一二英宗後紀、卷一七四周賢傳,英宗實録卷二九九

敗之於金雞峪 宗質録卷三一一天順四年正月戊子條改。 金雞峪,原作「金鷄峪」,據本書卷一七三楊信傳、 明史稿傳二〇一韃靼傳、

}英

. . . 衆共立馬可古兒吉思 宗實録卷三五二天順七年五月癸丑條、卷三五三天順七年六月丁亥條改。 馬可古兒吉思,原「可古」二字誤倒作「馬古可兒吉思」。 今據下文及英

長驅寇静寧 條都作「静寧」。按本書卷四二地理志,静寧州與隆德縣均隸陝西平涼府。 静寧,原作「寧静」,本書卷一七八項忠傳、憲宗實録卷三三成化二年八月乙丑 作「静寧」是,據改。

. ≯. ∐ 斡羅出者復與毛里孩相仇殺 七三朱謙傳附永傳都作「阿羅出」。 斡羅出,本卷上文及本書卷一三憲宗紀、卷一七一王越傳、卷一

滿都魯人河套稱可汗 七一王越傳,憲宗實録卷一二一成化九年十月壬申條改。下同。 滿都魯,原作「滿魯都」,據本書卷一三憲宗紀、 卷一五五劉聚傳、

列

傅

第二百十五

校

勘

記

卷

- 永晉公爵予世襲 此繫於成化十六年春,本書卷一四憲宗紀、憲宗實録卷一九八繫於成化十
- 明年 五年十二月辛未。本書卷一七三朱謙傳附永傳作十五年冬,又稱十六年春出師無功。 指弘治十二年。按傳文在本年内所記事件,都見於本書卷一五孝宗紀弘治十三年。

- 十五年以户部尚書秦絃總制陝西 甲辰。本書卷一七八秦絃傳也作「十四年」。 本書卷一五孝宗紀、 孝宗實録卷一七九都繫於十四年九月
- 參將王經關山先後戰死 關山,原作「開山」,據本書卷一七世宗紀、 世宗實録卷七四嘉靖六年

三月庚辰條改

- [三] 冬復攻鳳凰城春力戰二日夜死之至冬俺答數犯山西寧夏塞 「冬」字重出,上「冬」字疑誤。按黑 |春之死在夏季,見世宗實録五〇九||嘉靖四十一年五月壬子條。據本書行文例,上「冬」字應作
- 二台 昆都力哈 本書卷二二二三張法傳作「昆都力」。
- 總兵李成梁敗之於卓山 傳、穆宗實録卷六四隆慶五年十二月辛亥條改。 卓山,原作「車山」,據本書卷二三八李成梁傳、 明史稿傳二〇一 { 键 靼
- 總督三邊李旼檄參將達雲 旼一, 今據改。 本書卷二二八魏學曾傳、神宗實録卷二八四萬曆二十三年四月己未條都作「李 李旼,原作「李收」。本傳下文及明史稿傳二〇一韃靼傳統作「李

汶」。

明史卷三百二十八

列傳第二百十六

外國九

瓦剌 杂顏 福餘 泰寧

瓦剌,蒙古部落也,在韃靼西。 元亡,其强臣猛可帖木兒據之。 死,衆分爲三,其渠曰

馬哈木,日太平,日把禿孛羅。

差。 紫光祿大夫、順寧王,太平爲特進金紫光祿大夫、賢義王,把禿孛羅爲特進金紫光祿大夫、 安樂王;賜印誥。 六年冬,馬哈木等遺暖答失等隨亦剌思來朝貢馬,仍請封。明年夏,封馬哈木爲特進金 成祖卽位,遣使往告。永樂初,復數使鎭撫答哈帖木兒等諭之,幷賜馬哈木等文綺有 暖答失等宴資如例。

列傳第二百士六 外國九八年春,瓦剌復貢馬謝恩。自是,歲一入貢。

木等脱 雅失里 足較。」 征。 童切責之。 拒 勞,請加賞賚;又瓦剌士馬强,請予軍器。帝曰:「瓦剌驕矣,然不足較。」賚其使而遣之。 欲獻故元傳國璽,慮阿魯台來邀,請中國除之,脫脫不花子在中國,請遣還,部屬多從戰有 而 年,馬哈木留敕使不遣,復請以甘肅、寧夏歸附韃靼者多其所親,請給還。 命由 親 (率鐵騎馳擊,大破之,斬王子十餘人,部衆數千級。 明年夏,駐蹕忽蘭忽失溫 時元 受其 及阿魯台兵,馬哈木上言請得早爲滅寇計。 順寧,順寧死,賢義、安樂皆可 身遁,乃班師。 主 冬,馬哈木等擁兵飲馬河,將入犯,而揚言襲阿魯台。 本雅 獻,館其使者。 失里偕其屬阿魯台居漠北,馬哈木乃以兵襲破之。八年,帝旣自將擊破本 明年春,馬哈木等貢馬謝罪,且還前所留使,詞卑。 明年,瓦剌與阿魯台戰,敗走。 三部埽境來戰,帝麾安遠侯柳升、武安侯鄭亨等先嘗之, 撫。 帝因復使海童往勞太平、把禿孛羅 十年,馬哈木遂攻殺本雅失里。 追奔,度兩高 未幾,馬哈木死,海童 開平守將以聞, 山、至土剌河。 帝怒, 帝曰:「瓦剌故 歸言,瓦剌 命中官海 帝詔親 復上言 馬哈 不 明

蘇火 + 六年 耳灰等以綵幣往賜太平、 春, 海童偕瓦剌貢使來。 把秃孛羅及弟昂克, 馬哈木子脫懽請襲爵, 別遣使祭故順寧王。 帝封 爲順 寧王。 自是, 而 海童及都 瓦剌復

奉貢

一十年,瓦刺侵掠哈密,朝廷責之,遣使謝罪。

二十二年冬,瓦刺部屬賽因打力來降,

·爲所鎭撫,賜綵幣、襲衣、鞍馬,仍令有司給供具。 自後來歸者悉如 例

仇 德 九年,脫懽襲殺阿魯台,造使來告,且請獻 、甚善。 宣 一德元 顧王言玉璽,傳世久近,殊不在此。 年,太平死,子捏烈忽嗣。 時脫權 玉璽。 與阿魯台戰,敗之,遁母納山 王得之,王用之可也。」仍賜紵絲五十 帝賜敕曰:「王殺阿魯台, 、察罕腦剌間 見王克復世 表裏。

喇嗔等部俱屬焉。已,襲破朵兒只伯,復脅誘朵顏諸衞,窺伺塞下。 衆,欲自稱 大。 乞敕各邊廣儲積,以備不虞。」帝嘉納之。 正統元年冬,成國公朱勇言:「近瓦剌脫懽以兵迫逐韃靼朶兒只伯, 可汗,衆不可,乃共立脫脫不花,以先所併阿魯台衆歸之。 未幾,脫懽內殺其賢義、安樂 自爲丞相、居漠北、哈 恐吞倂之, 不兩王, 盡有其 日益强

母,旣而歸之。又結婚沙州、赤斤蒙古諸衞,破兀良哈,脅朝鮮。 邀索中國貴重難得之物。稍不墜,輒造釁端,所賜財物亦歲增。 相 五十人。利朝廷爵賞,歲增至二千餘人。屢敕,不奉約。使往來多行殺掠,又挾他部與俱, 制。 四 每入貢,主臣並使,朝廷亦兩敕答之,賜賚甚厚,並及其妻子、部長。故事,瓦使不過 年,脫懽死,子也先嗣,稱太師淮王。於是北部皆服屬也先,脫脫不花具空名,不復 邊將知必大爲寇,屢疏聞 也先攻破哈密,執王及王

十一年冬,也先攻兀良哈,遺使抵大同乞糧,幷請見守備太監郭敬。 列 + 六 外 八四九九 帝敕敬毋見,毋予

11:

救戒防禦而

傳

第

_ 百

國 九

也先 糧。 也先等有所請乞,無不許。 謀入寇,脫脫 明年,復致 書宣府守將楊洪。 不花 止之,也先 瓦刺使來,更增至三千人,復虛其數以冒廩餼。 不聽,尋約諸番共背中國。 洪以聞,敕洪禮其使,報之。 帝韶問,不報。時朝使至瓦剌, 頃之, 其部衆有來歸者,言 禮部按實予之,

死。 南。 府、圍赤城、又遣別騎寇甘州、也先自寇大同。 所請 發,盡陷。 和,太監郭敬監軍,諸將悉爲所制,失律,軍盡覆。暎、冕死,敬伏草中觅,亨奔還。 大同,連日風雨甚,又軍中常夜驚,人恟懼,郭敬密言於振,始旋師。 車駕還次宣府,敵衆襲 挾帝親征,羣臣伏闕爭,不得。 二丈不得水,汲道已爲敵據,衆渴,敵騎益增。 帝蒙塵,中官喜寧從。 又僅得五之一,也先大愧怒。 軍方動,也先集騎四面衝之,士卒爭先走,行列大亂。 十四年七月,遂誘脅諸番,分道大舉入寇。 恭順侯吳克忠拒之,敗歿。成國公朱勇、永順伯薛綬以四萬人繼往,至鶴兒嶺,伏 英國 次日、至土木。諸臣議入保懷來、振顧輜重遽止、也先遂追及。土木地高、掘井 公張輔、駙馬都尉井源、尚書鄺埜、王佐、侍郎曹鼐、丁鉉等五十餘人死之、振亦 也先聞車駕至、錯愕未之信、及見、致禮甚恭、奉帝居其弟伯顏 大同守將西寧侯宋瑛、武進伯朱冕、都督石亨等與也先戰陽 明日,敵見大軍止不行,偽退,振遽令移營而 參將吳浩戰死貓兒莊,羽書踵至。 脫脫不花以兀良哈寇遼東,阿剌知院寇宣 敵跳陣而入,六軍大潰,死傷數 太監王振 車駕 次

帖 有 異瑞 木兒營,以先所掠校尉袁彬來侍。 乃 止 也 先 擁 帝至大同城,索金幣,都督郭登與白金三萬。 也先將謀逆,會大雷雨震死也先所乘馬,復見帝 登復謀奪駕入城,帝 寢 沮 幄

之不果,也先遂擁帝北行。

荆 破其餘衆於居庸,也先仍以上皇北行。也先夜常於御幄上,遙見赤光奕奕若龍蟠,大驚異。 出 也先又欲以妹進上皇,上皇却之,益敬服,時時殺羊馬置酒爲壽,稽首行君臣禮 關 [迎上皇,未果。 ,攻入之,直前 九月,郕王 自 監 享等與戰,數敗之。也先夜走,自良鄉至紫荆,大掠 犯京師。兵部尚書于謙督武淸伯石亨、都督孫鏜等禦之。 國卽皇帝位,尊帝爲太上皇帝。 也先詭稱奉上皇還,由大同、陽和 而出。 都 也 督楊洪復大 先邀大臣 抵紫

實、少 當仍作天子邪 使 麻等已至,帝因復使都御史楊善、侍郎趙榮率指揮、千戶等往。 而 有 夕至, 脫 輕 中國 脫 景 卿 泰元年,也先復奉上皇至大同,郭登不納,仍謀欲奪上皇,也先覺之,引去。 不 羅綺 大駕朝發, 花 心 ,及犯京師,見中國兵强,城池固,始大沮**。** 治揮 阿 ? 刺 善 知院復遣使與朝廷 日 馬政等齎璽書往 但當遣一二大臣來。 「天位已定,不再更。」也先引善見上皇,遂設宴餞 諭 和,皆撤所部歸, 脫脫不花及 實 歸,善等至,致奉迎 也先。 會中 也先 而 國已誘誅賊奄喜寧,失其間諜, 脫 亦決意息兵。 脫 上皇意。 也先 不花、 語實, 也先所遣皮兒馬黑 上皇行。 也先日 秋,帝遣侍郎李 兩 或 利 :「上皇歸, 也先席地 速和, 初,也 迎

列

傳

第

百

+

六

外國九

彈琵琶,妻妾奉酒,顧善曰:「都御史坐。」善不敢坐,上皇曰:「太師著坐,便坐。」善承旨坐, 妾部長羅拜其下,各獻器用、飲食物。上皇行,也先與部衆皆送約半日程,也先、伯顏乃下 即起,周旋其間。也先顧善曰:「有禮。」伯顏等亦各設餞畢,也先築土臺,坐上皇臺上,率妻 馬伏地慟哭曰:「皇帝行矣,何時復得相見!」良久乃去,仍遣其頭目七十人送至京。

而太師請之,甚無益。」 瓦刺入寇時,豈無使邪。」因敕也先曰:「前者使往,小人言語短長,遂致失好。 爲請,尙書王直、金濂、胡濙等相繼言絕之且起釁。 上皇歸後,瓦刺歲來貢,上皇所亦別有獻。於是帝意欲絕瓦剌,不復遣使往。 帝曰:「遣使,有前事,適以滋釁耳。 **朕今不復遣**, 也先以

先亦疑其通中國,將謀己,

遂治兵相攻。

脫脫不花敗走,

也先追殺之,

執其妻子,以其人畜 給諸部屬,遂乘勝迫脅諸蕃,東及建州、兀良哈,西及赤斤蒙古、哈密。 也先與脫脫不花內相猜。脫脫不花妻,也先姊也,也先欲立其姊子爲太子,不從。 也

可汗。未幾,也先復逼徙朶顏所部於黃河母納地。也先恃强,日益驕,荒於酒色。 子爲太師,來朝,書稱大元田盛大可汗,末曰添元元年。田盛,猶言天聖也。 臣 .職司馬,知戰而已,行人事非所敢聞。」 詔仍毋遣使。 明年冬,也先自立爲可汗,以其次 三年冬,遣使來賀明年正旦,尚書王直等復請答使報之。下兵部議,兵部尚書于謙言: 報書稱曰瓦刺

英宗復辟三年,哈密爲請封,詔授伯都王都督僉事,兀忽納指揮僉事。 子火兒忽答等徙居干趕河,弟伯都王、姪兀忽納等往依哈密。 六年,阿剌知院攻也先,殺之。 韃靼部孛來復殺阿剌,奪也先母妻幷其玉璽。 伯都王,哈密王母之弟也。 自也先死,瓦剌衰, 也先諸

部屬分散,其承襲代次不可考。

密罕愼來告。 克捨死,養罕王稱雄,擁精兵數萬,克捨弟阿沙爲太師。 常與孛來讐殺。 天順中,瓦剌阿失帖木兒屢遣使入貢,朝廷以其爲也先孫,循例厚賚之。又撦力克者, 養罕不利去,憾哈密,兵還掠其大土刺。 又拜亦撒哈者,常偕哈密來朝。其長曰克捨,頗强,數糾韃靼小王子入寇。 成化二十三年,養罕王謀犯邊,哈

殘, 土魯番畏逼,與之和。 密,都御史許進以金帛厚啗二部,令以兵擊走之。 三年,土魯番 多歸中國,哈密復乘間侵掠。 弘治初,瓦剌中稱太師者一曰火兒忽力,一曰火兒古倒溫,皆遣使朝貢。 犯 肅 州 嘉靖 守臣陳九疇因遺卜六王綵幣,使乘虛襲破土魯番三城,殺擄以萬計。 九年,復以議婚相仇隙。 卜六王不支,亦求內附。 其部長卜六王者,屯駐把思濶 土魯番益强,瓦剌數困敗,又所部輒自 朝廷不許,遣出關,不知所終。 土魯番據哈 正德十

明

杂顏、福餘、泰寧,高皇帝所置三衞也。其地爲兀良哈,在黑龍江南, 漁陽塞北。 漢鮮

唐吐谷渾、宋契丹,皆其地也。元爲大寧路北 境

錦、 三衞指 司 '營州諸衞,封子權爲寧王使鎭焉。 之皆叛去。 義 高 歷廣寧至遼河, .皇帝有天下,東蕃遼王、惠寧王、杂顏元帥府相率乞內附。 揮使司, 俾其 頭 日泰寧,自黃泥窪逾瀋陽、鐵嶺至開原,日福 目各自領其衆,以爲聲援。 已,數爲韃靼所抄。 自大寧前抵喜峰口,近宣府,曰杂顏 洪武二十二年置泰寧、杂顏、福 遂即古會州地、置大寧都 餘。 獨杂顏地險而强。 餘

成祖 天下旣定,徙寧王南昌,徙行都司於保定,遂盡割大寧地界三衞,以償前勞。 行,寧王餞諸郊,三衞從,一呼皆起,遂擁寧王西入關。 成 祖從燕起靖難,患寧王躡其後,自永平攻大寧,入之。謀脅寧王,因厚賂三衞 成祖 復選其三千人爲奇兵,從 說之來。

帝踐

作初,造

百戶裴牙失里等往告。

永樂元年復使指

揮蕭尙都齎敕諭之。

明年夏,頭

都指 鈔幣、襲衣。 目 歹 脱 揮僉事 為 兒火察等二百九十四人隨尙都來朝貢馬。 然都指 ·,掌泰寧衞事;餘三百五十七人,各授指揮、千百戶等官。 賜誥印、冠帶及白金、 揮同知,掌朶顏衞事;安出及土不申俱爲都指揮僉事,掌福餘衞事;忽剌班胡爲 自是,三衛朝貢不絕。三年冬,命來朝頭目阿散爲泰寧衛掌衞事、都指揮僉 命脫兒火察爲左軍都督府都督僉事, 哈兒

事,其朶兒朶臥等,各陞賞有差。

守將王眞,一馬各予布四匹。已,復叛附阿魯台。二十年,帝親征阿魯台還,擊之,大敗其衆 掠邊戍,復假市馬來窺伺。 四年冬,三衞饑,請以馬易米。帝命有司第其馬之高下,各倍價給之。 帝下詔切責,令其以馬贖罪。十二年春,納馬三千於遼東,帝敕 久之,陰附韃靼

於屈烈河,[1]斬馘無算,來降者釋勿殺。

更給 頭目阿者禿來歸,授千戶,賜鈔幣、襲衣、鞍馬,仍命有司給供具。 泰寧衛印。 宣宗初,三衞掠永平、山海間,帝將親討之,三衞頭目皆謝罪入貢,撫納之如初。 仁宗嗣位,詔三衞許自新。 秋,以杂顏頭目哈刺哈孫、福餘頭目安出、泰寧頭目脫火赤等恭事朝廷久, 洪熙元年,安出奏其印爲寇所奪,請更給,許之。冬,三衞 自後來歸者,悉如

加賜織金綵幣表裏有差。

|亨出 復附 致闕 州兵入廣 界嶺,都督馬亮出劉家口,都督陳懷出古北,各將精兵萬人,分剿之。 下,并奪回所掠 瓦剌也先,泰寧拙赤妻也先以女,皆陰爲之耳目。 正統 寧前屯。 間,屢寇遼東、大同、延安境。 帝惡其反覆,九年春,命成國公朱勇偕恭順侯吳克忠出喜峰,興安伯徐 人畜 獨石守備楊洪擊敗之,擒其頭目杂欒帖木兒。未幾, 入貢輒易名,且互用其印,又 勇等捕其擾邊者 東合建

列

拙赤等拘肥河衞使人,殺之。 肥河衛頭目別里格與戰於格魯坤迭連,拙赤大敗。 瓦剌

復分道截殺,建州亦出兵攻之,三衞大困。

寧皆不支,乞降,福餘獨走避腦溫江,三衞益衰。畏瓦剌强,不敢背,仍歲來致貢,止以利中 級,擒七十餘人。其年,瓦刺賽刊王復擊殺朵顏乃兒不花,大掠以去。也先繼至,杂顏、泰 國賜賚,又心銜邊將剿殺,故常潛圖報復。 十二年春、總兵曹義、參將胡源、都督焦禮等分巡東邊,值三衞入寇、擊之,斬三十二

瓦剌大入,英宗遂以是役北狩。 十四年夏,大同參將石亨等復擊其盜邊者於箭谿山,三濱鶴斬五十人,三衞益怨。

導

自獨石及萬全右衞來者。 邊屯駐。 丽 也先虐使之,復逼徙杂顏所部於黃河母納地,三衞皆不堪,遂陰輸瓦剌情於中國,請得近 景泰初,朝廷仍遣使撫諭。 舊制、三衞每歲三貢、其貢使俱從喜峰口驗入,有急報則許進永平。 邊臣以爲言,敕止之。 三衞受也先旨,數以非時入貢,多遣使往來伺察中國。 天順中,嘗乘間掠諸邊,復竊通韃靼孛來, 時三衞 使有

成化元年,頭目朵羅干等以兵從孛來,大入遼河。 已,復西附毛里孩,東合海西兵,數

相

毎爲之鄕導。

所遣使與孛來使臣偕見。

中國待韃靼厚,

請加賞不得,

大忿,

遂益與孛來

入塞。 州 `,斬六十二級,獲馬畜器械幾數千。 又時獨出沒廣寧、義州間。 九年,遼東總兵歐信以偏將韓斌等敗之於興中, 其年,喜峰守將吳廣以貪賄失三衞心,三衞入犯,廣 追及麥

下獄死。明年復掠開原,慶雲參將周俊擊退之。

所窘。 馬 以 其部 市再四,不許。 + 衆屢叛,罷之。 四年詔復三衞馬市。 至是巡撫陳鉞爲帝言,始許之。 會韃靼滿都魯暴强,侵掠三衞,三衞頭目皆走避塞 初,國家設遼東馬市三,一 滿都魯死,亦思馬因主兵柄,三衞復數爲 城東,一 廣寧,皆以待三衞。正統間, 下。 數饑 困 一,請復

去 人畜以萬計。 一十二年,邑 三衞乃相率攜老弱,走匿 **韃靼別部那孩擁三萬衆入大寧、金山,涉老河,攻殺三衛頭目伯顏等,掠** 漫
屋
。 邊臣劉潺以聞, 韶予芻糧優卹 之。

諸蕃 結 殺掠甚衆。 心脫羅干 入貢 弘治 一,請爲 初,常盜掠古北、開原 諸蕃並銜之。 韃靼 復讐,數寇廣寧、寧遠諸處。 小王子屢掠三衞,三衞因各叩關輸罪,朝廷許之,然陽爲恭順而已。 朝廷旋許尚古納款,撫寧猛克帖木兒等皆以尚古爲辭,入寇遼陽 境,守臣張玉、總兵李杲等以計誘斬其來市者三百 時海西尚古者, 以不得通 貢 叛· 中國,數以兵阻 人, 遂北

鮎魚關,入馬蘭谷大掠,參將陳乾戰死,復以五百騎入板場谷,千騎入神山嶺, 杂顏都督花當者,恃險而驕,數請增貢加賞,不許。正德十年,花當子把兒孫以千騎毀 叉千餘騎入

請罪,詔釋不問。 十三年,帝巡幸至大喜峰口,將徵三衞頭目,使悉詣關下宴勞,不果。 水開洞。 事聞,命副總兵桂勇禦之。 花當退去,屯駐紅羅山,匿把兒孫,使其子打哈等入朝

皆逮治。十七年春,指揮徐顥誘殺泰寧部九人,其頭目把當亥率衆寇大淸堡,總兵馬永擊 罷之。秋,三衞復導韃靼寇遼州, [四]入沙河堡,守將張景福戰死。 守備陳舜,副總兵王繼祖等赴援,擊斬三十餘級。其年,詔罷舊設三衞馬市,幷新設木市亦 **爵,而打哈自以花當子不得職,怒,逐先後掠冷口、擦崖、喜峰間。** 斬之。其屬把孫以朶顏部衆復入,鎭守少監王永與戰,敗績。二十二年冬,攻圍墓田谷,殺 [把兒孫犯邊時,朝廷詔削其職。 把兒孫死,其子伯革入貢。嘉靖九年,詔予伯革父 參將袁繼勳等失於防禦,

退,邊備緩,俺答遂由鴿子洞、曹楡溝入,直犯畿甸。 二十九年,韃靼俺答謀犯畿東,舟兒爲指潮河川路。 三十年,薊遼總督何棟購捕至京,伏誅。 三衞之迭犯也,實朶顏部哈舟兒、陳通事爲之。二人者,俱中國人,被擄遂爲三衞用。 俺答移兵白廟,近古北,舟兒詐言敵已 已,俺答請開馬市,舟兒復往來誘阻

爲質。 叩關索賞 杂顏通罕者,俺答子辛愛妻父也。 三衞恨甚,遂導俺答入掠順義及三河,選得罪。 ,副總兵胡鎭伏兵執之。 總督楊選將爲牽制辛愛計,乃拘絷通罕, 四十二年,古北哨卒出關,爲朶顏所撲殺。 令其諸子更迭 俄通罕

萬 [曆初,朶顏長昂益强,挾賞不遂,敷糾衆入掠,截諸蕃貢道。 十二年秋,復導土蠻,以

又二年大掠獨石路。二十二年復擁衆犯中後所,攻入小屯臺,副總兵趙夢麟、秦得倚等力 洪大,以擾諸邊。 幾,復以千騎犯劉家口,官軍禦之,殺傷相當。於是長昂益跋扈自恣,東勾土蠻,西結婚白 四千騎分掠三山、三道溝、錦川諸處。 十七年合韃靼東西二部寇遼東,總兵李成梁逐之,官軍大敗,殲八百人。 守臣李松請急剿長昂等,朝議不從,僅革其月賞。 未

戰却之。明年潛入喜峰口,官軍擒其頭目小郎兒。

賞如例。 不什、白言台吉等,以萬騎迫山海關,總兵姜顯謨擊走之。 有備,乃引去。 二十九年,長昂與董狐狸等皆納款,請復寧前木市,許之。三十四年冬,復糾韃靼 旋詣喜峰,自言班、白入寇,己不預知。 守臣具以聞,韶長昂復貢市,頒給撫 長昂復以三千騎窺義院界,邊將 班

未幾,皆服屬於大淸云。 長昂死,諸子稍衰,三衞皆靖。 崇禎初,與插漢戰於早落兀素,勝之,殺獲萬計,以捷

校勘記

大敗 37 17 英 (i) 衆於屈烈河 Ħ + 校 屈烈河,本書卷七成祖紀、太宗實錄卷一二三水樂二十年七月庚午條都作 勘

「屈裂兒河」。

ヘニン大同参將石亨等復擊其盗邊者於箭谿山 箭谿山,本書卷一七三石亨傳、英宗實録卷一七七正

統十四年四月辛未條都作「箭豁山」。

CMJ 二十二年 本書卷一四憲宗紀、憲宗實録卷二九一成化二十三年六月己巳條都作「二十三年」。

□□□□十二年冬至秋三衞復導韃靼寇遼州 「冬」後復書「秋」、顯有譌誤。按本書卷十八世宗紀、世 宗寶録卷三五四嘉靖二十八年十一月壬午條都稱嘉靖二十八年九月三衞犯遼東,「秋」字上疑

脱「二十八年」四字。

明史卷三百二十九

列傳第二百十七

西域一

哈密衛 柳城 火州 土魯番

宋入於回紇。 哈密,東去嘉峪關一千六百里,漢伊吾盧地。 元末以威武王納忽里鎮之,四尋改爲肅王。 明帝置宜禾都尉,領屯田。 卒,弟安克帖木兒嗣 唐爲伊州。

洪武中,太祖旣定畏兀兒地,置安定等衞,漸逼哈密。安克帖木兒懼,將納款。 成祖初、遣官招諭之、許其以馬市易、即遣使來朝、貢馬百九十匹。永樂元年十一月至

京,帝喜,賜賚有加,命有司給直收其馬四千七百四十匹,擇良者十匹入內廐,餘以給守邊

騎士。

明年六月復貢,請封,乃封爲忠順王,賜金印,復貢馬謝恩。 列 傅 第 __: Ţ + Ł 西 域 已而迤北可汗鬼力赤毒

中國, 死 之, **共國** 帝拔之奴隸 人 以 病卒聞。 中, 俾列宿衞,欲令嗣 三年二月遣官賜祭,以其兄子脫脫爲王 爵。 恐其國不從,遣官問之,不敢違,請還主其衆。 一,賜玉 帶。 脫脫自 幼俘入

因賜其祖母及母綵幣,旋遣使貢馬謝恩。

等爲指揮千百戶等官,又以周安爲忠順王長史,劉行爲紀善,輔導。冬,授頭目十九人爲都 孝 刨 指揮等官 事 有 祖 過 四 [年春 ,不奏而擅逐之,是慢朝廷也。 母。」由是脫脫得還,祖母及頭目各遣使謝罪。三月立哈密衛,以其頭目馬哈麻 , 甘肅總兵官宋晟奏, 脫脫爲祖母所逐。 帝怒,敕責其頭目曰:「 脫脫朝廷所立, 老人昏耄,頭目亦不 知朝廷耶。即 迎歸,善匡 一輔,俾 火者

帖木兒妻子往依鬼力赤,恐誘賊侵哈密,敕晟謹備。晟卒,以何福代,又敕福開誠撫忠順。 會頭目請設把總一人理國政,帝敕福曰:「置把總,是增一王也;政令不一,下安適從。」寢其 自是,比歲朝貢,悉加優賜,其使臣皆增秩授官 明年,宋晟奏,頭目陸十等作亂,已誅,慮他變,請兵防禦。帝命晟發兵應之,而以安克

之怒,八年十一月遣官賜敕戒諭 同知哈剌哈納為都督僉事,鎭守其地,賜敕及白金、綵幣。 帝眷脫脫特厚,而脫脫顧凌侮朝使,沈湎昏聵,不恤 之。 未至,而 脱脱 以暴疾卒。 國事 且封脫脫從弟兔力帖 ,其下買柱等交諫不 計聞,造官賜祭。 從。 木兒為忠 擢 都 帝聞 指 揮

義王,賜印誥、玉帶,世守哈密。 十年,貢馬謝恩,自是修貢惟謹,故王祖母亦數奉貢

服、 綵幣,及其部下頭目。 十七年,帝以朝使往來西域者,忠義王致禮延接,命中官齎綺帛勞之,賜 其使臣及境內回回尋貢馬三千五百餘匹及貂皮諸物、詔賜 其 母妻金 珠冠

萬二千錠、綺百、帛一千。 二十一年貢駝三百三十、馬千匹。

仁宗踐作,詔諭其國。洪熙元年再入貢,賀卽位。仁宗崩,宣宗繼統,其王兔力帖木兒

亦卒,使來告哀。

遺故忠義王弟脫歡帖木兒赴京。三年以卜答失里年幼,命脫歡帖木兒嗣忠義王,同理國事 自是,二王並貢,歲或三四至,奏求婚娶禮幣,命悉予之。 復貢馬謝恩。 宣德元年遣官賜祭,命故王脫脫子卜答失里嗣忠順王,且以登極肆赦,命其國中亦赦, 明年遣弟北斗奴等來朝,貢駝馬方物。 授北斗奴都督僉事,因命中官 諭王,

其子倒瓦答失里爲忠順王。 正統二年,脫歡帖木兒卒,封其子脫脫塔木兒爲忠義王,未幾卒。 五年遣使三貢,廷議以爲煩,定令每年一 貢。 已而 忠順王亦卒,封

王莫能節 而 其 主 初 ,成祖之封忠順王也,以哈密爲西域要道,欲其迎護朝使,統領諸 率庸懦 制 ,又其地種落雜居。 衆 J. 離 渙, 國 勢漸衰。 回回回 及倒瓦答失里立,都督皮剌納潛通 曰畏兀兒, 日 哈剌灰, 瓦剌 其頭 番, 猛 爲 目不 可 四 卜花等謀 唾 相統屬 屏蔽

列傳

第二

百

+

七

西

域

告難。 城、殺頭目、俘男婦、掠牛馬駝不可勝計、取王母及妻北還、脅王往見、王懼不敢往、數遣使 北 人 呵 殺 畜去。 肥 瓦刺,西土魯番,東沙州、罕東、赤斤諸衛,悉與搆怨。 王,不克。 通事,當四方貢使大宴日,惡言詬詈,天子不加罪,但令愼擇使臣,以是益 敕令諸部修好,迄不從,惟王母妻獲還 沙州、赤斤先後兵侵,皆大獲。瓦刺酋也先,王母弩溫答失里弟也,亦遣兵圍 王父在時,納沙州叛亡百餘家,屢敕王令還,止遣其半,其貢使又數辱驛 由是鄰國交侵。 罕東兵抵城外,掠 無忌。 , 吏卒, 其 地, 哈密

是哈密獲少安。 命 爲賜敕褒嘉。 ,實懼也先。 十年,也先復取王母妻及弟,幷撒馬兒罕貢使百餘人掠之,又數趣王往見。王外順朝 已,知其詐,嚴旨詰責,然其王迄不能自振。 十三年夏,親詣瓦刺,居數月方還,而遣使誑天子,謂守朝命不敢往。 會也先方東犯, 不復還故土,以 天子

言哈密 景泰 世受國恩,乃敢交通瓦剌。 三年遣其臣揑列沙朝貢,請授官。 今雖歸款, 先是, 心猶譎詐。 使臣 .至京必加恩命。 若加官秩, 賞出 是時于 「無名。 謙 乃止。 中 終

域, 聞迤北酋癿加思蘭梗道,不敢進。 天 順 元 年,倒瓦答失里卒,至弟卜列革遣使告哀,即封爲忠順王。 會哈密王報道已通,雲乃行,至哈密。 時都指! 揮馬雲使西 而賊兵實未

景泰世

,使臣無授官

者

退,且謀劫朝使。帝疑王與賊通,遣使切責。

往。 職見哈密無主,謀據其地,勢危急,乞從其請。」帝命都指揮賀玉往。 使臣苦兒魯海牙請先行,又不許。 謂臣不可繼君,而安定王阿兒察與忠順王同祖,爲請襲封。 可繼,命國人議當襲者。 居哈密。 阿兒察以哈密多難,力辭不行,珍乃返。 四年,王卒,無子,母弩溫答失里主國事。 王母爲上書乞恩,授伯都王都督僉事,兀忽納指揮僉事。 頭目阿只等言脫歡帖木兒外孫把塔木兒官都督同知,可繼。 帝逮玉下吏,改命都指揮李珍,而敕安定、罕東護使臣偕 初,也先被誅,其弟伯都王及從子兀忽納走 七年冬,奏上,禮官言:「癿 自卜列革之亡, 至西寧逗遛不進,哈密 親屬 王 加思 母 無

部落走苦峪、猶數遣使朝貢,且告難。 哈密素衰微,又婦人主國,衆益離散。 朝廷不能援, 癿加思蘭乘隙襲破其城,大肆殺掠,王母率親屬 但敕其國人速議當繼者而已。 其國以

殘破故,來者日

衆

財,供外蕃無益之費,非策。」帝下廷臣議,定歲一入貢,不得過二百人,制可 成 化元年,禮官姚夔等言:「哈密貢馬二百匹,而 使 人乃二百六十人。 以中國有限之

男婦二百餘人隨來丐食,不能歸國。 明年,兵部言王母避苦峪久,今贼兵已退,宜令還故土,從之。 命人給米六斗、布二疋,遣之。 已而貢使言其地饑寒,

刺 寇,今乃與哈密偕,非哈密挾其勢以邀利,即瓦剌假其事以窺邊。 **贅**,遣還。 、土魯番遣使三百餘人來貢,邊臣以聞。 木見爲右 初 國 **貢使堅不受賜,必欲親詣闕下,乃命遣十之一赴京** 人請立把塔木兒,以王母不肯,無王者八年。 都督,攝 行 國 王事,賜之誥印。 廷議貢有定期,今前 五. 年,王母 陳老病乞藥物,帝卽 至是頭目交章 使未回後使又至,且瓦剌 帝乃却其獻, 一請,詞 賜之。 極 哀。 令邊臣宴 尋與 乃擢 强 把 瓦

甘肅 守本 速發 萬 王母 月,事閒, 其請給米布,且賜以穀種。 至 土 「魯番速檀阿力乘機襲破其城,執王母,奪金印,以忠順王孫女爲妾,據守其地。 卜隆吉兒川 卽 兵救 經略 主 、金印 H 八年,把塔木兒子罕愼以父卒請嗣職。帝許之,而不命其主國事, 西來,阿力乃宴勞俊等,昇王母出 ,罕慎及乜克力、畏兀兒之衆退居苦峪,文等亦引還肅州 哈密。」文等以聞,逐檄都督罕慎及赤斤、罕東、乜克力諸部集兵 命邊臣 已返土魯番。 抵 蕭州 ,諜報阿力集衆抗拒,且結別部謀掠罕東、赤斤二衞。 謹戒備, ,遣錦衣千戶馬俊奉敕往諭 俊至,諭以朝命,抗詞不遜,羈俊月餘。 敕罕東、赤斤諸衞協力戰守。 文等無功而還 見。 王母懼 o 時阿力留其妹壻牙蘭守哈密,〔三〕 不敢言,夜潛遣 尋遣都督同知李文、右通政劉文赴 帝乃命罕慎權主國事,因 日,牙蘭忽至,言大兵三 文等 人來云:「爲我奏天子, 或 進討。 不敢 中 進,令二衞還 政令無所出 十年冬,兵 九年四 而已攜

車 居故 亦 衞 乞封罕慎。 رياد 向 士。 得兵一千三百人,與己所部共萬 化, 番 巡撫王 久據哈密,朝命邊臣築苦峪城,移哈密衛於其地。 與罕慎 廷議 一朝遠以聞,帝喜,賜敕獎勵 不 從,乃 議和,宜乘時安撫, 進左 都督,賚白 八,夜襲哈密城破之,牙蘭 取還王孫女及 金 ,幷獎二衞。 百 兩 、綵幣十表 金印,俾隨 朝遠請封罕慎 裏,特敕獎勞,將 十八年春,罕慎糾罕東 通走; 王母 共掌 爲王,且言土魯番 乘勢連復 國事,哈密國 士陞賞 八城,遂還 介差 人 亦

弘治

元

年

從

其

國

人

詩,

封罕愼

為

忠順

王。

土

魯

番

阿力

?已死,

而

其

子

阿

黑

麻

嗣

爲

速

其弟 其弟 番 偽 佐 貢 與罕愼 小、奪其 牙 使,令復還 奄克孛 闢 結 〈叛臣 婚, 刺 BIJ 率部 木 一者盼 侵地 誘 郎 加 覘 衆 1 ,并敕赤斤、罕東 殺之, 其單弱,請 逃之邊方 等人畜以 仍令牙蘭 了朝命 邊 歸。 臣 事聞, 調赤斤、罕東兵,夜襲破 據其 以 共 賜 圖 罕慎者還 地。 興 進 復。 秩 哈密 加 明年 賞。 都指 賜 其弟。 ٠, 先是, 哈密 揮 阳 木郎 其城,牙蘭遁去,斬 阿黑麻 舊 罕愼 部 綽卜都等率衆 來 遣使來貢,未還 之去 奔 求 哈密 救 廷 也, 臣 攻 獲甚多,有 請 止留六十 牙蘭 而 諭 遘 土魯

王族 待之,由 孫 當 陝 是 是益 、巴,將 時 阿 輕 黑麻 中 輔 或 立 桀傲甚,自以 之。 帝 乃薄其賜賚,或拘留使臣,却 阿黑麻 漸警懼,三年遣使叩關,願獻還哈密 地遠中國,屢抗天子命。 其貢 物, 及破 敕責 哈密, 令 貢 及金印, 悔 罪。 使 頻 已, 至, 釋其 訪 朝 拘 廷 獲 留使 忠 仍 順

獎寶

列

僖

第

百

+

七

西

域

八

克力相 守 城戎器、擢阿木郎都督僉事、與都督同知奄克孛剌共輔之。 |哈密。」天子以爲然,而 香番 天子 侵逼 納 其貢 ,非得蒙古後裔 重 種 類, ,仍留前 且素服蒙古、哈密故有回回、畏兀兒、哈刺灰三種、北 語番亦共奏陝巴當立。 使者。 鎮之不可。今安定王族人陝巴, 明年,果以城印來歸,乃從馬文升言,還其所拘使臣。 五年春立陝巴爲忠順王,賜印誥、冠服及 乃故忠義王脫脫近屬 Щ 又 有小列 從孫,可 秃、也 文 升

還 敕 臣 擒 華言大土 年 陝巴。 曉示 春潛兵夜襲哈密, 以 阿 其 木 書 郎 而 禍 臺 諸 福 否則 不 支 解之。 遜, 也。 番索陝巴犒賜不得,皆怨。阿木郎又引乜克力人掠上魯番牛馬,阿黑麻怒,六 降 帝 且僭稱 敕嚴責, 圍三日不 如 其 牙蘭復 殺其人百餘, 逃及降者各半。 請 , 命廷 可汗,乞命將遣兵先剿除牙蘭,然後 令還陝巴,乃宥 下。 據守,弁 推 阿木郎急調乜克力、瓦刺二部兵來援, 大臣 移 赴甘肅 書邊臣訴 其罪。 經 略 廷議從後策,令守臣拘貢 阿木郎罪。 陝巴與阿木郞據大土刺以守。 直 時土魯番先後貢使皆未還。 抵土 魯番,馘 俱敗 使,縱數人還,齎 阿黑麻 去。 乃執陝 大土 之首,取 E, 邊

請 辭 行。 難 初 廷臣 然 哈密 番 . 愈言北寇强,本兵未可遠出, 人 變聞 嗜利 丘濬 ,不善騎射 謂馬文升日 ,自古 未 一西陲 有 西域能 乃推兵部右侍郎張海、都督同 事 ·重,須 爲中 公 國 患者 行。」文升 ,徐當靖之。」濬 日 或 知緱謙二人。 家 復 有 以 事 爲言), 臣 子 帝賜 文升 義

還也 之姪 宜革 巴旣 驅新 則 廷議 敕指授二人,而二人皆庸才,但遣土魯番人歸諭其主,令獻還侵地,駐甘州待之。 散 都 封 城,令流 嘉 處 督寫 其 使出關,永不許貢,仍與守臣檄罕東、赤斤諸部兵,直擣哈密,襲斬牙蘭 ,忠順王之孫,向之封王 與 遺使叩關求貢,詭言願還陝巴及哈密,乞朝廷亦還其使者。 言,先已降敕,今若再降,有傷國體,宜令海等自遣人往諭 甘 王爵,居之甘州 中 峪 帝悉如 亦虎 關 、涼者,令悉還其 國 無損益 寓 仙 其言,敕諭 番 ,哈刺灰都督拜迭力 人歸其地,拜 其 使。 則哈密城 ,犒賚安定王,諭以 海等。 陝巴雖封王,其還與否,於中國 地 一、給以 ,欲令鎭 池已破, 、硫還 海 等見 牛具 朝。 迷失 撫 如 敕書將棄陝巴,甚喜,卽 口 八年正月至京,言官交章劾 獻還,當若何處之。 方爾。 糧。 等分領 不 復立 若陝巴未還,不必 一之故。 三種 今被虜,孱弱 香 令都督奄克 無損益,宜別擇賢者代之。 人 以輔之。 可知, 廷臣復言陝巴乃安定王千奔 逐其貢使, 索取,我不 海等以聞, 不從命,則 其經略 且修濬苦峪 孛刺總理 即使復還, 閉嘉 急陝巴,彼 仍留 無 請再降敕宣諭 哈密 功,並 如無機可乘 勢難 峪 前 城 一覧,凡 關 事 明年,阿 使,且盡 帝以陝 ず、與回 ,繕修 復立 吏貶 將 自

其遺卒,撫降餘 文 升銳意謀興復,用許進巡撫甘肅以圖之。 衆 而還。 自明初以來,官軍無涉其地者,諸番始知畏, 進偕大將劉寧等潛師夜襲,牙蘭逸去,斬 阿黑麻 亦欲還陝巴。

秩,而

哈密終

不還

列

傅

第

百

+

七

西域

難守、 然哈密屢破,遺民入居者旦暮虞寇。 盡焚室廬,走肅州求濟。 邊臣以聞,詔賜牛具、穀種,幷發流寓三種番人及哈密之寄 阿黑麻果復來攻,固守不下,訖散去。 諸 人自以窮窘

居赤斤者,盡赴苦峪及瓜、沙州,俾自耕牧,以圖

回興復。

業。帝悉從之。冬,起王越總制三邊軍務兼經理哈密。十一年秋,越言哈密不可棄,陝巴 列禿、乜克力諸部,以獎前勞,且責後效。帝亦報可。自是,哈密復安,土魯番亦修貢惟謹。 亦不可廢,宜仍其舊封,令先還哈密,量給修城、築室之費,搞賜三種番人及赤斤、罕東、小 具文乃從其請。 咸怨阿黑麻,阿黑麻悔,送還陝巴及哈密之衆,乞通貢如故。 臣 「猶久留,大肆咆烋。 時 哈密無王,奄克孛刺爲之長。 陝巴前議廢,今使暫居甘州,俟衆頭目俱歸心,然後修復哈密城塹,令復舊 禮官徐瓊等極論其罪,乃驅之去。時諸番以朝廷閉關絕貢不得入, 十年遣其黨寫亦虎仙等來貢,給幣帛五千酬其直,使 廷議謂無番文不可驟許,必令

陝巴懼,挈家走苦峪。 嗜酒掊剋,失衆心,部下阿孛刺等咸怨。十七年春,陰搆阿黑麻迎其幼子真帖木兒主哈密。 克亭剌等謀,召阿孛剌等計事,立斬之,其下遂不敢叛。乃令陝巴還哈密,眞帖木兒還上魯 與百戶董傑偕行。 <u>奄克孛刺者,罕愼弟也,與陝巴不相能。當事患之,令陝巴娶罕愼女,與之結好。</u> 傑有膽略。 奄克孛刺與寫亦虎仙在肅州,邊臣以二人爲番衆所服,令還輔陝巴, 旣抵哈密,阿孛剌與其黨五人約夜以兵來劫。 傑知之,與奄 陝巴

敢歸,願倚 冥帖木兒年十三,其母卽罕愼女也,聞父已死,兄滿 奄克孛刺, 曰:「吾外祖 也。」邊臣虛與陝巴隙,居之甘州。 速兒嗣 爲速檀與諸弟相 十八年冬,陝巴卒,其 **警**殺,懼

子拜牙卽自稱速檀,至命封爲忠順王。

潛懷 治 與志。 正 | 德三年,寫亦虎仙入貢,不與通 奏永需求。 永供奉豹房,恃寵恣橫。 事偕行,自攜邊臣文牒投進。 韶勿究治,兩戒諭之。 大通事王永怒,疏請究 寫會自是益 輕 朝廷,

拜牙卽 愚,性又淫暴,心忧屬部害己,而滿速兒又甘言誘之,卽欲偕奄克孛剌同往,不從,奔肅州 克孛剌欲止之,二人不可。護至土魯番,遂以國情輸滿速兒,且誘拜牙卽叛。拜牙卽素昏 稔 八年秋,拜牙卽棄城叛入土魯番。滿速兒遣火者他只丁據哈密,又遣火者馬黑木赴甘肅言 親 惡 「愛之意,不可遽遣。 · 久,今見我扶植哈密,聲勢漸張,乃卑詞求貢,以還弟爲名。 初 ,拜牙卽 不能守國,滿速兒遣將代守,乞犒賜。 嗣職,滿速兒與通和,且遣使求眞帖木兒,邊臣言與之便。 帝從之。 六年始命寫亦虎仙偕都督滿哈剌三送之西還,至哈密,奄 我留其弟,正 樞臣謂土魯番 合古人質其

幣萬 门即歸 九 年 ·四月, 城 印 事聞, 澤 抵甘州 命都御史彭澤往經略。 謂番人嗜利,可因而款也。 澤未至,敗遣兵分掠苦峪、沙州,聲言予我金 遭通事馬驥諭令還侵地及王,當予

列

傳

重賞。 歸 通 人召還他只丁 事往宣 田里。」帝卽令還朝。 滿速兒偽許之,澤卽畀幣帛二千及白金酒器一具。十一年五月,拜疏言:[8] 國 威 ,并還所奪赤斤衞印。)要以重賞,其酋悔過效順,即以金印及哈密城付之。 忠順王迄不返,他只丁亦不肯退,復要重賞,始以 惟忠順王在他所,未還。 請錄效勞人役功, 。滿哈剌三、寫亦虎仙二 城水水 歸 賜臣骸骨 「臣遣

求,損 繒 令其速歸忠順。 人心,乞別立安定王千奔後裔。此言良然。 帛, 明 我威重。 冀其效順。」廷議:「經略西陲已踰三載,而忠順迄無還期,宜興師絕貢,不可遂其要 年五 月 ,甘肅巡撫李昆上言:[4]「得滿速兒牒,謂拜牙卽 但城印歸,國體具在,宜敕責滿速兒背負國恩,求取無厭。 不從,則閉關絕貢,嚴兵爲備。」從之。 如必欲其復國,乞敕滿速兒兄弟送還,仍厚賜 不可復位, 即還故土, 仍量賜其兄弟, 已失

壻馬黑木俱入貢,以覘虛實,且徵其賂。邊臣以同來火者撒者兒,乃火者他只丁弟,**懼**爲 又奪哈密城,請滿速兒移居之,分兵脅據沙州,擁衆入寇,至兔兒壩。 變,幷其黨虎都寫亦羈之甘州,而督寫亦虎仙出關,懼不肯去。 1 ,都指揮黃榮、王琮各率兵往禦。 爲解,許賂幣千五百匹,期至肅州界之,且啗之入寇,曰肅州 初,寫亦虎仙與滿速兒深相結,故首倡逆謀。 寧先抵沙子壩,遇賊。 已而 有隙,滿速兒欲殺之,大懼,求他只 賊悉衆圍寧,而分兵綴諸將,寧 他只丁聞其弟被拘,怒,復 可得也。滿速兒喜,令與其 遊擊芮寧與參將蔣存

所部 七百人皆戰沒。 賊薄肅州城,索所許幣。 副使陳九疇固守,且先絕其內應,賊知事洩,

慮援兵至,大掠而去。

敵,移書求 至 広州 十二年正月,羽 副總兵 款,澤等乃罷行。 鄭 廉 書聞,廷議復命彭澤 合奄克孛刺兵,擊敗之,斬七十九級。 總制軍務,偕中官 張永、都督 賊乃遁去, 叉與瓦剌相攻, 郤永率 師 西 征 賊還

烟答被 減死,遂夤緣錢寧,與其壻得侍帝左右。 麻 會兵部 者 「寫亦虎 瓊怒,劾澤欺罔辱國,斥爲民。 先是,寫亦虎 法 捶 死。 司 請行甘肅訊報,瓊欲因此興大獄,奏遣科道二人往勘。 仙姪壻也,以入貢在京,探知王瓊欲傾彭澤,突入長安門訟父冤, 及 事平,械寫亦虎仙赴京, 仙與子米兒馬黑木、壻火者馬黑木及其黨失拜烟答俱以內應繫獄 坐昆、九疇激變,逮下吏,並獲重譴。 帝悅之,賜國姓,授錦衣指揮,扈駕南 下刑部獄,其子 仍繁甘州。 明年,勘至,於澤無所 失拜烟答子米兒馬黑 明年,寫亦虎仙 征 下錦衣獄。 失拜 亦

|仙稔中國 許之,而王迄不還。 滿速兒犯邊後,屢求通貢,不得。 情實,歸必爲邊患,於遺詔中數其罪,幷其子壻伏誅,而用陳九疇爲甘肅巡撫 巡按御史潘倣力言貢不當許,不聽。 十五年歸先所掠將卒及忠順王家屬,復求貢。 明年,世宗嗣位,楊廷和以寫亦虎 廷議

時滿 速兒比 歲來貢, 朝廷待之若故,亦不復問忠順王事。 嘉靖三年秋,擁二萬騎圍肅

列

傅

第

_

百

+

七

西域

之。 金獻民 分兵 明年秋, 西討,抵蘭州 甘州 賊復犯肅州, 九疇及總兵官姜奭等力戰敗之,斬他只丁,賊乃却去。 ,賊已久退,乃引還。 分兵圍參將雲冒, 九疇 而以大衆抵南山。 因力言賊不可 ·撫,乞閉關絕貢, 九疇時已解職,他將援兵 事聞,命兵部尚書 專固邊防 一, 可

至,賊始遁

實 修 激之詞,言番人上 歸 因 願獻還城印贖前罪。 衣官往按。 夢、張璁輩 番 獄 「其貢 賊內 怨。 ,請留質牙蘭, 城印及所掠 用服其心, 其他具如前議。 當 一侵,由澤賂番求和,廷和論殺寫亦虎仙所致。 (使鐫責。所請當不妄,第其詞出)牙臟,非眞求貢之文,或詐以款我。若果悔罪,必先 由是, [是時,番屢犯邊城,當局者無能振國威,爲邊疆復讐雲恥,而一二新進用事者反借以 欲藉此興大獄,斥廷和、澤爲民,盡置其子弟親黨於理,有自殺者。 封疆之獄起。 人畜,械送首惡,稽首關門,方可聽許。」帝納之。博以前獄未竟,必欲重興大 **遣譯者諭其主還侵地。** 一書者四輩,皆委咎前 事下兵部,尚書三時中等言:「番酋乞貢數四,先已下總制尚書王憲, 百戶王邦奇者,素憾楊廷和、彭澤,六年春,上言:「今哈密失國 九疇報捷時,言滿速兒、牙蘭已斃礮石下,二人實未死。 吏,雖詞 而與禮、兵二部尚書方獻夫、王時中等協議,爲挑 多抵飾, 由冤殺寫亦虎仙、失拜烟答二人故。 誅此兩人,庶<u>哈密可復,邊境無虞。」</u>桂 亦事發有因。 宜遣官嚴聚激變虚 復遣給事、錦 帝

固 疑之。 覽萼等議, 益疑邊臣欺罔, 手詔數百言, 切責九疇, 欲置之死, 而戒首輔楊一

以罷兵息民,幷上濬 賊 滿速兒怒,其部下虎 稍 番使,許之通貢。 黨庇,遂遣官逮九疇。 持 呼 悟,免死戍邊,澤、獻民等皆落職。 番 與語,遊擊彭濬 七年正月,九疇逮至下獄。 文求貢,委罪瓦剌 番酋迄 及副 急引兵擊之。 力納咱兒引瓦刺二千餘騎犯 尚書金獻民、侍郎李昆以下,坐累者四十餘人 使趙載功狀。 不悔罪,侮玩 ,詞多悖謾。 **博等必欲殺之,幷株連廷和、澤。** 賊言欲問信通和,濬 番酋氣益驕, 如故。 瓊希時貴指,必欲議撫,因言番人且悔,宜原情赦罪, 章下兵部 時以牙蘭獲罪其主,率部帳 肅 而萼又薦王瓊督三邊, 州,至老鸛堡,值撒 不聽, 進戰 刑部尚書胡世寧力救,帝 破之。 馬兒罕貢 來歸, 盡釋還九疇所繫 賊遁 走 邊臣受之。 使在堡中, 赤斤,使

疲中國。」詹事 朝 屬, 二年,復爲所奪,益彼富强,辱我皇命,徒使再得城印,爲後日要挾之地。 乞聖明熟籌,如 和 其他 .酮。 寧交阯故事,置哈密勿問。 初 族裔 胡 世 則 無 寧之救陳九疇也,欲棄哈密不守,言:「拜牙卽久歸土魯番,卽還故土,亦 霍韜力駁其非。至是,世寧改掌兵部,上言:「番會變詐多端,欲取我肅州 哈密將安興復哉?縱得 可繼者。 回回一種,早已歸之。 如其不侵擾,則許之通貢。否則,閉關絕之,庶不以外番 忠順嫡派 哈刺灰、畏兀兒二族逃附 **,畀之金印,助之兵食,誰與爲守。** 肅州已久, 不過 不 其臣 可驅 則 先

列

傳

第

=

百

+

七

西域

戦。 彼强 等竊 力納 乞賜瓊璽書,令會同甘肅守臣,遣番使歸諭滿速兒,詰以入寇狀。倘委爲不知,則令械送虎 彼掠去,今束身來歸,事屬反正,宜卽撫而用之。 河西 入,帝深然之,命瓊熟計詳處,毋輕信番言 卽 嚇 漸置 有 芜 咱兒。 則 以 前 朝, |幾危。 更敕瓊爲國忠謀,力求善後之策,以通番納貢爲權宜,足食固圉爲久計,封疆幸甚。」疏 奸 入寇,弱則從賊,難保爲不侵不叛之臣。 信,亦安足據。 爲非中國所急也。 口 而 於 或事出瓦剌,則縛其人以自贖。否則羈其使臣,發兵往討,庶威信並行,賊知斂 叉言賊方懼悔, 此閉關 內 地。 事 與通貢 覺,則 第毋墮其術中,以間我忠臣, 夫哈密三立三絕,今其王已爲賊用,民盡流亡。 ,利害較然。 宜仍許通貢, 多縱反間,傾我輔臣。 今瓊等旣言賊薄我城堡,縛我士卒,聲言大 何自相 故臣以爲立之無益,適令番酋挾爲奸利耳。 牴牾。 招彼攜貳, 盆我藩 乃者許之朝貢, 使方入 弛我邊備, 霍韜又以賊 斯可 無印信番文爲疑, 矣。 籬。 至於興復哈密,臣 牙蘭本 關, 借使 而 更立 我 賊兵已至, 屬 舉,以恐 他 番,爲 臣謂 種,

黑木 然非忠順王苗裔矣。 報 可。 所 至明年,甘肅巡撫唐澤亦以哈密未易興復, 有 自是置 **う** (3) 哈密 服屬土 不問,土魯番許之通貢,西陲藉以息肩。 魯番。 朝廷猶令其比歲一貢,異於諸番,迄隆慶、萬曆朝猶入貢不絕, 請專圖自治之策。 而 哈密後為失拜烟答子米兒馬 瓊善之,據以 上聞 帝

柳城,一名魯陳,又名柳陳城,即後漢柳中地,西域長史所治。 唐置柳中縣。 西去火州

川,渡流沙,在火山下,有城屹然廣二三里,即柳城也。 土宜穄麥豆麻,有桃李棗瓜胡蘆之屬。 七十里,東去哈密千里。 經一大川,道旁多骸骨,相傳有鬼魅,行旅早暮失侶多迷死。 而葡萄最多,小而甘,無核,名鎖子葡萄。 四面皆田園, 流水環繞,樹木陰翳。 畜有牛羊 出大

馬駝。 永樂四年,劉帖木兒使別失八里,因命齎綵幣賜柳城酋長。 節候常和。 土人純朴,男子椎結,婦人蒙阜布,其語音類畏兀兒。 明年, 其萬戶瓦赤刺即遣

使隨白阿兒忻台入貢。冬,萬戶觀看忽再遣使隨安入貢。二十年與哈密共貢羊二千。 使來貢。 七年,傅安自西域還,其
曾復遣使隨入貢。 帝即命安齎綺帛報之。 十一年夏, 遣

五年,頭目阿黑把失來貢。 正統五年、十三年並入貢。自後不復至。

宣德

柳城 《密爾·火州、土魯番,凡天朝遣使及其酋長入貢,多與之偕。 後土魯番强,二國並爲

所滅。

國。 唐太宗滅 火 州 叉 名 高 哈剌 昌,以其 在柳 地 城西· 爲 西州 七十 宋時 里, 上魯番 回 鶻居之, 東三十里,即漢車師 嘗入貢。 元名 |火州, 前 王 與安定、 地。 隋時為高 曲先 昌

諸衛統號畏兀兒,置達魯花赤監治之。

兒忻台遣使偕俺的干、[10]失劇思等九國來貢。秋,命陳誠、李暹等以璽書、文綺、紗羅、布 遣使 往按,且敕總兵官宋晟嚴束之。 帛往勞。 貢玉璞 永 樂 十三年冬,遣使隨誠來貢。 四 年五 方物。 月命鴻 使臣言,回回行賈京師者,甘、凉軍士多私送出境,洩漏邊務。 臚丞劉帖木兒護別失八里使者歸,因 七年遣使偕哈烈、撒馬兒罕來貢。 自是久不至。 正統十三年復貢,後遂絕。 **齎 綵幣賜其王子哈散。** 十 一 年夏,都指 帝 揮白 命御史 明 年 311

於民居 其 地多山,青紅若火,故名火州。 東有荒城,即高昌國都,漢戊已校尉所治。 氣候熱。 五穀、畜產與柳城同。 西北連別失八里。 城方十餘里,僧寺多 國小,不能自立,後

爲土魯番所幷。

|國 土魯番 唐滅高昌, 火州 置西州及交河縣, 西百 里, 去哈密千餘里, 此則交河縣安樂城也。 嘉 峪關 二千 六百 宋復名高昌 里。 漢車 師前 爲回鶻所據, 王 地 隋 高昌 嘗入

貢。元設萬戶府。

年達 智普通 京 永 師。 或 樂 師,徒七人並爲土魯番僧綱司官,賜賚甚厚。 匹 六年,其國番僧清來率徒法泉等朝貢。 年遣官使別失八里,道其地,以綵幣賜之。 天子欲令化導番俗,即授爲灌頂 由是其徒來者不絕,貢名馬、海青及 其萬戶賽因帖木兒遣使貢玉璞,明 、慈慧圓

他物。

天子亦數遣官獎勞之。

朝。 朝。 躬率部落來朝。 **酋歪思所逐,走歸京師。天子憫之,命爲都督僉事,遣還故土。** 已而 正統六年,朝議土魯番久失貢,因米昔兒使臣還, 二十年,其會尹吉兒察與哈密共貢馬千三百匹,賜賚有加。 都督鎖恪弟猛哥帖木兒來朝, 宣德元年亦如之。天子待之甚厚,還國病卒。 命爲指揮僉事。 令齎鈔幣賜其酋巴剌麻兒。 五年, 都指揮 尹吉兒察德中國,洪熙 三年,其子滿哥帖木兒來 已而尹吉兒察爲別失八里 也先帖 明年遣 木兒來 元年

貢, 强, **其**使臣進秩者二十有四 初,其地介于闐、別失八里諸大國間, 密力火者遂僭稱王。 人。 先後命指揮白全、都指揮桑斌等使其 以景泰三年,偕其妻及部下頭目各遣使入貢。 勢甚微弱。 後侵掠火州、 柳城, 國 皆爲所幷, 天順三年復 或 H

使入貢

成化元年,禮官態變等定議,上魯番三年或五年一貢,貢不得過十人。 五 年遣使來貢,

列

明

其酋阿力自稱速檀,奏求海青、鞍馬、蟒服、綵幣、器用。禮官言物多違禁,不 綵幣、布帛。 明年復貢、奏求忽撥思筝、鼓羅、站鐙、高麗布諸物。 廷議 不許 可盡從, 命賜

其請。 力獻王母及城印,卽和好如初。 以物 計前您,仍以禮待。」使臣復言亦斤諸衞,素與有仇,乞遣將士護行,且謂阿力雖得哈密,止 善待之,未嘗一語嚴詰。貢使益傲,求馴象。兵部言象以備儀衞,禮有進獻,無求索,乃却 只,乞朝廷遣使通道,往來和好。 分兵守之而去。朝廷命李文等經略,無功而還。阿力修貢如故,一歲中,使來者三,朝廷仍 產充貢,願質使臣家屬於邊,賜敕歸諭其王,獻還城印。 時土魯番愈强,而哈密以無主削弱,阿力欲幷之。 使臣復言已得哈密城池及瓦剌奄檀王人馬一萬,又收捕曲先并亦思渴頭目倒剌火 使臣還,復遣他使再入貢,而不還哈密 帝曰:「迤西道無阻,不須遣官。阿力果誠心修貢,朝廷不 九年春,襲破其城,執王母,奪金印, 帝從其護行之請,而賜敕諭阿

貢使,復俾入京。 十二年八月,甘州守臣言,番使謂王母已死,城印俱存,俟朝廷往諭卽獻還。 時大臣專務姑息,致遐方小 醜無顧忌。 帝已却其

密, 克之。 四年, 賊將 阿力死, 牙蘭 遁走。 其子阿黑麻嗣為速檀, 阿黑麻頗懼。 朝議罕愼有功,將立爲王。 遣使來貢。 十八年, 哈密都督罕慎潛師擣哈 阿黑麻聞之,怒曰:

罕慎非忠順族,安得立一乃偽與結婚

賜 蟒 服及 弘治 九 元年躬至哈密城下,誘罕慎盟,執殺之,復據其城,而遣使入貢;稱與罕慎 龍 渾金膝欄諸物。 中國易與,不奉命,復遣使來貢。 使至甘州,而罕愼之變已聞,朝廷亦不罪,但令還諭 締姻,乞 其主,歸

禮官議薄其賞,拘使臣,番賊稍

我

浸

地。

番賊

知

行,而 兵部 兒卽罕愼外舅,忘主事讐,逆天無道。 之千載,實爲美談。 無此 及 則七千二百羊矣,守獅 希寵,大臣謀國,天子不聽,其奈我何。 **貢使,猶不失大體。今寵其使臣,厚加優待,又遣中使伴送,此何理哉!陛下事遵成憲,乃** 宜遣大將直擣巢穴,滅其種類,始足雪中國之憤。或不卽討,亦當如古帝王封玉門關 無故召番人入大內看戲獅子,大賚御品,誇耀而出。都下聞之,咸爲駭嘆,謂祖宗以來,從 使還,命內官張芾護行,諭內閣草敕。閣臣劉吉等言:「阿黑麻背負天恩,殺我所立罕愼, 事。 議羈其使臣,正合事宜。 三年春,偕撒馬兒罕貢獅子,願獻還城印,朝廷亦還其使臣。 問 畧 奈何屈萬乘之尊,爲奇獸之玩,俾異言異服之人,雜遝淸嚴之地。況使臣滿剌土 臣 .興師、絕貢二事。 帝不 日 能 役校尉五十人,一歲則一萬八千人矣。 用 若不停張芾之行, 店等以時勢未能,但請薄其賜**賚**。 而阿黑麻聚集人馬,謀犯肅州,名雖奉貢,意實叵 長番賊之志,損天朝之威,莫甚於此。」疏 彼使臣還國,阿黑麻 若絕其餧養,聽其自斃,傳 因言飼 禮官請却勿納,帝不從。 必謂中土帝王可通情 獅 日 用二羊,十歲 入,帝止芾 ,絕其

列

傳

第

百

+

Ł

印 知中國有人。四年秋,遣使再貢獅子,願還金印,及所據十一城。 來歸 從之。當是時, 秋 又遣使從海道貢獅子,朝命却之,其使乃潛詣京師。 明年封陝巴爲忠順王,納之哈密,厚賜阿黑麻使臣,先所拘者盡釋還。 中外乂安,大臣馬文升、耿裕輩,咸知國體,於貢使多所裁損,阿黑麻 禮官請治沿途有司罪,仍却其 邊臣 以聞,許之,果以城 稍

其鄰 窺伺 投 陝巴 十二人於 倔 宜惜 强 入 邦不 以去。 潛 , 藉 寶遠物,則遠人格。 之時,小人何 無禮,久蓄 大體。番使自去年入都,久不宣召,今春三月以來,宣召 六年春,其前使二十七人還,未出境,後使三十九人猶在京師,阿黑麻復襲陷哈密,執 為 逞逆謀,雖悔 獲貢 邊,閉嘉 口 帝命侍郎張海等經略,優待其使,俾得進見。 實。」疏入,帝卽遣還。 ,胥怨阿黑麻。 不庭之心。 峪關,永絕貢道。 .知,將謂朝廷恩禮視昔有加,乃畏我而然。 何及。 獅 本野獸,不足爲奇,何至上煩變輿,屢加 所遣使臣,必其親信腹心,乃令出 今其使寫亦滿速兒等宴賚已竣, 十年冬,送還陝巴,款關求貢,廷議許之。 而 張海等抵甘肅,遵朝議, 巡 撫許進等,又潛兵直擣哈密,走牙蘭 禮官耿裕等諫 至再,且賜幣帛羊酒,正當謾書 却 事干國體,不可不慎。 入禁掖,略無防閑。 猶不肯行, 其貢物,羈前 臨 視,致荒徼 十二年,其使再求, 固 曰:「朝廷馭外番 恐朝 後使臣 阿黑麻 小 廷復宣召。 萬 醜,得觀 況此 漸懼。 奸宄 百七 賊

命

前使安置廣東者悉釋還。

忠順 王 十 陝巴卒, 七 年,阿 黑麻死,諸子爭立, 子拜牙卽 襲,昏愚失道,國 相仇殺。 內 益 已而 亂。 長子滿速兒嗣爲速檀,修貢 而滿 速兒桀黠變詐踰 於父,復有 (如故。 吞哈密 明年,

之志

朝 其 卽 (部下 大臣 以 邊情告其兄,共謀為逆。九年誘 E 他 自 德 相傾陷,番

督

問

知

之

,

益

是

義

構

,

財

腹

心

得

传 只丁復據之,且導滿速兒犯肅州 四年,其弟真帖木兒在甘州,貢使乞放還。 拜牙即叛,復據哈密。 自是, 哈密不可復得,而患且中於甘肅 朝議不許,乃以甘州守臣奏送還。還 天子,中國體大虧,賊氣焰 朝廷遣彭澤經略,贖還城印 益 會中

貨簾 前 果 其 拿 我 乘窘迫之時 足贖 變詐已見。 中 虚 國 叛 實 + 和市 馭 前 則 Ħ. ,緩我後 外番 日萬 未 年復許通貢。 私 , 聊 嘗 贩 一乎? 若日 加 也。 過,誘 滿滿 爲 罪 慴 ´', 而 來者 況彼 載 伏 我 而 數年以來,雖嘗閉 之計 反 .番文執難從之詞,示敢拒之狀,當悔罪求通之日,爲侮慢不恭之語, 甘肅巡按潘傲言:「番賊犯順, 歸 重 不拒,馭戎之常,盡略彼 獲 利。 鈔掠之利,來則 ,雖納其悔 所欲旣足,驕志復萌 不於此時稍 過之詞 關,未能問 未 正 必 其罪,將益 姑阻其來貢之使,降 見 事之非,納求 一少不慊 近,而 罪。 殺戮摽掠, 今彼 更 啓輕慢之心,招 زنار 有 以困 動 賜 和 資 之使, 則 **憊求通**,且 之榮, 慘不可 藉 敕責 口 必 何憚不 其犯 反復 將叨冒 '勝言。 反覆之釁, 將 之釁, 順 窺 為。 恩禮 今雖 我 仍 意向 非所 索 臣 且 悔 婦還 飽 在 探 罪, 以 嬮 宜 目

明

未盡之人。 其番文可 疑者 ,

詳加詰問,

使彼知中國尊嚴,

天威難犯,

庶幾反側不萌,

歸服可

久。」時<u>王瓊</u>力主款議,不納其言。

魯番役屬之,歲徵婦女牛馬,不勝侵暴,亦率其族屬數千帳來歸。 陲患,至 議已定。 年復寇肅州、皆失利去, 明 年,世宗立,賊腹 一是獲罪其主,七年夏,率所部二千人來降。石帖木兒哥、土巴者,自己俱沙州番族,土 賊黨牙蘭者, 本曲先人,幼爲番掠,長而 心寫亦虎仙伏誅,失所恃,再謀犯邊。 於是卑詞求貢。 會聰、導等起封疆之獄,遂陰庇滿速兒 點健,<u>阿力以妹妻之,握兵用事</u>, 嘉靖三年寇肅州,掠甘州,四 邊臣悉處之內 再許之貢, **久為西**

許。 志,必且劫我罕東,誘我赤斤,掠我瓜、沙,外連瓦剌,內擾河西,而邊警無時息矣。 駁。可虞者一。哈密城池雖稱獻還,然無實據,何以興復。 詹事霍韜言:「番人攻陷哈密以來,議者或請通貢,或請絕貢,聖諭必有悔罪番文然後 今王瓊譯進之文,皆其部下小醜之語,無印信足憑。 也。 牙蘭之來,日給廩餼,所費實多,猶曰羈縻之策不獲已也。 滿 速兒怒,使其部下虎力納咱兒引瓦刺寇肅州,不勝,則復遣使求貢。 我不歸彼叛臣,彼不歸我哈密。 自是西陲益多事,而哈密終無興復之期。 或者遂有棄置不問之議,彼愈得 我遽許之,恐戎心益驕,後難駕 倘番鱼摊衆叩關, 他日犯邊,日納 總督王瓊請許 索彼叛 可虞 可虞者 者

或曰 今於諸夷中,求其雄傑能守哈密者,卽畀金印,俾和輯諸番,爲我藩蔽,斯可矣,必求忠順之 孽力能 陝西也。 人,將予之耶,抑拒之耶。又或牙蘭包藏禍心,搆變於內,內外協應,何以禦之? 今陝西饑困,甘肅孤危,哈密可棄也。 自立,因而立之。彼假其名,我享其利。今忠順之嗣三絕矣,天之所廢,孰能興之。 若以哈密難守即棄哈密,然則甘肅難守亦棄甘肅乎。昔文皇之立哈密也,因元遺 臣則曰,保哈密所以保甘、陝也,保甘肅 可虞者四。 所 以保

西稍 請專圖自治之策, 獲休息,而滿速兒桀傲益甚矣。 疏入,帝嘉其留心邊計,下兵部確議。 帝深納其言。 自是番酋許通貢,而哈密城印及忠順王存亡置不復問,河 尚書胡世寧等力言牙蘭不可棄,哈密 不必興復,

裔而立焉,多見其固也。」

失 詞 其所倚賴,勢亦漸 多悖慢, 十二年遣臣奏三事。 朝廷不能罪,但戒以修職貢無妄言。 孤,部下各自雄長,稱王入貢者多至十五人,政權亦不一。 一,請追治巡撫陳九疇罪。 然自寫亦虎仙誅,他只丁陣歿 一,請遣官議和。 ,請還叛 ,牙蘭又降, 人牙蘭。

狡。 今後 五. 入 年,甘肅巡撫趙載陳邊事,言:「番酋屢服屢叛,我撫之太厚, 犯,宜戮其使臣,徙其從 人於兩粤,閉關拒絕。 卽 彼 悔罪, 亦但許奉貢,不得輒 信之太深, 愈長其奸

還從 彼 内 有所奉,外 有所畏,自不敢輕犯。」帝頗採其言。

列

傳

第

百

+

七

西域

年定令五歲一貢。 殺,馬黑麻乃結婚瓦刺以抗其兄,且墾田沙州,謀入犯。 復求內地安置。 一違其情,咸爲給賜。 二十四年,滿速兒死,長子沙嗣爲速檀,其弟馬黑麻亦稱速檀,分據哈密。 邊臣諭止之,乃還故土,與兄同處。 其後貢期如令,而來使益多。 逮世宗末年,番文至二百四十八道。 總督張珩以聞,詔許其入貢。二十六 其部下來告,馬黑麻 乃叩關求貢, 已而兄弟讐 朝廷

請裁其犒賜,許附馬黑麻隨從之數,可之。 隆慶 四年,馬黑麻嗣兄職,遣使謝恩。 迄萬曆朝,奉貢不絕。 其弟瑣非等三人,亦各稱速檀,遣使來貢。 禮官

重

校勘記

- 以威武王納忽里鎭之 作「忽納失里」,明史稿傳二〇二哈密衛傳作「納忽失 納忽里, 太宗實錄卷二九永樂二年六月甲午條、 里。 殊域周咨錄卷 二二均
- 倒瓦答失里卒 倒瓦答失里,原作「倒瓦刺失里」, 據上文及英宗實錄卷七一正統五年九月辛

丑 條改

= 留 其妹壻牙蘭守哈密 牙蘭,本書卷一九九胡世寧傳、 下同 世宗實錄卷八九嘉靖七年六月壬寅條、

- 맫 且言土魯番亦革心向化 土魯番, 原脫「土」字,據明史稿傳二〇二哈密傳、憲宗實錄卷二三五
- 成化十八年十二月庚午條補。
- 工 其子拜牙卽自稱速檀 拜牙卽,本書卷一九八彭澤傅、明史紀事本末卷四〇都作「拜牙郎」。
- -华五 月 拜 疏言 十 一年五月,當作「十年六月」。 按彭澤此疏, 見武宗實錄卷一二六正德
- 十年六月庚午條。
- -1:: 明 年五 月 11 肅巡撫 李昆 上言 明年, 承上指十二年,當作「十一年」。 按李昆上言,見武宗實錄
- 卷一三七正德十一年五月己丑條。
- , 门 仙 哈密後爲失拜烟答子米兒馬黑 子 馬黑麻 爲 失拜烟答子。 木 所有 馬黑木, 上文作「馬黑麻」。 按上文稱馬黑木爲寫亦虎
- ナし 與安定 一一八成化九年七月辛卯條改。 安定,原作「定安」,據本書卷三三〇安定衛傳、 明史稿傳二〇二火州傳、憲宗實錄卷
- 錄卷八八水樂十一年六月癸酉條改。 都指揮白阿兒忻台遣使偕俺的干 俺的干,原作「俺的千」,據明史稿傳二〇二火州傳、太宗實 按本書卷三三二有俺的干傳。
- 有帖木兒哥土巴者 韩江 木兒哥、本書卷一九八王瓊傳作「帖木哥」。

列

件

第二

百

+

七

校

明史卷三百三十

列傳第二百十八

西域二

西番諸衞 赤斤蒙古衛 西寧河州洮州岷州等番族諸衞 沙州衞 罕東衞 罕東左衞 安定衛 哈梅里 阿端衞 曲先衞

章古爲寧濮郡王,鎭西寧,於河州設吐番宣慰司,以洮、岷、黎、雅諸州隸之,統治番衆。 爲 《中國患尤劇。漢趙充國、張奐、段頗,唐哥舒翰,宋王韶之所經營,皆此地也。 元封駙馬 西番,即西羌,族種最多,自陝西歷四川、雲南西徼外皆是。其散處河、湟、洮、岷間者,

乃多 河州,遂詣軍前降。 **→聽命。** 洪武二年,太祖定陝西,卽遣官齎詔招諭,其酋長皆觀望。 明年五月,吐蕃宣慰使何鎖南普等以元所授金銀牌印宣敕來上,〔〕會鄧愈克 其鎭西武靖王卜納剌亦以吐蕃諸部來納款。 冬,何鎖南普等入朝貢馬 復遣員外郎許允德招之,

第二百十八 西域二

列傳

官。 人馬梅 指 並. 及 方物。 揮同 爲 乃改西寧州爲衞,以喃哥爲指 指 、汪瓦兒並爲河州衛指揮僉事。 知 揮 ,回其儕桑加朶兒只爲高昌衞指揮同知,皆帶刀侍衞。 | 僉事 帝喜 賜襲衣。 設千戶所八,百戶所七,皆命其酋長爲之。 四年正月設河州衞,命爲指揮同 揮 又遣 西寧州同 · 知李喃哥等招撫其酋長,至者亦 知,予世 1 納刺等亦至京師,為靖 襲, 自是、番酋日至。 知院朶兒只 、汪家奴 尋 南衞 悉授 以降

成又宣諭德意,番人感悅,相率詣闕謝恩。 少,患之。 帝以西番產馬,與之互市,馬至漸多。 八年五月命中官趙成齎羅綺、綾絹幷巴茶往河州市之,馬稍集,率厚其值 山後歸德等州西番諸部落皆以馬來市 而其所用之貨與中國異,自更鈔法後,馬至者 以償。

衞 JII 復爲患。 命李文忠往籌 洮 ,以指揮聶緯、陳暉等六人守之。 [度地築城置戍, 遺使來奏。 州 十二年,洮州十八族番酋三副使等叛,據納麟七站之地。 西控 慮 番戎,東磁湟、隴,漢、唐以來 小 ·費 軍事。 而忘大虞, 英等至洮州舊城,寇遁去,追斬其魁數人,盡獲畜產。 豈良策哉。 帝報曰:「洮州,西番門戶,築城戍守,扼其咽喉。」遂置洮州 E, 備邊要 所獲牛羊,分給將士,亦足充兩年軍食。 文忠等言官軍守洮州, 地。 今番寇 既斥, 餉艱 命征西將軍沐英等討之,又 棄之不守, 民勞。 帝降敕諭之曰: 遂於東籠山 數年後番 其如敕行 南

之。」文忠等乃不敢違。

甚堅。 秋 了何鎖南普及鎭撫劉溫各攜家屬來朝。 前 遺使烏斯藏, 遠涉萬 里, 及歸, 所言皆稱股意。 諭中書省臣 今以家屬來朝, 曰:「何鎖南普自歸附以來,信 宜加禮待。」乃賜 義

米、麥各三十石,劉溫三之一。

英等進擊番寇,大破之,盡擒其魁,俘斬數萬 人,獲馬牛羊數十萬。 自是,羣番震慴,不

敢爲寇。

州 茶, 狀,多假朝 番 否則偽,械至京,罪之。」自是,需求遂絕。 得萬三百餘匹, 人馬者 河州、 馬日蕃息。 十六年, ,遣官齎金、銅信符敕諭,往賜凉州、甘州 命擾害,俾爾等不獲寧居。今特製金、銅信符頒給,遇有徵發,必比對相符始行, 岷州諸番族。 青海酋長史刺巴等七人來歸,賜文綺、寶鈔。 給茶三十餘萬觔 二十五年又命中官而聶至河州 諭之曰:「往者朝廷有所需,必酬以茶貨,未許私徵。 命以馬界河南、山東、陝西騎 召 | 肅州 必里諸番族, 、永昌、山丹、臨洮、鞏昌、西寧、洮 時岷州亦設衞, 士。 以 敕諭之。 帝以諸衞將士有擅索 番人歲以馬易 爭出馬以獻 近聞 邊將 無

馬,請敕護持,賜寺額。 河州番、漢二僧綱司, 初, 西寧番僧三刺爲書招降罕東諸部,又建佛剎於碾白南川,以居其衆,至是來朝貢 並以番僧爲之,紀以符契。 帝從所請,賜額曰瞿曇寺。 自是,其徒爭建寺, 立西寧僧綱司,以三剌爲都綱司。 帝輒錫以嘉名, 且賜 叉立

列

傅

第

百十八

西域

敕護持。番僧來者日衆。

西寧十三族、岷州十八族、洮州十八族之屬,大者數千人,少者數百,亦許歲一 者,悉給以印 西番之勢益分,其力益弱,西陲之患亦益寡 永樂 時,諸衞僧戒行精勤者,多授刺麻、禪師、灌頂國 語,許之世襲,且令歲一朝貢, 由是諸 僧及諸衛土官輻輳京 師之號,有 加 至太國 師。 其 師 奉貢,優以宴 他 、西天佛子 族 種,如

正 |四品,加剌麻著星等六人爲禪師,給敕命、銀印,秩正六品 宣德元年,以協討安定、曲先功,加國師吒思巴領占等五人爲大國師,給誥命、銀印,秩

番性 羊,兵即勿進,否則加兵未晚。爾等其審之。」番人果輸服。 逃居 堂上親詣其寨,曉以利害,令還歸所掠,許其自新,不悛,則進討。 乃鈔掠屯軍,大肆焚戮;而著亦匝族番人屢於煖泉亭諸處,潛爲寇盜。指揮張瑀擒獲二 曰:「得鎭守河州都指揮劉永奏:往歲阿爾官等六族三千餘人,列營歸德城下,聲言交易,後 人,止責償所盜馬,縱之使去。 結 澒 正 《梗,且所犯在赦前,若遽加師旅,恐累及無辜。 宜使人撫諭,令散遣徒黨,還所掠牛 河里,招集徒黨,占耕土田,不注籍納賦,又藏匿逃亡,剽劫行旅,欲發兵討之。 統 五年敕陝西鎮守都督鄭銘、都御史陳鎰曰:「得奏,言河州番民領占等先因避罪, 論法,珥及永皆當究治,今姑令戴罪。 七年再敕銘及都御史王翱等 蓋馭戎之道,撫綏爲先, 爾等卽遣官偕三司

撫之不從,然後用兵。爾等宜體此意。」番人亦輸服

著爲例。 掠,是虛國帑而齎盜糧也。」章下禮部,〔三〕會廷臣議,請行陝西文武諸臣,計定貢期、人數及 名冒貢。進一羸馬,輒獲厚直,得所賜幣帛,製爲戰袍,以拒官軍。 存留、起送之額以聞, 以 成化三年,陝西副使鄭安言:「進貢番僧,自烏斯藏來者不過三之一,餘皆洮、岷寺僧詭 明年冬、洮州番寇擁衆掠鐵城、後川二寨、指揮張翰等率兵禦之,敗去,獲所掠人 報可。 已而奏上,諸自烏斯藏來者皆由 四川入,不得徑赴洮、岷, 本以羈縻之, 而 益致寇 逐

示 賞勞,宣示 夕叛,未可弛 轉相告語,悔 五. 年, 生番忍藏 朝廷恩威,皆歡躍 巡按江孟綸言:[四]「岷州番寇縱橫,村堡爲虛。 備。 過來歸,且還被掠 請諭邊臣,向化者加 、占藏等三十餘族酋長百六十餘人,熟番栗林等二十四族酋長九十一 而 去。 人畜,願供徭賦。 惟熟番綠園 意無 一級,犯順者克期剿滅。」帝納 一族怙惡不服。」 殺牛告天,誓不再犯。 頃令指揮后泰與其弟通 兵部言:「番性 其言。 已令副使李玘從宜 無常, 反覆開 朝撫

成 帛 化初,因洮、岷諸處濫以熟番作生番冒送,已定例,生番三年一貢,大族四五人,小族一二 如之,鈔二十九萬八千有奇,馬直尙在其外。 八年,禮官言:「洮、岷諸衞送各族番人赴京,多至四千二百餘人,應賞綵幣人二表裏, 考正統、天順間,各番貢使不過三五百人。

列

吳川等不能嚴飭武 人赴京,餘悉遣還。 備,專事通 成化六年,副使鄧本瑞妄自招徠,又復冒送,臣部 一番,以舒近患。 乞降敕切責,務遵前令。」帝亦 已重· 申 如其言。 ·約束。 今副 使

肅、西事始有海寇之患。九年,總制彭澤集諸道軍,將擣其巢。 四川,出松潘、茂州境,直走烏斯藏。 饒富,襲而據之,大肆焚掠。 **益**繁滋,素號樂土。 西寧卽古湟中,其西四百里有靑海,又曰 正德四年,蒙古部館亦不刺 番人失其地,多遠徙。 及大軍引還,則仍返海上,惟阿爾禿厮 西海, 阿阿 其留者不能自存,反爲所役屬。 爾禿厮獲罪其主,擁衆 水草豐美。 寇詗知之,由 番人環居之, 西奔。 遁去 河州渡黄河 專務畜牧, 瞰 自是甘 知青 海 日

骨,時欲報讐,可用爲間諜,大舉剿絕。議未定,王憲、王瓊相繼來代,皆以兵寡餉詘,議竟 兵部行總制楊一淸計度,一淸意在征討,言寇精騎不過二三千,餘皆脇從番人,然怨之入 嘉靖二年,尚書金獻民西征,議遣官招撫,許爲藩臣, 如先朝設安定、曲先諸衛故

遠矣。 徙。 先遣總兵官劉文、遊擊彭椷分布士馬。 倘二寇交通,何以善後。 八年,洮、岷諸番數犯臨洮、鞏昌,內地騷動。 乞廣先帝 之明,專充國之任 昔趙充 一,制置方略, 或 明年二月自固原進至洮、岷,遣人開示禍 不 戦而 服羌,段類殺羌百 悉聽瓊便宜從事。」瓊乃集衆 樞臣李承勳言:「番爲海寇所侵, 萬而 內 地虛耗,兩者 議 且 福 剿 日益內 且 洮州 相去 撫

歸。 簡、板爾 路 惟 木舍等三十一族,西路答祿失等十三族,岷州西寧溝等十五族,皆聽撫,給白旂 岷 二族,覆其 州東路若 巢,刺卽 籠族、西路板 諸族 震慴 爾等 十五 乞降。 族 凡斬首三百六十餘級,撫定七十餘族,乃班師 及 岷 州 刺卽等五 族,恃險 不 服。 乃 分 兵先攻若 犒 賜

自

是,洮

、岷獲寧,而

西寧仍苦寇

患。

潘 惟 我 帖 亦 落 不 水 1 兒 籬 醋 哥等屬番來 十 一 慮 孩 於 年,甘肅巡撫趙載等言:「亦不刺據海上已二十餘年, 其 計 枝斂 回巢與諸番及 爲便。」疏甫上, 公納款。 衆 自 保。 宜因 (他部 由是西 而撫之,或俾之納馬,或令其遣質,或授官給印, 會河套曾吉囊 勾結爲患,奏行甘肅守臣,繕兵積粟,爲殄滅 寧亦 獲休息,而 引衆 西掠,大破亦 納 款之議 竟寢。 不刺營,收其部落 其黨卜兒孩獨 及 唐龍 爲 總 計。 建立 傾心向化, 制 及龍 , 寇南掠松 大 衞所,為 半 去,事 前 去, 求

獻 制 馭 馬 之策 及 金牌 + 以 年 未 ĪĒ 聞 月, 有 報 如往 ト見孩 可。 歲遣子入侍、酋長 會寇 獻 金牌、良馬 勢漸衰,番 求款。 人 入朝之請 亦 漸 復業 兵部言:「寇 未 其 可 議 遽許 復 果輸 寢 誠 宜 通 令 貢, 督無臣 誠 西 偵察 陲 大 (情實 利。 並 乃止 條

,設衞治之, 1 四 年 設 俥 稍 岷 州 供 徭 隸鞏 役。 昌府。 自農 州 岷 之後, 西 臨 極 徵發繁重, 人日因 邊, 番 漢 雜 處。 洪 敝 武 時, 且 番 改 人 ·土番· 戀 世 干六 官 而 族 流 爲十六 官叉

不樂居,遙寄治他所。 越十餘年,督撫合疏言不便,乃設衞如故。

其患。隆慶中,俺答受封順義王,修貢惟謹,二子亦斂戢。 衆,襲據其地。 時 北部俺答猖獗,歲掠宣、大諸鎭。 卜兒孩竄走,遂縱掠諸番。已,引去,留實兔據松山,丙兔據青海,西寧亦被 又羡青海富饒,三十八年攜子賓兔、丙兔等數萬

雖 若因而許之,以鼓其善心,而杜其關外之請。況中國之禦戎,惟在邊關之有備。 外,爲久居計。 懼逼,乞令俺答約束其子,毋擾鄰境。 亦不在一寺之遠近。」帝許之。丙兔旣得請,又近脅番人,使通道松潘以迎活佛。 有禁令,不能 時烏斯藏僧有稱活佛者,諸部多奉其敎。丙兔乃以焚修爲名,請建寺青海及嘉峪關 萬曆二年冬,許丙兔市於甘肅,賓兔市於莊浪,歲一次。 廷臣多言不可許,禮官言:「彼已採木興工,而令改建於他所,勢所不能,莫 盡制。宣大總督方逢時亦言開市爲便。 俺答言,丙兔止因甘肅不許開市,寧夏又道遠艱難 帝以責陝西督撫,督撫 旣而 寺成,賜額 仰華。 不敢違。 戎之順逆, 四川守臣

先是,亦不刺之據青海,邊臣猶以外寇視之。 至是以俺答故,竟視若屬番。

劉世 地, 父受王封, 他族 英日 亦 「彼犯河州、非我失事。」由是二將有隙。 不敢大爲邊患, 乘機 爲亂。 奸民以 而洮州之變乃起。 告河州參將陳堂,堂曰:「此洮州番 初,洮州番人以河州奸民負其物貨, 總督石茂華聞之,令二人及蘭州參將徐 也 一,何 與我 事。」洮州 入掠內 參將

英謂首惡未擒,不可遽已,遂剿破之,殺傷及焚死者無算。 爋 餘人,獲孳畜數十羣。 震怒,褫堂、世英職,切責茂華等。 慽,不待角聲而去,諸部亦多引去。 、岷州守備朱憲、舊洮州守備史經各引兵壓其境,曉以利害。 諸番震恐遠徙,來降者七十一族,斬送首惡四人,生縛以獻者二人, 茂華乃集諸軍分道進討,斬首百四十餘級,焚死者九百 憲、經方深入搜捕,鄰番見其勢孤,圍而殺之。 軍律,吹鲖角乃退兵。 番人懼,卽還所掠 人畜 事聞,帝 堂挾前 世:

輸馬牛羊二百六十。

稽首謝罪,誓不再犯,師乃還。

即,且 率衆 道赴 卒,傳至孫 र्ता 自 得 春,始以活 罰 志, 俺答益 牛羊 掠 烏斯藏 自 開 邀俺答往助。 番 丙兔據青海,有切盡台吉者,河套會吉能從子,俺答從孫也,從之而 茶市。 七 並 扯 佛言東還,而切盡弟火落赤及俺答庶兄子永邵 感 內地 百 力克, 德。 守臣不能拒,遂越甘肅 部議 帝嘉 人畜, 而 勢輕 不許,但稍給以茶。 火落赤侵掠 俺答雅欲侵瓦剌,乃假迎活佛名,擁衆 其父恭順,賚之銀幣, 詔絕其 一不能 制諸 、市賞。 番族不休,守臣檄切盡台吉約束之,亦引罪輸 俺答聞之,馳書切責。 而 南, 俺答旣抵瓦剌,戰敗 刨 以牛羊賜其部 海 Ė 1 遂留 乃盡還所掠,執獻爲惡者六人, 番 西行。 而 人, 人益 還。 居青海 爲惡者付之自治, 遭蹂躪, 疏請授 乃移 不 害甘肅 西 去。 丙 冤都督, 多竄 八 屢掠番 守臣 月, 徙。 及俺答 仍許貢 一,乞假 賜 八 人 年 金

列

河州、臨洮、 之,勢益熾。 火落赤移駐捏工川,逼近 愬, 奎拔刀斫之, 衆遂射奎死。 西陲大震。 畜而止。 十六年九月,永邵卜部衆有闌入西寧者,副總兵李奎方被酒, 以故無所憚,愈肆侵盜。 渭源。 十八年六月入舊洮州,副總兵李聯芳率三千人禦之,盡覆。 總兵官劉承嗣與遊擊孟孝臣各將一軍禦之,皆敗績,遊擊李芳等死焉, 西寧, 部卒馳救之,亦多死。 日蠶食番族。 時丙兔及切盡台吉亦皆死, 番不能支,則折而 守臣不能討,遣使詰責,但獻首惡,還 爲寇用。 丙兔子眞相 躍馬而 七月復深入,大掠 前。 扯力克又西行助 移駐莽刺川, 部衆控鞍欲

|][**酋卜失兔來助,大敗於水泉口,扯力克復將還巢,始懼。** 克 至八萬餘人,四陲暫獲休息。已,復聚於青海。 東歸,而大布招番之令,來者率善遇之,自是歸附者不絕。火、眞二酋自知罪重,又聞套 明年,總兵官尤繼先破走之。洛更進兵青海,焚仰華寺,逐其餘衆而還。番人復業者 事聞,命尚書鄭洛出經略。洛前督宣一大軍,撫順義王及忠順夫人有恩。 徙帳去, 留其黨可卜冤等於莽刺 遣使趣扯力

已,連火、眞二

宣犯 二十三年增設臨洮總兵官,以劉綎任之。 西川,雲又擊破之。 明年,諸酋復掠番族,將窺 未幾,永邵卜諸部犯南川,參將達雲大破之。 內地。 艇部將周國柱禦

級,寇八十二級,撫降番族五千餘人。 三十四年復入鎭番黑古城,以為總兵官柴國柱所

敗。 自是屢入鈔掠,不能 大得志。

三十 青海 番 猶 族 不 亦 甚 時爲 遭蹂 劇 族 諸 《陝西患者,有三大寇:一 而 還。 崇禎十一年,李自成屢爲官軍擊敗,自洮州 躪 所,而 十 明年冬,李自成遣將陷甘州,獨 Ť. 年,西· 明室亦亡。 寧番族作亂,總兵官馬 河套,一松山, 西寧 青海。 **爌督諸將五** 亦下。 、軼出番 青海土最沃,且有番 賊將辛恩忠攻破之,日逐進掠 地。 道進剿,斬首七百 諸將窮追,復奔入塞內, 人屏蔽,故患 1有奇, 撫降

中 海 國 爲 त्त 寇 番 有 馬 所據,番不 亦鮮 生 熟 至,蓋 三種。 堪 已失捍外 剽奪,私饋皮幣曰 生番 獷 悍難 衛內之初意矣 制 手信, 熟番 納 歲時加饋 馬中茶,頗柔服,後寖通 日 「添巴, 或反爲嚮導, 生番爲i 交通 內 地 患。 無忌 自青

而

與番 不敢 番 ට 南捍諸 得 族交通 爲 原夫 以馬 惡。 太祖 番 一。西 易茶。 刨 一,俾 小 甫定關 **陲遂多事** 有 不 得相 蠢 而 中, 部族之長,亦許 動,邊將 合。 刨 然究其時之所患,終在寇而不在番,故議者以 法漢武 叉遣 以 偏 西寧等四衞土官 師制之,靡不應時底定。 創河西 其歲時朝貢,自通 四 郡 隔 絶羌、 「與漢官參治,令之世守。 名號於天子。 胡之意, 自邊臣失防,北寇 建重鎭於甘肅, 彼 勢旣 太祖 且多 分,又 制 得 馭 越境闌 置茶課司 以 動 北 於 拒蒙 利,

列

傳

第

王鎭之。 安定衞,距甘州西南一千五百里。 其地本名撒里畏兀兒,廣袤千里,東近罕東,北邇沙州,南接西番。 漢爲婼羌,唐爲吐蕃地,元封宗室卜烟帖木兒爲寧 居無城郭,以

氊帳爲廬舍。

產多駝馬牛羊。

從之。 諸 錫以印。 物。 洪武三年遣使持詔招諭。 乃封卜烟帖木兒爲安定王,以其部人沙刺等爲指揮。 太祖喜,宴資其使者,遣官厚資其王,而分其地爲阿端、阿真、苦先、帖里四部,只己各 明年正月,其王遣傅上顏不花來貢,上元所授金、銀字牌,請置安定、阿端二衞, 七年六月,卜烟帖木兒使其府尉麻答兒等來朝,貢鎧甲刀劍

官。日禄,爾是隨之入朝,貢馬謝恩。帝厚賚之,復命中官齎銀幣往賜。 署 九 大肆殺掠,奪其印去,其衆益衰。二十五年,藍玉西征,徇阿眞川。 板 1咱失里復讐,誅沙刺。沙刺部將復殺王子,部內大亂。番將朶兒只巴叛走沙漠,經安定, 年命行人陳誠至其地,復立安定衞。 山谷不敢出。 九 (年命前廣東參政鄭九成等使其地,賚王及其部人衣幣。 明年,王爲沙剌所弑,王子 及肅王之國甘州,遣僧謁王,乞授官以安部衆。王爲奏請,帝許之。二十 其酋長哈孩虎都魯等五十八人悉授指揮、千百戶等 土

全

司

徒

哈

等

懼

、

逃

之。今安定遼遠,運茶甚難,乞給以布帛。」帝曰:「諸番市馬用茶,已著爲例。 力 **後仍給茶。」於是定制,上馬給布帛各二匹,以下遞減。** 五百匹, 愈事,餘授官有差,幷賜本衞指揮同知哈三等銀幣。 加 藏卜等爲指揮等官,且請歲納孳畜什一,並從之。 永樂元年遣官齎敕撫諭撒里諸部。 命河州衞指揮康壽往受之。 壽言:「罕東、必里諸衞納馬,其直皆河州軍民運茶與 明年,安定頭目多來朝,擢千戶三卽等三人爲指揮 未幾,指揮朶兒只束來朝,願納差發馬 三年,哈三等遣使來貢,奏舉頭目撒 四年徙駐苦兒丁之地。 今姑從所請,

朝貢不輟 年五 初,安定王之被殺也,其子撒兒只失加爲其兄所殺,部衆潰散,子亦攀丹流 月率衆入朝,自陳家難,乞授職。 帝念其祖率先歸附,令襲封安定王,賜印誥。 寓靈藏。 自是

遁。 壽等皆進秩。 擒七十餘人,獲駝馬牛十四萬有奇。

曲先聞風遠竄,追之不及而還。

英以此封會寧伯,C101 康壽等討之。 曲 先指揮散 英等踰崑崙山 二十二年,中官喬來喜、鄧誠使烏斯藏,次畢力术江黃羊川。 卽 英等率西寧諸衞軍及隆奔國師賈失兒監藏等十二番族之衆,深入追賊,賊遠 思等率衆邀劫之,殺朝使,盡奪駝馬幣物而去。 大軍旣旋,指揮哈三等懼罪,不敢還故地。 西行數百里,抵雅令闊之地,遇安定賊,擊敗之,斬首四百八十餘級,生 仁宗大怒,敕都指揮李英偕 安定指揮哈三孫散哥及

列

傳第

二百十

八

西域

宣 一德元 年,帝遣官招諭之,復業者七百餘人。 帝並賜綵幣表裏,以安其反側。 三年春,

賜安定及曲先衞指揮等官五十三人誥命。

納族瞰桑哥軍遠出 初,大軍之討賊也,安定指揮桑哥與罕東衛軍同奉調從征。 ,盡掠其部內廬帳畜產。事聞,降敕切責,令速歸所掠,違命則發兵進討。 罕東違令不至,其所轄板

已,進桑哥都指揮僉事

下。 往 終 亦攀丹卒,子領占幹些兒襲。 怒,敕責安定王追理。王旣奉命,又陳詞乞憐。帝乃宥之,諭以保國睦鄰之義。十一年冬, 那 南奔嗣職。九年,那南奔率衆掠曲先人畜。朝廷遣官諭還之,不奉命,反劫其行李。帝 「諭朕意,賜以幣帛。 宜益順天心,篤忠誠,保境睦鄰,永享太平之福。」三年,桑哥卒,其子 不替,朝廷恩賚亦久而弗渝。肆朕嗣位,爾等復遵朝命,約束部下,良用爾嘉。 王遣之入朝,奏請量加一秩,乃擢都指揮僉事。 正統元年遣官齎敕諭安定王及桑哥曰:「我祖宗時,爾等順天命,尊朝廷,翰誠効力,始 時王年幼,叔父指揮同知輟思泰巴佐理國事,其同儕多不相 歷景泰、天順、成化三朝,頻入貢 兹特遣官

無子。 爲忠順王,命千奔遣送其家屬。千奔怒曰:「陝巴不應嗣王爵,爵應歸綽爾加。」綽爾加者,千 弘治三年,領占幹些兒卒,子千奔襲。 廷議安定王與之同祖,遣官擇一人爲其後,安定王不許。 賜齋糧、麻布、諭祭其父。先是、哈密忠順王卒, 至是,訪求陝巴於安定,册

以立 者,綽爾 奔弟也。 非 己意,後 加 且邀厚賞。兵部言:「陝巴實忠順王之孫,素爲國 自 知 哈密數被寇,竟不應援。 力 弱 不肯往 今事定之後, + 七年率衆侵沙州, 乃爾 反 覆, 所言不可從。」陝巴迄得立。 人所服。 大掠 前 而 去。 哈密無主,遣使 正德時,蒙古大會 然 取 千奔 應立

亦不

刺

阿爾

禿

厮侵據青海,縱掠鄰境。

安定遂殘破,部衆散亡。

孔道 冬,酋長小薛 僉事 是眞只罕 率部衆遠竄,失其印。 爲 一、恐復 **愛。」天** 言:一曲先衞 洪熙時,曲先會散卽思邀劫朝使,脅阿端指揮鎖魯丹偕行。已,大軍出征,鎖魯 阳 卜答兀 端端 率 衛,在撒里畏兀兒之地,洪武八年置。後爲朶兒只巴殘破,其衞遂廢。 【爲亂,宜討之。」帝敕昭曰:「殘寇窮迫,無地 子 所部還居帖兒谷舊 副 忽魯札等來朝,貢方物,請復置衞設官,從之,即授小薛等爲指揮愈事 從 之。 其 眞只罕等本別一部,因其父助散卽 請, 眞只罕因言:「 宣德初遣使招撫,鎖魯丹猶不敢歸,依曲先雜處。六年春,西寧都 仍給 以 印, 地。 阿端 賜 璽書撫慰之。 明年正月入朝,天子喜,授指揮同知,令掌 故 城 在 回回回 迄正統朝,數入貢,後不 境,去帖兒谷尙 思爲逆,竄處畢力术江。 自容,宜遣人宥其罪, 一月程, 知所終 朝貢 命 其地當 衞 復 艱 事 改業。」 永樂四年 , 乞移本 鳥 以 丹 指 斯 於 揰 藏

列

傅

第

百

+

八

两

域

、時西域地亦有名阿端者,貢道從哈密入,與此爲兩地云。

曲先衞,東接安定,在肅州西南。古西戎,漢西羌,唐吐蕃,元設曲先答林元帥府。 洪武時,酋長入貢。命設曲先衞,官其人爲指揮。後遭朶兒只巴之亂,部衆竄亡,倂入

安定衞,居阿眞之地。永樂四年,安定指揮哈三、散卽思、三卽等奏、「安定、曲先本二衞,後 揮使,掌衞事,散卽思副之。又從其請,徙治藥王淮之地。自是屢入貢。 合爲一。比遭吐番把禿侵擾,不獲寧居。乞仍分爲二,復先朝舊制。」從之。卽令三卽爲指

宣德初,天子赦其罪,遣都指揮陳通等往招撫,復業者四萬二千餘帳。 入朝謝罪,貢駝馬,待之如初。尋擢散即思都指揮同知,其僚屬悉進官,給以誥命 乃遣指揮失刺罕等

洪熙時,散卽思偕安定部酋劫殺朝使。已,大軍往討,散卽思率衆遠遁,不敢還故土。

往征之。 督史昭爲大將,率左右參將趙安、王彧及中官王安、王瑾,督西寧諸衞軍及安定、罕東之衆, 生擒脫脫不花及男婦三百四十餘人,獲駝馬牛羊三十四萬有奇。自是西番震慴。 五年六月,朝使自西域還,言散卽思數率部衆邀劫往來貢使,梗塞道途。天子怒,命都 昭等兵至其地,散卽思先遁,其黨脫脫不花等迎敵。自己諸將縱兵擊之,殺傷甚衆, 散卽思

所掠。 職者八十九人。正統七年遣使貢玉石。 臣 掠 . 日 者五百人。 七 其年,散即思卒,命其子都立 年,其指 今散即思已蒙赦宥,而臣 揮那那罕言: 「往者安定之兵 嗣職,賜敕勉之。 等親屬 成化時,土魯番强,被其侵掠。 彼不自言,何由知之。」即敕安定王亦攀丹等悉歸 從討 猶 未還, 曲 先, 十年擢那那罕都指揮僉事 望聖 臣二女、 |明垂憐。」天子得 四弟及指揮桑哥等家屬被 奏惻然, ,其僚屬進 話 大

厮亦不刺竄居青海,曲先爲所蹂躪,部族竄徙,其衞遂亡。 弘治中,安定王子陝巴居曲先。 廷議哈密無主,迎爲忠順王。 正德七年, 蒙古角 阿爾

盡亡, 沙州 難 馴。 、赤斤 明初設安定、阿端、曲先、罕東、赤斤、沙州 亦不 於是河西外防大寇, 隸肅州,餘悉隸西寧。 刺 據 青 海, 土 魯番 內防諸番,兵事日 復 據哈密, 時甘州 西南盡皆番族,受邊臣羈絡,惟北面防寇。 逼處關外。 亟 諸衛,給之金牌, 諸衛遷徙之衆又環列甘肅肘腋, 令歲以馬易茶, 謂 之差發 後 獲悍 諸衞

五五六

八

墓,墓西四十里日 赤斤蒙古衞 騸馬城,並設墩臺,置瞭卒。 出嘉峪關西行二十里日大草灘, 城西八十里即赤斤蒙古。 叉三十里曰黑山兒, 漢燉煌郡地,晉屬 又七十里日回回

晉昌郡,唐屬瓜州,元如之,屬沙州路。

憐眞

及其部

曲

千四百人,金印一。

洪 武 十三年,都督濮英西討,次白城,獲蒙古平章忽都帖木兒。 進至赤斤站,獲豳王 亦

師還,復爲蒙古部

人所據

肅州 塔力尼指 知 來歸 其僚屬亦多進秩 用 ,賜賚甚厚。 侍講楊榮言, ,約塔力尼 永樂二年九月,有塔力尼 韶設赤斤蒙古所,以塔力尼爲千戶,賜誥印、 揮僉事,其部下授官者三人。 為援。 **外之卒,子且旺失加襲,修貢** 止兵勿進,而賜敕詰責,塔力尼卽擒老的罕來獻。 拒不應,而率部下擒賊六人以獻。 者, 自稱丞相苦术子。 明年遣使貢馬。 如制,進指揮使。 綵幣、襲衣。 率所部男婦 叉明 天子聞之喜, 年以 宣德二年再進都指揮同知, 五百餘 八年, 匿叛賊老的罕, 天子嘉之, 進秩指揮同 韶改千戶所爲 回回 人, 自哈剌脫 哈剌馬牙叛於 將討之。 衞,擢 之地

密者,且旺失加具餱糧、騾馬護送,擢都督僉事。明年,天子聞其部下時往沙州寇掠,或冒 掠。 尋與蒙古脫歡帖木兒、猛哥不花戰,勝之,使來獻捷,進都指揮使。 正 統 元年,其部下指揮可兒即掠西域阿端貢物,殺使臣二十一人。賜敕切責,令還所 五年,朝使往來哈

沙州名,邀劫西域貢使,遣敕切責。

之。 子諭 以此 邊將 二人不欲,並奏遵奉朝命,不敢擅婚。 以土 也先 意諭 時 八年,瓦剌酋也先遣使送馬及 瓦 復遣 也先, 刺 地不可棄,令獎率 兵强,數侵掠鄰境。 使求婚,且請 而二人終不欲。 頭 親 目圖 人往受其 且旺 明年, 自 强。 酒,欲娶且旺 失加懼,欲徙居肅州。 天子以瓦剌 、幣物。 且 叉以 旺 失 加稱 其 阿速虞其 饑困,令邊臣給之粟,所以撫恤者甚至。 失加女爲 方强, 其禮意不可 老不 詐, 治 事。 子婦,娶沙州困卽來女爲弟婦 拒 天子聞而諭止之, 令有警馳報 不從,而遣人乞徙善地。 韶授其子阿速都督僉事 却, 諭 令各從其願, 並

所部 子來 而 部 令禮 爲 報 歸,並 三,凡 內 先是,苦术娶西 怨。 屬 往 取 一授官。 西番 其孥。 邊將 官軍 |人居 出 任 至是阿速勢盛,欲 .擊之,獲總兒加陸,已而逃去。 事聞,敕責 十三年,邊將護哈密使臣至苦峪。 禮遣赴京,請發兵收其 左帳,屬塔力尼,蒙古 番女,生塔力尼 -; 兼 幷 右 帳 , 又 娶蒙古女, 、部落。帝慮 人居右帳,屬瑣合者,而自領中帳。 屢相 生都指揮瑣合者、革古者二人。 警殺。 其部人不願 赤斤 都指 瑣 阿速,令縛獻 合者 揮總兒加 內徙,仍遣 不能支,愬 陸 犯 等率 瑣 者 於 合者還甘肅, 後苦术卒,諸 衆 邊將,欲以 重 各分所 「其城,

「赤斤諸衞 景泰 二年, **人為我藩籬,也先無故招降結親,意在撤我屛蔽。** 也先復遣使持書求婚。會阿速他往,其僚屬以其書來上。 宜令邊臣整兵慎防,幷敕 兵部: 尚書于謙

阿速

不從,報之邊臣

會也先被殺,獲已。

阿速 悉 力捍禦, 有警馳報, 發兵應援。」從之。 Ŧî. 年, 也先益圖兼幷,遣使齎印授阿速,脅令

服,乞命爲 師。 年卒 明年 天子 天 子瓦撒 順 ,瓦撒塔兒卒,子賞 數 元 都督, **漢罪**, 年,都指揮馬雲使西域, 塔兒請 理衞 賜賚遣還。 襲, 事 0 卽以父官授之。 瓦撒塔兒 人卜塔兒 六年, 其部人以瓦 嗣 亦 命賜 爲左都督。 上書,乞予一 其部 阿速綵幣, 下指揮敢班數侵盜 撒塔兒幼弱,其叔 職,協守邊方。 俾護送往還。 邊境, 父乞巴等二人爲部 尋進 帝從其請, 秩左都督。 邊將誘致之, 並授指 成化二 揮僉 族信 送京

都 來 督李文等計度。 獻 九 年, 天子嘉之, 土魯 番陷 一哈密,遣使三人,以書招 遣使 已,文等進征,昆藏果以兵 以賜賚, 且令發兵攻討。 都督 來會。 昆藏 愈事昆藏 以 會文等頓軍 力不 同 足,請發官軍 叛。 昆藏 不進,其兵 不從, 數 干 殺 亦還 - 爲助 其使, 朝議 以其

-

年

」,賞

卜塔兒

以千

騎

入肅

州

境,

將與阿

年族番

人

警

役

。

邊臣旣諭

却之,

兵部

請遣人

舉,且 指 責 揮 以 哈密都督罕慎結赤斤爲援,復其城,有詔褒賞。 僉事 大義,有 云 兩衛番 加定得衆心,乞遷一 讐 人,待此以靖。 則 赴愬邊 吏, 不得擅相侵掠 秩, 俾總衞事。 帝納其言,擢 、從之。 加定都指揮僉事 賞卜塔兒亦署名推讓。 十四四 年,其部人言賞卜塔兒幼不更事 ,暫掌印務。 而 罕東酋長 時土魯番猶據哈 復 合詞奏

西征 繕治 略,始以印 其城, 十九年,鄰番野乜克力來侵,大肆殺掠,赤斤遂殘破。 亦以兵來助。 來 令流移者復業,赤斤自是不振。 歸 已,番賊犯 正德八年, 肅州 土魯番遣將據 與中國爲難。 然弘治中, 哈密, 赤斤當其衝,益遭蹂躪。 遂大掠赤斤, 阿木郎破哈密, 其酋長訴於邊臣,給之粟。 奪其印而 **猶用其兵。** 部衆不能自存,盡 去。 及彭澤經 後許進 叉命

督, 統其部 嘉靖 七年, 帳。 總 督王瓊撫安諸郡,核赤斤之衆僅千餘人。 乃授賞卜塔兒子鎖南束為都

內徙肅州

之南

Щ

,其城遂空。

因之,後沒於吐蕃。 西 沙州路。 四 百四十里始達沙州。 沙 州衞。 自赤斤蒙古西行二百里曰苦峪,自苦峪南折而西百九十里曰瓜州,自瓜州 宣宗時、張義潮以州內附、江三置歸義軍、授節度使。 漢燉煌郡西域之境, 玉門、陽關並相距不遠。 後魏始置 宋入於西夏,元爲 沙州 唐 而

璞玉。 武二十四年, 永樂二年,酋長困即來、買住率衆來歸。 蒙古王子阿魯哥失里遣國公抹台阿巴赤、司徒苦兒蘭等來朝,貢馬及 命置沙州衛,授二人指揮使,賜印誥、冠帶、

列

住部 襲衣 綵幣,尋進秩都督僉事 八年擢 曲 困 E 瓦剌賢義王太平部下來貢,中道為賊所梗,困即來遣人衞送至京。 今官居其上, 即來都指揮僉事 其部 下赤納 高下失倫,已擢買住爲都指揮同 來附,授都指揮僉事。 ,其僚屬進秩者二十人。 五年夏,敕甘肅總兵官宋晟曰:「聞赤納本買 買住 知 卒, 困卽來掌衞事,朝貢不絕。 自今宜詳爲審定, 毋或失序。」 帝嘉之,賚以

至沙州 州授糧五百石。 肅州 「番人卽吾人,何貸爲。」命卽予之。尋遣中官張福使其地,賚綵幣。 守將費瓛剿之。 洪熙元年,亦力把里及撒馬兒罕先後入貢,道經哈密地,並爲沙州賊邀劫。 爲盜,罪不可貸。 已而哈烈貢使言道經沙州,為赤斤指揮革古者等剽掠。 宣德元年,困卽來以歲荒人困,遣使貸穀種百石, 帝令困卽來察之,敕曰:「彼旣爲盜,不可復容,宜驅還本土,再犯 七年又奏旱災,敕於庸 秋成還官。 部議赤斤之人遠 宣宗怒,命 帝曰:

外侮亦自取 西番,果侵奪人畜,速還之。明年又爲哈密所侵,且懼瓦剌見逼,不能自立。乃率部衆二百 止 一之曰:「爾居沙州三十餘年,戶口滋息,畜牧富饒,皆朝廷之力。往年哈密嘗奏爾侵擾,今 九年遣使奏罕東及西番數肆侵侮,掠取人畜,不獲安居,乞徙察罕舊城耕牧。 但當循分守職,保境睦鄰,自無外患。 何必東遷西徙,徒取勞瘁。」又敕罕東、 帝遣敕

餘 人走附塞下,陳饑窘狀。 詔邊臣發粟濟之, 且令議所處置。 邊臣請移之苦峪,從之。 自

是不復還沙州,但遙領其衆而已。

峪城,率戍卒助之。六年冬,城成,入朝謝恩,貢駝馬,宴賜遣還。 部多 畜以歸。 年遣使入貢,又報迤北邊事,進其使臣二人官。初,困卽來之去沙州也,朝廷命邊將繕治苦 駐牧沙州 還其 逃之戶 困 刨 來 貢 不奉命。 正 。而哈密僅還都指揮桑哥失力等八十四家,餘仍不遣。時罕東都指揮班麻思結 物 奉 統 不去,赤斤都指揮革古者亦納其叛亡。困卽來屢訴於朝,朝廷亦數遣敕詰責,諸 ·詔索之,不予。朝命忠順王還之,又不予。 ,帝嘉之,擢都督同知。四年,其部下都指揮阿赤不花等一百三十餘家亡入哈密 元年,西域阿端遣使來貢,爲罕東頭目可兒卽及西番野人剽奪。 四年八月令人偵瓦剌、哈密事,具得其實以聞。帝喜,降敕獎勵,厚賜之。 會遣使册封其新王,即令使人索還所 七年率衆侵哈密,獲其人 困卽來奉命往追 明 久

哥亦 撫 賜 敕 諭 來言 其衆,而 戒 九 諭 年,因即來卒,長子喃哥率其弟克俄羅領占來朝。 ,欲居肅州 既還,其兄弟 親 率兵隨其 之小鉢和 後。 乖 爭, 部衆攜貳。 寺。 比至,喃哥意中變,陰持兩端,其部下多欲奔瓦刺。 禮等遂以十一年秋 甘肅鎭將任禮等欲 令都指揮毛哈刺等偕喃哥先赴沙州, 授喃哥都督僉事 乘其窘乏,遷之塞內。 ,其弟都指 禮等進兵 揮使, 而喃

列

傳

第

百十

八

西

域

所有。 迫之,遂收其全部入塞,居之甘州,凡二百餘戶,千二百三十餘人,沙州遂空。 而來,情不可測,令禮熟計其便。 獨哺哥弟鎖南奔不從徙,竄入瓦剌,也先封之爲祁王。 然自是安居內地,迄無後患。 禮偵知其在罕東,掩襲獲之。 而沙州為罕東酋班麻思結 帝以其迫之

諸衛亦漸不能自立、肅州逐多事。 先是,太宗置哈密、沙州、赤斤、罕東四衞於嘉峪關外,屏蔽西陲。 至是,沙州先廢,而

廷臣請正法,帝念其父兄恭順,觅死,徙東昌。

寇祁者孫至罕東地,其部衆多竄徙。 刺思遣使入貢,詔置罕東衞,授指揮僉事 罕東衞,在赤斤蒙古南,嘉峪關西南,漢燉煌郡地也。 西寧三剌爲書招之,遂相繼來歸。三十年,6鎖南吉 洪武二十五年,涼國公藍玉追逃

數入貢。 永樂元年偕其兄答力襲入朝,進指揮使。 十年,安定衞奏罕東數爲盜,掠去民戶三百,復糾西番阻截關隘。 授答力襲指揮同知,並賜冠帶、鈔幣。 帝降敕切責,令 自是

還所掠。十六年命中官鄧誠使其地。

洪熙元年遣使以卽位諭其指揮同知綽兒加,賜白金、文綺。 時官軍征曲先賊, 罕東指

年論 揮 使 從 却 征 百五十匹, 里加從征有功,擢都指揮僉事,賜誥世襲。 曲 先功,擢綽兒加都指揮同知。 其人多逃居赤斤, 乞招撫復業。 初,大軍之討曲先也,安定部內及罕東密羅 其指揮那那奏所屬番民千五百,例納差 帝卽命招之, 幷発所負之馬。 宣 族 德 人 元

悉驚竄。 人,安定部人亦還衞。 事定, 詔指 揮陳通等往招。於是罕東復業者二千四百餘帳,男婦萬七千三百餘

掠。 糧、茶布,命悉予之。 產 有言,亦不能盡從也。 百匹,牛羊無算。 室,歲辦差發馬無從出。帝切責二衞,數其殘忍暴橫、違國法、毒鄰境之罪,令悉歸所 又諭僧不限舊制,隨所有入貢。明年冬,綽兒加偕班麻思結共侵哈密,獲老稚百人、馬 正統四年,罕東、安定合衆侵西番申藏族,掠其馬牛雜畜以萬計。其僧訴於邊將,言畜 忠順王遣使索之,不予。 十一年進都指揮 六年夏,綽兒加來貢馬,宴賚還。 使。 帝聞,復賜敕戒諭。 九年卒,子賞卜兒加嗣職,奏乞齋 然番人以剽掠爲性,天子卽

婦五 其兵 哈密、未有攜 十餘 ,賜敕獎賚。 人,馬牛雜畜四千五百有奇。 熕 之形,奈何因 十八年,其部下掠番族,有侵入河淸堡者。 小故遽加以兵。 邊臣 .請討其罪,部臣難之。 宜諭令悔過,不服, 都指 則耀兵威之。」二十二年, 揮梅琛勒兵追之,奪還男 帝曰:「罕東 方聽調 協取

成化

九年,土魯番陷哈密。

都督李文西征, 罕東以兵來助。

後都督罕慎復哈密,亦藉

列

傅

第

百

+

八

西域

明

去,朝使僅殆,乞討之。」帝命遣人往諭,如番人例議和,還所掠物,不從則進兵。 邊臣言。「比遣官往哈密,與土魯番使臣家屬四百人偕行。道經罕東,爲 都督把麻奔等掠

嘉靖時,總督王瓊安輯諸部,移罕東都指揮枝丹部落於甘州。 蹦,其衆益衰。 印誥及人畜。 前策。會罕東失期不至,官軍仍由大路進,賊得遁去。十二年,其部人侵西寧隆奔族,掠去 道,不旬日可達哈密,宜出賊不意,從此進兵。这升曰:「如若言,發罕東兵三千前行,我師 三千後繼,各持數日乾糧,兼程襲之,若何。」「翥稱善。」文升以屬巡撫許進,進遣人諭罕東如 時土魯番 弘治中,土魯番復據哈密。兵部馬文升議直擣其城,召指揮楊翥計之。翥言罕東有間 。兵部請敕都督,宣諭其下,毋匿所掠物,盡歸其主,違命則都督自討,從之。 日强,數侵掠鄰境,諸部皆不能支。 後土魯番復陷哈密,直犯肅州。 罕東復殘破,相率求內徙,其城遂棄不守。 正德中,蒙古大酋入青海,罕東亦遭蹂

其子班麻思結,洪熙時從討曲先有功,賞未之及。宣德七年自陳於朝,卽命爲罕東衞指揮 率 其 梁 罕東左衞,在沙州衞故城,憲宗時始建。 逃 居沙州境。 朝廷卽許其耕牧,歲納 馬於肅州。 初,罕東部人奄章與種族不相能,數響殺,乃 後部落 日蕃,益不受罕東統屬。 至

賜敕獎賚。 然猶居沙州,不還本衛。 十年進都指揮使

保境, 班 其 班 命 麻 子 麻 往鳥 思結 尋 思 IE. 進 無啓釁端。 結潛與瓦 統 斯藏 秩都指 不 四年,沙州 奉 命。 取毒藥,將還攻赤斤。 揮使。 刺也先通好,近又與哈密構兵, 久之, 時赤斤衛指揮鎖合者因殺人遁入沙州 衞 都督困卽來以班 歷景泰、天順 沙州 全部悉內徙,思結 赤斤都督且旺失加以爲言,天子卽敕諭 朝,朝貢 脈思結侵居其地,乞遣還。 示 廢 逐盡有其 宜令還居本衞。 地。 地, 班麻 十四年,甘肅鎭臣任 天子再賜敕宣諭 思結 天子如其言,賜敕宣諭 納之。 班麻 鎖合者又令 思結睦鄰 禮等奏, 亦不奉

部言 克 州 故 嫌 接 一般掠 城置 隙 境, 有 斯級 ,不相救援。 「近土魯番 成 息其逼己,欲自 化 罕東左衞,令只克 人畜。 功, 中 班麻 亦 乞弁 叉値 吞噬哈密,罕東諸衛各不自保,西鄙 倘沙州 思 敍 歲 結卒,孫只克 爲 飢 一衞。 仍 ,人思流 更 乃擢只克都 以都 無 人 + 統 指揮 竄。 Ħ. 嗣 理 年 職 督僉事 使統治。」從之。 ,勢必爲强 已發粟五百石, 九 ,部衆益 月 奏請 ', 餘 盛 報 敵所 如 罕東 可 其時, 幷,邊方愈多事。 爲 令 之不寧。 、赤斤例, 布 種,仍 年, 魯番 乞人給月糧 甘肅 而 立衞 强,侵據 赤斤、 守臣言:「北 賜印 宜 、罕東、苦峪 如所 哈密。 ٠, 捍 振 請,卽 之。 禦 寇 只克 西 屢 於 陲 叉 沙州 各 與之 犯 懷 兵

弘治 七年 · 指 揮 王永言「先朝建哈密衞, 當西域要衝。 諸番入貢至此,必令少憩以館

明

用。 穀之, 之,復諭二部解讐息爭,不得搆兵召釁。 利害共之。 人咸思報怨。宜旌勞二部,令幷力合攻,永除厥患,亦以寇攻寇一策也。」章下兵部,不能 十七年,瓦剌及安定部人大掠沙州人畜。只克不能自存,叩嘉峪關求濟。天子旣振給 聞罕東左衞居哈密之南,僅三日程,野乜克力居哈密東北,僅二日程,是皆唇齒之地, 或遭他寇剽掠,則人馬可以接護,柔遠之道可謂至矣。今上魯番竊據其地,久而不 去歲秋,土魯番遣人至只克所,脅令歸附,只克不從。又殺野乜克力頭目,其部

藩 不能制。 籬。 只克卒,子乞台嗣。 正德四年,只克部內番族有劫掠鄰境者,守臣將剿之。兵部言:「西戎强悍,漢、唐以來 今番人相攻,於我何預,而遽欲兵之。 我朝建哈密、赤斤、罕東諸衛,授官賜敕,犬牙相制,不惟斷匈奴右臂,亦以壯西土 十一年,土魯番復據哈密,以兵脅乞台降附,遂犯肅州。 。宜敕都督只克,曉諭諸 族,悔過息兵。」報 可。

自立,相率徙肅州塞內。 守臣不能拒,因撫納之。

乞台卒,子日羔嗣。 十六年秋入朝,乞賞賚。 禮官劾其越例,且投疏不由通政司,請治

館伴者罪,從之。

乞台旣內徙,其部下帖木哥、土巴二人仍居沙州,服屬土魯番,歲輸婦女、牛馬。 嘉靖七年夏,日司率部族五千四百人來歸,沙州遂爲土魯番所有。 會番

遣往畏吾兒之地,招諭諸番。二十三年,帝聞兀納失里與別部讐殺,諭甘肅都督宋晟等嚴 求,安知非覘我。 兵備之。 毋忽。」英遂進兵。兀納失里懼,遣使納款。 地,開哈梅里之路以通商旅。 哈梅里,地近甘肅,元諸王兀納失里居之。洪武十三年,都督濮英練兵西涼,請出 明年遣使請於延安、綏德、平涼、寧夏以馬互市。帝曰:「番人黠而多詐。 互市之 中國利其馬而不虞其害,所喪必多。 太祖賜璽書曰:「略地之請,聽爾便宜。 明年五月遣回回阿老丁來朝貢馬。 宜勿聽。 自今至者,悉送京師。」 然將以謀爲本,爾愼 韶賜文綺, 師略

罪。 獲王子 屬 岳 月命都督僉事劉眞偕宋晟督兵討之。 隨馬 山夜縋城降。 帝納之,賜白金、文綺。 時西域回紇來貢者,多爲哈梅里所遏。 別列怯部屬千七百三十人,金銀印各一,馬六百三十匹。 後遁去。 真等攻破其城,斬豳王別兒怯帖木兒、國公省阿朶爾只等一千四百人,[18] 黎明,兀納失里驅馬三百餘匹,突圍而出。 真等由凉州西出,乘夜直抵城下,四面 有從他道來者,又遣兵邀殺之。帝聞之怒。八 官軍爭取其馬,兀納失里率家 二十五年遣使貢馬驟請 圍之。 其知院

校勘記

- 吐蕃宣慰使何鎖南普等以元所授金銀牌印宣敕來上 又卷六○洪武四年正月辛卯條,國權卷四頁四二一、又同卷頁四三八都作「何鎖南普」, 吐蕃 宣慰使姓名,本書卷一二六鄧愈傳作「何鎖南」, 太祖實錄卷五三洪武三年六月「是月」條、 何鎖南普, 原作「司鎖南普」。 按洪武初 據改。
- 下同。
- = 為靖南 衛指揮同知 靖南衛, 太祖實錄卷六〇洪武四年正月庚寅條、 國権卷四頁四三七都作
- 章下體部 月丙子條都作「禮部」,明制朝貢給賜屬禮部主客司職掌,作「禮部」是。 禮部,原作「吏部」。 按明史稿傳二〇三西域傳、 憲宗實錄卷四二憲宗成化三年五 據改。
- . ₽9 巡按江孟綸言 江孟綸,憲宗實錄卷六四成化五年閏二月壬戌條作「汪孟綸」。
- . II. 州岷 指揮后泰與其弟通反覆開示 州諸 衞 ·雅傳、憲宗實錄卷六四成化五年閏二月壬戌條删。 弟通,原作「弟通泰」,衍「泰」字,據明史稿傳二○三西寧河州洮 按后泰弟后通,作「通」是。
- 實錄卷四二五萬曆三十四年 三十四年復入鎭 番黑古城 九月丙戌條、國權卷八〇頁四九六四都作「鎭羌古 鎮番黑古城, 本書卷二三九柴國柱傳作「鎭羌黑古城諸堡」, 城」。
- -L 辛恩忠攻破之 辛恩忠, 明史稿傳二〇三西寧河州洮州岷州諸衞番傳、 懷陵流寇始終錄卷一

六都作「辛思忠」。

分其地 為阿端阿真苦先帖里四部 苦先, 原作「若先」,據太祖實錄卷九〇洪武七年六月壬戌

條、明一統志卷八九改。

共酋長哈孩虎都魯等五十八人悉授指揮千百戶等官 哈孩虎都魯, 太祖實錄卷二四七洪武二

十九年十月甲午條作「塔孩虎都魯」。

英以此封會寧伯 會寧伯,原作「會昌伯」,據本書卷一〇七弘臣世表、 又卷一五六李英傳,宣

宗實錄卷三一宣德二年九月戊申條改。 其黨脫 脱不花等迎敵 脫脫不花,本書卷一七四史昭傳、 明史稿傳四〇史昭傳、 宣宗實錄卷七

三宣德五年 十二月癸巳條都作「答答不花」。

張義 潮 以 州 內附 張義 潮,原作「張義湖」,據新唐書卷二一六下吐蕃傳改。

巴求 嘉靖七 內附, 年 夏 在 「嘉靖七年六月, 原脫「嘉靖」二字。 見世宗實錄卷八九嘉靖七年六月壬寅條,可 按上文已見正德十六年, 不應再見正德七年。 知此「七 考帖木哥、 一年」 是嘉 靖 土

寶錄 豳王 卷二一一 別兒怯帖木兒國公省阿桑爾只等一千四百人 洪武 二十四 年八月乙亥條改。 省阿朶爾只,原作「省阿桑爾只」, 據太祖

七年,據補。

八五六九

列

傅

明史卷三百三十一

列傳第二百十九

西域三

烏斯藏大寶法王 大乘法王 大慈法王 闡化王 贊善王

西天尼八刺國 杂甘烏斯藏行都指揮使司護教王 闡教王 輔教王 西天阿難功德國

長河西魚通寧遠宣慰司 董卜韓胡宣慰司

旣沒, 甚多,楞伽經至萬卷。 千餘里。 烏斯藏,在雲南西徼外,去雲南麗江府千餘里,四川馬湖府千五百餘里,陝西西寧衞 賜號皇天之下 其地多僧,無城郭。 一人之上宣文輔治大聖至德普覺眞智佐國如意大寶法王西天佛子大 其土臺外,僧有食肉娶妻者。 羣居大土臺上,不食肉娶妻,無刑罰,亦無兵革,鮮疾病。佛書 元世祖尊八思巴爲大寶法王,錫玉印, 五

傳第二百十九 西域三

列

元帝 師 自 是, 其 徒 嗣 者咸 稱帝師

即。 諭諸 招 <u>-</u>+ 入 加 刻 巴藏 渝 了上所 番之未附者。冬,元帝師之後饋南堅 廷臣言已嘗給賜,不宜復予,乃以文綺 洪 **|** 武 叉遣 玉人製印成,帝眎玉未美,令更製,其崇敬如此。 先遣使朝貢。 初 、舉故官六十人。帝悉授以職,改攝帝師爲熾盛佛寶國師,仍錫玉印及綵幣表裏 陝西行 大祖 懲唐 省員 世吐蕃之亂 五年十二月至京。 外郎許允德使其 思制 御之。 地,令舉元故官赴京 巴藏卜、 賜之。 帝喜,賜紅 惟 [] 元國公哥列思監藏巴藏卜並遺使乞玉 因其俗尚,用僧徒化導爲善,乃遣使廣 綺禪衣及鞵 **暨**辭還,命河州衛遣官齎敕偕行,招 授 職 帽錢物。 於是烏斯 明 年二 藏 攝 月 帝 躬 師 行 各 自 喃

遣 並 力 使 賜 脈 水貢。 玉 八 七 刺 年夏,佛寶 即 遣 + 佛 使 寶 來 ___ 年 ,朝,請封號。詔授帝 或 國師遣其徒來貢。 復貢,奏舉故官十 師 復 遣其徒來貢, 師 秋,元帝師八思 六人爲宣慰、招討等官 上 後 所舉土官五十八 人 爲圓 智妙 覺弘 巴之後 人, 敎 大 公哥監 亦皆 亦皆授 國 師 報允。 一鳥斯 藏巴藏ト及烏 職 -藏 九 四 华 僧 ·, 答 年 爲 ·復貢 灌 力麻 斯藏僧答 頂 國 八剌 師,

朝。 其 名。 四年 共 辟 冬將至,命駙馬都尉沐昕往迎之。 永 喃 樂 加 巴 元 藏 年 命 1 司 已卒,有 禮 小 監侯顯 僧哈立麻 僧 智光 者 或 齎書 旣至,帝延見於奉天殿,明 人以 幣往徵 其 有 道 術 其 稱 僧 先遣 之爲 人 尚 來貢 日宴 師 一面 華蓋殿,賜黃金 成 祖 躬 爲 隨 燕王 使者 文

知

椅、銀足踏、銀机、銀盆、銀罐、青圓扇、紅圓扇、拜褥、帳幄各一,幡幢四十有八,鞍馬二,散 賜。 百,白金千,鈔二萬,綵幣四十五表裏,法器、裀褥、鞍馬、香果、茶米諸物畢備。 明年春,賜儀仗、銀瓜、牙仗、骨朶、魫燈、紗燈、香合、拂子各二,手爐六,傘蓋一,銀交 其從者亦有

藏卜 高帝 加領眞 貢者八。 哈立 領天下釋教,賜印誥及金、銀、鈔、綵幣、織金珠袈裟、 綵幣表裏百二十,馬九。 鳥、白象之屬,連日畢見。 歲再貢 爲灌 后薦福,賜予優厚。 一麻爲萬行具足十方最勝圓覺妙智慧善普應佑國 帝 為 將薦福於高帝后,命建普度大齋於靈谷寺七日。 已,法王卒,久不奉貢。 灌 頂 非制,請裁 弘 頂圓修淨慧大國師,高日瓦 智淨戒大國師,並賜印誥、銀鈔、綵幣。 其賜賚、從之。 六年四 其徒灌頂圓通善慧大國師答師巴囉葛羅思等,自亦加優賜。遂封 帝大悅,侍臣多獻賦頌。 .月辭歸,復賜金幣、佛像,命中官護行。 弘治八年,王葛哩麻巴始遣使來貢。 禪伯為灌 頂通悟弘濟大國師,果樂羅葛羅監 国演教如· 事竣,復賜黃金百,白金千,寶鈔二千, 金銀器、鞍馬。 已,命哈立麻赴五 帝躬自行香。 來大 寶法王西天大善 命其徒孛隆逋瓦桑兒 十二年兩貢,禮官以 於是卿雲、甘露、青 臺 自是,迄正統末,入 Щ 建大齋, 自 藏巴里 在 再 佛

正德元年 -來貢。 十年復來貢。 時帝惑近習言,謂烏斯藏僧有能知三生者,國人稱之爲

列

傅

第

百十

ti

西

域三

史周倫等並切諫,亦不聽。 久,道途絕無郵置,

人馬安從供頓。

脫中途遇寇,何以禦之。

虧中國之體,納外番之侮,無 便宜處置錢物,勢必攜帶私鹽,騷擾郵傳,爲官民患。今蜀中大盜初平,瘡痍未起。 其教而崇奉之也。承平之後,累朝列聖止因其來朝而賞賚之,未嘗輕辱命使,遠涉其地。今 無餘積,必至苛斂軍民,鋌而走險,盜將復發。況自天全六番出境,涉數萬之程,歷數歲之 忽遣近侍往送幢幡,朝野聞之,莫不駭愕。 活佛,欣然欲見之。 一可者。所齎敕書,臣等不敢撰擬。」帝不聽。禮部尚書毛紀、六科給事中葉相、十三道御 一西番之教,邪妄不經。我祖宗朝雖嘗遣使,蓋因天下初定,藉以化導愚頑,鎭撫荒服,非信 考永、宣間陳誠、侯顯入番故事,命中官劉允乘傳往迎。閣臣 而允奏乞鹽引至數萬,動撥馬船至百艘,又許其 梁儲等言 在官已

將士怒,欲脅以威。番人夜襲之,奪寶貨、器械以去。將校死者二人,卒數百人,傷者半之。 歲餘,始率將校十人、士千人以行,越兩月入其地。 易以艜艞,相連二百餘里。及抵成都,日支官廩百石,蔬菜銀百兩,錦官驛不足,取傍近數 允往返以十年爲期,所攜茶鹽以數十萬計。允至臨淸,漕艘爲之阻滯。入峽江,舟大難進, 十驛供之。 允行,以珠琲爲幢幡,黃金爲供具,賜其僧金印,犒賞以鉅萬計,內庫黃金爲之罄盡。敕 治入番器物,估直二十萬。守臣力爭,減至十三萬。工人雜造,夜以繼日。 所謂活佛者,恐中國誘害之,匿不出見。 居

允 乘善馬疾走,僅免。 返成都,戒部下弗言,而以空函馳奏, 至則武宗已崩。 世宗召允還,

下
吏
治
罪
。

儀物。 此僧、諸番王徒擁虚位、不復能施其號令矣。 術能服 佛,順義王俺答亦崇信之。萬曆七年,以迎活佛爲名,西侵瓦剌,爲所敗。 勸之東還。 嘉靖中, 居正 諸番莫不從其教,卽大寶法王及闡化諸王,亦皆俯首稱弟子。 俺答亦勸此僧通中國,乃自甘州遺書張居正,自稱釋迦摩尼比丘,求通貢,饋以 不敢受,聞之於帝。 法王猶數入貢, 迄神宗朝不絕。 帝命受之,而許其貢。 時有僧鎖南堅錯者,能知已往未來事,稱活 由是, 中國亦知有活佛。 自是西方止知奉 此僧戒以 此僧 好殺, 有異

慧智 袈裟 昆澤 年二月至京, 弘 思巴有 大 幡 慈 乘法王者,烏斯藏僧昆澤思巴也,其徒亦稱爲尙師。 幢 廣 、鞍馬、 濟 道 帝卽 護 術, 國演教 傘器. 命中官齎璽書銀幣徵之。 |延見,賜藏經、銀鈔、綵幣、鞍馬、茶果諸物,封 諸 正覺大乘法王 物,禮之亞於大寶法王。 西天上善金 其僧先遣人貢 明年辭歸,賜加於前,命中官護行。 剛普應大光 舍利、佛像、遂偕使者 永樂時,成祖旣)明佛, 爲 萬 領 行圓融 天下釋教 封哈立 妙法 入朝。十 最 賜 麻,又聞 勝 印誥、 後數 眞如

=

列

入貢,帝亦先後命中官喬來喜、楊三保齎賜佛像、法器、袈裟、禪衣、絨錦、綵幣諸物。

宣德問並來貢。

七年來貢。

使者言,所居去鳥斯藏二十餘程,涉五年方達京師,且所進馬多,乞給全賜,乃命量增。十 成化四年,其王完卜遣使來貢。禮官言無法王印文,且從洮州入,非制,宜減其賜物。

王遣使奉貢,奏舉大乘法王襲職。帝但納其貢,賜賚遣還,不命襲職 弘治元年,其王桑加瓦遣使來貢。故事,法王卒,其徒自相繼承,不由朝命。三年,輔敎

者至四千餘人。 遣使來貢,乞襲大乘法王。 徐經罪,從之。已,綽吉我些兒有寵於帝,亦封大德法王。 正德五年遣其徒綽吉我些兒等,從河州衞入貢。禮官以其非貢道,請減其賞,並治指揮 帝以人數踰額,減其賞,幷治四川三司官濫送之罪。 禮官失於稽考,竟許之。 嘉靖十五年偕輔教、闡教諸王來貢,使 十年,僧完卜鎖南堅參巴爾藏 h

初,成祖 |封闡化等五王,各有分地,惟二法王以遊僧不常厥居,故其貢期不在三年之

列。然終明世,奉貢不絕云。

官楊 勇、禮 天子 法 圓 仗 通 三保齎佛像 、僧衣、綺帛、金銀器, 邀恩寵,於是來者 慈慧普應 大 部尚 慈 法王 書胡濙持節,册封爲萬行 一,名釋 輔 衣 或 顯教 幣往賜。 迦也 趾 灌 相 失,亦烏斯藏僧稱爲 頂弘善西天佛子大國師,賜之印 且. 接。 御製贊 二 十 一 釋迦 妙明眞 詞 年復來貢。 也失亦以十二年入 賜之, 如上 尙 其徒益以爲榮。 師 勝淸淨 宣德九年入朝, 者也。 般若弘照普慧 朝,禮 永 譜。 樂 明 亞 中,旣封二法 + 年遣: 大乘 帝留之京師, 四四 年辭 法王。 輔 使來貢。 國 歸,賜 顯教 王, 明 至 -年 其徒爭欲 佛 命 善大 成 七 經 命 、佛像 年 國 爲 慈法 命中 妙覺 公朱 見

西天 輔 本 Щ 或 宣宗崩 、佛子如故,餘遣還,不願者減 東慶雲人。 光 範 演 敎 了英宗嗣位,禮官先奏汰番僧六百九十人,正統元 年 復 以爲請。 灌 洪武、永樂中,數奉 頂廣善大國師,賜金印、冠服、金銀器。 酒饌廩餼,自是輦下稍清。西天佛子者,能仁寺僧智光也 使西國。成祖 賜號 國師,仁宗加號圓融妙慧淨覺弘 至是復加西天佛子。 命大慈法王及 濟

王西

天正覺如來自在大圓

通

佛

然至 崇其教 者 初 他 介自闡 猶 太祖 禪 卽 師 遣 僧官 招 化等五王及二法 還。 徠番僧,本藉以化愚俗,弭邊患,授國師、 示 及宣 미 悉數。 宗 時 則 王外,授西天佛子者二,灌 久留京師,耗費益甚。 其徒交錯 於道 外外 擾 郵 傳,內 英宗初年, 頂大國 大國 耗 大官, 師者不過四五 師者九, 雖多遣斥, 其後加封號者 公私 灌 騷 頂 然, 國 帝 師 至 不 耆 成祖兼 恤 十有 也

列

僔

第

百

+

九

反景帝之政,降法王爲大國師,大國師爲國師 不少。 景泰中, 封番僧沙加爲弘慈大善法王,班卓兒藏卜爲灌頂大國師。 英宗復辟,務

大官,每歲耗費鉅萬。廷臣屢以爲言,悉拒不聽。 法王。其次爲西天佛子,他授大國師、國師、禪師者不可勝紀。 遞降,驅還本土,奪其印誥,由是輦下復淸。 成化初,憲宗復好番僧,至者日衆。劄巴堅參、劄實巴、領占竹等,以秘密教得幸,並封 孝宗踐阼,清汰番僧,法王、佛子以下,皆 四方奸民投爲弟子,輒得食

尋命那卜堅參三人爲灌頂大國師。 西 天佛子著癿領占建塔。工部尚書徐貫等言,此僧無益於國,營墓足矣,不當建塔,不從。 弘治六年,帝惑近習言,命取領占竹等詣京。言官交章力諫,事乃寢。 帝崩,禮官請黜異教,三人並降禪師。 十三年 命 為故

竹 卽 好習番語,引入豹房,由是番僧復盛。 帝 爲 自號 西天佛子。 旣 而 也 武宗蠱惑佞倖,復取領占竹至京,命爲灌頂大國師,以先所降禪師三人爲國師。帝 已、封領占班丹爲大慶法王、給番僧度牒三千、聽其自度。或言、大慶法王、 封那卜堅參及劄巴藏卜為法王,那卜領占及綽即羅

本土,如大乘法王例入貢,且爲二人請國師誥命,入番設茶。 綽吉我些兒者,烏斯藏使臣,留豹房有寵,封大德法王。乞令其徒二人爲正副使,還居 禮官劉春等執不可,帝不聽。

言。」帝乃罷設茶敕,而予之誥命。 以往,賜之誥命,彼或假上旨以 春等復言: 「烏斯藏遠在西方,性極頑 誘諸番,妄有 帝時益好異教,常服其服,誦習其經,演 獲。 雖設四王撫化,而其來貢必爲節制。 所干 請。 從之則 (非法, 不 從 則 法 生釁, 內廠。 害 若令齎茶 綽吉 不 口 勝 我

些兒輩 出 入豹房,與權倖雜處,氣焰灼然。 及二人乘傳歸,所 過驛騷,公私 成被: 其 患

後世宗崇道教,益黜浮屠,自是番僧鮮至

中

國者。

世

[宗立,復汰番僧,法王以下悉被斥。

舉弟· | | | | | 進 諭 沙 深计 表 加 吉剌 之。 佛像 監 及方物。 闡 化王者,烏斯藏僧也。 藏,元時 必 已而 、佛 思 內 巴 附。 書、舍利。 監 章 帝厚賜之。 封灌 陽 藏 一帝如其言,仍封灌 巴藏 沙 頂 加卒,授其徒鎖 或 是時 1 師,為番 自 辇 代,遂授灌 卜闍者,其 方命佛寶 初,洪武 人推服。 頂 南 (五年,河州衞言:「烏斯藏怕木竹巴之地,有僧曰章陽 或 國師,遣使賜玉印、 頂 扎 地首僧之稱 師 國 思 今朶甘酋賞竹監藏與管兀兒構兵,若造此 招諭番人,於是怕木竹巴僧等自 師。 巴噫 監 自是三年一貢。 也。 藏 **|** 八年 爲 綵幣。 灌 頂國 正 月設怕木竹巴萬 明年,其僧使酋長鎖南 師 二十一年上表稱病, 一种輦 Þ 戶 闍 府, 僧 遣 撫 使 藏

列

下、川藏等共修驛站,諸未復者盡復之。 自是道路畢通,使臣往還數萬里,無虞寇盜矣。 其 |藏還,其王遣從子||結等隨之入貢。 明年復命三保使其地,令與闡敎、護敎、贊善三王及川 中官戴興往賜綵幣。 後貢益頻數。 國 印,白金五百 師 及必里、杂甘、隴答諸衞,川藏諸族,復置驛站,通道往來。 成 祖 嗣位,遣僧智光往賜。 兩,綺衣三襲,錦帛五十匹,巴茶二百斤。 帝嘉其誠,復命三保齎佛像、法器、袈裟、禪衣及絨錦、綵幣往勞之。已,又命 永樂元年遣使入貢。 四年封為灌頂國師闡化王,賜 明年命與護教、贊善二王,必力工瓦 十一年,中官楊三保使鳥斯 螭紐

王戒飭而已。 宣德二年命中官侯顯往賜絨錦、 九年,貢使歸,以賜物易茶。 綵幣。 至臨洮,有司沒入之,羈其使,請命。 其貢使嘗毆殺驛官子, 帝以其無知, 韶釋之,還 遣還,敕

使臣 私市茶綵數萬, 正 統 五年,王卒。遣禪師二人爲正副使,封其從子吉剌思巴永耐監藏 令有司運致。 禮官請禁之,帝念其遠人,但令自僦 : 舟車。 巴藏 卜爲 已,王卒,以 闡 化王。

桑兒結堅昝巴藏卜嗣。

至 了<u>,乞敕諭闡化王,</u>令如<u>洪武舊制,三年一貢。</u>」從之。 五年,王卒, 成化 元年,禮部言:「宣、正間,諸貢不過三四十人,景泰時十倍,天順間百倍。今貢使方 命其子公葛列思 巴中 柰

物。 獄,受其徒賄,而復以聞。 領占堅參巴兒藏卜嗣。 王 一使其 下三人來趣,其僧閉之室中,剜二人目。 遣僧進貢、還至西寧、留寺中不去、又冒名入貢、隱匿所賜璽書、幣 下四川 巡按鞫治,坐僧四人死,鑑將逮治,會赦悉免 一人逸,訴於都指 揮孫鑑 鑑捕

防 已入境,難固拒,請順其情概納之,爲後日兩貢之數,從之。 奸偽。二十二年遣使四百六十人來貢,[5] 守臣遵新例,但納一百五十人。 十七年以長河西諸番多假番王名朝貢,命給闡化、 贊善、闡教、輔教 四王敕書勘合,以 禮官以使者

使者。 愷走避,隸卒力格鬭乃免,爲所傷者甚衆。 爲 子阿往劄 他使舟至,則以石投之,不容近陸。 左驗 弘治八年遣僧來貢,還至揚州廣陵驛,遇大乘法王貢使,相與殺牲縱酒,三日 其時王卒,子班阿吉江東劄巴請襲,命番僧二人爲正副使往封。 至 失劄巴堅參卽欲受封,二人不得已授之,遂具謝恩儀物,並獻其父所領勘合印章 四 川,守臣劾其擅封,逮治論斬,滅死戍邊,副使以下 知府唐愷詣驛呼其舟子戒之,諸僧持兵仗呼譟擁而入。 事聞,命治通事及伴送者罪,遺人諭王令自治其 悉宥 比至,新王亦死,其 不去。 見

請封。 請 入貢。 正 禮官 德 禮官 三年,禮官以貢 循 以諸 故 事 ,遺番 番 不具地名、族氏,令守臣 、使踰額,令爲後年 僧二十二人爲正副使,序班朱廷對監之。 應貢之數。 覈實以聞。 嘉靖三年偕 四 十二年,圖 輔 至中途大 教 闡化 王及 大 諸 騷 三进: 小三十六番 擾,不受延 使 入貢

齎賜。 隆慶三年再定令闡化、闡敎、輔敎三王,俱三歲一貢,貢使各千人,半全賞,半減賞。全賞者 對約束,廷對還白其狀。 封諸 藏之不遣京寺番僧,自此始也。番人素以入貢爲利,雖屢申約束,而來者日增。 禮官請自後封番王,卽以誥敕付使者齎還,或下守臣,擇近邊僧人

遣八人赴京,餘留邊上。遂爲定例。

貢不替。所貢物有畫佛、銅佛、銅塔、珊瑚、犀角、氆氌、左髻毛纓、足力麻、鐵力麻、刀劍、明 甲胄之屬,諸王所貢亦如之。 之,而制書但稱闡化王。 萬曆七年,貢使言闡化王長子札釋藏卜乞嗣職,如其請。久之卒,其子請襲。 用閣臣沈一貫言,加稱烏斯藏怕木竹巴灌頂國師闡化王。 其後奉 神宗許

誥命。 往 樂四年,其僧著思巴兒監藏遣使入貢,命爲灌 使。 **贊善王者,靈藏僧也。** 正統 十七年,中官楊三保往使。 五年奏稱年老,請以長子班丹監劉代。 其地在四川徼外,視烏斯藏爲近。 洪熙元年,王卒,從子喃葛監藏襲。 頂 國 師。 帝不從其請,而授其子爲都指 明年封贊善王, 成祖踐阼,命僧智光往使。永 宣德二年,中官侯顯 國師 如故, 揮使。 賜金印、

初 ,入貢無定期,自永樂迄正統,或間歲一來,或一歲再至。 而歷朝遣使往賜者,金幣、

寶鈔、佛像、法器、袈裟、禪服,不一而足。至成化元年始定三歲一貢之例。

三年命塔兒把堅粲襲封。故事,封番王誥敕及幣帛遣官齎賜,至是西陲多事,禮官乞

付使者齎回,從之。

許作明年應貢之數。」報可。 內郡疲供億。 莫若令諸王於應貢之歲,各具印文,取次而來。今貢使已至,難拂其情。 文,今止留十餘人守貢物,餘已遺還。禮官言:「番地廣遠,番王亦多,若遵例並時入貢,則 五年,四川都司言,贊善諸王不遵定制,遣使率各寺番僧百三十二種入貢,且無番王印

端竹堅昝嗣。 來兩貢之數,餘悉遣還。」亦報可。遂封喃萬堅桑巴藏卜爲贊善王。 百十三人。今請封請襲,又遣千五百五十人,違制宜却。乞許其請封襲者,以三百人爲後 十八年,禮官言:「番王三歲一貢,貢使百五十人,定制也。近贊善王連貢者再,已遣四 嘉靖後猶入貢如制。 弘治十六年卒,命其弟

使入貢,詔授灌頂國師,賜之誥。 護教王者,名宗巴斡即南哥巴藏卜,館覺僧也。 明年遣使入謝,封爲護教王,賜金印、誥命,國師 成祖初,僧智光使其地。 永樂四年遣 如故。 遂

列

第

無嗣,其爵遂絕。

頻歲入貢。 十二年卒,命其從子幹些兒吉刺思巴藏卜嗣。 洪熙、宣德中並入貢。 已而卒,

闡教王者,必力工瓦僧也。成祖初,僧智光齎敕入番,其國師端竹監藏遣使入貢。永樂

十一年乃加號灌頂慈慧淨戒大國師,又封其僧領眞巴兒吉監藏爲闡敎王,賜印誥、綵幣。後 元年至京,帝喜,宴賚遣還。 四年又貢,帝優賜,並賜其國師大板的達、律師鎖南藏卜衣幣。

比年一貢。楊三保、戴興、侯顯之使,皆齎金幣、佛像、法器賜焉。

四年從禮官言,申三歲一貢之制。 明年,王卒,命其子領占堅參叭兒藏卜襲。二十年,帝遣

宣德五年,王卒,命其子綽兒加監巴領占嗣。久之卒,命其子領占叭兒結堅參嗣。成化

番僧班著兒齎璽書勘合往賜。其僧憚行,至半道,僞爲王印信、番文復命,詔逮治。

恣橫如此。 正德十三年遣番僧領占劄巴等封其新王。 戶科、戶部並疏爭,不聽。 迄嘉靖世,闡敎王修貢不輟。 **劄巴等在途科索無厭,至呂梁,殿管洪主事李瑜幾斃, 劄巴等乞馬快船三十艘載食鹽,爲** 入 買

往封 封為 賜其 幣。 輔教王、賜誥敕、金印、綵幣、袈裟、法器。 國,與諸法王等。 永樂十一年封其僧南渴烈思巴爲輔敎王,賜誥印、綵幣,數通貢使。 輔教王者,思達藏僧也。 至 四川, 多雇牛馬,任載私物。 景泰七年,使來貢,自陳年老,乞令其子喃葛堅粲巴藏卜代。帝從之, 其地視鳥斯藏尤遠。 禮官請治其罪,英宗方復辟, 以灌頂國師葛藏、右覺義桑加巴充正、副 成祖即位,命僧智光持詔招諭,賜 命收其敕書,減供應 楊三保、侯顯皆往 以 使 銀

貢,使者至二千八百餘人。 十人,由四川雅州入。國師以下不許貢。弘治十二年,輔敎等四王及長河西宣慰司並時入 正德、嘉靖世,奉貢不絕。 成化五年,王卒,命其子喃葛劄失堅參叭藏卜嗣。 禮官以供費不貲,請敕四川守臣遵制遣送,違者却還,從之。 六年申舊制,三年一貢,多不過百五 歷

解毒 藥石。 西天 阿 難功德國 詔 賜 文綺 禪 西西 方 衣及布帛諸 番 國 也。 物。 洪武七年,王卜哈魯遣其講主必尼西來朝, 後不復至。 貢方物及

列傳第二百十九 西域三

八五八六

丹 朝,又獻佛像、舍利 布及元 叉 有 乃所授 和林 江王印 國 師朶兒只怯烈失思巴藏卜,亦遣其講主汝奴汪叔來朝,獻銅佛、舍利、白哈 、馬二匹,賜文綺、禪衣。 一、玉圖書一、銀印四、銅印五、金字牌三, 和林,即元太祖故都,在極北,非西番 命宴賚遣還。 明年, ,其國師 國師入

則番僧。

與功德國同時來貢,後亦不復至。

塔王 來貢, | 卜納 智光 符驗及幡幢 摩遣使隨入朝,貢金塔、佛經及名馬方物。 璽書、綵幣往,幷使其 可般。 使其 尼八 皆有賜。 命中官鄧誠齎璽書、錦綺、紗羅往報之。所經罕東、靈藏、必力工瓦、烏斯藏及野藍 國。 剌國,在諸藏之西,去中國絕遠。 呈 一、綵幣。 永樂七年遣使來貢。十一年命楊三保齎璽書、銀幣賜其嗣王沙的新萬 宣德二年又遣中官侯顯賜其王絨錦、紵絲,地湧塔王如之。 明年遣使來貢。封沙的新萬爲尼八剌國王,賜誥及鍍金銀印。 二十三年再貢,加賜玉圖書、紅羅傘。 鄰境地湧塔國 智光精釋典,負才辨,宣揚天子德意。 二十年達京師。 其王皆僧爲之。 終太祖時,數歲 帝喜, 洪武十七年,太祖命僧智光齎 賜 銀印、 一貢。 自後,貢使不復 玉圖 其 十六年遣使 王馬達納 書、 成祖 及 お枚、 地 復 命 湧

至。

以道遠不至 又有速觀嵩者,亦西方之國。 永樂三年遣行人連迪等齎敕往招,賜銀鈔、綵幣。 其會

朶甘 ,在四川徼外, 南與鳥斯藏鄰,唐吐蕃地。 元置宣慰司、招討司、元帥府、 萬戶

分統其衆。

廷法, 四,卽 旅,共效職方之貢。 藏 京。 明命,統御萬方,恩撫善良,武威不服。 曲 喜,置指 1 在彼矣。 攝帝 率所舉故國公、司徒、宣慰、招討、元帥、萬戶諸人,自遠入朝。 洪 以所 撫安一方。 武二年,太祖定陝西,卽遣官齎詔招撫。 揮使司二,日 師南 舉官任之。 萬里來朝,俟其再請,豈不負遠人歸嚮之心。」遂皆授之。 加 巴藏 僧務敦化導之誠,率民爲善,共享太平 已授國師及故國公等爲指揮同知等官,皆給誥印。 梁甘, 曰鳥斯藏, 宣慰司二, 元帥府一, 招 下及故國公南哥思丹八亦監藏等於六年春入朝,上所舉六十人名。帝 廷臣言來朝者授職,不來者宜弗予。 凡在幅員之內,咸推一視之仁。 又遣員外郎許允德諭 永綏福祉, 帝曰:「吾以誠 計司四 股嘉其識天命, 豈不休哉。」並宴賚遣 降詔 其 ,萬戶府十三,千戶所 自今爲官者務遵朝 乃者攝 酋 百:「我 心待人。彼不誠, 長, 帝師 舉元故官赴 國家受天 不 喃 勞師 加巴

列

傳

第

還。 初 ,元尊番僧 爲帝師,授其徒國公等秩,故 降者襲舊 號。

甘宣 鳥 乃改 等 師 同 戶 府 司 鎖 斯 知,餘授職有差。 、杂甘 四 南 藏 慰賞竹 鎖 都 招 兀 南 日 討 指 卽 、烏斯藏二衞 兀 沙 爾 揮 司 監藏舉首領 卽 見可 六 同 等遣使來朝, 爾者歸朝,授朶甘衞指揮僉事。 知 日朶甘思,日朶甘隴答, 並 日乃竹, 自是,諸 賜銀 爲行都指揮 可爲指揮、宣慰、萬戶、千戶者二十二人。詔從其請,鑄分司 曰羅思端, 奏舉故官賞竹監藏等五 即 番修貢 叉設 使 惟 西安 司, 謹 日 列思 以鎖 行都指 日朶甘 麻。 以元 南 | 舟 揮 兀 千戶所十七。 司 十六人。 使 卽 日朶甘 徒銀印 司 爾 於 爲朶甘都指揮同 河 倉溏, 州 來上, 命 增置杂甘思宣 兼轄 以賞竹監藏為朶甘都指 日朶廿川 命進指 ___ 都 知,管招 揮 司 同 曰磨兒 慰 Ö 知。 旦 司 兀 印予之。 及 已而杂 勘 佛 卽 招 寶 爾 揮 萬 國 爲

指 司 揮 ,使。 二 十 、年置 六年,西番 乃更定品 俄 力思 秩,自都指揮 軍民元帥府。 思曩日等族遣使貢馬,命賜 以下皆令世襲。 尋置 隴答衛指 揮使司。 金銅信符、文綺、襲衣 未幾, 叉 改鳥 十八年以班竹兒藏卜爲烏 斯 藏 俺 不 許之朝 羅 衞 爲 貢 行 都 斯 指 藏 揮 使 都

以 人官之。 永樂元年改必里千戶所爲衞,後置烏斯藏牛兒宗寨行都指揮使 帝以番俗惟僧言是聽,乃寵以國師諸美號,賜誥印,令歲朝。 十八年,帝以西番悉入職方,其最遠白勒等百餘寨猶未歸附, 由是諸番僧來者日多, 司, 叉置上 遣 使往 邛 招 部 衞

迄宣德 朝 ,禮之益厚。 九年命中官宋成等齎璽書、賜物使其地,敕都督趙安率兵送之 ||畢力

术江

留之,動經數月,有司困於供億。 遏,乞遣兵開道。 四川三司言:「比奉敕書, 正統 初,以供費不貲,稍爲裁損。 詔令得遣使招 番僧朝貢入京者不得過十人,**餘**留境上候賞。 生番,相率朝貢者八百二十九寨,悉賜賚遣 宜如正統間制,宴待遣還。」報可 時有番長移書松潘守將趙得, 言欲 今蜀地災傷, 入朝, 歸。 天順 爲 生 四 番 若悉 阻

革心信服。」乃進禪師遠丹藏卜爲國 之例,國師以下不許貢,於是貢使漸希。 成化三年,阿昔洞諸族土官言:「西番大小二姓爲惡,殺之不懼。 師、都 網子瑺爲禪師,以化導之。 惟國師 六年申諸番三歲一 、剌麻 勸化 · ` , 則

貢

化導,以共奪中國,以故西陲宴然,終明世無番寇之患。 番戀貢市之利,且欲保世官,不敢爲變。 其 地皆食肉,倚中國茶爲命,故設茶課司於天全六番,令以馬市,而入貢者又優以茶布 初,太祖 以西番地廣,人礦悍,欲分其勢而殺其力,使不爲邊患,故來者輒授官。 迨成祖,益封法王及大國師、西天佛子等,俾轉相 叉以

諸

河 西魚通 寧遠宣慰司,在四川徼外,地通烏斯藏,唐爲吐蕃。 元時置碼門、魚通、黎、

長河西、寧遠六安撫司,隸吐蕃宣慰司

還。 撫使,賜文綺四十八匹,鈔二百錠,授惟善禮部主事。二十年遣惟善招撫長河西、魚通、寧 十六年復遣惟善及從子萬戶若剌來貢。命置長河西等處軍民安撫司,以剌瓦蒙爲安 洪武時,其地打煎爐、長河西土官元右丞剌瓦蒙遣其理問高惟善來朝,貢方物,宴賚遣

遠諸處,明年還朝,言: 有事則使之先驅。 守,就築城堡,開墾山 侵陵雅、邛、嘉等州。 仍與盤陀、仁陽置立寨棚,邊民戍守。 强盛,寧遠、安靖、巖州漢民,往往爲彼驅入九枝、 已附者 今十有餘年,官民仍舊不相統攝。 今魚通、九枝疆土及巖州、雜道二長官司,東鄰碉門、黎、雅,西接長 安邊之道,在治屯守,而兼恩威。 如 此 ,遠而未附者 撫之旣久,則皆爲我用。 洪武十年始隨碉門土會歸附。 田,使近者向化而先附,遠者畏威 何由 而 臣服之。 蓋無統制之司, 其後各枝率衆攻仁陽等栅。 屯守旣堅,雖遠而有功,恩威未備,雖近而 且巖州 如臣之說,其便有六。 、寧遠等處,乃古之州治。 魚通,防守漢邊。 恣其猖 巖州、雜道二長官司 而 來 獗,因襲舊弊故也。 歸,西域無事則供我徭役, 及川 河西。 元初設二萬戶府, 蜀兵起,乘 自國 自唐時吐蕃 茍 朝設,迨 撥 其近 無益 兵戍 勢 而

通烏斯藏、杂甘,鎭撫長河西, 可拓地四百餘里,得番民二千餘戶。 非惟黎、雅保

障,蜀亦永無西顧憂。 也。

番民所處老思岡之地,土瘠人繁,專務貿販碉門烏茶、蜀之細布,博易羌貨,以贈

其生。 若於巖州立市,則此輩衣食皆仰給於我,焉敢爲非。 一也。

以長河西、伯思東、巴獵等八千戶爲外番掎角,其勢必固。

然後招徠遠者,如其不

來,使八千戶近爲內應,遠爲鄕導,此所謂以蠻攻蠻,誠制邊之善道。 三也

以易番馬。 天全六番招討司八鄉之民,宜悉蠲其徭役,專令蒸造烏茶,運至巖州,置倉收貯, 比之雅州易馬,其利倍之。 且於打煎爐原易馬處相去甚近,而價增

於彼,

則番民如蟻之慕羶,歸市必衆。四也。

蠻民所種水陸之田,遞年無征。 巖州 既立倉易馬,則番民運茶出境,倍收其稅,其餘物貨至者必多。又魚通、九枝 若令歲輸租米,并令軍士開墾大渡河兩岸荒田,亦可

供給戍守官軍。 五也。

黎、雅烽火相應。 碉門至巖州道路, 宜令繕修開拓, 以便往來人馬。 庶可以防遏亂略,邊境無虞。 六也。 仍量地里遠近,均立郵傳,與

帝從之。

列 傳

諭之。 爐長河西土會外附月魯帖木兒、賈哈剌,不臣中國。興師討之,鋒刃之下,死者必衆。宜 使,自是修貢不絕。 「今天下一統,四方萬國皆以時奉貢。如烏斯藏、尼八剌國其地極遠,猶三歲一朝。惟打煎 建昌敛月魯帖木兒叛,長河西諸酋陰附之,失朝貢,太祖怒。三十年春謂禮部臣曰: 若聽 即遣使入貢謝罪。天子赦之,爲置長河西魚通寧遠宣慰司,以其酋爲宣慰 [命來覲,一以恩待,不悛則發兵三十萬,聲罪徂征。] 禮官以帝意爲文馳 初,魚通及寧遠、長河西,本各爲部,至是始合爲

劾其違 之弊。 歲 成化 牒,入貢冒賞。 接,易於混淆。 中。」從之。二十一年,宣慰使喃哩等二十四人來朝貢馬。 使不得過百人。 失貢,至是補進三貢。定制,道梗者不得再補。但今貢物已至,宜順其情納之,而量減賜 四年申諸番三歲一貢之令,惟長河西仍比歲一貢。六年頒定二年或三年一貢之例,貢 永樂十三年, 貢使言:「西番無他土產, 惟以馬易茶。 制。 或道阻,不許補貢。」從之。 詔 止納五百人,餘悉遣還。二十二年,禮官言三長河 鳥 請給諸番王及長河西、董卜韓胡敕書勘合,邊臣審驗,方許進入,庶免詐僞 十七年,禮官言:「烏斯藏在長河西之西,長河西在松潘、越巂 斯 藏諸番王例三歲一貢,彼以道險來少,而長河西番僧 十九年, 其部 內灌頂國師遺僧徒來貢至千八百人,守臣 正統 近年禁約, 二年,喃哩卒,子加 西以黎州大渡河寇 生理 往往 實艱, 詐爲 之南,壤地相 乞仍許開 諸王文 八僧嗣。 入發,連

賚。」報可。

傳所載。 守臣 三年定五百人全賞、遣八人赴京之制,如闡敎諸王。 無濫送。」亦報可。 弘治十二年,禮官言:「長河西及烏斯藏諸番,一 諸番貢皆如之。 然其後來者愈多,卒不能却。 其貢物則珊瑚、氆氇之屬,悉準闡化王 時並貢,使者至二千八百餘人。 嘉靖三年定令不得過一千人。 隆慶 乞諭

敕慰諭,使比年一貢,賜金印、冠帶。 表入朝,貢方物。 董卜韓胡宣慰司,在四川威州之西,其南與天全六番接。永樂九年,酋長南葛遣使奉 因言答隆蒙、碉門二招討侵掠鄰境,阻遏道路,請討之。 帝不欲用兵,降

耆。 番,將侵噬己地。 別思寨安撫饒鮥搆怨。十年八月移牒四川守臣,謂「別思寨本父南葛故地,分界饒略父 帝不許。 後饒蛒受事,私奏於朝,獲設安撫司。 正統三年奏年老,乞以子克羅俄堅粲代,從之。兇狡不循禮法。七年乞封王,賜金印, 命進秩鎭國將軍、都指揮同知,掌宣慰司事,給之誥命。益恃强,數與雜谷安撫及 已拘執饒蛒,追出僞印,用番俗法剜去兩目。 **邇乃爲爲宣慰司印,自稱宣慰使,糾合雜谷諸** 謹以狀聞。」守臣上其事。帝

列傳

第二

百

十九

西域三

潰 使 齎 放敷實 其 專擅,令與使臣推擇饒蛒族人爲安撫,仍轄其土地, 且送還饒蛒,養之終身。

威、保。 雜谷、威、保要害地。 其 在吞滅雜谷,搆陷唐泰。 日駐迓之。』臣等竊以雜谷內聯威州、保縣,外鄰董卜韓胡。 夫及子,又賄威州千戶唐泰誣己謀叛。今備物進貢,欲從銅門山西開山通道,乞官軍 董卜勢强,欲通威、保,却受阻於雜谷。以此讐殺,素不相能。 年十月,四 JII 董卜欺雜谷妻寡子弱,瞰我軍遠征麓川,假進貢之名,欲別開道路,意 巡按張洪 所請不可許。」乃下都御史寇深等計度,其議迄不行 等奏:「近接董卜宣慰文牒言:『雜谷故安撫阿際 雜谷力弱,欲抗董卜,實倚重 銅門及日駐諸寨,乃 小妻毒 於 於 殺

蓄維州 子聞 而惡之,景泰元年賜敕切 時董卜比歲入貢,所遣僧徒强悍不法,多攜私物,强索舟車,騷擾道途, 月朝 之)地尙 議 獎其 爲 所 據。 入貢勤誠, 俄饋 四 匡聞之於朝, 責。 進秩都指 Ш 巡撫李匡 尋侵奪雜谷及達思蠻長官司 揮使,令還二司侵 因言:「唐時吐蕃求毛詩、春秋。 一銀界、 金珀 求御製大誥、 地及 所掠 地,掠其人畜,守臣 人民。 周易、尚書、毛詩、小 于休烈 晋 辱 長 謂, 奉 不能 吏。 命,惟 予之

俾漸

陶

聲

敎

化流

無外

休烈

徒

知

書有權

略

變

介許,不

知

忠信

禮義皆從書出

明皇從之。

惟方輿勝覽、成都記,形勝關

以

書,使知權

謀,愈生

變

詐,

非中國之利。

裴光

廷謂,吐蕃

人叛新服,因其

有

請,

賜以詩、書,

、方與勝覽、成都記諸

書。

兹所

水,臣

以爲予之便。

不然彼因貢使市之書肆,甚不爲難。

遣使入貢,乞封王。命如其父官,進秩都指揮使,仍掌宣慰司 人,命予半賞,遺八人赴京,爲定制。迄萬曆後,朝貢不替。 治戎器,悖逆日彰,不可不慮,宜敕守臣預爲戒備,從之。 六年,兵部尙書于謙等奏其僭稱蠻王,窺伺巴

塞所具,不可概予。」帝如其言。尋以其還侵地,賜敕獎勵。

蜀,所上奏章語多不遜,且招集羣番,大

克羅俄堅粲死,子劄思堅粲藏卜遺使來貢,命爲都指揮同知,掌宣慰司事。 事。 天順元年

處蠻塞。後與董卜搆兵,維州諸地俱爲侵奪,貢道阻絕。今雜谷恢復故疆,將遣使來貢,不 知貢期,未敢擅遣。」帝從禮官言,許以三年爲期。四年申諸番三年一貢之例,惟董卜許比 成化五年,四川三司奏:「保縣僻處極邊,永樂五年特設雜谷安撫司,令撫輯舊維州諸

卒,子喃呆請襲,亦遣國師貢方物,詔授以父官。卒,子容中短竹襲。嘉靖二年再定令貢使 不得過千人,其所隸別思寨及加渴瓦寺別貢。隆慶二年,董卜及別思寨貢使多至千七百餘 旺丹巴藏卜遺國師貢珊瑚樹、氆氌、甲胄諸物,請嗣父職,許之,賜誥命、敕書、綵幣。 九年 六年,劉巴堅粲藏卜卒,〔5〕子綽吾結言千嗣爲都指揮使。弘治三年卒,子日墨劄思巴

列

傳露二百十

校勘記

[] 元帝師之後鎖南堅巴藏卜 鎖南堅巴藏卜,太祖實錄卷八五洪武六年十月己卯條作「瑣南監藏

巴藏卜」。

共徒灌頂圓通善慧大國師答師巴囉葛羅思等 答師巴囉葛羅思,明史稿傳二〇四烏斯藏大寶

法王傳、太宗寶錄卷四八永樂五年二月庚寅條都作「哈思巴囉葛羅思」。

二十二年遣使四百六十人來貢 三作「二十一年」。 二十二年,明史稿傳二〇四闡化王傳、

國権卷四〇頁二五〇

| |23 | 四十二年 原作「四十三年」,據明史稿傳二〇四闡化王傳、 世宗實錄卷五二六嘉靖四十二年

十月癸丑條改。

珥. $\overline{}$ 實錄卷八七永樂十一年二月己未條都作「侯顯」。 命楊三保齎璽書銀幣賜其嗣王沙的新葛及地湧塔王可般 沙的新葛, 楊三保,本書卷三〇四鄭和傳、太宗 原作「沙葛新的」,據同上鄭和傳、

太宗實錄改。下同。

[六] 劄巴堅粲藏卜卒 本卷上文作「劄思堅粲藏卜」。

明史卷三百三十二

列傳第二百二十

西域四

俺的干 **卜花兒** 阿速 答兒密 撒馬兒罕 沙哈魯 哈實哈兒 納失者罕 别失八里 沙鹿海牙 天方 哈烈 敏真 亦思弗罕 默德那 達失干 俺都淮 日落 坤城 賽藍 火剌札 米昔兒 八答黑商 哈三等二十九部附 養夷 乞力麻兒 黑婁 渴石 于闐 討來思 迭里迷 白松虎兒 魯迷 失剌思

王、駙馬爲之君長,易前代國名以蒙古語,始有撒馬兒罕之名。 撒馬兒罕,即漢罽賓地,隋日漕國,唐復名罽賓, 皆通中國。 去嘉峪關九千六百里。 元太祖蕩平西域,盡以諸 元

列

末爲之王者,駙馬帖木兒也。

馬駝。 尙 其 (國中 . 多,詔守臣悉遣之,於是歸撒馬兒罕者千二百餘人。 回 洪 武 回回又自驅馬抵涼州互市。 回 二十五年兼貢絾六匹,青梭幅九匹, 滿 中, 刺 太祖 哈非思等來朝,貢馬十五,駝二。 欲通西域, 屢遣使招諭, 而遐方君長未有至者。 帝 不許,令赴京鬻之。 紅綠撒哈刺各二匹及鑌 詔宴其使,賜白金十有八錠。 元時回回偏天下,及是居甘肅者 二十年九月,日 鐵刀劍、甲冑諸 自是 物。 帖木兒 頻 次歲貢 而

德洪 文。 古。 天 رآاه 明廣 敕書恩撫勞問,使站驛相通,道路無壅,遠國之人咸得其濟。 欽仰聖心,如照世之杯,使臣 商賈之來中國者,使觀覽都邑、城池,富貴雄壯,如出昏暗之中,忽睹天日,何幸如之。 中 地 豁 老者無不安樂,少者無不長遂,善者無不蒙福,惡者無不知懼。今又特蒙施恩遠國,凡 明年命給事中傅安等齎璽書、幣帛報之。 永 自古所無之福,皇帝皆有之。所未服之國,皇帝皆服之。遠方絕域,昏昧之地,皆淸明 大,昭若天鏡,無有遠近,咸照臨之。臣帖木兒僻在萬里之外,恭聞聖德寬大,超越萬 布,恩養庶類,萬國欣仰。咸知上天欲平治天下,特命皇帝出膺運數,爲億兆之主。 一十七年八月,帖木兒貢馬二百。 永 然光明。 無極。」照世杯者,其國舊傳有杯光明洞徹,照之可知世 臣國中部落,聞茲德音,歡舞感戴。臣無以報恩,惟仰天祝頌聖壽福 其表曰:「恭惟大明大皇帝受天明命,統一 其貢馬,一歲再至,以千計,並賜寶鈔償之。 事 ,故云。 帝得表,嘉其有 四海, 一禄,如 叉承 光

成祖踐阼,遣使敕諭其國。 永樂三年,傅安等尚未還,而朝廷聞帖木兒假道別失 里

年復命誠及中官郭敬齎敕及綵幣報之。 歸,命誠及中官魯安偕往,賜其頭目兀魯伯等白銀、綵幣。其國復遣使隨誠等入貢。 送安還,貢方物。 **貢。七年遣中官李貴等齎文綺、羅錦賜其國。** 入貢。自後,或比年,或問一歲,或三歲,輒入貢。十三年遣使隨李達、陳誠等入貢。 頭目沙里奴兒丁等亦貢駝馬。 人導安徧歷諸國數萬里,以誇其國廣大。至是帖木兒死,其孫哈里嗣, 率兵東,敕甘肅總兵官宋晟儆備。五年六月,安等還。初,安至其國被留,朝貢亦絕。 帝厚賚其使,遣指揮白阿兒忻台等往祭故王,而賜新王及部落銀幣。 命安等賜其王綵輅,與貢使偕行。七年,安等還,王遣使隨 宣德五年秋、冬,頭目兀魯伯米兒咱等遣使再入 乃遣使臣虎歹達等 十八 曁辭 葬令 其

書諭 幣表裏,示朕優待之意。」別敕賜金玉器、龍首杖、細馬鞍及諸色織金文綺,官其使臣爲指揮 其王兀魯伯曲烈干曰:「王遠處西陲,恪修職貢,良足嘉尚。 使回, 特賜王及王妻子綵 正統四年貢良馬,色玄,蹄額皆白。帝愛之,命圖其像,賜名瑞寯,賞賚有加。十年十月

如舊時。 景泰七年貢馬駝、玉石。 三等人給綵緞四表裏,絹三匹,織金紵絲衣一襲。 禮官言:「舊制給賞太重。 今正、副使應給一等、二等賞物者, 其隨行鎭撫、舍人以下,遞減有

列 傳

第

百二

+

西 域

四

絲一 使西域,敕獎其鎖魯檀毋撒,賜綵幣,令護朝使往還。鎖魯檀者,君長之稱,猶蒙古可汗也。 堪用者止二十四塊,六十八斤,餘五千九百餘斤不適於用,宜令自鬻。 七年復命指揮詹昇等使其國 五. 一斤賜絹一匹。」亦可之。

已而使臣還,賜王卜撒因文綺、器物。

天順元年命都指揮馬雲等 匹、絹八匹、折鈔絹一匹,中等馬如之,下等者亦遞減有差。」制可。 所進阿魯骨馬每匹綵緞四表裏、絹八匹,駝三表裏、絹十匹,達達馬不分等第,每匹紵 而彼堅欲進獻,請每 又言:「所貢玉石,

禁止。 章眷主之,布政 官韋洛、鴻臚署丞 議從 養獅者,光祿日給酒饌。 住迎。 E 禮官周洪謨等亦言往迎非禮,帝卒遣中使迎之。 成化中,其鎖魯檀阿黑麻三入貢。 一統四年 久之,洛上 職方郎中陸容言:「此無用之物,在郊廟不可爲犧牲,在乘輿不可被驂服, 例,加綵幣五表裏。 使陳選力陳不可,乃已。 一疏委罪於濱 海濱送之還。 帝旣厚加賜賚,而其使者怕六灣以爲輕,援永樂間例爲請。 濱坐下吏。 其使者不由故道赴廣東, 使者復以爲輕,乃加正、副使各二表裏, 十九年偕亦思罕酋長貢二獅,至肅州,其使者奏請 其使者請泛海至滿刺加市狻猊以獻, 獅日噉生羊二,醋、酐、蜜酪各二瓶。 又多買良家女爲 妻妾, 從者半之, 市舶 洛等不為 命中 中官 宜勿 禮官

弘治二年,其使由滿剌加至廣東,貢獅子、鸚鵡諸物,守臣以聞。 禮官耿裕等言。「南海

貲, 却 犒 形 年始來貢。 三明年復至。而正德中猶數至。 明年又偕土魯番貢獅子及哈剌、虎剌諸獸,由甘肅入。鎮守中官傅德、總兵官周玉等先圖 之。」禮官又言:「海道固不可開,然不宜絕之已甚,請薄犒其使,量以綺帛賜其王。」制可。 非西域貢道,請却之。」禮科給事中韓鼎等亦言:「猙獰之獸,狎玩非宜,且騷擾道路,供費不 ·回,可但遣一二人詣京。 "賞,且言:「聖明在御,屢却貢獻,德等不能奉行德意,請罪之。」 帝曰:「貢使旣至,不必 秦聞,卽遣人馳驛起送。 不可受。」帝曰:「珍禽奇獸, 朕不受獻, 況來非正道, 其卽却還。 獨巡按御史陳瑤論其糜費煩擾,請勿納。 獅子諸物,每獸日給一羊,不得妄費。,德等貸勿治。」後至十二 禮官議如 守臣違制宜罪, 姑貸 漢言, 量給

貢,稱王者率一人,多不過三人,餘但稱頭目而已。至嘉靖二年、八年,天方多至六七人, 上 乞更敕禮、兵二部詳議。」於是言及樞臣王憲等謂:「西域稱王者, 止土魯番、天方、撒馬 授,或部落自相尊稱。先年亦有至三四十人者,卽據所稱答之。若驟議裁革,恐人情觖望, 至百餘人。禮官夏言等論其非,請敕閣臣議所答。 郵 傳供費不貲,宜示以期約。」因列上禁制數事,從之。十二年偕天方、土魯番入貢,稱王者 嘉靖二年,貢使又至。禮官言:「諸國使臣在途者遷延隔歲,在京者伺候同賞,光祿、 如日落諸國,稱名雖多,朝貢絕少。 弘、正間,土魯番十三入貢,正德間,天方四入 張字敬等言:「西域諸王,疑出本國封

列

傳第

百二

+

西

域四

後入貢,迄萬曆中不絕。蓋番人善賈,貪中華互市,旣入境,則一切飲食、道途之資,皆取之 通生釁。」部議從之。二十六年入貢,甘肅巡撫楊博請重定朝貢事宜,禮官復列數事行之。 五十餘人,皆非本朝封爵,宜令改正,且定貢使名數。通事宜用漢人,毋專用色目人,致交 擾 封,何以不見故牘,謂部落自號,何以達之天朝。我概給以敕,而彼卽據敕恣意往來,恐益 魯番至十一二人,撒馬兒罕至二十七人。字敬等言三四十人者,幷數三國爾。 有司,雖定五年一貢,迄不肯遵,天朝亦莫能難也。 無二王之義。然諸蕃迄不從,十五年入貢復如故。甘肅巡撫趙載奏:「諸國稱王者至一百 不拒其來,亦必限以制。其或名號僭差,言詞侮慢,則必正以大義,責其無禮。 循撒馬兒罕往歲故事,類答王號,人與一敕,非所以尊中國制外蕃也。蓋帝王之馭外蕃,固 五王,天方二十七王,撒馬兒罕五十三王,實前此所未有。弘治時回賜敕書,止稱一王。若 |郵傳,費供億,殫府庫以實谿壑,非計之得也。」帝納其言,國止給一敕,且加詰讓,示以國 今謂本國所 今土魯番十

之同。 貨皆聚於此,號爲富饒。 講經之堂。 **其國東西三千餘里,地寬平,土壤膏腴。 王所居城,廣十餘里,民居稠密。** 其旁近東有沙鹿海牙、達失干、賽藍、養夷,西有渴石、迭里迷諸部落,皆役屬焉。 用泥金書經,裹以羊皮。俗禁酒。人物秀美,工巧過於哈烈,而風俗、土產多與 城東北有土屋,爲拜天之所,規制精巧,柱皆青石,雕爲花文,中設 西南諸蕃之

沙鹿海牙,西去撒馬兒罕五百餘里。 城居小岡上,西北臨河。 河名火站,水勢衝急,架

浮梁以渡,亦有小舟。 南近山,人多依崖谷而居。 園林廣茂。西有大沙洲,可二百里。 無

水,間有之,鹹不可飲。牛馬悞飲之,輒死。 又有小草,高一二尺,叢生,秋深露疑,食之如蜜,煮爲糖,番名達郞古賓。 地生臭草,高尺餘,葉如蓋,煮其液成膏,即阿

永樂問,李達、陳誠使其地,其會即遣使奉貢。宣德七年命中官李貴齎敕論其會,賜金

織文綺、綵幣。

達失于,西去撒馬兒罕七百餘里。城居平原,周二里。外多園林,饒果木。土宜五穀。

民居稠密。李達、陳誠、李貴之使,與沙鹿海牙同。

賽藍, 列 傳 在達失干之東,西去撒馬兒罕千餘里。 第 二百二 + 西 域 四 有城郭,周二三里。 八六〇三 四面平曠,居人繁

庶。 之使,與諸國同。 掃痛 近水地避之。 處,又用羊肝擦之,誦經一 五穀茂殖,亦饒果木。 元太祖時,都元帥薛塔剌海從征賽藍諸國,以礮立功,即此地也。 夏秋間,草中生黑小蜘蛛。 晝夜,痛方止,體膚盡蛻。 人被螫,偏體痛不可耐,必以薄荷枝 六畜被傷者多死。 凡止宿,必擇 陳誠、李貴

城。 破廬 **一顏垣,蕭然榛莽。**永樂時,陳誠至其地。 蓋其地介別失八里、蒙古部落之間,數被侵擾。 養夷,在賽藍東三百六十里。城居亂山間。東北有大溪,西流入巨川。行百里,多荒 以故人民散亡,止戍卒數百人居孤城,

山,多園 牆 三里出峽口,有石門,色似鐵,路通東西,番人號爲鐵門關,設兵守之。 壁 一牕牖 渴石,在撒馬兒罕西南三百六十里。 林。 盡飾金碧,綴琉璃。 西行十餘里,饒奇木。 其先,撒馬兒罕酋長駙馬帖木兒居之。 叉西三百里,大山屹立, 城居大村,周十餘里。 中 有石峽, 宮室壯麗,堂以玉石爲柱, 城外皆水田。 兩崖 或言元太祖至東印 如 斧劈。 東南近 行二

城。 城內外居民僅數百家,畜牧蕃息。 迭里迷, 在撒馬兒罕西南,去哈烈二千餘里。 城在阿术河東, 有新舊二城, 多魚。 河 東地 相去十餘里, 隸 撒馬兒罕, 其酋長居新 西多蘆

林,產獅子。陳誠、李達嘗使其地。

庶。 地卑下,節序嘗溫,宜五穀桑麻,多絲綿布帛,六畜亦饒 卜花兒,在撒馬兒罕西北七百餘里。 城居平川,周十餘里,戶萬計。 市里繁華,號爲富

永樂十三年,陳誠自西域還,所經哈烈、撒馬兒罕、別失八里、俺都淮、八答黑商、迭里

悉詳其山川、人物、風俗,爲使西域記以獻,以故中國得考焉。 迷、沙鹿海牙、賽藍、渴石、養夷、火州、柳城、土魯番、鹽澤、哈密、達失干、卜花兒凡十 宣德七年命李達撫諭西域, ·七國,

卜花兒亦與焉。

列傳

第

百二十

西

關三千 別 失八里,西域大國也。 白 里。 或日焉耆,或日龜茲。 南接于闐,北連瓦剌,西抵撒馬兒罕, 元世祖時設宣慰司, 尋改爲元帥府, 其後以諸王 東抵火州, 東南距嘉峪

鎭之。

綱盡 八里。 世祖肇基朔漠,入統中華,生民賴以安靖七十餘年。至於後嗣,不修國政,任用非人,致紀 安民,皇天監之,亦克昌焉。曩者我中國宋君,奢縱怠荒,奸臣亂政。天監否德,於是命元 道,一視同仁,俾巨細諸國,殊方異類之君民,咸躋乎仁壽。 然好惡之情,血氣之類,未嘗異也。皇天眷佑,惟一視之。故受天命爲天下主者,上奉天 外蕃賓服。 書諭黑的兒火者曰:「朕觀普天之下,后土之上,有國者莫知其幾。 帝喜,賜王綵幣十表裏,其使者皆有賜。 弛,强陵弱,衆暴寡,民生嗟怨,上達於天。天用是革其命,屬之於朕。 洪 其王黑的兒火者,即遣千戶哈馬力丁等來朝,貢馬及海青,以二十四年七月達京師。 武 中,藍玉征沙漠,至捕魚兒海,獲撒馬兒罕商人數百。 凡諸亂雄擅聲教違朕命者兵偃之,順朕命者德撫之。是以三十年間,諸夏奠安, 惟元臣蠻子哈刺章等尚率殘衆,生釁寇邊,興師致討,勢不容已。兵至捕魚兒 九月命主事寬徹、御史韓敬、評事唐鉦使西域。 而友邦遠國,順天事大,以保國 太祖遣官送之還,道經別失 雖限山隔海,風殊俗異, **股躬握乾符**,以 以

海、故沅諸王、駙馬率其部屬來降。 使者還、王卽遣使來貢,朕甚嘉之。 於悠久乎。 特遣官勞嘉,其悉股意。」徹等旣至,王以其無厚賜,拘留之。一敬、趾二人得還。 有撒馬兒罕數百人以貿易來者,股命官護歸已三年矣。 王其益堅事大之誠, 通好往來, 使命不絕, 豈不保封國

等往爾 絕。 悉 是以近 総遣 小。 股復敕吏民善遇之, 由是商人獲利, 疆場無擾, 是我中華大有惠於爾國也。 三十年正月復遣官齎書諭之曰:「朕卽位以來,西方諸商來我中國互市者,邊將未嘗阻 之。 年回 諸國 惠不 通好,何故至今不返。吾於諸國,未嘗拘留一人,而爾顧拘留吾使,豈 惠,懋不懋。』爾 今復使使諭爾,俾知朝廷恩意,毋梗塞道路,致啓兵端。 回入境者,亦令於中國 其惠且懋哉。」徹乃得還。 互市,待徹歸放還。 後諸 人言有父母妻子,吾念其至情, 書曰:『怨不在大,亦不 理 前遣寬徹 也

故 丞 干 率師 年 地, 劉 帖 遺使貢 六年,太等還,言沙 成 討之。 Ш 木 以兵 兒 即位之冬,遺官齎璽書綵幣使其 玉璞、名馬, "復之。 帝嘉其義, 命中官把太、李達及劉帖木兒齎敕戒 迷查干已卒,弟馬哈麻嗣。 宴賚有加。 遣使賚以 綵幣, 時哈密忠順王安克帖木兒爲可 秋、冬暨明年夏,三入貢,因言撒馬兒罕 國。 令與嗣忠順王脫脫 未幾, 帝即命太等往祭,幷賜其新王 黑的兒火者卒,子沙迷查干嗣。 以審度而 敦 陸。 行, 汗鬼力赤 四年夏來貢,命鴻 册 輕 舉,因 毒死,沙迷查 本 其 賜之綵 永樂 臚寺

以綺、 義。 納黑失只罕嗣。十四年春,使來告喪。 刀、甲冑及文綺、綵幣,其頭目忽歹達等七十餘人幷有賜。 言馬哈麻 去,更國號曰亦力把里。 刀、甲胄,其母亦有賜。 事中傅安送其使還,賚金織文綺。 十一年,貢使將至甘肅,命所司宴勞,且敕總兵官李彬善遇之。明年冬,有自西域還者, 八年以朝使往撒馬兒罕者,馬哈麻待之厚,遣使齎綵幣賜之。 帛各五百匹助之。 母及弟相繼卒。 明年遣使來貢、言將嫁女撒馬兒罕、請以馬市妝奩。 帝以番俗不足治,授速哥爲都督愈事,而遣中官楊忠等賜歪思弓 十六年,貢使速哥言其王爲從弟歪思所弑, 帝愍之,命安齎敕慰問,賚以綵幣。 時瓦剌使者言馬哈麻將襲其部落,因諭以順天保境之 命安及中官李達弔祭,即封其嗣子爲王,賚文綺、弓 自是,奉貢不絕 已而馬哈麻亦卒,無子,從子 明年貢名馬、文豹,命給 而自立,徙其部落西 命中官李信等

韶悉收之,每二斤賜帛一匹。天順元年命千戶于志敬等以復辟諭其王,且賜綵幣。 明年貢馬駝方物,命以綵幣賜王及王母。景泰三年貢玉石三千八百斤,禮官言其不堪用, 誥命、冠帶,自後使臣多授官。 方物,後亦頻入貢。故王歪思之壻卜賽因亦遣使來貢。十年,也先不花卒,也密力虎者嗣。 歲貢,而其母鎖魯檀哈敦亦連三歲來貢。歪思卒,子也先不花嗣。正統元年遣使來朝,貢 宣德元年,帝嘉其尊事朝廷,遣使賜之鈔幣。明年入貢,授其正、副使爲指揮千戶,賜 三年貢駝馬,命指揮昌英等齎璽書、綵幣報之。 時歪思連 成化元

年,禮官姚夔等定西域朝貢期,令亦力把里三歲、五歲一貢,使者不得過十人,自是朝貢

逐稀。

其 國無城郭宮室,隨水草畜牧。 人性獷悍,君臣上下無體統。 飲食衣服多與瓦剌同。

地極寒,深山窮谷,六月亦飛雪。

哈烈,一名黑魯,在撒馬兒罕西南三千里,去嘉峪關萬二千餘里,西域大國也。 元駙馬

帖木兒既君撒馬兒罕,又遣其子沙哈魯據哈烈。

綺、綵幣,猶不至。二十八年遣給事中傅安、郭驥等攜士卒千五百人往,爲撒馬兒罕所留,不 洪武 時,撒馬兒罕及別失八里咸朝貢,哈烈道遠不至。 二十五年造官詔諭其王,賜文

得達。 三十年又遣北平按察使陳德文等往,亦久不還。

達京師,復命齎 帝嘉之,擢愈都 其酋長入貢,皆以道遠無至者,亦於是年始還。 成祖踐 作,遣官齎璽書綵幣賜其王,猶不報命。 御史。 賜 物偕其 明年復遣安齎書幣往哈烈,其酋沙哈魯把都兒遣使隨安朝貢。 使往報。 明年,其會遣使朝貢 德文,保昌人,采諸方風俗作爲 永樂五年,安等還。 德文偏歷諸國,說 歌詩 以獻。

列傳第二百二十 西域四

休兵息民,保全骨肉,共享太平之福。」因賜綵幣表裏,幷敕諭哈里罷兵,亦賜綵幣。 相仇,股爲惻然。 屢嘗遣使諭爾。 阿兒忻台齎敕諭之曰:「天生民而立之君,俾各遂其生。 朕統御天下,一視同仁,無間遐邇, 撒馬兒罕會哈里者,哈烈會兄子也,二人不相能,數溝兵。 爾能虔修職貢,撫輯人民,安於西徼,朕甚嘉之。 一家之親,恩愛相厚,足制外侮。 親者尙爾乖戾,疏者安得協和。 帝因其使臣還,命都指揮自 比聞爾與從子哈里構兵 自今宜

李達等報如初。 帛諸物,分賜其會。十三年,達等還,哈烈諸國復遣使偕來,貢文豹、西馬及他方物。明年 官李達、東部員外郎陳誠、戶部主事李暹、指揮金哈藍伯等送之,就齎璽書、文綺、紗羅、布 十一年達京師。帝喜,御殿受之,犒賜有加。自是,諸國使幷至,皆序哈烈於首。及歸,命中 哈兒諸國,賜之幣帛,諭令入朝。諸酋長咸喜,各遣使偕哈烈使臣貢獅子、西馬、文豹諸物。 再貢,及還,命陳誠齎書幣報之,所過州縣皆宴餞。十五年遣使隨誠等來貢。 白阿兒忻台旣奉使,徧詣撒馬兒罕、失刺思、俺的干、俺都淮、土魯番、火州、柳城、哈實 十八年偕于闐、八答黑商來貢。二十年復偕于闐來貢。 明年復貢,命

皇帝臨御之日,爾等尊事朝廷,遣使貢獻,始終如一。今朕恭膺天命,卽皇帝位,主宰萬方, 域,故其貢使亦 宣德二年,其頭目打刺罕亦不剌來朝,貢馬。 稀至。 七年復命中官李貴 通西域,敕諭哈烈酋沙哈魯曰:「昔朕皇祖 自仁宗不勤遠略,宣宗承之,久不遣使絕 太宗文

於館。 通行,各遂所愿,不亦美乎。」因賜以文綺、羅錦。 貴等未至,其貢使法虎兒丁已抵京師,卒 口。 紀元宣德。 今已開通,特命內臣往諭股意。 命官致祭,有司營葬。 小大政務,悉體皇祖奉天恤民,一視同仁之心。 尋復遣使隨<u>貴</u>貢駝馬、玉石。 其益順天心,永篤誠好,相與還往,同爲 明年春,使者歸。 前遣使臣齎害幣往賜,道阻而 復命貴護送, 一家,俾商 旅

豨,卽哈烈亦不以時貢 **貢不至,分遣武臣齎璽書、綵幣往諭。** 通西域。 英宗幼沖,大臣務休息,不欲疲中國以事外蕃,故遠方通貢者甚少。至天順元年,復議 大臣莫敢言,獨忠義衞夷張昭抗疏切諫,事乃止。七年,帝以中夏乂安,而遠蕃朝 於是都指揮海榮、指揮馬全往哈烈。 然自是來者頗

賜其王及頭目綵幣。是年秋及正統三年幷來貢。

逐絕 頃來濫放入京, 宜敕邊臣恪遵此例, 濫放者罪之。」制可。 方、撒馬兒罕諸國,道經哈密者,或三年、五年一貢,止送三五十人,其存留賞賚 哈密每年一貢,貢三百人,送十一赴京,餘留關內,有司供給。 嘉 靖二十六年,甘肅巡撫楊博言:「西域入貢人多,宜爲限制。」禮官言:「祖宗故事 然是時哈烈已久不至,嗣後朝貢 他若哈烈、哈三、土魯番、天 如哈密例。 工,惟

其國在 列 傳 西域 第 最 百 强大。 _ + 西 王所居城,方十餘里。 壘石爲屋,平方若高臺,不用梁柱瓦甓,中 域 四

瓷器。 法,卽 數丈, 不用。 祭,不祭祖宗,亦不祭鬼神,惟重拜天之禮。 露雙目。 皆席地趺 敞,虚空數十間。 使,傳箭走報。 二月、十月爲把齋月,畫不飮食,至夜乃食,周月始茹葷。 殺 上刻文字如古鼎狀。 市易皆征稅十二。 以葡萄 人亦止罰錢。 上下相呼皆以名。 坐。 一釀酒。 國人稱其王曰鎖魯檀,猶言君長也。男髠首纏以白布,婦女亦白布蒙首, 俗尙侈靡,用度無節。 **牕牖門扉,悉雕刻花文,繪以金碧。** 交易用銀錢,大小三等,不禁私鑄。 以姊妹爲妻妾。 不知斗斛,止設權衡。 游學者皆聚此,若中國太學然。 相見止稍屈身,初見則屈一足三跪,男女皆然。 居喪止百日,不用棺,以布裹屍 無干支朔望, 無官府,但有管事者,名曰刀完。 地鋪氊罽, 惟輸稅於酋長,用印記,無印者禁 城中築大土室,中置 每七日 有善走者, 爲 無君臣、上下、男女,相聚 轉, 而 日可三百里,有急 葬。 周而 食無匕箸,有 復始。 常於墓 銅器, 亦無刑 歲以 周 間 僅 重

時取之,調習其性,稍長則不可馴矣。其旁近俺都淮、八答黑商,并隸其國。 有 獅 納締。 、, 豹、馬、駝、牛、羊、雞、犬。 獅生於阿术河蘆林中,初生目閉,七日始開。 土沃 饒,節候多暖少雨。 木有桑、楡、柳、槐、松、檜、果有桃、杏、李、梨、葡萄、石榴、穀有栗、麥、麻、菽、獸 土產白鹽、銅鐵、金銀、琉璃、珊瑚、琥珀、珠翠之屬。 土人於目閉 多育蠶,

衍 無險,田土膏腴,民物繁庶,稱樂土。 俺 都准,在哈烈西北千三百里,東南去撒馬兒罕亦如之。 自永樂八年至十四年偕哈烈通貢,後不 城居 大村, 周十 復至 · 餘里。 地平

永樂六年命內官把太、李達賜其酋敕書綵幣,幷及哈實哈兒、葛忒郎諸部,諭以往來通商之 意,皆卽奉命。 區,壯麗如王居。 **父職,爲指揮同知。** 內官郭敬齎書幣往報。 八答黑商, 自是,東西萬里行旅無滯。十二年,陳誠使其國。 在俺都淮東北。 西洋、西域諸賈多販鬻其地,故民俗富饒。 天順五年,其王馬哈麻遣使來貢。 城周十餘里。 地廣無險阻, 明年復貢。 山川明秀,人物樸茂。 十八年遣使來貢,命誠 命使臣阿卜都 浮屠數 刺襲 及

忠母 于闐,古國名,自漢迄宋皆通中國。 撒等齎璽書偕行,賜其酋織金文綺。 永樂四年遣使來朝,貢方物。 其酋打魯哇亦不刺金遣使者貢玉璞, 使臣辭歸,命指揮神 命指揮尚衡

列傳第二

百

= +

西域四

等齎書 二十年貢美玉,賜賚有加。二十二年貢馬及方物。時仁宗初踐阼,卽宴賚遣還 「幣往 勞。 十八年偕哈烈、八答黑商諸國貢馬,命參政陳誠、中官郭敬等報以綵幣。

物。 咸修職貢,不敢擅相攻,于闐始獲休息。 之,必得美玉。 或 時,其主暗弱,鄰國交侵。人民僅萬計,悉避居山谷,生理蕭條。 餘里,東北去嘉峪關六千三百里。大略蔥嶺以南,撒馬兒罕最大,以北,于闐最大。元末 給事中黃驥極陳其害。仁宗咸其言,召禮官呂震責讓之。自是,不復使西域,貢使亦漸稀。 陸、晨昏飲饌之費,悉取之有司。郵傳困供億,軍民疲轉輸。比西歸,輒緣道遲留, 利市易,絡繹道途。 東有白玉河,西有綠玉河,又西有黑玉河,源皆出崑崙山。 東西數千里間,騷然繁費,公私上下罔不怨咨。廷臣莫爲言,天子亦莫之恤也。至是, 于闐自古爲大國,隋、唐間侵幷戎盧、扞彌、渠勒、皮山諸國,其地益大。南距蔥嶺二百 先是,永樂時,成祖欲遠方萬國無不臣服,故西域之使歲歲不絕。 其鄰國亦多竊取來獻。 商人率偽稱貢使,多攜馬、駝、玉石,聲言進獻。旣入關,則一切舟車水 迄萬曆朝,于闐亦間入貢。 漸行賈諸蕃,復致富庶。 土人夜視月光盛處,入水採 永樂中,西域憚天子威靈, 桑麻黍禾,宛然中土。其 諸蕃貪中國財帛,且 多市貨

台 十七年遣使偕亦思弗罕諸部貢獅子、文豹、名馬,辭還。 見罕諸 紗羅、玉繋腰、磁器諸物。 天子方北 人遂久留內地不去。仁宗嗣位,趣之還,乃辭去。 入貢方物、命李達、陳誠等齎敕偕其使往勞。 失刺思,近撒馬兒罕。 國。 巡。 其

黄即遣使

黄馬,以

二十

一年

八月

謁帝於

宣府

之行

宮。

厚賜

之,遣還

京師

,其 至明年夏始辭還,復命誠偕中官魯安齎敕及白金、綵緞、紗羅、布帛賜其酋 時車駕頻歲北征,乏馬,遣官多齎綵幣、磁器,市之失刺思及撒馬 永樂十一年遣使偕哈烈、俺的干、哈實哈兒等八國,隨白阿兒忻 十三年冬,其酋亦不剌金遣使隨達等朝貢, 復命安等送之,賜其酋絨錦、文綺、

化十九年與黑婁、撒馬兒罕、把丹沙諸國共貳獅子,詔加優賚。弘治五年,哈密忠順王陝巴 器、布帛。 章、知院綵 和卜台、知院滿可,各遣人請頒賜財物,助之成婚。 襲封歸國,與鄰境野乜克力脋結婚。 宣德二年貢駝馬方物,授其使臣阿力爲都指揮僉事,賜誥命、冠帶。 幣。 天子不能却,量予之。 自是, 貢使亦不至。 嘉靖三年與旁近三十二部並遣使貢馬及方物。 失剌思酋念其貧,偕旁國亦不剌因之酋,率其平章鎖 朝議義之,厚賜陝巴,幷賜二國及其平 其使者各乞蟒衣、膝襴、磁 嗣後久不貢。 成

地。 地 止 一年與哈烈並貢者也。 稱 小不能常貢,後竟不至。 地面。 元亡,各自割據,不相統屬。 俺的 于 **迄宣德朝,效臣職、奉表箋、稽首闕下者,** 西域 小部落。 迨十四年,<u>魯安等使哈烈、</u>失刺思諸國,復便道賜其酋長 元太祖盡平西域,封子弟爲王鎭之,其 洪武、永樂間,數遣人招諭,稍稍來貢。 多至七八十部。 小者則設官置成,同 面 俺的干, 地 大者 稱國,小 文綺。 則永樂十 於內 者

白阿 亦不能常至。 見忻台入朝,貢方物。 哈實哈兒,亦西域小部落。 宣德時亦來朝貢。 永樂六年,把太、李達等齎敕往賜,卽奉命。十一年遣使隨 天順七年命指揮劉福 一普賢使其地。 其貢使

哈木者,願留京師。 物。 十七年偕鄰國 亦 思 弗罕,地近俺的干。 失刺思共 從其請。 貢獅、豹、西馬,賚白金、鈔幣。 成化十九年與撒馬兒罕共貢獅子、名馬、番刀、兜羅、鎖幅諸 永樂十四年使俺 都淮 、撒馬 見罕者道經 使臣辭還,命魯安等送之。有馬 其 地, 賜

物,賜賚有加。

先是,宣德六年,有亦思把罕遣使臣迷兒阿力朝貢,或云卽亦思弗罕。

等由海道貢玻璃、瑪瑙諸物。 居亦 卑陋。 火剌札,國微弱。 俗敬僧。 永樂十四年遣使朝貢,命所經地皆禮待。 四圍皆山,鮮草木。水流曲折,亦無魚蝦。 孝宗不納,賜道里費遣還。 弘治五年,其地回回怕魯灣

乞力麻兒、永樂中遣使來貢、惟獸皮、鳥羽、罽褐。 其俗喜射獵,不事耕農。 西南傍海,

東北林莽深密,多猛獸、毒蟲。 有逵巷,無市肆,交易用鐵錢。

白松虎兒,舊名速麻里兒。 嘗有白虎出松林中,不傷人, 亦不食他獸,旬日 後不復見。

國人異之,稱爲 神虎,日 此西方白虎所降精也,因改國名。 其地無大山, 亦不生樹木,

蟲、猛獸之害,然物產甚薄。永樂中嘗入貢。

耕植,有毛褐、布縷、馬駝、牛羊。刑止箠朴。交易兼用銀錢。 及文綺、藥、茶諸物。 答兒密,服屬撒馬兒罕。居海中,地不百里,人不滿千家。 無城郭,上下皆居板屋。知 泳樂中遣使朝貢,賜大統曆

貢。使臣還,歷河北,轉關中,抵甘肅,有司皆置宴。 者高不過三尺。俗重僧,所至必供飲食。 納失者罕,東去失劇思數日程,皆舟行。 然好氣健鬭,鬭不勝者,衆嗤之。永樂中遣使朝 城東平原,饒水草,宜畜牧。 馬有數種,最小

敏眞城,永樂中來貢。 其國地廣,多高山。 日中為市,諸貨駢集,貴中國磁、漆器。 產

日落國,永樂中來貢。 弘治元年,其王亦思罕答見魯密帖里牙復貢。 使臣奏求紵、絲、

夏布、磁器,詔皆予之。

洗白布二十匹,王妻及使臣遞減。」從之。自後不復至。 貢時,賜予過優,今宜稍損。 正統六年,王鎖魯檀阿失剌福復來貢。 米昔兒,一名密思兒。 永樂中遣使朝貢。旣宴賚,命五日一給酒饌、果餌,所經地皆置 賜王綵幣十表裏,紗、羅各三匹,白氁絲布、白將樂布各五匹, 禮官言:「其地極遠,未有賜例。 昔撒馬兒罕初

紵絲、綵絹歸賜其王。 來朝,貢方物。正統二年,日三其王沙哈魯鎖魯檀遣指揮哈只馬黑麻奉貢。 黑婁,近撒馬兒罕,世爲婚姻。 六年復來貢。 其地山川、草木、禽獸皆黑,男女亦然。 景泰四年偕鄰境三十一部男婦百餘人,貢馬二百四十 命齎敕 宣德七年遣使 及金織

第二百二十 西域四

列

人六二〇

黑麻拾兒班等奉貢。 有七、騾十二、驢十、駝七、及玉石、碙砂、鑌鐵刀諸物。 賜綵幣表裏、紵絲襲衣,擢其使臣爲指揮同知,從者七人俱爲所鎭撫。 天順七年,王母塞亦遣指揮僉事馬

成化十九年與失刺思、撒馬兒罕、把丹沙共貢獅子。

把丹沙之長亦稱鎖魯檀馬黑麻,景泰七年嘗入貢,至是復偕至。 弘治三年又與天方諸

國貢駝、馬、玉石。

柄。 李貴齎璽書獎勞,賜文綺、綵帛。以地小不能常貢。 產牛羊馬駝,有布縷毛褐。 討來思,地小,周徑不百里。城近山。山下有水,赤色,望之如火。俗佞佛。婦人主家 土宜穄麥,無稻。交易用錢。宣德六年入貢。明年命中官

牧。 年,其會牙忽沙遣使貢馬及方物,宴賚如制。 敬佛畏神,好施惡關。 阿速,近天方、撒馬兒罕,幅員甚廣。 物產富,寒暄 適節,人無饑寒,夜鮮寇盜, 城倚山面川。 以地遠不能常貢。 川南流入海,有魚鹽之利。 天順七年命都指揮白全等 雅稱樂土。 永樂十七 土宜耕

山 Щ 環抱,饒畜產,人性樸直,恥鬭好佛。 沙哈魯,在阿速西海島中。 永樂中遣七十七人來貢,日給酒饌、果餌,異於他國。 王及臣僚處城中, 庶人悉處城外。 海產奇物,西 其地,

域賈人以輕直市之,其國人不能識。

天方、古筠沖地、一名天堂、又曰默伽。 水道自忽魯謨斯四十日始至, 自古里 西南行,

三月始至。其貢使多從陸道入嘉峪關。

偕行。 力與使臣賽亦得哈三以珍寶來貢。 宗喜,賜賚有加。 命守臣察治之。 宣德五年,鄭和使西洋,分遣其儕詣古里。 往返經歲,市奇珍異寶及麒麟、獅子、駝雞以歸。 正統元年始命附爪哇貢舟還,賜幣及敕獎其王。 陸行至哈剌,遇賊,殺使臣,傷其子右手,盡劫貢物以 聞古里遣人往天方,因使人齎貨物附其舟 其國王亦遣陪臣隨朝使來貢。 六年,王遣子賽亦得阿 宣

列傳第二百二十 西域四

自訴。 爲間諜,假貢行奸,令廣東守臣逐還,阿力乃號泣而去。弘治三年,其王速檀阿黑麻遣使偕 撒馬兒罕、土魯番貢馬、駝、玉石。 鉅萬,至滿刺加,附行人左輔舟,將入京進貢。抵廣東,爲市舶中官章眷侵剋。阿力怨,赴京 成化二十三年,其國中回回阿力以兄納的游中土四十餘載,欲往雲南訪求。 禮官請估其貢物,酬其直,許訪兄於雲南。時眷懼罪,先已夤緣於內。帝乃責阿力 乃攜 寶物

使者 魚牙刀諸物、詔賜蟒龍金織衣及麝香、金銀器。 與通事,親詣諸番曉諭,從之。十三年,王寫亦把刺克遣使貢馬、駝、梭幅、珊瑚、寶石 守臣因請諭諸番貢使,傳達其王,俾以入貢。兵部尚書劉宇希中官指,議令守臣善擇 正德初,帝從御馬太監谷大用言,令甘肅守臣訪求諸番騍馬、騸馬,番使云善馬出天

貢玉 誣 半年以上始爲具奏。 九川 石,主客郎中 煩煩 |嘉靖四年,其王||亦麻都兒等遣使貢馬、駝、方物。 盗玉,坐下 擾道途。 其貢物不堪者,治都司官罪。」從之。 詔獄拷訊。 陳九川簡退其粗惡者,使臣怨。 所進玉石悉粗惡,而使臣所私貨皆良。 尚書席書、給事中解一貫等論救,不聽,竟戍邊。 通事 禮官言:「西人來貢,陝西行都司稽留 胡士紳亦憾 明年,其國額麻都抗等八王各遣使 乞下按臣廉問,自今毋得 九川,因詐爲使臣 上奏,詞 多攜

一年遣使偕土魯番、撒馬兒罕、哈密諸國來貢,稱王者至三十七人。 禮官言一舊制,

行起送,有乖法體。乞下督撫諸臣,遇諸番人入貢,分別存留起送,不得概遣入京。且嚴飭 惟哈密與朶颜三衞比歲一貢,貢不過三百人。三衞地近,盡許入都。哈密則十遣其二,餘 邊吏,毋避禍目前,貽患異日,貪納款之虛名,忘禦邊之實策。」帝可其奏。 留待於邊。若西域則越在萬里,素非屬國,難視三衞貢期,而所遣使人倍踰恒數。番文至 二百餘通,皆以索取叛人牙木蘭爲詞。竊恐託詞窺伺,以覘朝廷處分。 邊臣不遵明例,槪

竣,即有餘貨,責令攜歸。 求準貢物給賞。 易餘貨令市儈評直、官給絹鈔之例。 故事,諸番貢物至,邊臣驗上其籍,禮官爲按籍給賜。籍所不載,許自行貿易。 禮官不得已,以正德間例爲請,許之。 願入官者,禮官奏聞,給鈔。正德末,點番猾胥交關罔利,始有貿 至是,天方及土魯番使臣,其籍餘玉石、銼刀諸貨,固 貢使旣

間。 三法司、錦衣衞及給事中各遣官一員赴甘肅按治,洪迄獲罪。 日,遇洪 直,則咆哮不止。 鎮守甘肅中官陳浩者,當番使入貢時,令家奴王洪多索名馬、玉石諸物,使臣憾之。 番使多賈人,來輒挾重貲與中國市。 於衢,即執詣官以證實其事。禮官言事關國體,須大有處分,以服遠人之心。乃命 是歲,貢使皆點悍,旣習知中國情,且憾邊吏之侵剋也,屢訴之,禮官却不 邊吏嗜賄,侵剋多端,類取償於公家。 或不當其

十七年復貢,其使臣請游覽中土。禮官疑有狡心,以非故事格之。二十二年偕撒馬兒

明

罕、土魯番、哈密、魯迷諸國貢馬及方物。後五六年一貢,迄萬曆中不絕。

天方於西域爲大國,四時常似夏,無雨雹霜雪,惟露最濃,草木皆資之長養。

土沃,饒

築成,俱極其壯麗。 有禮拜寺,月初生,其王及臣民咸拜天,號呼稱揚以爲禮。 教之祖曰馬哈麻者,首於此地行教,死卽葬焉。墓頂常有光,日夜不熄。後人遵其教,久而 司馬儀墓,其國稱爲聖 凡五,又以黄金爲閣。 百六十間,皆白玉爲柱,黃甘玉爲地。 粟、麥、黑黍。人皆頎碩。男子削髮,以布纏之。婦女則編髮蓋頭,不露其面。相傳回回設 不衰,故人皆向善。 國無苛擾,亦無刑罰,上下安和,寇賊不作,西土稱爲樂國。 其崇奉回回教如 人塚。 堂中垣墉,悉以薔薇露、龍涎香和土爲之。 土悉寶石, 此。 。其堂以五色石砌成,四方平頂。 圍牆則黃甘玉。 兩旁有諸祖師傳法之堂,亦以石 寺分四方,每方九十間,共三 守門以二黑獅。 内用沉香大木 俗禁酒。 堂 左有 爲梁

卽息。 斤者,皆諸番所無也。 瓜果諸畜,咸如 當鄭和使西洋時,傳其風物如此。 中國。 馬哈麻墓後有一井,水清而甘。 西瓜、甘瓜有一人不能舉者,桃有重四五斤者,雞、 其後稱王者至二三十人,其俗亦漸不如初矣。 泛海者必汲以行, 遇飓 風 鴨有重十餘 取 水灑之

天爲主,而無像設。 有經三十本,凡三千六百餘段。其書旁行,兼篆、草、楷三體,西洋諸國皆用之。 傳,其初國王謨罕驀德生而神靈,盡臣服西域諸國,諸國尊爲別諳拔爾,猶言天使也。 默德那,回回祖國也,地近天方。宣德時,其酋長遣使偕天方使臣來貢,後不復至。 毎日西向虔拜。 每歲齋戒一月,沐浴更衣,居必易常處。 隋開皇中,其 其敎以事 國 相 中

尤巧。 亦不易其俗。 國 寒暑應候,民殷物繁,五穀六畜咸備。 中城 池、宮室、市肆、田園,大類中土。 俗重殺,不食豬肉。嘗以白布蒙頭,雖適他邦, 有陰陽、星曆、醫藥、音樂諸技。 其 織文、製器

國撒哈八撒

阿的幹葛思始傳其敎入中國。

迄元世,其人**偏於四方,皆守敎不**替。

朝貢,實圖貿易,可酬以直。」於是予帛四十匹、布倍之。 卽輸米一萬六千七百石於京倉中鹽。 坤城,西域回回種。 宣德五年,其使臣者馬力丁等來朝,貢駝馬。 及辭還、願以所納米獻官。 其後亦嘗貢。 帝曰:「回人善營利、雖名 時有開中之令,使者

獻琛恐後。又北窮沙漠,南極溟海,東西抵日出沒之處,凡舟車可至者,無所不屆。自是,殊 自成祖以武定天下,欲威制萬方,遣使四出招徠。 由是西域大小諸國莫不稽顙稱臣,

列傳第二百二十 西域四

邊隅獲休息焉。 西域使臣還京,敕之歸國,不欲疲中土以奉遠人。宣德繼之,雖問一遣使,尋亦停止,以故 朝猶多重譯而至。然仁宗不務遠略,踐阼之初,卽撤西洋取寶之船,停松花江造舟之役,召 方異域鳥言侏儒之使,輻輳闕廷。 上方者,亦日增月益。 蓋兼漢、唐之盛而有之,百王所莫並也。 歲時頒賜,庫藏爲虛。 而四方奇珍異寶、名禽殊獸進獻 餘威及於後嗣,宣德、正統

一、刺竹、亦不刺、因格失、迷乞兒、吉思羽奴、思哈辛十一地面,亦嘗通貢。 貢,入京者不得過三十五人。其不由哈密者,更有乞兒、麻米兒、哈蘭可脫、<u>癿蠟燭、也的</u> 實哈兒、賽藍、亦力把力、失刺思、沙鹿海牙、阿速、把丹皆由哈密入嘉峪關,或三年、五年一 阿端,日邪思城,日捨黑,日擺音,日克癿,計二十九部。以疆域編小,止稱地面。與哈烈、哈 克失迷兒,曰帖必力思,曰火壇,曰火占,曰苦先,曰牙昔,曰牙兒干,曰戎,曰白,曰兀倫,曰 力,日把力黑,日俺力麻,日脱忽麻,日察力失,日幹失,日卜哈剌,日怕刺,日你沙 今采故牘嘗奉貢通名天朝者,曰哈三,曰哈烈兒,曰沙的蠻,曰哈的鷳,曰掃鷳,曰乜克 兀兒,日

魯迷,去中國絕遠。 嘉靖三年遣使貢獅子、西牛。四給事中鄭一鵬言:「魯迷非嘗貢之

近土魯番數侵甘肅,而邊東於魯迷册內,察有土魯番之人。其狡詐明甚,請遣之出關,治所 邦 、獅子非可育之獸,請却之,以光聖德。」禮官席書等言:「魯迷不列王會,其眞僞不可知。

獲間諜罪。」帝竟納之,而令邊臣察治。

甘州。 不納。 哈剌帳、羚羊角、西狗皮、捨列猻皮、鐵角皮之屬。 棺斂歸其喪。 財,充人獸無益之費,殊爲拂經。乞返其人,却其物,薄其賞,明中國聖人不貴異物之意。 御史張祿言:「|華夷異方,人物異性,留人養畜,不惟違物,抑且拂人。 況養獅日用二羊,養 西牛日用果餌。 五年冬,復以二物來貢。至旣頒賜,其使臣言,長途跋涉,費至二萬二千餘金,請加賜。 會迤北賊入寇,總兵官楊信令貢使九十餘人往禦,死者九人。 乃從禮官言,如弘治撒馬兒罕例益之。二十二年偕天方諸國貢馬及方物,明年還至 二十七年、三十三年幷入貢。 獸相食與食人食,聖賢皆惡之。又調御人役,日需供億。 其貢物有珊瑚、琥珀、金剛鑽、花瓷器、鎖服、撒 帝聞,褫信職,命有司 以光祿有限之

校勘記

[]] 二十年 九月 九月,原作「四月」,據太祖實錄卷一八五洪武二十年九月壬辰條改。

後至十二年始來貢 十二年,原作「十六年」,據本書卷一五孝宗紀、孝宗實錄卷一五三弘治十

列

傅第

+

校勘記

據明史稿傳二

二年八月辛卯條改。

へ 三 し 正統二年 正統,原作「正德」。按下文有景泰四年,正德不應敍於景泰之前。

遺使貢獅子西牛 〇五黑婁傳改。

五

五年冬復以二物來貢

西牛,本書卷一七世宗紀作「犀牛」。

嘉靖六年正月丁未條,有魯迷來貢獅子西牛並請加賜事。

按本書卷一七世宗紀,嘉靖五年無魯迷入貢的記載,世宗實錄卷七二

張廷玉上明史表

經筵日講官太保兼太子太保保和殿大學士兼管吏部尚書翰林院掌院學士事世襲三等

伯臣張廷玉等上言:

茲日。 天,奉三出治。紹庭建極,綏蕩平正直之猷,典學傳心,綜忠敬質文之統。觀人文以化天 模,典制必參諸近世。況乎歲時綿歷,載籍叢殘。執簡相先,合衆長而始定;含毫能斷,昭 遺,雒鼎凝庥,玉局理汗青之業。集百年之定論,裒一代之舊聞,歷纂輯於興朝,畢校紬於 下,鑑物惟公;考禮樂以等百王,折衷必當 公道以無私。考獻徵文,用備酉山之秘,屬辭比事,上塵乙夜之觀。欽惟皇帝陛下,乘六御 蹟何稱,法戒攸關,二十一史之編具在。繼咸五登三之治,心源不隔於邃初,開萬方一統之 臣等奉敕纂修明史告竣,恭呈睿鑒,臣等謹奉表恭進者。伏以瑤圖應運,丹綸繙竹素之 垂光册府, 燠采書林。竊惟論道首在尊經, 紀事必歸攬史。 興衰有自, 七十二君之

文物之規,燦然大備。 惟茲明史,職在儒臣。紀統二百餘年,傳世十有六帝。 迨乎繼世,法弗飭於廟堂,降及末流,權或移於閹寺。 創業守成之略,卓乎可觀 無治人以行治

陵,松楸勿翦。 寇盜之孽,奠我民生,慰前朝諸帝之心,雪其國恥。 明祚遂終其運。 法,旣外釁而 內訌;因災氛以啓寇氛,亦文衰而武弊。 是則擴隆恩於覆載,旣極優崇;因之徵故籍於春秋,絕無忌諱。 我國家丕承景命,肇建隆基,天戈指而掃機槍,王會圖而陳玉帛。 迄今通侯備恪, 俎豆相承; 朝綱不振,天眷旣有所歸,賊焰方張, 依然守戶衛 滌中原

討論之功。 搜圖書於金石,羅耆俊於山林。 誕無稽;家傳碑銘,亦復浮夸失實。 本之危疑,釀爲要典之決裂。兵符四 第以長編汗漫, 抑且雜記舛訛。 創事編摩, 寬其歲月。 欲以信今而傳後,允資博考而旁參。 出,功罪難明 靖難從亡,傳聞互異**,追**尊議禮,聚訟紛挐。 ,黨論相尋,貞邪易貿。稗官野錄,大都荒 我世宗憲皇帝重申公愼之旨,載詳 仰惟聖祖仁皇帝 降及國

穢之言,事必可稽,黜荒誕奇衺之說。十有五年之內,幾經同事遷流,三百餘卷之書,以次 首尾略 帙 爲嫌。 雖多,牴牾互見。 臣等於時奉敕充總裁官,率同纂修諸臣開館排緝。聚官私之紀載,核新舊之見聞。 傳,悉仍前史之體裁;或詳,或略,或合,或分,務覈當時之心跡。文期共喻,掃艱深鄙 **爱卽成編,用爲初稿。發凡起例,首尙謹嚴,據事直書,要歸忠厚。曰紀,曰志,曰** ·具,事實頗詳。在昔漢書取裁於馬遷,唐書起本於劉昫。 苟是非之不謬, 詎因襲之 惟舊臣王鴻緒之史稿,經名人三十載之用心。進在形聞,頒 來 秘

隨時告竣。 勝國君臣之靈爽,實式憑之,累朝興替之事端,庶幾備矣。

者。 猷,昭示張弛之度。 裝成一十二函,謹奉表隨進以聞。 十四卷,志七十五卷,表十三卷,列傳二百二十卷,目錄四卷,共三百三十六卷,刊刻告成, 百王而首出,因革可徵百世之常, 邁千祀以前驅, 政敎遠追千古而上矣。 恭蒙睿鑒,俾授梓人。伏願金鏡高懸,璇樞廣運。 臣等才謝宏通 ,學慚淹貫。 無怠無荒而熙庶績,化阜虞絃;克寬克仁而信兆民,時存殷鑒。 幸際右文之代,獲尙論於先民,敢云稽古之勤,遠希風於作 參觀往跡,考證得失之源; 謹將纂成本紀二 懋 則冠 建 鴻

乾隆四年七月二十五日

兼 經 筵 管 吏 H 講 部 尙 官 書 太 翰 保 林 兼 院 太 掌 子 院 太 學 保 士 保 事 和 世 殿 襲 大 等 學 伯 士 臣張廷玉

戶 太 部 子 右 小 侍 保 阋 食 加 尙 書 五. 俸 級 臣留 臣徐元夢 保

乾 隆四年七月二十五日奉旨開 事諸臣職名

監理

議 政 大 臣 辦 理 理 藩 院 尙 書 事 務 兼 總 管 內 務 府 和 碩 莊 親 王 臣 允 派

總裁

戶 原 原 太 原 原 兼 經 任經筵講官太子太傅文華殿大學 任 任 管 筵 議 任 太 日 吏 政 部 子 子 部 講 大 臣 太 經 官 尙 戶 傅 書 右 少 太 部 文 筵 尙 翰 保 華 書 林 兼 管 侍 保 殿 講 院 太 理 大 \equiv 掌 子 士 學 庫 官 院 郎 食 兼 太 兼 士 學 理 步 保 兼 禮 戶 士 軍 吏 部 保 加 尙 統 事 尙 部 和 部 領 世 書 尙 敎 殿 事 襲 書 五 習 務 尙 大 \equiv 加 庶 加 等 學 吉 五 七 伯 紉 書 士 俸 級 級 士 臣 臣吳 臣 臣 臣 臣 臣 徐 . 蔣 鄂 朱 張 爾 元 廷 廷 奇 夢 保 襄 錫 賦 玉

在事諸	原	原	原	原	原	翰	原	翰	原	處	太		原	原			
	任				任					地方紫荆密	子少	纂修	任	任			
臣職		任	任	任	右		任	林	任		保兵		經	兵			
名					春	林	翰				部						
	翰	翰	翰	國	坊			院	刑	雲 等 關	尚 書		筵	部			
			4201	124	右		林	שכו			兼		講	左			
	林				贊					隘	都察		官	侍			
		林	林	子	善	院	院	侍	部	提督	院		通	郞			
	院編				兼		侍			軍	右副		政				
		院	院	監	翰			讀	右	務兼	都		使	教			
					林	侍	講			理	御史		司	習			
		編	編	司	院			學	侍	糧餉	總督		通	庶			
									檢		學			加	直		政
八六	修	修	修	業	討	讀	+	+	郞	一級	隸 等		使	士			
===																	
	臣陸奎勳	臣蔣	臣陶岩	臣胡克	臣彭	臣鄭	臣楊	臣汪	臣喬世臣	孔	巨系		臣覺	臣胡			
		繼軾	貞一	宗緒	一彭廷訓	江	椿	由敦		美	話金		覺羅逢泰	煦			
													來				

八六三三

少	
卵 臣梅	八六三四

候 原 山 原 湖 原 原 內 原 原 原 原 原 光 任任 東 任 北 任 任 任 任 翰 翰 湖分 翰 湖 任 任 林 閣 林 守 盛 任 祿 林 吏 北 院 院 武 糧 院州 選 按中庶 庶 監 昌 科 府 吉吉 道 道 察 戶 給 寺 士士 布 按 使 都 察察 部 書 士 知 司 授 授 給 改 使 使 員 內 縣 按 內 御 舍 御 授 司 司 事 閣 閣 外 知 副 中 中 縣 縣 縣 議 使 使 郎人 書 書 史 史 曲 臣吳啓 臣 臣吳 臣 臣 臣 臣 臣 臣 臣 臣 臣 臣

唐繼

加

吳

應

王

葉

滋

煁

萬

金

藍千

秋

麟

馮汝

軾

一韓孝

基

昆

姚之

駰

閆

圻

提 調

戶 內 署 原 原 原 原 内 內 盛 H 任 講 理 閣 收掌 閣 任 京 畧 官 部 四 學 日 任 四 學 任 起 Ш 士 講 侍 刑 員 居 永 兼 士 官 JII 讀 部 率 翰 注 起 禮 外 兼 布 內 道 翰 居 部 學 侍 禮 鄎 布 政 林 注 林 侍 士 郎 院 政 部 翰 使 閣 鄎 加 使 侍 林 侍 加 加 佐 院 司 讀 司 院 郎 領 = 學 參 布 侍 編 加 級 議 侍 士 加 修 政 級 級 加 加 _____ 兼 紀 使 讀 兀 紀 紀 講 級 級 武 級 候 級 紀 英 紀 錄 錄 紀 紀 補 錄 殿 錄 錄 錄 京 校 = 次 次 對 党 次 士 次 次 士 次 次 臣朱良 臣石 臣佟 臣世 臣汪 臣竇啓瑛 臣 臣 臣 臣劉嵩齡 臣 春 春 伊 覺 世 羅 國 爾

祿

酮

Щ

敦

吳拜

八六三五

德

海

在

專

諸

臣

職

名

八六三六

戶 翰 九 翰 翰 翰 翰 翰 內 內 万 盛 I 林 林 闁 林 林 院 院 部 閣 閣 院 部 提 八品 七 院 院 督 待 司 딞 員 中 主 衙 詔 兵 八 筆 八 筆 林 門 帖 帖 加一 外 務 밂 品 式 式 八 部 在 筆 筆 在 郎 딞 留 級 加 加 加 起 起 帖 帖 郎 筆 隨 加 翰 居 居 帖 帶 式 院 太 注 注 中 式 叉 行 行 林 加 加 級 級 級 走 走 加 加 級 紀 院 加 加 \equiv 紀 紀 紀 級 級 紀 級 級 檢 錄 待 級 紀 級 紀 紀 錄 紀 紀 紀 錄 錄 錄 詔 錄 錄 任 討 次 次 次 次 次 次 次 次 次 次 次 臣多 臣索 臣六 臣覺羅 臣吳自高 臣 臣朝 臣鄂禮 臣 臣圖 臣佟 臣伊希德 臣 韓彦 七十六 覺羅彰古禮 曾 格 懷玉 奇 鏞 紳 敏

在	福	江	江	江	福	候	候	候	候	侯	侯	侯	直	候	福
事諸臣	建	南	西	西	建	選			選				隸		→.t.
職名	邵	松	廣	瑞	建	縣			州				永		建
	武	江	信	州	寧	丞揀	選	選	判	選	選	選	平	補	永
	府	府	府	府	府	選			揀				府		
	邵	金	興	上	浦	福			逻				遷		春
	武	Щ	安	高	城	建	州	州	直	州	知	知	安	知	州
	縣	縣	縣	縣	縣	鹽場			隸				縣		知
	縣	縣	縣	縣	縣	大			試				知		ЛH
八六三七	丞	丞	丞	丞	丞	使	判	判	用	判	縣	縣	縣	縣	州
T	臣朱溎臣	臣張曰謨	臣羅德齡	臣黃 鏞	臣呂萬年	臣方南灂	臣曹江	臣葉兆華	臣焦作新	臣戴大欽	臣楊述曾	臣朱 瑄	臣李廷益	臣姚士塖	臣杜昌丁

廣河雲雲候候候候候候派江山山候

西

南南南

西西 西

選選選選選選選九汾朔補 新 祿

光

東 興 勸

州

泉 主主主經經經經府府府縣

州州

鎭 吏

涨

吏 吏

墀

經 經 經

江州平

目 目 簿 簿 簿 歷 歷 歷 歷 歷 目 歷 臣謝沛 臣何 臣陳 臣呂 臣馬士憲 臣葛舜有 臣金元霖 臣錢毓崧 臣 臣 臣 臣汪連芳 臣王是荷 臣 畢大 馮 大

生

津

11: 挕 誘 臣 職 名

H 經 候 候 四 廣 河 貴 廣 廣 江 廣 日 講 瀞 校 筵 官 官 南州東東 川西 對 南 西 起 起 居 講 居 思懷平 官 重 西 奉 注 萬 注 詹 官 詹 事 選 慶 補 恩 慶 越 寧 賢化 府 吏 事 州 詹 府 府府 府 府 縣 縣 縣 部 事 少 兼 龍 詹 翰 右 武 河 湄 夜 南 事 林 兼 侍 院 典典江緣內 潭 護 橋 城 翰 侍 郎 林 讀 司 縣 院 縣 縣 縣 司 鎭 學 加 侍 士 講 典典巡巡巡 典典 加 學 士 級 級 史 史 史史史史 檢 檢 檢 檢 臣 臣 臣 臣陳 臣 臣 臣 臣 臣 臣 臣 臣 呂 陳 一張景 陳 于 金 童 張 沈 范 大受 世 尙 秉

書

琦

沅

鼎

八六三九

浩

	翰	翰	翰	翰	原	翰	翰	翰	翰	翰	翰	原	翰	翰	署	
															理	
											1.1.				日	
					任					林	林	任		林	講	
	11.	11.	1.1.	F. F.		11.	17.	1.7.	11.				t.t.		官	
	林	林	林	林		林	林	林	林	院	院		林	院	起	
					翰							翰			居	
															注	
										編	編			編	翰	
	院	院	院	院	林	院	院	院	院			林	院		林	
.,,									修	修			修	院		
										15	15			15	編	
					院							院			修	
							,			加	加	•		加	兼	
	編	編	檢	編		編	編	編	檢				編		明	
					編							編			史	
										erangh.		2,			館	
															提	
	修	修	討	修	修	修	修	修	討	級	級	修	修	級	調	
														•		
	臣潘	臣李	臣吳	臣曹	臣張	臣陸	臣張	上 董	唐	臣夏	臣田	臣于	吳	臣熊	臣朱	
	潘乙震	李清芳	泰	秀先	張蘭清	陸嘉穎	張映斗	臣董邦達	臣唐進賢	夏廷芝	田志勤	kl:	兆雯	暉吉	朱良裘	
	灰	J	1	بال	押	不只	7	进	貝	1	刬	枋	交	H	改	

拔優拔拔拔拔拔翰原協巡翰翰翰翰

林 理

院 陜 任 察

西 林林林林 庶

古 道

監事臺

貢 貢 貢 貢 貢 貢 貢 一福 院 院 院 院

改察建灣

道 補

監 檢編編編 戶

解 御 部

仁

御 主

生生生生生生事史史史 討 修 臣徐 臣盧明楷 臣葉 臣費應 臣帥家 臣楊二酉 臣 臣廖名揚 臣 臣陳 臣吳 臣邱玖華 臣萬松齡 臣 Ŧ 馮

相

環

泰

顯

在 事 鼘 臣 職 名

恩 拔 拔 副

監造

榜

貢 貢 貢

貢

庫

庫

監

造

監

內

務

府

廣

儲

司

司

庫

加

級

臣胡

格

内内

務

府

廣

儲

司

員

郎

加

級

臣雙

玉

務

府

都

虞

司

主

事

加

紀

錄

次

臣西

寧

內

務

府

錢

糧

衙

門

郞

中

兼

佐

領

加

五.

級

紀

錄

四

次

臣永

保

內

務

府

南

苑

郞

中

兼

佐

領

加

六

級

紀

錄

次

臣

雅爾岱

加

掌 級

造

臣恩

克

臣永

臣于保柱 臣鄭桑格 忠

生 生

臣王積光

臣李

謙

生

臣曾尚渭

生

臣陳俊乂

